

瑜伽師地論・本地分
《菩薩地並科判》

譯者：玄奘法師

科判：韓清淨

編輯：林崇安

佛法教材系列 C6

財團法人內觀教育基金會出版

編 序

漢地所傳的《瑜伽師地論》是彌勒菩薩說，經由無著菩薩編輯而傳出，唐玄奘法師由梵譯漢（648AD），共 100 卷，分成五分：〈本地分〉卷 1~50，〈攝決擇分〉卷 51~80，〈攝釋分〉卷 81~82，〈攝異門分〉卷 83~84，〈攝事分〉卷 85~100。此論收錄在《大正藏》第 30 冊，編號是 No.1579。另有西藏譯本存在，經由相互比對，有助於義理的進一步理解。

〈本地分〉分成十七地：五識身相應地、意地、有尋有伺等三地、三摩呬多地、非三摩呬多地、有心無心二地、聞所成地、思所成地、修所成地、聲聞地、獨覺地、菩薩地、有餘依地、無餘依地。此處所編的【內觀教育版】，是將論文重新分段標點並編上科判，使其段落分明，便於誦讀、分析與比對。凡有所校訂或補正的字句，都用括號〔 〕標出。科判的編碼依次是「甲乙丙丁戊己庚辛壬癸、子丑寅卯、辰巳午未、申酉戌亥、天地玄黃」以及「宇宙洪荒、日月盈昃、星宿列張、寒來暑」。

今所整理出的是〈本地分〉中的「菩薩地」，係在《瑜伽師地論》第 35-50 上卷。

願此工作，有助於學佛者在義理和實踐上的增進。

林崇安 2003.2

於桃園縣[中壢市]內觀教育基金會

目錄

〈本地分〉

(科判摘要)

丙十二、菩薩地

◎初持瑜伽處.....	02
種姓品第一.....	03
發心品第二.....	11
自他利品第三.....	19
真實義品第四.....	35
威力品第五.....	55
成熟品第六.....	76
菩提品第七.....	85
力種姓品第八.....	92
施品第九.....	115
戒品第十.....	137
忍品第十一.....	180
精進品第十二.....	192
靜慮品第十三.....	200
慧品第十四.....	205
攝事品第十五.....	211
供養親近無量品第十六.....	226
菩提分品第十七.....	244
菩薩功德品第十八.....	276
◎第二持隨法瑜伽處.....	297
菩薩相品第一.....	297
分品第二.....	304
增上意樂品第三.....	309
住品第四.....	314

◎第三持究竟瑜伽處.....	352
生品第一.....	352
攝受品第二.....	356
地品第三.....	360
行品第四.....	364
建立品第五.....	369
◎第四持次第瑜伽處.....	405
發正等菩提心品.....	405

《菩薩地》

《瑜伽師地論·本地分》卷 35-50 上

彌勒菩薩說，玄奘法師譯

林崇安編，內觀教育基金會出版

【內觀教育版】2003

- 1.本版（內觀教育版）列出《瑜伽師地論》論文，並標出科判（主要依韓清淨所編的科判）。
- 2.凡是對舊譯經論有所更正的字句，都用括號〔〕標出。

丙十二、菩薩地（分二）

瑜伽師地論卷第三十五

丁一、結前生後

如是已說「獨覺地」，云何「菩薩地」？

丁二、廣辨一一（分二）

戊一、普攝學果（分三）

己一、標釋品類（分二）

庚一、總標（分二）

辛一、唵柁南

唵柁南曰：

初持；次相、分、增上意樂、住；生、攝受、地、行、建立最為後。

辛二、長行

有十法具攝大乘菩薩道及果。何等為十？

一者持；

二者相；

三者分；

四者增上意樂；

五者住；

六者生；

七者攝受；

八者地；

九者行；

十者建立。

◎初持瑜伽處

庚二、別釋（分三）

辛一、初持攝（分二）

壬一、總釋持名（分四）

癸一、出體（分二）

子一、徵

云何名持？

子二、釋

謂諸菩薩自乘種性、最初發心及以一切菩提分法，是名為持。

癸二、釋義（分二）

子一、徵

何以故？

子二、釋（分三）

丑一、種性持

以諸菩薩自乘種性，為所依止故，為建立故，有所堪任有大勢力，能證無上正等菩提，是故說彼自乘種性，為諸菩薩堪任性持。

丑二、發心持

以諸菩薩最初發心，為所依止，為建立故，於施、戒、忍、精進、靜慮、慧，於六波羅蜜多，於福德資糧、智慧資糧，於一切菩提分法，能勤修學，是故說彼最初發心，為諸菩薩行加行持。

丑三、覺分持

以諸菩薩一切所行菩提分法，為所依止，為建立故，圓滿無上正等菩提，是故說彼一切所行菩提分法，為所圓滿大菩提持。

癸三遮簡（分二）

子一、簡無種性

住無種性補特伽羅，無種性故，雖有發心及行加行為所依止，定不堪任圓滿無上正等菩提。由此道理，雖未發心、未修菩薩所行加行，若有種性，當知望彼，而得名持。

子二、簡不發心

又住種性補特伽羅，若不發心、不修菩薩所行加行，雖有堪任而不速證無上菩提。與此相違，當知速證。

癸四、異名

又此種性，已說名持，亦名為助，亦名為因，亦名為依，亦名階級，

亦名前導，亦名舍宅。如說種性，最初發心所行加行，應知亦爾。

種性品第一

壬二、別顯持義（分三）

癸一種性持（分六）

子一、安住種類別（分二）

丑一、標二種類

云何種性？謂略有二種：

一本性住種性；

二習所成種性。

丑二、釋二意（分二）

寅一、辨義（分二）

卯一、本性住種性

本性住種性者，謂諸菩薩六處殊勝，有如是相，從無始世展轉傳來，法爾所得，是名本性住種性。

卯二、習所成種性

習所成種性者，謂先串習善根所得，是名習所成種性。

寅二、明意

此中義意，二種皆取。

子二名字分位別（分二）

丑一、釋名字

又此種性，亦名種子，亦名為界，亦名為性。

丑二、釋分位

又此種性，未習成果，說名為細，未有果故。已習成果，說名為麤，與果俱故。

子三、他勝劣別（分二）

丑一、由種性（分二）

寅一、標自最勝

若諸菩薩成就種性，尚過一切聲聞、獨覺，何況其餘一切有情！當知種性無上最勝。

寅二、釋其所以（分三）

卯一、徵

何以故？

卯二、釋

略有二種淨：一煩惱障淨，二所知障淨。

一切聲聞、獨覺種性，唯能當證煩惱障淨，不能當證所知障淨。

菩薩種性，亦能當證煩惱障淨，亦能當證所知障淨。

卯三、結

是故說言望彼一切，無上最勝。

丑二、由四事（分二）

寅一、標列四勝

復由四事，當知菩薩勝於一切聲聞、獨覺。何等為四？

一者根勝；

二者行勝；

三者善巧勝；

四者果勝。

寅二、校量勝劣（分四）

卯一、校量根

言根勝者，謂諸菩薩本性利根，獨覺中根，聲聞軟根，是名根勝。

卯二、校量行

言行勝者，謂諸菩薩亦能自利亦能利他，利益安樂無量眾生，哀愍世間令諸天人獲得勝義利益安樂，聲聞、獨覺唯行自利，是名行勝。

卯三、校量善巧

善巧勝者，聲聞、獨覺於蘊、界、處、緣起、處非處中能修善巧，菩薩於此及於其餘一切明處能修善巧，是名善巧勝。

卯四、校量果

言果勝者，聲聞能證聲聞菩提，獨覺能證獨覺菩提，菩薩能證阿耨多羅三藐三菩提，是名果勝。

子四、自法相應別（分三）

丑一、標列六相

又諸菩薩有六波羅蜜多種性相，由此相故令他了知真是菩薩，謂施波羅蜜多種性相，戒、忍、精進、靜慮、慧波羅蜜多種性相。

丑二、釋其差別（分六）

寅一、施種性相（分三）

卯一、徵

云何菩薩施波羅蜜多種性相？

卯二、釋（分二）

辰一、由意樂（分二）

巳一、惠捨攝

謂諸菩薩，本性樂施，於諸現有堪所施物，恒常無間性能於他平等分布，心喜施與，意無追悔，施物雖少而能均布，惠施廣大而非狹小。無所惠施深懷慚恥，常好為他讚施勸施，見能施者心懷喜悅。

巳二、供養攝

於諸尊重耆宿福田應供養者，從座而起，恭敬奉施。

辰二、由正行（分三）

巳一、法施攝

於其彼彼此世、他世有情無罪利益事中，若請不請，如理為說。

巳二、無畏施攝

若諸有請怖於王賊及水火等，施以無畏，能於種種常極怖中隨力濟拔。

巳三、財施攝（分二）

午一、不誑罔他

受他寄物未嘗差違。若負他債終不抵誑，於共財所亦無欺罔。於其種種末尼、真珠、琉璃、螺貝、璧玉、珊瑚、金銀等寶資生具中心迷倒者，能正開悟，尚不令他欺罔於彼，況當自為！

午二、〔樂大事業而不貪著〕

其性好樂廣大財位，於彼一切廣大資財心好受用，樂大事業非狹小門。於諸世間酒色、博戲、歌舞、倡伎種種變現耽著事中，速疾厭捨，深生慚愧。得大財寶尚不貪著，何況小利！

卯三、結

如是等類，當知名為菩薩施波羅蜜多種性相。

寅二、戒種性相（分三）

卯一、徵

云何菩薩戒波羅蜜多種性相？

卯二、釋（分二）

辰一、由意樂（分三）

巳一、律儀戒攝

謂諸菩薩，本性成就軟品不善身語意業不極暴惡，於諸有情不極損惱，雖作惡業速疾能悔，常行恥愧不生歡喜。不以刀杖、手塊等事惱害有情。於諸眾生性常慈愛。

巳二、攝善戒攝（分三）

午一、敬事尊長

於所應敬，時起奉迎，合掌問訊，現前禮拜。

午二、修和敬業

修和敬業，所作機捷，非為愚鈍，善順他心。

午三、成就賢善

常先含笑，舒顏平視，遠離鬻蹙，先言問訊。

巳三、饒益戒攝（分五）

午一了知恩報

於恩有情，知恩知報，於來求者常行質直，不以諂誑而推謝之。

午二、如法求財

如法求財，不以非法，不以卒暴。

午三、樂修福業

性常喜樂修諸福業，於他修福尚能獎助，況不自為！

午四、憫苦知畏

若見、若聞他所受苦，所謂殺縛、割截、捶打、訶毀、迫脅，於是等苦過於自受。重於法受，及重後世，於少罪中尚深見怖，何況多罪！

午五、住伴作業（分二）

未一、簡擇所作（分二）

申一、於如法事

於他種種所應作事，所謂商農、放牧、事王、書印、算數，善和諍訟，追求財寶，守護儲積，方便出息，及以捨施，婚姻集會，於是一切如法事中，悉與同事。

申二、於非法事

於他種種鬥訟諍競，或餘所有互相惱害，能令自他無義無益受諸苦惱，如是一切非法事中不與同事。

未二、加行所作（分二）

申一、制止

善能制止所不應作，謂十種惡不善業道。

申二、成辦

不違他命，善順於他，同忍同戒，於他事業隨彼所欲，廢己所作而為成辦。

辰二、由正行（分二）

巳一、意相應善

其心溫潤，其心純淨，恚心、害心不久相續，隨生隨捨，起賢善心。

巳二、語相應善

尊重實語，不誑惑他，不離他親，亦不好樂，不輕爾說無義無利不相

應語言，常柔軟無有麤獷，於己僮僕尚無苦言，況於他所敬愛有德，如實讚彼。

卯三、結

如是等類，當知名為菩薩戒波羅蜜多種性相。

寅三、忍種性相（分三）

卯一、徵

云何菩薩忍波羅蜜多種性相？

卯二、釋

謂諸菩薩，性於他所遭不饒益，無恚害心亦不反報。若他諫謝速能納受，終不結恨，不久懷怨。

卯三、結

如是等類，當知名為菩薩忍波羅蜜多種性相。

寅四、精進種性相（分三）

卯一、徵

云何菩薩精進波羅蜜多種性相？

卯二、釋（分五）

辰一、被甲精進攝

謂諸菩薩，性自翹勤，夙興晚寐，不深耽樂睡眠倚樂。

辰二、方便精進攝

於所作事，勇決樂為，不生懈怠，思擇方便要令究竟，凡所施為一切事業堅固決定。若未皆作，未皆究竟，終不中間懈廢退屈。

辰三、不下精進攝

於諸廣大第一義中，心無怯弱，不自輕蔑，發勇猛心：我今有力能證於彼。

辰四、無動精進攝

或入大眾、或與他人共相擊論、或餘種種難行事業，皆無畏憚。

辰五、無喜足精進攝

能引義利，大事務中尚無深倦，何況小事！

卯三、結

如是等類，當知名為菩薩精進波羅蜜多種性相。

寅五、靜慮種性相（分三）

卯一、徵

云何菩薩靜慮波羅蜜多種性相？

卯二、釋（分四）

辰一、愛樂遠離（分二）

巳一、處所遠離

謂諸菩薩，性於法義能審思惟，無多散亂。若見若聞阿練若處、山巖、林藪、邊際臥具，人不狎習，離惡眾生，隨順宴默，便生是念：是處安樂，出離遠離。常於出離及遠離所，深生愛慕。

巳二、煩惱遠離

性薄煩惱，諸蓋輕微，羸重羸弱，至遠離處，思量自義，心不極為諸惡尋思之所纏擾。

辰二、慈愍眾生（分二）

巳一、慈俱行

於其怨品，尚能速疾安住慈心，況於親品及中庸品！

巳二、悲俱行

若見若聞有苦眾生，為種種苦之所逼惱，起大悲心，於彼眾生隨能隨力，方便拔濟令離眾苦，於諸眾生，性自樂施，利益安樂。

辰三、安忍眾苦

親屬衰亡，喪失財寶，殺縛禁閉，及驅擯等諸苦難中，悉能安忍。

辰四、成就念力

其性聰敏，於法能受、能持、能思，成就念力，於久所作所說事中，能自記憶，亦令他憶。

卯三、結

如是等類，當知名為菩薩靜慮波羅蜜多種性相。

寅六、慧種性相（分三）

卯一、徵

云何菩薩慧波羅蜜多種性相？

卯二、釋

謂諸菩薩成俱生慧，能入一切明處境界，性不頑鈍，性不微昧，性不愚癡，遍於彼彼離放逸處，有力思擇。

卯三、結

如是等類，當知名為菩薩慧波羅蜜多種性相。

丑三、結成勝因

應知是名能比菩薩種性羸相，決定實義唯佛世尊究竟現見。

由諸菩薩所有種性性與如是功德相應，成就賢善諸白淨法，是故能與難得、最勝、不可思議、無動、無上如來果位，為證得因，應正道理。餘不應理。

子五、有染無染別（分二）

丑一、無染位

種性菩薩，乃至未為白法相違四隨煩惱，若具不具之所染污，性與如是白法相應。

丑二、有染位（分二）

寅一、染果（分三）

卯一、標差別

若被染污，如是白法皆不顯現，或於一時生諸惡趣。

菩薩雖生諸惡趣中，由種性力應知與餘生惡趣者，有大差別。

卯二釋彼相

謂彼菩薩久處生死，或時時間生諸惡趣，雖暫生彼速能解脫。雖在惡趣而不受於猛利苦受，如餘有情生惡趣者。雖觸微苦而能發生增上厭離，於生惡趣受苦有情，深起悲心。

卯三、結所由

如是等事皆由種性、佛大悲因之所熏發，是故當知種性菩薩雖生惡趣，然與其餘生惡趣者有大差別。

寅二、染因（分二）

卯一、徵

何等名為種性菩薩白法相違四隨煩惱？

卯二、釋（分四）

辰一、第一隨煩惱

謂放逸者由先串習諸煩惱故，性成猛利長時煩惱，是名第一隨煩惱性。

辰二、第二隨煩惱

又愚癡者、不善巧者，依附惡友，是名第二隨煩惱性。

辰三、第三隨煩惱

又為尊長、夫主、王賊及怨敵等所拘逼者，不得自在，其心迷亂，是名第三隨煩惱性。

辰四、第四隨煩惱

又資生具有匱乏者，顧戀身命，是名第四隨煩惱性。

子六、有障無障別（分二）

丑一、有障位（分四）

寅一、標

又諸菩薩雖具種性，由四因緣不能速證阿耨多羅三藐三菩提。

寅二、徵

何等為四？

寅三、釋（分四）

卯一、第一因緣

謂諸菩薩先未值遇諸佛、菩薩、真善知識，為說菩提無顛倒道，如是名為：第一因緣。

卯二、第二因緣

又諸菩薩雖遇善友，為說正道，而顛倒執，於諸菩薩正所學中顛倒修學，如是名為：第二因緣。

卯三、第三因緣

又諸菩薩雖遇善友，為說正道，於諸菩薩正所學中無倒修學，而於加行方便慢緩懈怠懶惰，不成勇猛熾然精進，如是名為：第三因緣。

卯四、第四因緣

又諸菩薩雖遇善友，為說正道，於諸菩薩正所學中無倒修學，亦於加行勇猛精進，然諸善根猶未成熟，菩提資糧未得圓滿，未於長時積習所有菩提分法，如是名為：第四因緣。

寅四、結

如是菩薩雖有種性，因緣闕故，不能速證無上菩提。

丑二、無障位（分二）

寅一、顯自種性

若具因緣，便能速證。

寅二、簡無種性

若無種性補特伽羅，雖有一切一切一切種，當知決定不證菩提。

發心品第二

癸二、發心持（分三）

子一、辨相（分二）

丑一、別辨五種（分五）

寅一、自性

復次，菩薩最初發心於諸菩薩所有正願，是初正願普能攝受其餘正願，是故發心以初正願為其自性。

寅二、行相

又諸菩薩起正願心求菩提時，發如是心，說如是言：「願我決定當證無上正等菩提，能作有情一切義利，畢竟安處究竟涅槃及以如來廣大智中。」如是發心，定自希求無上菩提，及求能作有情義利，是故發心以定希求為其行相。

寅三、所緣

又諸菩薩緣大菩提，及緣有情一切義利發心希求，非無所緣，是故發心以大菩提及諸有情一切義利為所緣境。

寅四、功德

又諸菩薩最初發心，能攝一切菩提分法殊勝善根為上首故，是善極善、是賢極賢、是妙極妙，能違一切有情處所三業惡行，功德相應。

寅五、最勝

又諸菩薩最初發心所起正願，於餘一切希求世間出世間義妙善正願，最為第一、最為無上。

丑二、結顯略義

如是應知最初發心有五種相：

- 一者自性；
- 二者行相；
- 三者所緣；
- 四者功德；
- 五者最勝。

子二、明業（分二）

丑一、別辨四種（分四）

寅一、是趣入攝

又諸菩薩初發心已，即名趣入無上菩提，預在大乘諸菩薩數。此據世俗言說道理，是故發心趣入所攝。

寅二、菩提根本

又諸菩薩要發心已，方能漸次速證無上正等菩提，非未發心，是故發心能為無上菩提根本。

寅三、大悲等流

又諸菩薩悲愍一切有苦眾生，為欲濟拔發菩提心，是故發心是悲等流。

寅四、學所依止

又諸菩薩以初發心為所依止、為建立故，普於一切菩提分法及作一切有情義利菩薩學中，皆能修學，是故發心是諸菩薩學所依止。

丑二、結顯略義

如是應知，最初發心是趣入攝、菩提根本、大悲等流、學所依止。

子三、辨類（分二）

丑一、具明兩種（分二）

寅一、出其差別（分二）

卯一、總舉（分二）

辰一、標名

又諸菩薩最初發心略有二種：

一者永出；

二不永出。

辰二、釋義

言永出者，謂發心已畢竟隨轉無復退還。

不永出者，謂發心已不極隨轉而復退還。

卯二、別廣（分二）

辰一、標名

此發心退復有二種：

一者究竟；

二不究竟。

辰二、釋義

究竟退者，謂一退已不能復發求菩提心。

不究竟者，謂退已後數數更發求菩提心。

寅二、顯緣因力（分二）

卯一、明初發心（分三）

辰一、總標

當知菩薩最初發心，由四種緣、四因、四力。

辰二、別釋（分三）

巳一、四緣（分二）

午一、徵

云何四緣？

午二、釋（分四）

未一、由見神變

謂善男子或善女人，若見諸佛及諸菩薩有不思議甚奇希有神變威力，或從可信聞如是事，既見聞已，便作是念：「無上菩提具大威德，令安住者及修行者成就如是所見所聞不可思議神變威力。」由此見聞增上力故，於大菩提深生信解，因斯發起大菩提心，是名第一初發心緣。

未二、由聞說法

或有一類，雖不見聞如前所說神變威力，而聞宣說依於無上正等菩提微妙正法菩薩藏教，聞已深信。由聞正法及與深信增上力故，於如來智深生信解，為得如來微妙智故發菩提心，是名第二初發心緣。

未三、由住持法

或有一類，雖不聽聞如上正法，而見一切菩薩藏法將欲滅沒，見是事已便作是念：「菩薩藏法久住於世，能滅無量眾生大苦，我應住持菩薩藏法發菩提心，為滅無量眾生大苦。」由為護持菩薩藏法增上力故，於如來智深生信解，為得如來微妙智故發菩提心，是名第三初發心緣。

未四、由見難得

或有一類，雖不觀見正法欲滅，而於末劫末世末時，見諸濁惡眾生身心十隨煩惱之所惱亂，謂多愚癡、多無慚愧、多諸慳嫉、多諸憂苦、多諸羸重、多諸煩惱、多諸惡行、多諸放逸、多諸懈怠、多諸不信。見是事已便作是念：「大濁惡世於今正起，諸隨煩惱所惱亂時，能發下劣聲聞、獨覺菩提心者尚難可得，況於無上正等菩提能發心者！我當應發大菩提心，令此惡世無量有情隨學於我起菩提願。」由見末劫難得發心增上力故，於大菩提深生信解，因斯發起大菩提心，是名第四初發心緣。

巳二、四因（分二）

午一、徵

云何四因？

午二、釋（分二）

未一、略標

謂諸菩薩種性具足，是名第一初發心因。

又諸菩薩賴佛菩薩善友攝受，是名第二初發心因。

又諸菩薩於諸眾生多起悲心，是名第三初發心因。

又諸菩薩於極長時種種猛利無間無缺生死大苦，難行苦行，無有怯畏，是名第四初發心因。

未二、別辨（分四）

申一、種性具足

若諸菩薩六處殊勝，從無始世展轉傳來，法爾所得，當知是名種性具足。

申二、善友攝受（分二）

酉一、總標

由四種相，當知菩薩善友具足。

酉二、別釋（分四）

戌一、第一善友具足

謂諸菩薩所遇善友，性不愚鈍，聰明點慧，不墮惡見，是名第一善友具足。

戌二、第二善有具足

又諸菩薩所遇善友，終不教人行於放逸，亦不授與諸放逸具，是名第二善友具足。

戌三、第三善友具足

又諸菩薩所遇善友，終不教人行於惡行，亦不授與諸惡行具，是名第三善友具足。

戌四、第四善友具足

又諸菩薩所遇善友，終不勸捨增上信欲受學精進方便功德，而復勸修下劣信欲受學精進方便功德，所謂終不勸捨大乘，勸修二乘；勸捨修慧，勸修思慧；勸捨思慧，勸修聞慧；勸捨聞慧，勸修福業；勸捨尸羅，勸修惠施。終不勸捨如是等類增上功德，而復勸修如是等類下劣功德，是名第四善友具足。

申三、多起悲心（分二）

酉一、總標

由四因緣，當知菩薩於諸眾生多起悲心。

酉二、別釋（分二）

戌一、由見眾苦

謂諸菩薩雖有十方無量無邊無苦世界，而生有苦諸世界中，於中恒有眾苦可得非無眾苦，或時見他隨遭一苦觸對逼切，或時見自隨遭一苦觸對逼切，或見自他隨遭一苦觸對逼切，或見二種俱遭長時種種猛利無間大苦觸對逼切。

戌二、由性仁賢

然此菩薩依自種性性自仁賢，依四境處，雖不串習，而能發起下中上悲，無有斷絕。

申四、無諸怯畏（分二）

酉一、總標

由四因緣，當知菩薩於諸眾生先起悲心，於極長時種種猛利無間無缺生死大苦，難行苦行尚無怯畏，何況小苦！

酉二、別釋（分四）

戌一、第一因緣

謂諸菩薩性自勇健，堪忍有力，當知是名第一因緣。

戌二、第二因緣

又諸菩薩性自聰敏，能正思惟具思擇力，當知是名第二因緣。

戌三、第三因緣

又諸菩薩能於無上正等菩提成就上品清淨信解，當知是名第三因緣。

戌四、第四因緣

又諸菩薩於諸眾生成就上品深心悲愍，當知是名第四因緣。

巳三、四力（分二）

午一、徵列

云何四力？

一者自力；

二者他力；

三者因力；

四者加行力。

午二、隨釋（分四）

未一、第一初發心力

謂諸菩薩由自功力能於無上正等菩提深生愛樂，是名第一初發心力。

未二、第二初發心力

又諸菩薩由他功力能於無上正等菩提深生愛樂，是名第二初發心力。

未三、第三初發心力

又諸菩薩宿習大乘相應善法，今暫得見諸佛菩薩，或暫得聞稱揚讚美，即能速疾發菩提心，況睹神力聞其正法，是名第三初發心力。

未四、第四初發心力

又諸菩薩於現法中，親近善士、聽聞正法、諦思惟等，長時修習種種善法，由此加行發菩提心，是名第四初發心力。

辰三、料簡（分二）

巳一、無動

若諸菩薩依上總別四緣、四因，或由自力或由因力，或總二力而發心者，當知此心堅固無動。

巳二、有動

或由他力或加行力，或總二力而發心者，當知此心不堅不固，亦非無動。

卯二、令發心退（分四）

辰一、標

有四因緣，能令菩薩退菩提心。

辰二、徵

何等為四？

辰三、列

一種性不具；

二惡友所攝；

三於諸眾生悲心微薄；

四於極長時種種猛利無間無缺生死大苦，難行苦行，其心極生怯畏、驚怖。

辰四、例

如是四種心退因緣，與上發心四因相違，廣辯其相，如前應知。

丑二、廣不退相（分五）

寅一、由不共（分二）

卯一、略標列

最初發心堅固菩薩略有二種不共世間甚希奇法。何等為二？

一者攝諸眾生皆為眷屬；

二者攝眷屬過所不能染。

卯二、隨難釋

攝眷屬過有其二種，謂於眷屬饒益損減染污違順。如是二事菩薩皆無。

寅二、由意樂（分二）

卯一、標列

最初發心堅固菩薩，於諸眾生發起二種善勝意樂：

一者利益意樂；

二者安樂意樂。

卯二、隨釋

利益意樂者，謂欲從彼諸不善處，拔濟眾生，安置善處。
安樂意樂者，謂於貧匱無依無怙諸眾生所，離染污心，欲與種種饒益樂具。

寅三、由加行（分二）

卯一、標列

最初發心堅固菩薩有二加行：
一意樂加行；
二正行加行。

卯二、隨釋

意樂加行者，謂即利益、安樂意樂，日夜增長。
正行加行者，謂於日夜能自成熟佛法加行，及於眾生隨能隨力依前所說意樂加行，起與利益、安樂加行。

寅四、由善法（分二）

卯一、出種類（分二）

辰一、舉增長門

最初發心堅固菩薩有二增長大善法門：
一者自利加行，能證無上正等菩提；
二者利他加行，能脫一切有情眾苦。

辰二、例餘二種

如二增長大善法門，如是二種大善法聚、二種無量大善法藏，當知亦爾。

卯二、顯殊勝（分二）

辰一標列

最初發心堅固菩薩，由初發心求菩提故，所攝善法比餘一切所攝善法，有二種勝：
一者因勝；
二者果勝。

辰二、釋成

謂諸菩薩所攝善法，皆是無上正等菩提能證因故，所證無上正等菩提是此果故，比餘一切聲聞、獨覺所攝善法尚為殊勝，何況比餘一切有情所攝善法！
是故菩薩所攝善法，比餘一切所攝善法，因果俱勝。

寅五、由勝利（分二）

卯一、總標列

最初發心堅固菩薩略有二種發心勝利：

一者初發菩提心已，即是眾生尊重福田，一切眾生皆應供養，亦作一切眾生父母；

二者初發菩提心已，即能攝受無惱害福。

卯二、釋〔無惱害福〕(分二)

辰一、辨(分八)

巳一、守護無害

由此菩薩成就如是無惱害福，得倍輪王護所守護，由得如是護所護故。若寢、若寤、若迷悶等，一切魍魎、藥叉、宅神、人、非人等不能燒害。

巳二、不感病苦

又此菩薩轉受餘生，由如是福所攝持故，少病無病，不為長時重病所觸。

巳三、無不堪任

於諸眾生所作義利，能以身語勇猛而作，常為眾生宣說正法，身無極倦，念無忘失，心無勞損。

巳四、羸重輕微

菩薩本性住種性時，一切羸重性自微薄，既發心已所有羸重轉復輕微，謂身羸重及心羸重。

巳五、咒句有驗

若餘眾生為欲息滅疾疫、災橫，所用無驗咒句明句，菩薩用之尚令有驗，何況驗者！

巳六、伏遣隨惑

成就增上柔和忍辱，能忍他惱，不惱於他，見他相惱，〔深生悲憫〕，忿、嫉、諂等諸隨煩惱，皆能摧伏，令勢微薄，或暫現行速能除遣。

巳七、現住安樂

隨所居止國土城邑，於中所有恐怖、鬥諍、饑饉過失，非人所作疾疫、災橫，未起不起，設起尋滅。

巳八、厭苦生悲

又此最初發心菩薩，或於一時生極惡趣那落迦中，多分於此那落迦趣速得解脫，受小苦受，生大厭離，於彼受苦諸眾生等起大悲心。

辰二、結

如是一切，皆因攝受無惱害福。

最初發心堅固菩薩，由能攝受無惱害福，便得領受如是等類眾多勝利。

自他利品第三

癸三、覺分持（分二）

子一、結前生後

如是菩薩既發心已，云何修行諸菩薩行？

子二、攝舉綱要（分二）

丑一、總標

略說菩薩若所學處、若如是學、若能修學，如是一切總攝為一，名菩薩行。

丑二、別廣（分三）

寅一、所學處（分二）

卯一、標

是諸菩薩於何處學？謂七處學。

卯二、列（分二）

辰一、唵柁南

云何七處？

唵柁南曰：

自他利實義，威力熟有情，成熟自佛法，第七菩提處。

辰二、長行（分二）

巳一、標名

一自利處；

二利他處；

三真實義處；

四威力處；

五成熟有情處；

六成熟自佛法處；

七無上正等菩提處。

巳二、釋義（分五）

午一、自利利他處（分四）

未一、徵

云何自利利他處？

未二、列

謂自利利他略有十種：

一、純自利利他；

二、共自利利他；

- 三、利益種類自利利他；
- 四、安樂種類自利利他；
- 五、因攝自利利他；
- 六、果攝自利利他；
- 七、此世自利利他；
- 八、他世自利利他；
- 九、畢竟自利利他；
- 十、不畢竟自利利他。

未三、釋（分六）

申一、純、共自利利他（分二）

酉一、徵

云何菩薩純、共自利利他？

酉二、釋（分二）

戌一、略標所應

謂諸菩薩於純自利利他，應知應斷，違越不順菩薩儀故；
於其所餘，應勤修學，不越隨順菩薩儀故。

戌二、廣列種類（分四）

亥一、純自利（分二）

天一、列種種（分五）

地一、貪吝財法

此中，菩薩於純自利應知應斷者，謂為己樂，求財受用、或為吝法，
於佛菩薩所說教法追訪受持。

地二、希求染有

或為生天受天快樂，受持禁戒，發勤精進，修習定慧；
或求世間有染果報，為世財食，恭敬供養諸佛制多。

地三、貪得利養

或貪利養，為利養故自說種種無有義利不實功德，誑惑於他招集利養。

地四、貪他供事

或欲貪他作己僮僕為驅使故，非法攝眾，不如正法，矯設方便拔濟有情，
令於他所免為僮僕，還自攝受為己僮僕；
拔濟有情令脫繫縛，還自拘執成己事業；
拔濟有情令於他所解脫種種治罰怖畏，還自攝伏令懼於己。

地五、貪著定樂

若諸菩薩耽著諸定現法樂住，棄捨思惟利眾生事。

天二、結所應

當知此等名純自利，菩薩於是純自利行，應知應斷。

亥二、自利共他（分三）

天一、略舉事

若諸菩薩或悲為首，或為迴向無上菩提及為生天，於一切時，修施、忍等，當知是名自利共他。

天二、翻前相

又除如前所說諸相，其餘一切與彼相違所有自利諸菩薩行，當知皆名自利共他。

天三、結所應

菩薩於此應勤修學。

亥三、純利他（分二）

天一、列種種（分五）

地一、邪見行施

此中，菩薩於純利他應知應斷者，謂以邪見修行施等。

地二、壞戒說法

以無因見及無果見，毀犯尸羅，遠離正行，為他說法。

地三、捨色生欲

若諸菩薩於諸靜慮善巧迴轉，已超下地而更攝受下地白法，謂彼已能安住靜慮，由悲願力捨諸靜慮，隨其所樂還生欲界。

地四、現變化事

又諸菩薩已得自在，於十方界種種變化，作諸眾生種種義利。

地五、作諸佛事

又諸牟尼自事已辦，依止如來力無畏等所有一切不共佛法，遍於十方無量眾生，能作無量大利益事。

天二、結所應（分二）

地一、應知斷

當知此等名純利他，如是所說純利他行，菩薩於前所說二種應知應斷。

地二、應修學

於餘所說純利他行，多應修學。

亥四、利他共自（分二）

天一、隨應翻前天

又除如前所說諸相，其餘一切與彼相違所有利他諸菩薩行，當知皆名利他共自。

天二、結所應學

菩薩於此應勤修學。

申二、利益種類自利利他（分三）

酉一、徵

云何菩薩利益種類自利利他？

酉二、列

略說應知有五種相：

一無罪相；

二攝受相；

三此世相；

四他世相；

五寂滅相。

酉三、釋（分四）

戌一、無罪相

若諸菩薩所有自能若少若多攝受善法、增長善法；或復令他若少若多攝受善法、增長善法，勸勉、調伏、安置、建立，是名菩薩利益種類自利利他，無有罪相。

戌二、攝受相

若諸菩薩能引所有若自若他無染污樂，或眾具樂，或住定樂，是名菩薩利益種類自利利他，能攝受相。

戌三、此他世相（分二）

亥一、廣辨（分二）

天一、四句差別（分二）

地一、辨

若諸菩薩自利利他，或有此世能為利益非於他世；或有他世能為利益非於此世；或有此世及於他世俱為利益；或有此世及於他世俱非利益。

地二、配

如是四種自利利他，於四法受，隨其次第，如應當知。

天二、釋四法受

云何名為四種法受？

或有法受現在受樂，於當來世受苦異熟；

或有法受現在受苦，於當來世受樂異熟；

或有法受現在受樂，於當來世受樂異熟；

或有法受現在受苦，於當來世受苦異熟。

此四廣辯，如《經》應知。

亥二、總結

是名菩薩利益種類自利利他，此他世相。

戌四、寂滅相（分二）

亥一、略辨相

若諸菩薩所有涅槃，及得涅槃世出世間涅槃分法，是名菩薩利益種類自利利他，寂滅略相。

亥二、顯最勝

當知此相，望餘一切，無上、最勝。

申三、安樂種類自利利他（分四）

酉一、徵起

云何菩薩安樂種類自利利他？

酉二、標列

略說應知五樂所攝。何等五樂？

- 一者、因樂；
- 二者、受樂；
- 三者、苦對治樂；
- 四者、受斷樂；
- 五者、無惱害樂。

酉三、隨釋（分三）

戌一、出五體性（分五）

亥一、因樂

言因樂者，謂二樂品諸根境界。若此為因順樂受觸、若諸所有現法當來可愛果業，如是一切總攝為一，名為因樂，除此更無若過若增。

亥二、受樂（分二）

天一、明自性

言受樂者，謂待苦息，由前所說因樂所攝三因緣故，有能攝益身心受生，名為受樂。

天二、明差別（分二）

地一、二種樂（分二）

玄一、標

略說此樂復有二種：

- 一者、有漏；
- 二者、無漏。

玄二、釋

無漏樂者，學、無學樂。
有漏樂者，欲、色、無色三界繫樂。

地二、六種樂（分二）

玄一、標

又此一切三界繫樂，隨其所應，六處別故有其六種，謂眼觸所生乃至意觸所生。

玄二、攝二樂（分二）

黃一、標

如是六種復攝為二：

一者、身樂；

二者、心樂。

黃二、釋

五識相應，名為身樂。

意識相應，名為心樂。

亥三、苦對治樂

若對治樂者，謂因寒、熱、飢、渴等事，生起非一眾多品類種種苦受，由能對治，息除寒、熱、飢、渴等苦，即於如是苦息滅時，生起樂覺，是則名為苦對治樂。

亥四、受斷樂

滅想受定，名受斷樂。

亥五、無惱害樂（分二）

天一、標列

無惱害樂，應知略說復有四種：

一、出離樂；

二、遠離樂；

三、寂靜樂；

四、三菩提樂。

天二、隨釋（分四）

地一、出離樂

正信捨家，趣於非家，解脫煩惱居家迫迮種種大苦，名出離樂。

地二、遠離樂

斷除諸欲惡不善法，證初靜慮，離生喜樂，名遠離樂。

地三、寂靜樂

第二靜慮已上諸定，尋伺止息，名寂靜樂。

地四、三菩提樂

一切煩惱畢竟離繫，於所知事如實等覺，此樂名為三菩提樂。

戌二、釋得樂名（分五）

亥一、因樂

此中因樂，是樂因故，說名為樂，非自性故。

亥二、受樂

此中受樂，樂自性故，說名為樂，非樂因故。

亥三、苦對治樂

苦對治樂，息眾苦故，遣眾苦故，說名為樂，非樂因故，非自性故。

亥四、受斷樂

其受斷樂，非樂因故，非自性故，亦非息遣種種苦故，說名為樂，然依勝義，諸所有受皆悉是苦，住滅定時此勝義苦暫時寂靜，故名為樂。

亥五、無惱害樂（分二）

天一、三菩提樂

無惱害樂所攝最後三菩提樂，由當來世此勝義苦永寂滅故，於現法中附在所依，諸煩惱品一切羶重永寂滅故，說名為樂。

天二、出離等三樂

諸餘所有無惱害樂，於最後樂能隨順故，是彼分故，能引彼故，當知亦名無惱害樂。

戌三、思擇所應（分二）

亥一、汎明道理（分二）

天一、有無利益別

此中，菩薩念與眾生有利益品所有安樂，終不念與無利益品所有安樂。菩薩於此無利益品所有安樂，以無倒慧如實了知，勸諸眾生令悉捨離，隨力所能方便剷奪。

天二、憂苦喜樂別（分三）

地一、明興奪

若苦所隨有利益事，眾生於此雖無樂欲，菩薩依止善權方便，設兼憂苦應授與之。

若樂所隨無利益事，眾生於此雖有樂欲，菩薩依止善權方便，設兼喜樂應剷奪之。

地二、釋所以

何以故？當知如是善權方便，與兼憂苦有利益事，奪兼喜樂無利益

事，令彼眾生決定於後得安樂故，是故菩薩於諸眾生若樂利益，當知義意即樂安樂；於諸眾生若與利益，當知義意即與安樂，所以者何？利益如因，安樂如果。

地三、顯意義

是故當知，於諸眾生若與利益，必與安樂。

亥二、思擇五樂（分二）

天一、利他攝（分二）

地一、一向授與

當知所有現法、當來可愛果業所攝因樂、苦對治樂及受斷樂、無惱害樂，菩薩於此不應思量，於諸眾生一向授與，以能饒益及無罪故。

地二、分別所應（分二）

玄一、不應授與

於彼受樂及根塵觸所攝因樂，若能生染、若性是染，有罪、無益、非所宜者，於諸眾生不應授與。

玄二、應授與

若不生染、若性非染、無罪、有益、是所宜者，於諸眾生即應授與。

天二、自利攝

菩薩於此隨自力能，亦應如是修行受學。

酉四、總結

當知是名菩薩利益安樂種類自利利他，除此無有若過若增。

瑜伽師地論卷第三十六

申四、因攝果攝自利利他（分五）

酉一、徵起

云何菩薩因攝果攝自利利他？

酉二、標列

略說應知三因三果。何等為三？

一者異熟因異熟果，二者福因福果，三者智因智果。

酉三、隨釋（分二）

戌一、異熟因果（分三）

亥一、異熟體（分二）

天一、徵列

云何異熟？謂略有八：

一者壽量具足；

二者形色具足；

三者族姓具足；
四者自在具足；
五者信言具足；
六者大勢具足；
七者人性具足；
八者大力具足。

天二、隨釋（分八）
地一、壽量具足

若諸菩薩長壽久住，是名菩薩壽量具足。

地二、形色具足

形色端嚴眾所樂見顏容殊妙，是名菩薩形色具足。

地三、族姓具足

生豪貴家，是名菩薩族姓具足。

地四、自在具足

得大財位有大朋翼具大僚屬，是名菩薩自在具足。

地五、信言具足

眾所信奉斷訟取則，不行諂誑偽斗秤等，所受寄物終不差違，於諸有情言無虛妄，以是緣故凡有所說無不信受，是名菩薩信言具足。

地六、大勢具足

有大名稱流聞世間，所謂具足勇健精進剛毅敏捷，審悉善戒，種種伎藝工巧業處展轉妙解出過餘人，由此因緣世所珍敬，為諸大眾供養恭敬尊重讚歎，是名菩薩大勢具足。

地七、人性具足

具丈夫分成就男根，是名菩薩人性具足。

地八、大力具足

為性少疾或全無病有大堪能，是名菩薩大力具足。

亥二、異熟因（分二）
天一、徵

云何異熟因？

天二、釋（分二）
地一、正釋因相（分二）
玄一、釋（分八）
黃一、壽量具足因

謂諸菩薩於諸眾生不加傷害，遠離一切傷害意樂，是名菩薩壽量具足

因。

黃二、形色具足因

惠施光明鮮淨衣物，是名菩薩形色具足因。

黃三、族姓具足因

於諸眾生捨離憍慢，是名菩薩族姓具足因。

黃四、自在具足因

於資生具有所匱乏遊行乞丐諸眾生所，隨欲惠施，是名菩薩自在具足因。

黃五、信言具足因

所言誠諦亦不好習乖離羸獷不相應語，是名菩薩信言具足因。

黃六、大勢具足因

攝持當來種種功德，於自身中發弘誓願，供養三寶及諸尊長，是名菩薩大勢具足因。

黃七、人性具足因

樂丈夫體厭婦女身深見過患，由二因緣施他人性：

一者女人樂女身者，勸令厭離解脫女身；

二者丈夫將失男根，方便護攝令不失壞，及說正法令得男身。

是名菩薩人性具足因。

黃八、大力具足因

於諸眾生以身供事，隨其所作如法事業皆往營助，如己力能以其正法不以卒暴，用能增長身心勢力餅飯糜等種種飲食，施諸眾生，是名菩薩大力具足因。

玄二、結

當知前說八種異熟，以此所說八種為因。

地二、兼顧餘緣(分四)

玄一、標

又此諸因略由三緣而得增長，能感圓滿增上廣大異熟令起。

玄二、徵

何等三緣？

玄三、列

一心清淨；二加行清淨；三田清淨。

玄四、釋(分三)

黃一、心清淨

若於無上正等菩提清淨意樂，用彼善根決定迴向，猛利意樂純厚廣大

淨信修行，見同法者深生歡喜，日夜剎那於多隨法隨尋隨伺，名心清淨。

黃二、加行清淨

即於其中長時數習，無間所作常委所作，他於此善若未受行讚美令受。若已受行讚美令喜，即於如是所有善根安處建立，名加行清淨。

黃三、田清淨

當知略說能正發起如是加行，及正安住此加行果，名田清淨。

玄三、異熟果(分二)

天一、徵

云何異熟果？

天二、釋(分二)

地一、正釋果相(分八)

玄一、壽量具足果

謂諸菩薩壽量具足故，能於長時修習善品，依自他利積集增長無量善根，是名菩薩壽量具足果。

玄二、行色具足果

若諸菩薩形色具足故，大眾愛樂，眾愛樂故咸共歸仰，如是形色可愛樂故，一切大眾咸歸仰，故凡所發言無不聽用，是名菩薩形色具足果。

玄三、種性具足果

若諸菩薩族姓具足故，大眾尊敬供養稱讚，眾所尊敬供養稱讚故，於彼彼事勸諸眾生，精勤修學無不敬用速疾修行無違無犯，是名菩薩族姓具足果。

玄四、自在具足果

若諸菩薩自在具足故，能以布施攝諸眾生速令成熟，是名菩薩自在具足果。

玄五、信言具足果

若諸菩薩信言具足故，能以愛語利行同事，攝諸眾生速令成熟，是名菩薩信言具足果。

玄六、大勢具足果

若諸菩薩大勢具足故，於諸眾生種種事業，皆能營助施布恩德，由此恩德感眾生心，彼知恩故咸來歸仰，所出言教速疾隨轉恭敬信用，是名菩薩大勢具足果。

玄七、人性具足果

若諸菩薩人性具足故成就男根，堪為一切勝功德器，能於一切所作事

業，思擇一切所知境界，都無所畏無礙而行，一切有情於一切時，皆來臻赴同共集會，屏處露處言論同止受用飲食皆無嫌礙，是名菩薩人性具足果。

玄八、大力具足果

若諸菩薩大力具足故，於能引攝善法加行及能饒益有情加行，皆無厭倦，勇猛精進堅固精進速證通慧，是名菩薩大力具足果。

地二、顯果勝利(分三)

玄一、總標

若諸菩薩成就如是八種異熟，具八種果，能善饒益一切有情，隨順生起一切佛法，菩薩安住異熟果中，於諸有情種種眾多利益事業自有力能，及善安處所化有情，彼於自事隨順而作，如是乃名隨其所欲所作成辦。

玄二、別簡(分二)

黃一、不善處他

若諸菩薩自有力能，不善安處所化有情，彼於自事不隨順作，如是於他所作利益，不名熾盛不名隨順，由是因緣不名能作他利益事。

黃二、自無力能

若諸菩薩自無力能，而善安處所化有情，彼於自事隨順而作，如是於他所作利益，不名熾盛不名隨順，由是因緣不名能作他利益事。

玄三、結顯(分二)

黃一、結

是故菩薩要具二事，方於有情所作利益，名為熾盛名為隨順，由是因緣乃名能作他利益事。

黃二、顯(分二)

字一成熟解脫

如是菩薩住異熟果，自能成熟一切佛法，亦能令他於三乘道隨其所應速得成熟。

又能令自速證無上正等菩提，亦能令他已成熟者速得解脫。

字二不空生死

由諸菩薩安住八種異熟果中，能使有情利益安樂，是故一切有情所處空無義利無始生死，菩薩處之能令不空有大義利。

戌二、福智因果(分三)

亥一、福智體(分三)

天一、徵

云何為福？云何為智？

天二、釋（分三）

地一、福所攝

謂略說福即是三種波羅蜜多：

- 一、施波羅蜜多；
- 二、戒波羅蜜多；
- 三、忍波羅蜜多。

地二、智所攝

智唯一種波羅蜜多，謂慧波羅蜜多。

地三、二所攝（分二）

玄一、標列

精進、靜慮波羅蜜多，應知通二分：

一者、福分；二者、智分。

玄二、隨釋（分二）

黃一、精進（分二）

字一福分

若依精進，修行布施，受護淨戒，及修慈等四種無量，如是等類所有精進，名為福分。

字二智分

若依精進，習聞、思、修所成三慧，修蘊善巧、修界善巧、修處善巧、修緣起善巧、修處非處善巧、修能觀察苦為真苦，集為真集，滅為真滅，道為真道，及於一切善不善法，有罪無罪、若劣若勝、若黑若白，并廣分別緣生法中，皆能如實思擇觀察，如是等類所有精進，名為智分。

黃二、靜慮（分二）

字一福分

若依靜慮，修習慈等四種無量，如是等類所有靜慮，名為福分。

字二智分

若依靜慮，能修如前精進中說蘊善巧等，如是等類所有靜慮，名為智分。

天三、結

如是福智略有六種，一一分別應知無量。

亥二、福智因（分四）

天一、徵二種

云何福因？云何智因？

天二、總標列

略說應知福因智因總有三種：

- 一者、於福於智能得能住能增長欲；
- 二者、於福於智善能隨順無違背緣；
- 三者、於福於智先已串習。

天三、隨難釋（分二）

地一、釋隨順緣（分二）

玄一、標

此中，隨順無違背緣者，謂顛倒緣不現在前，不會遇性；不顛倒緣正現在前，正會遇性。

玄二、釋

若遇惡友倒說福智，或倒作意顛倒而取，名顛倒緣現前會遇。與此相違，所有白品，當知名為不顛倒緣現前會遇。

地二、釋無違緣

若於福智能得能住，及能增長勤修習障遠離不起，當知是名無違背緣。

天四、結相違

若諸菩薩於此三種福智因中，隨有所闕，當知不能生福生智。

亥三、福智果（分三）

天一、徵

云何福果？云何智果？

天二、釋（分二）

地一、福果

謂諸菩薩依止福故，雖復長時流轉生死，不為極苦之所損惱。又隨所欲能攝眾生為作義利。

地二、智果

依止智故，所攝受福是正非邪。

又能起作種種無量善巧事業，乃至究竟當證無上正等菩提。

天三、結

如是略說福果、智果，如其所應，當知四種品類差別復有無量。

酉四、料簡（分三）

戌一、攝二依

應知此中，若異熟體、若異熟因、若異熟果，如是一切皆依於福、從福所生，福復依智、從智所起。

戌二、辨俱勝

是故二種，於證無上正等菩提，雖俱是勝，而於其中，福為最勝、智為無上。

戌三、舉相違

若諸菩薩於福、於智，隨闕一種，決定不能證於無上正等菩提。

酉五、結名

是名菩薩因攝果攝自利利他。

申五、現法後法自利利他（分二）

酉一、徵

云何菩薩現法後法自利利他？

酉二、釋（分三）

戌一、現法自利利他（分二）

亥一、現法自利（分二）

天一、舉事（分四）

地一、如理求財及受用

謂諸菩薩以如正理，工巧業處，士夫作用，積集財物，即於如是所集財物，知量受用。

地二、受可愛果

又先所造可愛果業異熟果熟，於現法中受用彼果。

地三、依靜慮樂

又諸菩薩於諸靜慮善迴轉者，為欲獲得現法樂住，於現法中依此靜慮，不為成立利他事故，依此靜慮。

地四、得涅槃道

又諸如來現法涅槃所有世間，及出世間一切能得現法涅槃諸有為法。

天二、結名

是名菩薩現法自利。

亥二、現法利他

如諸菩薩現法自利，如是菩薩所化有情，由此獲得現法利益，當知即是現法利他。

戌二、後法自利利他

若於欲界能獲他世財寶具足、自體具足，及能當生靜慮、無色。

若生靜慮及無色中，能獲他世財寶具足、自體具足。

若現法中，與憂苦俱，數數思擇，修習善因，是名菩薩修習後法自利利他。

戌三、現法後法自利利他

若諸菩薩於現法中，與喜樂俱，修習當來財寶具足、自體具足所有善因，及非退分靜慮、無色、一切等至，是名菩薩現法後法自利利他。

申六、畢竟不畢竟自利利他(分二)

酉一、徵

云何畢竟及不畢竟自利利他？

酉二、釋(分二)

戌一、舉事(分二)

亥一、不畢竟自利利他

謂於欲界財寶具足自體具足，若因若果，及諸異生世間清淨，若因若果，是不畢竟自利利他。

亥二、畢竟自利利他

若諸煩惱一切永斷、若諸所有八支聖道、若此為依獲得一切世間善法，是名畢竟自利利他。

戌二、釋由(分三)

亥一、標

由三因緣，應知畢竟及不畢竟。

亥二、列

- 一由自性故；
- 二由退不退故；
- 三由受用果有盡無盡故。

亥三、釋(分二)

天一、由自性

由自性故者，究竟涅槃，名為畢竟。

一切有為，名不畢竟。

天二、由退等

由退不退及受用果有盡無盡故者，八支聖道無有退故，及受用果無有盡故，名為畢竟。

其餘一切善有漏法，由有退故，及受用果有終盡故，名不畢竟。

未四、結

如是菩薩十種自利利他，若略若廣，菩薩隨力、隨能當勤修學，除此無有若過若增。

過去、未來所有一切已學、當學自利利他，亦皆唯有如此十種自利利他，除此無有若過若增。

真實義品第四

午二、真實義處（分二）

未一、總明安立

云何真實義？謂略有二種：

一者依如所有性諸法真實性；

二者依盡所有性諸法一切性。

如是諸法真實性一切性，應知總名真實義。

未二、別辨品類（分三）

申一、標列

此真實義品類差別復有四種：

一者世間極成真實；

二者道理極成真實；

三者煩惱障淨智所行真實；

四者所知障淨智所行真實。

申二、隨釋（分四）

酉一、世間極成真實（分三）

戌一、徵

云何世間極成真實？

戌二、釋（分二）

亥一、出體性（分二）

天一、標

謂一切世間於彼彼事隨順假立，世俗串習悟入覺慧所見同性。

天二、列

謂地唯是地非是火等。如地如是，水火風、色聲香味觸、飲食衣乘、諸莊嚴具、資產什物、塗香華鬘歌舞伎樂種種光明、男女承事、田園邸店宅舍等事當知亦爾。苦唯是苦非是樂等，樂唯是樂非是苦等。

亥二、攝要義

以要言之，此即如此，非不如此，是即如是，非不如是。

決定勝解所行境事，一切世間從其本際展轉傳來，想自分別共所成立，不由思惟籌量觀察然後方取。

戌三、結

是名世間極成真實。

酉二、道理極成真實（分三）

戌一、徵

云何道理極成真實？

戌二、釋（分二）

亥一、有道理義

謂諸智者有道理義。

亥二、證成道理義

諸聰叡者、諸點慧者、能尋思者、能伺察者、住尋伺地者、具自辯才者、居異生位者、隨觀察行者，依止現、比及至教量，極善思擇決定智所行所智事，由證成道理所建立、所施設義。

戌三、結

是名道理極成真實。

西三、煩惱障淨智所行真實

戌一、徵

云何煩惱障淨智所行真實？

戌二、釋（分二）

亥一、略標（分二）

天一、體

謂一切聲聞、獨覺，若無漏智、若能引無漏智、若無漏後得世間智所行境界，是名煩惱障淨智所行真實。

天二、義

由緣此為境，從煩惱障智得清淨，於當來世無障礙住，是故說名煩惱障淨智所行真實。

亥二、廣辨（分二）

天一、顯差別（分二）

地一、徵

此復云何？

地二、列

謂四聖諦：

一苦聖諦；

二集聖諦；

三滅聖諦；

四道聖諦。

天二、明現觀（分二）

地一、入漸次

即於如是四聖諦義，極善思擇證入現觀，入現觀已如實智生。

地二、觀行相

此諦現觀，聲聞、獨覺能觀唯有諸蘊可得，除諸蘊外我不可得，數習緣生諸行生滅相應慧故，數習異蘊補特伽羅無性見故，發生如是聖諦現觀。

酉四、所知障淨智所行真實

戌一、徵

云何所知障淨智所行真實？

戌二、釋（分二）

亥一、略標（分二）

天一、出體

謂於所知能礙智故，名所知障。

從所知障得解脫智所行境界，當知是名所知障淨智所行真實。

天二、辨相（分二）

地一、徵

此復云何？

地二、辨（分二）

玄一、約緣智辨

謂諸菩薩諸佛世尊入法無我，入已善淨於一切法離言自性假說自性，平等平等無分別智所行境界。

玄二、約所知辨

如是境界，為最第一真如無上所知邊際，齊此一切正法思擇皆悉退還，不能越度。

亥二、廣辨（分二）

天一智行門（分三）

地一、真實義相（分二）

玄一、境所顯（分二）

黃一、標

又安立此真實義相，當知即是無二所顯。所言二者，謂有、非有。

黃二、釋（分三）

字一、有（分二）

宙一、釋（分二）

洪一、標

此中有者，謂所安立假說自性，即是世間長時所執，亦是世間一切分別戲論根本。

洪二、列

或謂為色受想行識，或謂眼耳鼻舌身意，或復謂為地水火風，或謂色聲香味觸法，或謂為善不善無記，或謂生滅，或謂緣生，或謂過去未來現在，或謂有為或謂無為，或謂此世或謂他世，或謂日月，或復謂為所見所聞所覺所知，所求所得意隨尋伺，最後乃至或謂涅槃。

宙二、結

如是等類，是諸世間共了諸法假說自性，是名為有。

宇二、非有

言非有者，謂即諸色假說自性，乃至涅槃假說自性，無事無相假說所依，一切都無，假立言說，依彼轉者皆無所有，是名非有。

宇三、俱非（分二）

宙一、名無二

先所說有今說非有，有及非有二俱遠離法相所攝真實性事，是名無二。

宙二、名無上

由無二故，說名中道。遠離二邊亦名無上。

玄二、智所顯

佛世尊智於此真實已善清淨，諸菩薩智於此真實學道所顯。

地二、境相應慧（分三）

玄一、勝解方便

黃一、標

又即此慧，是諸菩薩能得無上正等菩提廣大方便。

黃二、徵

何以故？

黃三、釋（分二）

宇一、由修勝解（分二）

宙一、約生死辨（分二）

洪一、正了知

以諸菩薩處於生死，彼彼生中修空勝解，善能成熟一切佛法及諸有情。又能如實了知生死，不於生死以無常等行深心厭離。

洪二、不了知（分二）

荒一、染受生死失

若諸菩薩不能如實了知生死，則不能於貪瞋癡等一切煩惱深心棄捨，不能棄捨諸煩惱故，便雜染心受諸生死，由雜染心受生死故，不能成熟一切佛法及諸有情。

荒二、厭離生死失

若諸菩薩於其生死以無常等行深心厭離，是則速疾入般涅槃，彼若速疾入般涅槃，尚不能成熟一切佛法及諸有情，況能證無上正等菩提！

宙二、約涅槃辨（分二）

洪一、無怖願

又諸菩薩由習如是空勝解故，則於涅槃不深怖畏，亦於涅槃不多願樂。

洪二、有怖願（分二）

荒一、深怖涅槃失

若諸菩薩深怖涅槃，即便於彼涅槃資糧不能圓滿，由於涅槃深怖畏故不見涅槃勝利功德，由不見故便於涅槃遠離一切清淨勝解。

荒二、住樂涅槃失

若諸菩薩於其涅槃多住願樂，是則速疾入般涅槃，彼若速疾入般涅槃，則便不能成熟佛法及諸有情。

宇二、成就方便（分二）

宙一、翻顯

當知此中，若不如實了知生死，即雜染心流轉生死。

若於生死深心厭離，即便速疾入般涅槃。

若於涅槃深心怖畏即於能證涅槃資糧不能圓滿。

若於涅槃多住願樂，即便速疾入般涅槃，是諸菩薩於證無上正等菩提無大方便。

宙二、正成

若能如實了知生死，即無染心流轉生死。

若於生死不以無常等行深心厭離，即不速疾入般涅槃。

若於涅槃不深怖畏，即能圓滿涅槃資糧，雖於涅槃見有微妙勝利功德，而不深願速證涅槃，是諸菩薩於證無上正等菩提有大方便。

黃四、結

是大方便依止最勝空性勝解，是故菩薩修習學道所攝最勝空性勝解，名為能證如來妙智廣大方便。

玄二、法無我(分三)

黃一、離諸分別

又諸菩薩由能深入法無我智，於一切法離言自性，如實知己，達無少法及少品類可起分別，唯取其事、唯取真如，不作是念：此是唯事、是唯真如，但行於義。

黃二、勝利(分三)

字一、得最勝捨

如是菩薩行勝義故，於一切法平等平等，以真如慧如實觀察，於一切處具平等見、具平等心，得最勝捨。

字二、依修善巧（分三）

宙一、令無勞倦

依止此捨，於諸明處一切善巧勤修習時，雖復遭遇一切劬勞、一切苦難，而不退轉，速疾能令身無勞倦、心無勞倦。

宙二、令能成辦

於諸善巧速能成辦得大念力，不因善巧而自貢高，亦於他所無有祕吝。

宙三、令無怯弱

於諸善巧心無怯弱，有所堪能所行無礙，具足堅固甲冑加行。

字三、不空生死（分四）

宙一、增長菩提

是諸菩薩於生死中，如如流轉遭大苦難，如是如是於其無上正等菩提堪能增長。

宙二、漸減憍慢

如如獲得尊貴殊勝，如是如是於諸有情憍慢漸減。

宙三、棄捨障執

如如證得智慧殊勝，如是如是倍於他所難詰、諍訟、誼雜、語論，本惑、隨惑、犯禁現行，能數觀察，深心棄捨。

宙四、不希利敬

如如功德展轉增長，如是如是轉覆自善不求他知，亦不希求利養恭敬。

黃三、結顯所依

如是等類菩薩所有眾多勝利，是菩提分隨順菩提皆依彼智，是故一切已得菩提當得今得，皆依彼智，除此更無若劣若勝。

玄三、修正行（分三）

黃一、標

又諸菩薩乘御如是無戲論理，獲得如是眾多勝利，為自成熟諸佛法故，為成熟他三乘法故，修行正行。

黃二、釋（分二）

字一、攝受善法（分六）

宙一、施所攝

彼於如是修正行時，於自身財遠離貪愛，於諸眾生學離貪愛，能捨身財，唯為利益諸眾生故。

宙二、戒所攝

又能防護極善防護，由身語等修學律儀，性不樂惡，性極賢善。

宙三、忍所攝

又能忍他一切侵惱，於行惡者能學堪忍，性薄瞋忿，不侵惱他。

宙四、勤所攝

又能勤修一切明處令其善巧，為斷眾生一切疑難，為惠眾生諸饒益事，為自攝受一切智因。

宙五、定所攝

又能於內安住其心，令心善定，於心安住常勤修學，為淨修治四種梵住，為能遊戲五種神通，為能成立利眾生事，為欲除遣精勤修學一切善巧所生勞倦。

宙六、慧所攝

又性黠慧成極真智，為極真智常勤修學，為自當來般涅槃故修習大乘。

字二、饒益有情（分四）

宙一、於有德

又諸菩薩即於如是修正行時，於具功德諸有情所，常樂現前供養恭敬。

宙二、於有失

於具過失諸有情所，常樂現前發起最勝悲心愍心，隨能隨力令彼除斷所有過失。

宙三、於有怨

於已有怨諸有情所，常起慈心，隨能隨力無諂無誑，作彼種種利益安樂，令彼怨者意樂加行所有過失及怨嫌心自然除斷。

宙四、於有恩

於已有恩諸有情所，善知恩故，若等若增現前酬報，隨能隨力如法令其意望滿足，雖無力能彼若求請，即於彼彼所作事業，示現殷重精勤營務，終不頓止彼所希求，云何令彼知我無力非無欲樂？

黃三、結

如是等類，當知名為菩薩乘御無戲論理，依極真智修正加行。

地三、離言法性（分三）

玄一、理成（分三）

黃一、徵

以何道理應知諸法離言自性？

黃二、釋（分二）

字一顯自（分二）

宙一、相非有性

謂一切法假立自相，或說為色或說為受，如前廣說乃至涅槃，當知一切唯假建立，非有自性，亦非離彼別有自性，是言所行、是言境界。

宙二、勝義有性（分三）

洪一、標

如是諸法，非有自性如言所說，亦非一切都無所有。

洪二、徵

如是非有，亦非一切都無所有，云何而有？

洪三、釋

謂離增益實無妄執，及離損減實有妄執，如是而有，即是諸法勝義自性，當知唯是無分別智所行境界。

宙二、斥他（分二）

宙一、斥四相違（分二）

洪一、出四種（分四）

荒一、多體相違失

若於諸法諸事隨起言說，即於彼法彼事有自性者，如是一法一事應有眾多自性，何以故？以於一法一事制立眾多假說而詮表故。

荒二、雜體相違失

亦非眾多假說詮表決定可得，謂隨一假說於彼法彼事有體有分有其自性，非餘假說，是故一切假說，若具不具，於一切法於一切事皆非有體有分有其自性。

荒三、無體相違失

又如前說色等諸法，若隨假說有自性者，要先有事，然後隨欲制立假說。先未制立，彼假說時，彼法彼事應無自性。

若無自性，無事制立假說詮表，不應道理。

假說詮表既無所有，彼法彼事隨其假說而有自性，不應道理。

荒四、稱體相違失（分二）

日一、舉諸色

又若諸色未立假說詮表，已前先有色性，後依色性制立假說攝取色者，是則離色假說詮表，於色想法於色想事，應起色覺，而實不起。

日二、例受等

如說其色，如是受等，如前所說乃至涅槃，應知亦爾。

洪二、〔結〕

〔由此因緣由此道理，當知諸法離言自性。〕

宙二、斥二失壞（分二）

洪一、標列二種

有二種人，於佛所說法毘奈耶俱為失壞：

一者於色等法、於色等事，謂有假說自性自相，於實無事起增益執；
二者於假說相處、於假說相，依離言自性勝義法性，謂一切種皆無所有，於實有事起損減執。

洪二、出彼過失（分二）

荒一、於初種

於實無事起增益執，妄立法者所有過失，已具如前顯了開示。

於色等法實無事中起增益執，有過失故，於佛所說法毘奈耶甚為失壞。

荒二、於後種（分二）

日一、標當說

於色等法，實有唯事起損減執，壞諸法者所有過失，由是過失，於佛所說法毘奈耶甚為失壞。我今當說。

日二、釋非理（分三）

月一、破斥（分三）

盈一、標過

謂若於彼色等諸法，實有唯事起損減執，即無真實，亦無虛假，如是二種皆不應理。

盈二、喻成

譬如，要有色等諸蘊，方有假立補特伽羅，非無實事而有假立補特伽羅。如是要有色等諸法實有唯事，方可得有色等諸法假說所表，非無唯事而有色等假說所表。

若唯有假，無有實事，既無依處，假亦無有，是則名為壞諸法者。

盈三、舉類（分三）

昺一、牒彼說

如有一類，聞說難解大乘相應空性相應未極顯了密意趣義甚深經典，不能如實解所說義，起不如理虛妄分別，由不巧便所引尋思，起如是見，立如是論：「一切唯假，是為真實，若作是觀名為正觀」。

昺二、難非理

彼於虛假所依處所實有唯事，撥為非有，是則一切虛假皆無，何當得有「一切唯假，是為真實」？

昺三、結極無

由此道理，彼於真實及以虛假二種俱謗都無所有，由謗真實及虛假

故，當知是名最極無者。

月二、呵擯（分二）

盈一、出過

如是無者，一切有智同梵行者不應共語、不應共住。

如是無者，能自敗壞，亦壞世間隨彼見者。

盈二、教證（分二）

晨一、引教

世尊依彼密意說言：寧如一類起我見者，不如一類惡取空者。

晨二、釋因（分二）

星一、於起我見者

何以故？起我見者，唯於所知境界迷惑，不謗一切所知境界，不由此因墮諸惡趣，於他求法求苦解脫，不為虛誑不作稽留，於法於諦亦能建立，於諸學處不生慢緩。

星二、於惡取空者

惡取空者，亦於所知境界迷惑，亦謗一切所知境界，由此因故墮諸惡趣，於他求法求苦解脫，能為虛誑亦作稽留，於法於諦不能建立，於諸學處極生慢緩，如是損減實有事者，於佛所說法毘奈耶甚為失壞。

月三、料簡（分二）

盈一、惡取空者（分二）

晨一、徵

云何名為惡取空者？

晨二、釋（分二）

星一、出過

謂有沙門或婆羅門，由彼故空亦不信受，於此而空亦不信受，如是名為：惡取空者。

星二、顯理

何以故？由彼故空彼實是無，於此而空此實是有，由此道理可說為空。若說一切都無所有，何處、何者、何故名空？亦不應言由此、於此，即說為空，是故名為惡取空者。

盈二、善取空者（分二）

晨一、徵

云何復名善取空者？

晨二、釋（分二）

星一、舉理

謂由於此，彼無所有，即由彼故，正觀為空。
復由於此，餘實是有，即由餘故，如實知有。
如是名為：悟入空性如實無倒。

星二、釋名（分三）

宿一、釋空

謂於如前所說，一切色等想事，所說色等假說性法，都無所有，是故於此色等想事，由彼色等假說性法，說之為空。

宿二、釋餘

於此一切色等想事，何者為餘？謂即色等假說所依。

宿三、釋如實知

如是二種皆如實知，謂於此中，實有唯事，於唯事中亦有唯假，不於實無起增益執，不於實有起損減執，不增不減不取不捨，如實了知如實真如離言自性。如是名為：善取空者，於空法性能以正慧妙善通達。

黃三、結

如是隨順證成道理，應知諸法離言自性。

玄二、教證（分三）

黃一、總標

復由至教，應知諸法離言自性。

黃二、引釋（分三）

字一、第一教（分二）

宙一、舉頌

如佛世尊《轉有經》中，為顯此義而說頌曰：

以彼彼諸名，詮彼彼諸法，此中無有彼，是諸法法性。

宙二、長行釋（分二）

洪一、徵

云何此頌顯如是義？

洪二、釋（分二）

荒一、釋頌初二句

謂於色等想法，建立色等法名，即以如是色等法名詮表，隨說色等想法，或說為色、或說為受、或說為想，廣說乃至說為涅槃。

荒二、釋頌後二句

於此一切色等想法，色等自性都無所有，亦無有餘色等性法，而於其中，色等想法離言義性，真實是有，當知即是勝義自性，亦是法性。

字二、第二教（分二）

宙一、引頌

又佛世尊「義品」中說：

世間諸世俗，牟尼皆不著，無著孰能取？見聞而不愛。

宙二、長行釋（分二）

洪一、徵

云何此頌顯如是義？

洪二、釋（分四）

荒一、頌初句

謂於世間色等想事，所有色等種種假說，名諸世俗。

荒二、頌第二句

如彼假說，於此想事有其自性，如是世俗，牟尼不著，何以故？以無增益、損減見故，無有現前顛倒見故，由此道理，名為不著。

荒三、頌第三句

如是無著，誰復能取？

荒四、頌第四句

由無見故，於事不取增益、損減，於所知境能正觀察，故名為見。聽聞所知境界言說，故名為聞。依此見聞，貪愛不生亦不增長，唯於彼緣畢竟斷滅，安住上捨，故名不愛。

宙三、第三教（分二）

宙一、引經（分二）

洪一、長行（分三）

荒一、標

又佛世尊為彼散他迦多衍那，作如是說：散他苾芻！不依於地而修靜慮，不依於水、不依於火、不依於風、不依空處、不依識處、不依無所有處、不依非想非非想處、不依此世、他世、不依日月光輪、不依見聞覺知、不依所求所得、不依意隨尋伺，不依一切而修靜慮。

荒二、徵

云何修習靜慮？苾芻！不依於地而修靜慮，廣說乃至不依一切而修靜慮？

荒三、釋

散他苾芻！或有於地除遣地想，或有於水除遣水想，廣說乃至或於一切除一切想，如是修習靜慮。苾芻！不依於地而修靜慮，廣說乃至不依一切而修靜慮。

洪二、讚頌

如是修習靜慮苾芻，為因陀羅、為伊舍那、為諸世主并諸天眾，遙為作禮而讚頌曰：

敬禮吉祥士，敬禮土中尊，我今不知汝，依何修靜慮？

宙二、顯義（分二）

洪一、徵

云何此《經》，顯如是義？

洪二、釋（分二）

荒一、釋地等想

謂於一切地等想事，諸地等名施設假立，名地等想。

即此諸想，於彼所有色等想事，或起增益或起損減。

若於彼事起能增益有體自性執，名增益想。

起能損減唯事勝義執，名損減想。

荒二、釋名除遣

彼於此想，能正除遣能斷能捨，故名除遣。

黃三、總結

如是等類無量聖言，名為至教，由此如來最勝至教，應知諸法離言自性。

玄三、釋難（分二）

黃一、問

問：若如是者，何因緣故於一切法離言自性而起言說？

黃二、答

答：若不起言說，則不能為他說一切法離言自性，他亦不能聞如是義。若無有聞則不能知此一切法離言自性，為欲令他聞知諸法離言自性，是故於此離言自性而起言說。

天二、淨障門（分四）

地一、障因緣（分三）

玄一、總標

又諸愚夫由於如是所顯真如不了知故，從是因緣八分別轉能生三事，能起一切有情世間及器世間。

玄二、列釋（分二）

黃一、分別（分二）

字一、徵

云何名為八種分別？

字二、列

一者自性分別，二者差別分別，三者總執分別，四者我分別，五者我所分別，六者愛分別，七者非愛分別，八者彼俱相違分別。

黃二、生事(分二)

字一、能生差別(分三)

宙一、徵

云何如是八種分別，能生三事？

宙二、釋(分三)

洪一、前三分別(分二)

荒一、能生依緣

謂若自性分別、若差別分別、若若總執分別，此三分別能生分別戲論所依分別戲論所緣事。

荒二、由依緣生

謂色等想事為依緣故，名想言說所攝，名想言說所顯分別戲論，即於此事分別計度，非一眾多品類差別。

洪二、次二分別

若我分別若我所分別，此二分別能生一切餘見根本，及慢根本薩迦耶見，及能生一切餘慢根本所有我慢。

洪三、後三分別

若愛分別、若非愛分別、若彼俱相違分別，如其所應能生貪欲瞋恚愚癡。

宙三、結

是名八種分別能生如是三事，謂分別戲論所依緣事，見我慢事，貪瞋癡事。

字二、總顯流轉

當知此中，分別戲論所依緣事為所依止，生薩迦耶見及以我慢，薩迦耶見我慢為依生貪瞋癡，由此三事普能顯現一切世間流轉品法。

玄三、廣釋(分二)

黃一、分別(分七)

字一、自性分別

云何名為自性分別？

謂於一切色等想事，分別色等種種自性所有尋思，如是名為：自性分別。

字二、差別分別

云何名為差別分別？

謂即於彼色等想事，謂此有色謂此無色，謂此有見謂此無見，謂此有對謂此無對謂此有漏謂此無漏，謂此有為謂此無為，謂此是善謂此不善，謂此無記，謂此過去謂此未來謂此現在，由如是等無量品類差別道理，即於自性分別依處，分別種種彼差別義，如是名為：差別分別。

字三、總執分別

云何名為總執分別？

謂即於彼色等想事我及有情命者生者等，假想施設所引分別，於總多法總執為因分別而轉，於舍軍林飲食衣乘等，假想施設所引分別，如是名為：總執分別。

字四、我我所分別

云何名為我我所分別？

謂若諸事有漏有取，長時數習我我所執之所積聚，由宿串習彼邪執故，自見處事為緣所生虛妄分別，如是名為：我我所分別。

字五、愛分別

云何名為愛分別？

謂緣淨妙、可意事境，所生分別。

字六、非愛分別

云何名為非愛分別？

謂緣不淨妙、不可意事境，所生分別。

字七、彼俱相違分別

云何名為彼俱相違分別？

謂緣淨妙、不淨妙、可意、不可意俱離事境，所生分別。

黃二、略攝(分二)

字一、標列事

此中，所說略有二種：

一者分別自性；

二者分別所依分別所緣事。

字二、明展轉(分二)

宙一、標

如是二種無始世來應知展轉更互為因。

宙二、釋(分三)

洪一、顯過去

謂過去世分別為因，能生現在分別所依及所緣事。

洪二、顯現在

現在分別所依緣事，既得生已，復能為因，生現在世由彼依緣所起分別。

洪三、顯未來

於今分別，不了知故，復生當來所依緣事，彼當生故，決定當生依彼緣彼所起分別。

地二、淨方便（分二）

玄一、徵

云何了知如是分別？

玄二、釋（分二）

黃一、總標

謂由四種尋思、四種如實智故。

黃二、別辨（分二）

字一、四種尋思（分三）

宙一、徵

云何名為四種尋思？

宙二、列

一者名尋思，二者事尋思，三者自性假立尋思，四者差別假立尋思。

宙三、釋（分二）

洪一、釋得名（分四）

荒一、名尋思

名尋想者，謂諸菩薩於名唯見名，是名名尋思。

荒二、事尋思

事尋思者，謂諸菩薩於事唯見事，是名事尋思。

荒三、自性假立尋思

自性假立尋思者，謂諸菩薩於自性假立，唯見自性假立，是名自性假立尋思。

荒四、差別假立尋思

差別假立尋思者，謂諸菩薩於差別假立，唯見差別假立，是名差別假立尋思。

洪二、釋觀相

此諸菩薩於彼名事，或離相觀，或合相觀，依止名事合相觀故，通達二種自性假立、差別假立。

字二、四如實智（分三）

宙一、徵

云何名為四如實智？

宙二、列

一者名尋思所引如實智；

二者事尋思所引如實智；

三者自性假立尋思所引如實智；

四者差別假立尋思所引如實智。

宙三、釋（分四）

洪一、名尋思所引如實智（分三）

荒一徵

云何名尋思所引如實智？

荒二釋（分二）

日一、知勝利

謂諸菩薩於名尋思唯有名已，即於此名如實了知，謂如是名，為如是義，於事立假，為令世間起想、起見、起言說故。

日二、知過患

若於一切色等想事不假建立色等名者，無有能於色等想事起色等想。若無有想，則無有能起增益執。若無有執，則無言說。

荒三、結

若能如是如實了知，是名名尋思所引如實智。

洪二、事尋思所引如實智（分三）

荒一、徵

云何事尋思所引如實智？

荒二、釋

謂諸菩薩於事尋思唯有事已，觀見一切色等想事，性離言說不可言說。

荒三、結

若能如是如實了知，是名事尋思所引如實智。

洪三、自性假立尋思所引如實智（分三）

荒一、徵

云何自性假立尋思所引如實智？

荒二、釋（分二）

日一、於圓成遍計

謂諸菩薩於自性假立尋思，唯有自性假立已，如實通達了知色等想事中，所有自性假立，非彼事自性，而似彼事自性顯現。

日二、於依他起

又能了知，彼事自性猶如變化、影像、嚮應、光影、水月、焰水、夢幻，相似顯現而非彼體。

荒三、結

若能如是，如實了知最甚深義所行境界，是名自性假立尋思所引如實智。

洪四、差別假立尋思所引如實智（分三）

荒一、徵

云何差別假立尋思所引如實智？

荒二、釋（分三）

日一、總標

謂諸菩薩於差別假立尋思，唯有差別假立已，如實通達了知色等想事中，差別假立不二之義。

日二、別辨（分二）

月一、舉有無性等（分二）

盈一、有性無性

謂彼諸事非有性、非無性。

可言說性不成實故非有性，離言說性實成立故非無性。

盈二、有色無色

如是由勝義諦故非有色，於中無有諸色法故。

由世俗諦故非無色，於中說有諸色法故。

月二、例有無見等

如有性無性、有色無色，如是有見無見等差別假立門，由如是道理，一切皆應了知。

荒三、結

若能如是，如實了知差別假立不二之義，是名差別假立尋思所引如實智。

地三、障過患（分二）

玄一、出染因

愚夫於此四如實智，有所闕故，不現前故，便有八種邪分別轉，能生三事，能起一切有情世間及器世間。

玄二、成流轉

謂由如是邪分別故起諸雜染，起雜染故流轉生死，於生死中常流轉故，恒有無量隨逐生死種種生老病死等苦流轉不息。

地四、淨勝利（分三）

玄一、證大涅槃

菩薩依此四如實智，能正了知八種分別，於現法中正了知故，令當來世戲論所攝所依緣事不復生起，不生起故於當來世從彼依緣所起分別亦不復生，如是分別及依緣事二俱滅故，當知一切戲論皆滅，菩薩如是戲論滅故，能證大乘大般涅槃。

玄二、獲諸自在

黃一、標

於現法中，勝真實義所行處智極清淨故，普能獲得一切自在。

黃二、釋（分三）

字一、變化自在

謂諸菩薩於種種化獲得能化神通自在，於種種變獲得能變神通自在。

字二、境智自在

普於一切所知境智皆得自在。

字三、住捨自在

若欲久住，隨其所樂自在能住。若欲終歿，不待害緣自在能歿。

黃三、結

由諸菩薩得如是等無量自在，於諸有情最勝無上。

玄三、勝利（分二）

黃一、略標列

菩薩如是普於一切得自在故，獲得五種最上勝利：
一者獲得心極寂靜，由住最靜故，不由煩惱寂靜故；
二者能於一切明處無所罣礙，清淨鮮白妙智見轉；
三者為利諸有情故，流轉生死無有厭倦；
四者善入一切如來密意言義；
五者所得大乘勝解，不可引奪不從他緣。

黃二、廣業（分三）

字一、標

當知如是五種勝利有五種業。

字二、列（分五）

宙一、能滅勞倦

一者菩薩成就最勝現法樂住，能滅一切為趣菩提精勤加行所生身心種種勞倦，當知是名心極寂靜勝利之業。

宙二、能熟佛法

二者菩薩普能成熟一切佛法，當知是名於諸明處無礙清白微妙智見勝

利之業。

宙三、能熟有情

三者菩薩普能成熟一切有情，當知是名流轉生死無有厭倦勝利之業。

宙四、能住正法

四者菩薩能正除遣所化有情隨所生起一切疑惑，護持如來妙正法眼令得久住，於能隱沒如來聖教像似正法，能知能顯能正除滅，當知是名善入如來密意言義勝利之業。

宙五、能摧異論

五者菩薩能摧一切外道異論，精進堅牢正願無動，當知是名大乘勝解不可引奪不從他緣勝利之業。

宇三、結（分二）

宙一、明所攝受

如是菩薩所有一切菩薩所作，皆為如是五勝利業之所攝受。

宙二、隨釋所作

云何一切菩薩所作？

謂自安樂而無雜染，普能成熟一切佛法，普能成熟一切有情，護持如來無上正法摧伏他論，精進勇猛正願無動。

申三、結簡

當知如是四真實義，初二下劣，第三處中，第四最勝。

威力品第五
瑜伽師地論卷第三十七

午三、威力處（分二）

未一、徵

云何諸佛菩薩威力？

未二、釋（分二）

申一、略三種（分三）

酉一、聖威力

當知略有三種：

一者聖威力，謂佛菩薩得定自在，依定自在，隨其所欲，一切事成，心調柔故，善修心故，是名聖威力。

酉二、法威力（分二）

戌一、釋義

二者法威力，謂諸勝法有廣大果，有大勝利，是名法威力。

戌二、顯體

此中法者，即是六種波羅蜜多，所謂布施乃至般若，如是諸法有大威力，名法威力。

酉三、俱生威力

三者俱生威力，謂佛菩薩先集廣大福德資糧，證得俱生甚希奇法，是名俱生威力。

申二、廣五種（分二）

酉一、標列

又佛菩薩如是威力品類差別，復有五種：

一者神通威力；

二者法威力；

三者俱生威力；

四者共諸聲聞、獨覺威力；

五者不共聲聞、獨覺威力。

酉二、隨釋（分四）

戌一、神通威力（分二）

亥一、徵

云何諸佛菩薩神通威力？

亥二、釋（分二）

天一、出種類

謂六神通：

- 一者神境智作證通；
- 二者隨念宿住智作證通；
- 三者天耳智作證通；
- 四者見死生智作證通；
- 五者知心差別智作證通；
- 六者漏盡智作證通，是名神通威力。

天二、別辨相（分六）
地一、神境智（分二）
玄一、徵

云何諸佛菩薩神境智通？

玄二、釋（分二）
黃一、出種類

謂佛菩薩神境智通略有二種，一者能變通，二者能化通。
如是二種，品類差別各有多種。

黃二、別辨（分二）

字一、能變通（分三）

宙一、徵

云何能變神境智通品類差別？

宙二、釋（分二）

洪一、出種類

謂十八變：

- 一者振動；
- 二者熾然；
- 三者流布；
- 四者示現；
- 五者轉變；
- 六者往來；
- 七者卷；
- 八者舒；
- 九者眾像入身；
- 十者同類往趣；
- 十一者顯；
- 十二者隱；

十三者所作自在；
十四者制他神通；
十五者能施辯才；
十六者能施憶念；
十七者能施安樂；
十八者放大光明；
如是等類皆名能變神境智通。

洪二、別辨相（分十六）

荒一、震動

振動者，謂佛菩薩得定自在心調柔故，善修心故，依定自在普能振動寺館舍宅，村邑聚落，城郭國土，那落迦世界，傍生世界，祖父世界，人世界，天世界，一四大洲，一千世界，二千世界，三千大千世界，百三千大千世界，千三千大千世界，百千三千大千世界，乃至無量無數三千大千世界，皆能振動，是名振動。

荒二、熾然

熾然者，謂佛菩薩依定自在，從其身上發猛焰火，於其身下注清冷水，從其身下發猛焰火，於其身上注清冷水，入火界定，舉身洞然，遍諸身分，出種種焰，青黃赤白、紅紫碧綠、頗胝迦色，是名熾然。

荒三、流布

流布者，謂佛菩薩依定自在，流布光明，遍滿一切寺館舍宅，乃至無量無數世界無不充滿，如前振動，是名流布。

荒四、示現（分二）

日一、釋（分二）

月一、示現五趣

示現者，謂佛菩薩依定自在，如其所樂，示彼一切諸來會眾：沙門、婆羅門、聲聞、菩薩、天、龍、藥叉、健達縛、阿素洛、揭路荼、緊捺洛、牟呼洛伽、人、非人等，令悉現見下諸惡趣、上諸人天。

月二、示現佛土

復令現見諸餘佛土及於其中諸佛菩薩，乃至超過殑伽沙等諸佛國土種種名聲所表佛土，及彼土中某名如來悉令現見，亦為宣說彼佛土名及如來名，齊彼至此。若復過彼諸佛國土及諸如來，隨其所欲乃至所欲，皆令現見，亦為宣說。

日二、結

是名示現。

荒五、轉變（分二）

日一、釋（分三）

月一、於四大種（分二）

盈一、於隨一

轉變者，謂佛菩薩依定自在：

若於其地，起水勝解即令成水，如實非餘，火、風勝解亦復如是。

若於其水，起地勝解即令成地，如實非餘，火、風勝解亦復如是。

若於其火，起地勝解即令成地，如實非餘，水、風勝解亦復如是。

若於其風，起地勝解即令成地，如實非餘，水、火勝解亦復如是。

盈二、於一切

若於一切，起餘勝解，即隨勝解如實非餘。

月二、於所造色（分二）

盈一、例大種

如於大種互相轉變，色、香、味、觸，當知亦爾。

盈二、舉所攝（分二）

昃一、於種種（分二）

星一、資具攝

若於草葉、牛糞、泥等，起於飲食、車乘、衣服、嚴飾資具、種種塗香、華鬘勝解，即隨勝解如實非餘。

星二、財實攝

若於沙石、瓦礫等物，起於末尼真珠、琉璃螺貝、璧玉珊瑚勝解，即隨勝解如實非餘。若於諸山、雪山王等起金勝解，即隨勝解如實非餘。

昃二、於一切

若於一切，起餘勝解，即隨勝解如實非餘。

月三、於有情類（分二）

盈一、舉顯色

若於好色有情，起惡色勝解，於惡色有情，起好色勝解，於俱非有情，起好色惡色勝解，於俱有情，起俱非勝解，即隨勝解如實非餘。

盈二、例行色

如於好色、惡色，於具支節、不具支節及肥瘦等，當知亦爾。

日二、結

如是於餘所有自相可變色物，起餘勝解，皆隨勝解一切轉變，如實非餘，是名轉變。

荒六、往來（分二）

日一、釋（分二）

月一、別列三種

往來者，謂佛菩薩依定自在，隨其所樂，於諸牆壁、山石等中，縱身往來無有滯礙，廣說乃至往於梵世，乃至上至色究竟天，還來無礙，或復傍於無量無數三千大千世界，若往若來，皆無滯礙。

月二、隨應配釋

或運羸重四大種身，或於遠處作近勝解，或如意勢，速疾往來。

日二、結

是名往來。

荒七、卷舒

卷舒者，謂佛菩薩依定自在，能卷一切雪山王等如一極微，舒一極微令如一切雪山王等，是名卷舒。

荒八、眾像入身

眾像入身者，謂佛菩薩依定自在，能以種種現前大眾，及以一切村邑聚落，草木叢林，諸山大地一切色像內己身中，令諸大眾各各自知入其身內，是名眾像入身。

荒九、同類往趣（分九）

日一、釋（分二）

月一、舉於剎帝利（分二）

盈一、示同類

同類往趣者，謂佛菩薩依定自在，或能往趣剎帝利眾，同其色類，如彼形量似彼言音，彼若以此名如是義，亦即以此名如是義，彼不以此名如是義，亦不以此名如是義。

盈二、明化事

然後為其演說正法，示現教導讚勵慶慰，化事既終歎然隱沒，沒後時眾迭相顧言，不知沒者天耶人耶？

月二、例於餘有情

如能往趣剎帝利眾，如是往趣婆羅門眾。若沙門眾，若長者眾，若居士眾，四大王天，三十三天，夜摩天，睹史多天，樂變化天，他化自在天，梵眾天，梵先益天，大梵天少，光天，無量光天，光音天，少淨天，無量淨天，遍淨天，無雲天，福生天，廣果天，無煩天，無熱天，善現天，善見天，色究竟天，當知亦爾。

日二、結

是名同類往趣。

荒十、隱顯

隱顯者，謂佛菩薩依定自在，於大眾前，百度、千度，或過於是，隱沒自身，復令顯現，是名隱顯。

荒十一、所作自在

所作自在者，謂佛菩薩依定自在，普於一切諸有情界往來住等所作事中皆自在轉，令去即去令住即住，令來即來令語即語，是名所作自在。

荒十二、制他神通（分二）

日一、釋（分二）

月一、總標

制他神通者，謂佛菩薩依定自在，能制伏他所現神通。

月二、別顯（分三）

盈一、如來

如來神通普能制伏其餘一切具神通者所現神通，如其所欲令事成辦。

盈二、究竟菩薩

究竟菩薩一生所繫，或最後有所有神通，除諸如來、等類菩薩，悉能制伏其餘一切具神通者所現神通。

盈三、諸餘菩薩

諸餘菩薩所有神通，除入上地、等類菩薩，悉能制伏其餘一切具神通者所現神通。

日二、結

是名制他神通。

荒十三、能施辯才

能施辯才者，謂佛菩薩依定自在，若諸有情辯才窮盡能與辯才，是名能施辯才。

荒十四、能施憶念

能施憶念者，謂佛菩薩依定自在，若諸有情於法失念能與憶念，是名能施憶念。

荒十五、能施安樂（分二）

日一、釋（分二）

月一、與輕安

能施安樂者，謂佛菩薩依定自在，說正法時，與聽法者饒益身心輕安之樂，令離諸蓋專心聽法，暫時方便而非究竟。

月二、滅災害

又令諸界互相違變能為損害，非人所行災癘疾疫皆得息滅。

日二、結

是名能施安樂。

荒十六、放大光明（分二）

日一、釋（分三）

月一、總標舉

放大光明者，謂佛菩薩依定自在，以神通力身放光明。

月二、別辨相（分三）

盈一、惡趣苦

或有一光往十方面無量無數諸世界中，令惡趣等一切有情息彼眾苦。

盈二、集會天等

或有一光往諸天界，令大威德天、龍、藥叉、健達縛、阿素洛、揭路荼、緊捺洛、牟呼洛伽等，住自宮中，蒙光覺悟，皆來集會。

盈三、集會菩薩

或有一光往十方面無量無數諸世界中，令住他方世界菩薩蒙光覺悟皆來集會。

月三、舉要義

以要言之，諸如來等能放無量無數品類種種光明，能作無量無數世界無量無數諸有情類無量無數利益之事。

日二、結

是名放大光明。

宙三、結

當知如是一切能變神境智通品類差別，一一分別無量無數，由此神通能轉所餘有自性物，令成餘物，故名能變神境智通。

宇二、能化通（分二）

宙一徵

云何能化神境智通品類差別？

宙二釋（分三）

洪一、略標（分二）

荒一、出體性

謂若略說：無事而有，是名為化，能以化心隨其所欲，造作種種未曾有事，故名能化神境智通。

荒二、辨種別

此復多種，或化為身及化為境，或化為語。

洪二、廣辨（分二）

荒一、化身及境（分二）

日一、釋（分二）

月一、略（分二）

盈一、化身（分二）

昃一、辨似不似

或化為身及化為境者，化似自身或不相似，化似他身或不相似。

昃二、簡非實根

又所化身若自若他或似不似，唯能化作與根相似根所依處，而非實根。

盈二、化境

復能化作相似境界，調飲食等，末尼真珠琉璃寶等，所有色香味觸所攝外資生具，若彼相似、若異於彼，隨其所欲一切能化。

月二、廣（分二）

盈一、化身（分二）

昃一、標列差別

又所化身與己同類，非一眾多種種差別，或作天、龍、藥叉、健達縛、阿素洛、揭路荼、緊捺洛、牟呼洛伽色像，或作人、傍生、鬼、那洛迦色像，或作聲聞、獨覺、菩薩、如來色像。

昃二、明似不似（分二）

星一、與己同類

若所化身與菩薩身極相似者，名所化身與自相似。
若不爾者名所化身非自相似。

星二、與他同類（分二）

宿一、化一（分二）

列一、舉天身

又所化身與他同類亦有多種。若作天身與彼天身極相似者，名所化身與他相似。若不爾者名所化身非他相似。

列二、例餘身

如作天身，乃至佛身當知亦爾。

宿二、化多（分二）

列一、徵

云何此中，化作多身？

列二、釋（分二）

張一、明化事

謂佛菩薩於十方面無量無數諸世界中，一時化作種種形類，能為無量

無數有情作利益事。

張二、顯差別

如是所化種種形類，於中或有諸佛菩薩雖滅度後，由住持力而故隨轉，或有暫時作利益已化事便息。

盈二、化境（分二）

景一、令睹見

又佛菩薩或作化事，唯令眾生睹見而已，如幻所作，不堪受用。

景二、令受用

或復化作飲食、衣服、末尼、真珠、琉璃、螺貝、璧玉、珊瑚、車乘等事，與實無異，如是所作財食眾具，令諸眾生，常得受用。

日二、結

是名化身及化境界。

荒二、化語（分二）

日一、列

或化為語者，或有化語妙音相應，或有化語廣音具足，或有化語繫屬於自，或有化語繫屬於他，或有化語無所繫屬，或有化語宣說正法言詞所攝，或有化語誨責放逸言詞所攝。

日二、釋（分七）

月一、妙音相應（分二）

盈一、眾會相應

妙音相應者，謂佛菩薩所說化語，其聲深遠如雲雷音，其聲和雅如頻伽音，能感眾心甚可愛樂。

盈二、法義相應

又此化語，圓上微妙，顯了易解，樂聞無逆，無依無盡。

月二、廣音具足（分二）

盈一、隨類遍告（分二）

景一、遍無量類

廣音具足者，謂佛菩薩所說化語其聲廣大，隨其所樂無量種類，天、龍、藥叉、健達縛、阿素洛、揭路茶、緊捺洛、牟呼洛伽、聲聞、菩薩、人、非人等無量眾會，一踰繕那皆悉充滿，以妙圓音隨類遍告。

景二、遍無量界

又隨所樂，小千世界、二千世界、三千世界，乃至十方無量無數諸世界中，若近、若遠所有眾會，以妙圓音隨類遍告。

盈二、隨應說法

於此聲中，出種種音，為諸眾生，說種種法，隨其所應，各得義利。

月三、繫屬於自

繫屬於自者，謂佛菩薩所說化語，於化自身，出種種音，宣說正法，誨責放逸。

月四、繫屬於他

繫屬於他者，謂佛菩薩所說化語，於化他身，宣說正法，誨責放逸。

月五、無所繫屬

無所繫屬者，謂佛菩薩所說化語，或於空中，或於所化非情法上，而有所說。

月六、宣說正法言辭所攝

宣說正法言詞所攝者，謂佛菩薩所說化語，開示正理，令諸愚癡於種種法皆得悟解。

月七、誨責放逸言辭所攝

誨責放逸言詞所攝者，謂佛菩薩所說化語，為不愚癡獲得淨信，而放逸者責其放逸，令生慚愧，誨不放逸，令勤修學。

洪三、總結

如是所說眾多化事，略有三種，化身、化境及以化語。

當知如是一切能化神境智通，品類差別，一一分別，無量無數。

黃三、結作業

如是二種諸佛菩薩神境智通，能辦二事：

一者示現種種神通，引諸眾生入佛聖教；

二者示現種種神通，惠施無量受苦眾生，眾多品類利益安樂。

地二、宿住智（分二）

玄一、徵

云何諸佛菩薩隨念宿住智通？

玄二、釋（分三）

黃一、差別（分三）

字一、於如是處（分三）

宙一、自能念

謂佛菩薩以宿住智，自能隨念己之宿住，曾於如是有情類中，我如是我，如《經》廣說；亦能隨念他諸有情身等一切品類差別，如自隨念己事無異。

宙二、令他念

又能令他得宿住智，能自隨念前際所經若自若他身等一切品類差別，

曾於如有有情類中，我如是名，乃至廣說。

宙三、展轉念

如有有情，轉復令他得宿住智，能自隨念一切宿住，如前無異，如是展轉令憶宿住，皆如自己。

宇二、於如是類

於現法中，又能隨念諸微細事，所有一切若少若多，先所造作、先所思惟，皆無忘失。

宇三、於如是量（分三）

宙一、剎那無間

又能隨念無間剎那，次第所作，無間斷故。

宙二、有量有數

又能隨念有量有數宿住差別，所知時劫可算數故。

宙三、無量無數

又能隨念無量無數宿住差別，所知時劫不可數故。

黃二、要義

以要言之，此宿住智，於如是處、於如是類、於如是量，隨其所欲皆無礙轉，如是名為：諸佛菩薩隨念宿住所攝威力。

黃三、作業（分二）

宇一、示難行苦行

又由隨念宿住智故憶念本生，為諸有情開示先世種種品類第一希有菩薩所行難行苦行，令於佛所生淨信故，起恭敬故，令於生死深厭離故。

宇二、示業果異熟

又由此智憶念本事，為諸眾生開示種種先世相應業果異熟，為令妄計前際常論、一分常論常見眾生，破常見故。

地三、天耳智（分三）

玄一、徵

云何諸佛菩薩天耳智通？

玄二、列

謂佛菩薩以淨天耳，能於種種天聲、人聲，聖聲、非聖聲，大聲、小聲，辯聲、非辯聲，化聲、非化聲，遠聲、近聲，皆悉得聞。

玄三、釋（分十二）

黃一、天聲（分二）

宇一、不作意

聞天聲者，若不作意，下從欲界上至色究竟宮，其中受生諸有情類種

種音聲皆悉能聞。

字二、作意

若作意時，過是已上諸世界聲皆亦能聞。

黃二、人聲

聞人聲者，遍於一切傍四大洲受生有情種種音聲皆悉能聞。

黃三、聖聲(分二)

字一、辨(分二)

宙一、修善捨惡聲

聞聖聲者，於諸如來聲聞、獨覺及諸菩薩，若從彼聞展轉為餘諸有情類，宣說種種示現、教導、讚勵、慶慰，勸修諸善，勸捨諸惡，所有音聲皆悉能聞。

宙二、能引義利聲

又於一切無染污心，受持讀誦，論議決擇無倒諫誨，為作憶念教授教誡，及餘所有善言善說，能引義利種種音聲，皆悉能聞。

字二結

如是等類，名聞聖聲。

黃四、非聖聲

聞非聖聲者，於諸有情，慮妄、離間、邪綺、羸獷，生下惡趣，生上天趣，生傍人趣，種種音聲，皆悉能聞。

黃五、大聲

聞大聲者，謂於大眾生聲，大集會聲，種種苦具所逼切聲，大號哭聲，相呼召聲，大雷吼聲，諸螺貝聲，諸鼓角等種種音聲，皆悉能聞。

黃六、小聲

聞小聲者，下至耳語諸微細聲，皆悉能聞。

黃七、辯聲

聞辯聲者，於義易了種種音聲，皆悉能聞。

黃八、非辯聲

聞非辯聲者，於義難了種種音聲，謂達羅弭茶種種明咒，風鈴、樹響、鸚鵡、鳩鵲、百舌、鸚黃、命命鳥等所出音聲，皆悉能聞。

黃九、化聲

聞化聲者，謂於一切得心自在具神通者，依神通力所化音聲，皆悉能聞。

黃十、非化聲

聞非化聲者，謂於種種異彼音聲，皆悉能聞。

黃十一、遠聲

聞遠聲者，除佛菩薩所住聚落、城邑等中所有音聲，於餘乃至無量無數世界中聲，皆悉能聞。

黃十二、近聲

聞近聲者，聞所除聲。

地四、見死生智(分二)

玄一、徵

云何諸佛菩薩見死生智通？

玄二、釋(分二)

黃一、所見(分二)

字一、有情世間相

謂佛菩薩以超過人清淨天眼，見諸有情死時生時，妙色惡色，若劣若勝，及於後際生已增長諸根成熟，身諸所作善、惡、無記差別而轉。

字二、器世間相

又現見知，諸光明色、諸微細色、諸變化色、諸淨妙色，下至無間上至色究竟宮，不由作意皆能見知。若作意時，能見上下無量無數餘世界色，亦能見傍無量無數諸世界中一切諸色，乃至能見彼彼佛土、彼彼如來，安坐彼彼異類大會，宣說正法，顯然無亂。

黃二、作業(分二)

字一、別釋(分二)

宙一、正顯天眼

又佛菩薩以淨天眼，普見十方無量無數諸有情類身之所作淨不淨業，既見彼已，隨其所應、隨其所宜，施作種種利益安樂。

宙二、兼明天耳

以淨天耳，普聞十方無量無數諸有情類語之所作淨不淨業，既聞彼已，隨其所應、隨其所宜，施作種種利益安樂。

字二、總結

是名略說諸佛菩薩天眼、天耳之所作業。

地五、知心智(分二)

玄一徵

云何諸佛菩薩知心差別智通？

玄二釋(分二)

黃一差別(分二)

字一、所知心(分四)

宙一、有煩惱、離煩心

謂佛菩薩以他心智，遍知十方無量無數諸世界中他有情類，若有纏煩惱心、若離纏煩惱心、若有隨縛有隨眠煩惱心、若離隨縛離隨眠煩惱心。

宙二、有染、無染心

又遍了知有染心邪願心，謂諸外道心及有愛染心。
又遍了知無染心正願心，謂與上相違心。

宙三、劣中勝心

又遍了知劣心，謂生欲界諸有情類，下至一切禽獸等心。
又遍了知中心，謂生色界諸有情類諸所有心。
又遍了知勝心，謂生無色界諸有情類諸所有心。

宙四、受相應心

又遍了知樂相應心、苦相應心、不苦不樂相應心。

宇二、能知智（分二）

宙一、於一有情

又能以一知他心智，於一有情如是所有，如是體性，如是品類，如是行相，如是分齊，心起現前，於一念頃並如實知。

宙二、於多有情

又能以一知他心智，於多有情如是所有，如是體性，如是品類，如是行相，如是分齊，心起現前，於一念頃並如實知。

黃二、明作業

又佛菩薩此他心通，知諸有情諸根勝劣，知諸有情種種勝解，知諸有情種種界行，隨其所應，能正安處趣涅槃宮種種正行，當知是名此所作業。

地六、漏盡智（分二）

玄一、徵

云何諸佛菩薩漏盡智通？

玄二、釋（分三）

黃一、差別（分二）

宇一、於漏盡得等

謂佛菩薩如實了知煩惱盡得，如實了知若自若他於諸漏盡已得、未得，如實了知若自若他所有能得漏盡方便，如能如實了知方便，於非方便亦如實知。

宇二、於有增上慢等

如實知他於漏盡得，有增上慢；如實知他於漏盡得，離增上慢。

黃二、顯最勝

又諸菩薩雖能如實了知一切漏盡功德能證方便，而不作證，是故菩薩於有漏事及與諸漏不速捨離，雖行種種有漏事中而不染污，如是威力於諸威力最為殊勝。

黃三、明作業

又佛菩薩由漏盡智自無染污，亦善為他廣分別說壞增上慢，當知是名此所作業。

戌二、法威力（分三）

亥一、徵

云何法威力？

亥二、釋（分二）

天一、略標列

謂布施威力乃至般若威力，此布施等諸法威力，應知一一略有四相：

- 一者斷所對治相；
- 二者資糧成熟相；
- 三者饒益自他相；
- 四者與當來果相。

天二、隨別釋（分六）

地一、布施（分二）

玄一、釋（分四）

黃一、斷所對治相

布施四相者，謂諸菩薩修行惠施，能斷慳吝，施所對治，是名第一。

黃二、資糧成熟相

即此惠施能作自己菩提資糧。亦即能作布施攝事成熟有情，是名第二。

黃三、饒益自他相

施先意悅，施時心淨，施已無悔，於三時中心常歡喜，以自饒益。亦能除他飢渴寒熱種種疾病、所欲匱乏怖畏眾苦，以饒益他，是名第三。

黃四、與當來果相

於當來世，在在生處恒常富樂，得大祿位得，大財寶，得大朋黨，得大眷屬，是名第四。

玄二、結

是名布施威力四相，此外無有若過若增。

地二、持戒（分二）

玄一、釋（分四）

黃一、斷所對治相

持戒四相者，謂諸菩薩受持清淨身、語律儀，能斷犯戒，戒所對治，是名第一。

黃二、資糧成熟相

即所受持清淨尸羅，能為自己菩提資糧。亦即能作同事攝事成熟有情，是名第二。

黃三、饒益自他相

受持淨戒，捨離犯戒為緣所生怖畏眾罪怨敵等事，寢寢安樂，以自饒益，又由淨戒無悔歡喜，乃至心定，以自饒益。

受持淨戒不損惱他，普施一切有情無畏，以饒益他，是名第三。

黃四、與當來果相

由是因緣身壞已後，生於善趣天世界中，是名第四。

玄二、結

是名持戒威力四相，此外無有若過若增。

地三、忍辱（分二）

玄一、釋（分四）

黃一、斷所治相

忍辱四相者，謂諸菩薩修行忍辱能斷不忍，忍所對治，是名第一。

黃二、資糧成熟相

即此忍辱能作自己菩提資糧。亦即能作同事攝事成熟有情，是名第二。

黃三、饒益自他相

由此忍辱濟[打-丁+犬]自他大怖畏事，饒益自他，是名第三。

黃四、與當來果相

由是因緣，能令菩薩於當來世，無多怨敵，無多離隔，無多憂苦，於現法中，臨命終時心無憂悔，身壞已後生於善趣天世界中，是名第四。

玄二、結

是名忍辱威力四相，此外無有若過若增。

地四、精進（分二）

玄一、釋（分四）

黃一、斷所對治相

精進四相者，謂諸菩薩住勤精進，能斷懈怠，精進所治，是名第一。

黃二、資糧成熟相

即此精進，能作自己菩提資糧及所依止。亦即能作同事攝事成熟有

情，是名第二。

黃三、饒益自他相

勤精進故得安樂住，不為一切惡不善法之所雜亂，後後所證轉勝於前倍生歡喜，以自饒益。勤修善品，不以身語損惱於他，令他發生精進樂欲，以饒益他，是名第三。

黃四、與當來果相

由此因力，於當來世，愛樂殊勝士夫功業，是名第四。

玄二、結

是名精進威力四相，此外無有若過若增。

地五、靜慮（分二）

玄一、釋（分四）

黃一、斷所對治相

靜慮四相者，謂諸菩薩入靜慮時，能斷煩惱、語言、尋伺、喜樂、色想等隨煩惱，靜慮所治，是名第一。

黃二、資糧成熟相

即此靜慮，能作自己菩提資糧及所依止。亦即能作同事攝事成熟有情，是名第二。

黃三、饒益自他相

現法樂住，以自饒益。其心寂靜、最極寂靜，遠離貪愛，於諸有情無損無惱，以饒益他，是名第三。

黃四、與當來果相

由此因緣，智得清淨，能發神通，於當來世，生淨天處得靜慮果，是名第四。

玄二、結

是名靜慮威力四相，此外無有若過若增。

地六、般若（分二）

玄一、釋（分四）

黃一、斷所對治相

般若四相者，謂諸菩薩具足妙慧，能斷無明，慧所對治，是名第一。

黃二、資糧成熟相

即此般若，能作自己菩提資糧。能以布施、愛語、利行、同事攝事成熟有情，是名第二。

黃三、饒益自他相

於所知事如義覺了，能引廣大清淨歡喜，以自饒益。普為有情稱理說

法，令其獲得現法、當來利益安樂，以饒益他，是名第三。

黃四、與當來果相

由是因緣，攝諸善根能正所作，於當來世能證二障離繫，謂煩惱障離繫，及所知障離繫，是名第四。

玄二、結

是名般若威力四相，此外無有若過若增。

亥三、結

是名法威力。

戌三、俱生威力（分三）

亥一、徵

云何諸佛菩薩俱生威力？

亥二、釋（分五）

天一、堪忍大苦

謂性能憶念諸本生事，為欲利益諸有情故，不由思擇，於極長時種種猛利無間大苦悉能堪忍。

天二、樂利他事

為欲利益諸有情故，欣樂領受，能辦有情利益事苦。

天三、生睹史多

為欲利益諸有情故，上生第四睹史多天，盡睹史多壽量而住，有三勝事映彼受生諸天子眾，一天壽量，二天形色，三天名稱。

天四、下生人中（分二）

地一、辨相（分十）

玄一、將欲下生相

將欲下生入母胎時，放大光明普照世界。

玄二、入住出胎相

於降母胎，入、住、出位，皆正了知。

玄三、出胎出生相

既出胎已，即於地上不待扶侍，而行七步自稱德號。於初生時有大威德，天、龍、藥叉、健達縛、阿素洛、揭路荼、緊捺洛、牟呼洛伽等，散以種種天妙華香，持天伎樂上妙衣服幢幡寶蓋殊勝供具而為供養。

玄四、生身莊嚴相

又以無上三十二大丈夫相等莊嚴其身。

玄五、自體增上相

住最後有、最後生中，一切怨敵一切魔軍一切災橫不能侵害，坐菩提

座，以慈定力，摧伏眾魔，一一支節皆悉備足那羅延力。

玄六、習諸工巧相

於稚童時不由習學，自然善巧。於諸世間工巧業處，疾疾能入。

玄七、成等正覺相

無師自然獨處三千大千世界，證得無上正等菩提。

玄八、轉正法輪相

索訶界主大梵天王，自然來下，慇懃勸請，哀愍世間宣說正法。

玄九、住極寂靜相

其定寂靜，設大雲雷，曾無覺受，安然不起。

玄十、受諸供養相

為菩薩時，一切禽獸蠕動之類，皆極仰信，常來歸趣，隨其所欲，親附而住。既成佛已，下至傍生亦來供養，如彼獼猴獻清淨蜜，世尊哀受，歡喜舞躍。龍雲常候，洗便降雨，若出遊行，止而不落。

玄十一、宴坐樹下相

菩薩如是若坐樹下，一切枝條並皆垂影，隨蔭其身，曾無虧捨。

玄十二、念無忘失相

證菩提已，於六年中，魔求其便竟不能得，常俱行念，每恒現前，由此念故，受、想、尋思，生、住、滅等無不覺了。

地二、明攝（分二）

玄一、標

又佛成就俱生威力，或有「見便饒益所攝」，或有「賢聖行住所攝」。

玄二、釋（分二）

黃一、見（分二）

字一、列

見便饒益所攝俱生威力者，謂諸世間，若見如來，癡癩心亂，還得本心，逆胎得順，盲者得視，聾者能聽，懷貪欲者得離貪纏，懷瞋恚者得離瞋纏，懷愚癡者得離癡纏。

字二、結

如是等類，當知是名見便饒益所攝俱生威力。

黃二、聖行（分二）

字一、列（分二）

宙一、住所攝

賢聖行住所攝俱生威力者，謂佛菩薩常右脅臥如師子王，雖現安處草葉等蓐，一脅而臥曾無動亂，一切如來應正等覺雖現睡眠而無轉側。

宙二、行所攝

大風卒起不動身衣，行如師子步若牛王，先舉右足方移左足，隨所行地高處便下，下處遂高坦然如掌，無諸礫石磚瓦等物，心專遠離而入聚落，隨所入門門若狹小自然高廣，食所食時有粒皆碎無口不殫。

字二、結

如是等類當知，是名賢聖行住所攝俱生威力。

天五、證般涅槃相

般涅槃時，大地振動，眾星晃耀，交流而隕，諸方一時，欸然大熱，遍滿虛空，奏天大樂。

亥三、結

如是無量甚希有事，皆是如來俱生威力，非是神通威力所作，如是名為：諸佛菩薩俱生威力。

戌四、共不共威力（分二）

亥一、顯共不共（分三）

天一、徵差別

云何諸佛菩薩威力，與聲聞、獨覺有共不共？

天二、釋二種（分二）

地一、不共（分二）

玄一、標列

略由三相應知不共：

一者微細故；

二者品類故；

三者界故。

玄二、隨釋（分三）

黃一、由微細

諸佛菩薩於無量無數諸有情類，及無量無數威力方便，如所應作諸利益事，皆如實知，無不能作，是名微細。

黃二、由品類

一切品類神通威力、法威力、俱生威力悉皆成就，是名品類。

黃三、由界（分二）

字一、顯自

以一切世界、一切有情界為威力境，是名為界。

字二、簡他（分二）

宙一、標二種

聲聞但以二千世界及有情界為神通境，獨覺但以三千世界為神通境。

宙二、隨難釋

何以故？由彼唯為調伏一身而修正行，非諸有情，是故最極唯以一界為神通境。

地二、共

除上所說，所餘諸佛菩薩威力，當知羸相與諸聲聞、獨覺等共。

天三、結不共

如是諸佛菩薩威力，聲聞、獨覺尚不能及，何況所餘一切天人異生外道！

亥二、略攝三種（分二）

天一、標列

諸佛菩薩略有三種神變威力：

- 一者神境神變所攝；
- 二者記說神變所攝；
- 三者教誡神變所攝。

天二、明攝

當知此三，如其所應，攝入三種神通威力，謂神境智通威力、心差別智通威力、漏盡智通威力。

成熟品第六

午四、成熟有情及自佛法處（分二）

未一、徵

云何成熟？

未二、釋（分三）

申一、標列

當知成熟略有六種：

一者成熟自性；

二者所成熟補特伽羅；

三者成熟差別；

四者成熟方便；

五者能成熟補特伽羅；

六者已成熟補特伽羅相。

申二、隨釋（分六）

酉一、成熟自性（分三）

戌一、徵

云何成熟自性？

戌二、釋（分二）

亥一、明自性

謂由有善法種子及數習諸善法故，獲得能順二障斷淨增上身心，有堪任性，極調善性，正加行滿，安住於此。若遇大師、不遇大師，皆有堪任，有大勢力，無間能證煩惱障斷、所知障斷。

亥二、喻成熟（分二）

天一、舉喻

譬如癱瘓熟至究竟，無間可破，說名為熟。

又如瓦器熟至究竟，無間可用，說名為熟。

又如眾果熟至究竟，無間可噉，說名為熟。

天二、合法

如是由有善法種子及數修習諸善法故，獲得能順，廣說乃至正加行滿，無間能證二障清淨，說名成熟。

戌三、結

如是名為：成熟自性。

酉二、所成熟補特伽羅（分二）

戌一、徵

云何所成熟補特伽羅？

戌二、釋（分二）

亥一、標列四種

謂所成熟補特伽羅略有四種：

一者住聲聞種性，於聲聞乘應可成熟補特伽羅；

二者住獨覺種性，於獨覺乘應可成熟補特伽羅；

三者住佛種性，於無上乘應可成熟補特伽羅；

四者住無種性，於住善趣應可成熟補特伽羅。

亥二、明所成熟

諸佛菩薩於此四事，應當成熟如是四種補特伽羅，是名所成熟補特伽羅。

酉三、成熟差別（分二）

戌一、徵

云何成熟差別？

戌二、釋（分二）

亥一、標列

謂此差別略有六種，一諸根成熟，二善根成熟，三智慧成熟，四下品成熟，五中品成熟，六上品成熟。

亥二、隨釋（分二）

天一、前三種（分二）

地一、出體性（分三）

玄一、諸根成熟

諸根成熟者，謂壽量具足、形色具足、族姓具足、自在具足、信言具足、大勢具足、人性具足、大力具足，此依身果異熟具足為所依故，堪任發起勇猛精進，修諸善法，於勤修集一切明處心無厭倦。

玄二、善根成熟

善根成熟者，謂性薄塵垢為所依止，性於諸惡不善法中，心不樂入，諸蓋輕微，尋思薄弱，柔和正直，隨順而取。

玄三、智慧成熟

智慧成熟者，謂具足正念，為性聰敏，有所堪任有大勢力，能解善說惡說法義，能受能持能正通達，具足成熟俱生妙慧，依此妙慧有所堪任有大勢力，能令其心究竟解脫一切煩惱。

地二、略攝義

當知此中，諸根成熟故解脫異熟障，善根成熟故能解脫業障，智慧成

熟故解脫煩惱障。

天二、後三種（分三）

地一、下品成熟

下品成熟者，謂二因緣下品成熟：一者未久修習，諸根、善根、智慧成熟因緣未極增長；二者串習下劣因緣。

地二、中品成熟

中品成熟者，謂即於此二種因緣，隨一闕減，隨一具足。

地三、上品成熟

上品成熟者，謂二因緣，俱無闕減。

酉四、成熟方便（分三）

戌一、徵

云何成熟方便？

戌二、釋（分二）

亥一、標列

當知此有二十七種：

- 一者界增長；
- 二者現緣攝受；
- 三者趣入；
- 四者攝樂；
- 五者初發處；
- 六者非初發處；
- 七者遠清淨；
- 八者近清淨；
- 九者加行；
- 十者意樂；
- 十一者財攝受；
- 十二者法攝受；
- 十三者神通引攝；
- 十四者宣說正法；
- 十五者隱密說法；
- 十六者顯了說法；
- 十七者下品加行；
- 十八者中品加行；
- 十九者上品加行；

二十者聽聞；
二十一者思惟；
二十二者修習；
二十三者攝受；
二十四者降伏；
二十五者自成熟；
二十六者請他成熟；
二十七者俱成熟界。

亥二、隨釋（分二）

天一、前二（分二）

地一、出體性（分二）

玄一、界增長

界增長者，謂本性善法種子具足為所依止，先來串習諸善法故，後後位中，善法種子轉增、轉勝、生起堅住，是名界增長。

玄二、現緣攝受

現緣攝受者，謂於現法中，無倒說法無倒受持，如理修行法隨法行。

地二、略攝義

當知界增長由先世因，現在成熟。現緣攝受由現在因，現在成熟。

天二、後二五（分二十五）

地一、趣入

趣入者，謂得淨信增上力故，或有在家，遠離惡行，受持學處；或趣非家，遠離諸欲，受持學處。

地二、攝樂

攝樂者，謂依出離眾苦行跡，及依遠離欲樂、自苦二邊行跡，於佛善說法毘奈耶，真實聖教，深生愛樂。

地三、初發處

初發處者，謂即最初於可厭法深生厭離，於能成辦真實理義，如實了知有勝功德而創趣入，名初發處。

地四、非初發處

非初發處者，謂已趣入補特伽羅，現成熟時，常不捨離諸佛菩薩，諸明了處，轉轉明了，由此成熟，轉轉增進。

地五、遠清淨

遠清淨者，謂由懈怠或由違緣，經極長時或經多生或經多劫方能清淨。

地六、近清淨

近清淨者，當知一切，與此相違。

地七、加行

加行者，謂為獲得自勝義利，猛利樂欲為所依故，或怖當來墮諸惡趣，或怖現法他所譏毀，於諸學處常勤護持，無間所作，殷重所作。

地八、意樂

意樂者，謂於諸法正觀察忍為所依故，於佛善說法毘奈耶不可引奪，於他所證深生信解，信有功德為所依故，於三寶所及於獲得自義利所，深信無動。

地九、財攝受

財攝受者，謂於一切飲食等物有匱乏者，施與一切飲食等物，或於隨順飲食等物有匱乏者，施與隨順飲食等物。

地十、法攝受

法攝受者，謂或宣說正法施諸有情，或開顯正義施諸有情。

地十一、神通引攝

神通引攝者，謂具神通者，哀愍有情故，或為有情意樂清淨，或為有情加行清淨增上力故，示現種種神通變化，欲令有情見已聞已於佛聖教，或當獲得意樂清淨，或當修行無倒加行，彼諸有情由此神變引攝心故，或有獲得意樂清淨，或有修行無倒加行。

地十二、宣說正法

宣說正法者，謂於獲得自勝義利。若無堪能為說正法，伴助令彼發生正行。若有堪能為說正法，隨順令彼速證通慧。

地十三、隱密說法

隱密說法者，謂於嬰兒智慧有情，隱覆廣大甚深義法，為說麤淺易可悟入，易為方便趣入處法。

地十四、顯了說法

顯了說法者，謂於廣大智慧有情已善悟入聖教理者，為其開示廣大甚深道理處法。

地十五、下品加行

下品加行者，謂若遠離無間加行及殷重加行。

地十六、中品加行

中品加行者，謂或遠離無間加行，或復遠離殷重加行，於二加行，隨闕一種。

地十七、上品加行

上品加行者，謂無間加行及殷重加行，二俱相應。

地十八、聽聞

聽聞者，謂於佛語深生信解，精勤聽聞受持讀誦《契經》等法。

地十九、思惟

思惟者，謂居遠離，樂思惟法，推度其義，解了決定。

地二十、修習

修習者，謂於止舉捨相，正審觀察為先，深心欣樂，修正舉捨。

地二十一、攝受(分二)

玄一、與作依止

攝受者，謂無染心，以親教師及軌範師，道理方便無有顛倒，與作依止。

玄二、起供事行

又即於彼發起種種別供事行，謂看病行，給施如法衣服、飲食、諸坐臥具、病緣醫藥、資生具行，除遣憂愁及惡作行，除遣煩惱、隨煩惱行，如是等類，當知皆名別供事行。

地二十二、降伏(分二)

玄一標列

降伏者，謂深防護自身雜染，於毀犯者，若犯下品慈心諫誨。若犯中品慈心訶罰。若犯上品慈心驅擯。

玄二料簡(分二)

黃一、諫誨訶罰

當知此中，諫誨、訶罰，令彼及餘，利益安樂。

黃二、驅擯(分二)

字一、標差別

驅擯一種若重攝受，令彼及餘利益安樂。

若驅擯已不重攝受，但令其餘利益安樂。

字二、隨難釋

何以故？餘若見彼毀犯因緣，既被驅擯，便自防護不超毀犯故。

地二十三、自成熟

玄一、自正修行

自成熟者，謂自宣說隨順正法，令諸有情出不善處，安立善處，如自所說，亦自修行法隨法行，令諸有情同分隨轉。

玄二、遮他譏毀

勿使他人作如是說：汝自不能出不善處，安立善處，云何於他教授諫舉為作憶念？他應於汝，教授諫舉，為作憶念！

地二十四、請他成熟

請他成熟者，謂若有餘無量有情，於彼發起上品愛敬，或復有餘善知方便，於說正法已善修學，即應勸請慇懃營助，令其成熟無量有情。

地二十五、俱成熟

俱成熟者，謂具二種。若自成熟、若勸請他令其成熟。

戌三、結

由此所說二十七種成熟方便，當知今前六種成熟差別圓滿，所謂諸根成熟、善根成熟、智慧成熟、下品成熟、中品成熟、上品成熟。

酉五、能成熟補特伽羅（分二）

戌一、徵

云何能成熟補特伽羅？

戌二、釋（分二）

亥一、標列能成熟

謂略有六種菩薩，住菩薩六地能成熟有情：

- 一切勝解行菩薩住勝解行地；
- 二者淨勝意樂菩薩住淨勝意樂地；
- 三者行正行菩薩住行正行地；
- 四者墮決定菩薩住墮決定地；
- 五者決定行正行菩薩住決定行正行地；
- 六者到究竟菩薩住到究竟地。

亥二、料簡所成熟（分二）

天一、無種性

住無種性補特伽羅，於往善趣而成熟時，有數退轉，有數應作。

天二、有種性

安住種性補特伽羅，於往三乘而成熟時，無數退轉，無數應作。

酉六、已成熟補特伽羅相（分二）

戌一、徵

云何已成熟補特伽羅相？

戌二、釋（分三）

亥一、聲聞（分三）

天一、下品成熟

謂諸聲聞先已串習諸善法故，若時安住下品成熟，爾時便有以下品欲樂下品加行，猶往惡趣，非於現法證沙門果，非於現法得般涅槃。

天二、中品成熟

若時安住中品成熟，爾時便有中品欲樂中品加行，不往惡趣，於現法中證沙門果，非於現法得般涅槃。

天三、上品成熟

若時安住上品成熟，爾時便有上品欲樂上品加行，不往惡趣，於現法中證沙門果，即於現法得般涅槃。

亥二、獨覺（分二）

天一、例同

如說聲聞，獨覺亦爾，何以故？道與聲聞同種類故。

天二、顯別

而此獨覺與諸聲聞有差別者，謂住最後有最後所得身，無軌範師，宿習力故，修三十七菩提分法，究竟斷滅一切煩惱，證阿羅漢故名獨覺。

亥三、菩薩（分二）

天一、標三品

若諸菩薩住勝解行地，名下品成熟；

住淨勝意樂地，名中品成熟；

住墮決定到究竟地，名上品成熟。

天二、釋三品（分二）

地一、辨品類（分三）

玄一、下品成熟

若時菩薩住下品成熟，爾時便有以下品欲樂下品加行，猶往惡趣，此盡第一無數劫邊際，熾然、無動、極善清淨覺品善法，當知一切皆未相應。

玄二、中品成熟

若時菩薩住中品成熟，爾時便有中品欲樂中品加行，不往惡趣，此盡第二無數劫邊際，熾然、無動覺品善法，已得相應，極善清淨覺品善法，未得相應。

玄三、上品成熟

若時菩薩住上品成熟，爾時便有上品欲樂上品加行，不往惡趣，此盡第三無數劫邊際，熾然、無動、極善清淨覺品善法，當知一切皆悉成就。

地二、〔釋熾然無動等〕

今於此中，性淳厚故，極猛盛故，能有上品廣大果故，大勝利故，名為熾然。

不轉還故，不退墮故，常勝進故，名為無動。

菩薩地中最無上故，當知說名極善清淨。

申三、料簡（分二）

酉一、品類差別（分三）

戌一、唯下品攝

當知此中，若財攝受所作成熟、若神通引攝所作成熟、若隱密說法所作成熟、若下品加行所作成熟、若唯聽聞所作成熟，如是五種所作成熟，若於長時修習彼法，尚為下品，況於少時修習彼法！

戌二、通三品攝（分三）

亥一、三品

其餘一切成熟因緣所作成熟，當知皆有三品道理，謂若於彼下品修習成下成熟，中品修習成中成熟，上品修習成上成熟。

亥二、九品

此下中上三品成熟，當知一一復有三品，於下品中，有下下、下中、下上三品成熟，於中品中，有中下、中中、中上三品成熟，於上品中，有上下、上中、上上三品成熟。

亥三、無量品

如是等類諸佛菩薩成熟有情，當知展轉差別道理有無量品。

酉二、自他差別（分二）

戌一、為自成熟

此中，菩薩由前所說成熟因緣，為欲成熟自佛法故，精勤修集諸根成熟、善根成熟、智慧成熟、下品成熟、中品成熟、上品成熟。

戌二、令他成熟

又欲令他諸有情類補特伽羅，乘三乘法而出離故，往善趣故，修集如是六種成熟。

菩提品第七
瑜伽師地論卷第三十八

午五、無上正等菩提處（分三）

未一、徵

云何菩提？

未二、釋（分五）

申一、自性（分三）

酉一、第一解（分二）

戌一、標

謂略說二斷、二智，是名菩提。

戌二、釋

二斷者，一煩惱障斷，二所知障斷。

二智者，一煩惱障斷故，畢竟離垢，一切煩惱不隨縛智；二所知障斷故，於一切所知無礙無障智。

酉二、第二解（分二）

戌一、標

復有異門，謂清淨智、一切智、無滯智，一切煩惱并諸習氣無餘永害，遍一切種不染無明無餘永斷，是名無上正等菩提。

戌二、釋（分三）

亥一、清淨智

一切煩惱并諸習氣畢竟斷故，名清淨智。

亥二、一切智（分三）

天一、標

於一切界、一切事、一切品、一切時，智無礙轉，名一切智。

天二、釋（分四）

地一、一切界

界有二種：

一者世界；

二者有情界。

地二、一切事

事有二種：

一者有為；

二者無為。

地三、一切品

即此有為、無為二事，無量品別，名一切品，謂自相展轉種類差別故，共相差別故，因果差別故，界趣差別故，善不善無記等差別故。

地四、一切時

時有三種：

- 一過去；
- 二未來；
- 三現在。

天三、結

即於如是一切界、一切事、一切品、一切時，如實知故，名一切智。

亥三、無滯智

無滯智者，暫作意時，遍於一切無礙速疾無滯智轉，不由數數作意思惟，依一作意遍了知故。

酉三、第三解（分二）

戌一、標

復有異門，謂百四十不共佛法及如來無諍、願智、無礙解等，是名無上正等菩提。

戌二、釋

百四十不共佛法者，謂三十二大丈夫相、八十隨好、四一切種清淨、十力、四無所畏、三念住、三不護、大悲、無忘失法、永害習氣、一切種妙智，是諸佛法，「建立品」中當廣分別。

申二、最勝（分四）

酉一、標

如是菩提，名為最勝。

七種最勝共相應故，由是因緣於諸菩提最為殊勝。

酉二、徵

云何名為七種最勝？

酉三、列

- 一者所依最勝；
- 二者正行最勝；
- 三者圓滿最勝；
- 四者智最勝；
- 五者威力最勝；
- 六者斷最勝；
- 七者住最勝。

酉四、釋（分二）

戌一、種類（分七）

亥一、所依最勝

由諸如來以三十二大丈夫相等莊嚴其身故，名所依最勝。

亥二、正行最勝

由諸如來自利利他，利益安樂無量眾生，哀愍世間，令諸天人獲得義利，利益安樂而行正行故，名正行最勝。

亥三、圓滿最勝

由諸如來無上、無等四種圓滿，謂戒圓滿、見圓滿、軌則圓滿、淨命圓滿，皆悉成就故，名圓滿最勝。

亥四、智最勝

由諸如來無上、無等四無礙解，謂法無礙解、義無礙解、訓詞無礙解、辯說無礙解，皆悉成就故，名智最勝。

亥五、威力最勝

由諸如來無上、無等如前所說六種神通皆悉成就故，名威力最勝。

亥六、斷最勝

由諸如來無上、無等一切煩惱習氣永斷，及一切所知障永斷，皆悉成就故，名斷最勝。

亥七、住最勝（分二）

天一、標

由諸如來多住無上、無等三住，謂聖住、天住、梵住，故名住最勝。

天二、釋（分二）

地一、住差別

當知此中，空、無願、無相住及滅盡定住，是名聖住。

四種靜慮、四無色定，是名天住。

四種無量，是名梵住。

地二、住最勝（分二）

玄一、標列四種

於此三住中，如來多住四最勝住：

謂於聖住中，多住空住、滅盡定住。

於天住中，多住無動第四靜慮住。

於梵住中，多住大悲住。

玄二、隨釋大悲

由是如來晝夜六時，晝三夜三，常以佛眼觀察世間：誰增誰減，我應

令誰未起善根而種善根？廣說乃至我應令誰建立最勝阿羅漢果？

戌二、異名

又諸如來所依最勝，故名大丈夫。正行最勝，故名大悲者。圓滿最勝，故名大戒者及大法者。智最勝，故名大慧者。威力最勝，故名大神通者。斷最勝，故名大解脫者。住最勝，故名多安住廣大住者。

申三、十種功德名號隨念功德

酉一、標

又諸如來，略有十種功德名號隨念功德。

酉二、徵

何等為十？

酉三、列

謂薄伽梵號為如來、應、正等覺、明行圓滿、善逝、世間解、無上丈夫調御士、天人師、佛、薄伽梵。

酉四、釋（分十）

戌一、如來

言無虛妄，故名如來。

戌二、應

已得一切所應得義，應作世間無上福田，應為一切恭敬供養，是故名應。

戌三、正等覺

如其勝義，覺諸法故，名正等覺。

戌四、明行圓滿

明謂三明；行如《經》說，止觀二品極善圓滿，是故說名明行圓滿。

戌五、善逝

上昇最極，永不退還，故名善逝。

戌六、世間解

善知世界及有情界一切品類染淨相，故名世間解。

戌七、無上丈夫調御士

一切世間唯一丈夫，善知最勝調心方便，是故說名無上丈夫調御士。

戌八、天人師

為實眼故，為實智故，為實義故，為實法故，與顯了義為開導故，與一切義為所依故，與不了義為能了故，與所生疑為能斷故，與甚深處為能顯故，令明淨故，與一切法為根本故，為開導故，為所依故，能正教誡教授天人，令其出離一切眾苦，是故說佛名天人師。

戌九、佛

於能引攝「義利法聚」，於能引攝「非義利法聚」，於能引攝「非義利、非非義利法聚」，遍一切種，現前等覺，故名為佛。

戌十、薄伽梵

能破諸魔大力軍眾，具多功德，名薄伽梵。

申四、〔佛之出世〕(分二)

酉一、標

或有多劫無有一佛出現於世，或有一劫有眾多佛出現於世。

酉二、釋(分二)

戌一、多佛土多佛出世(分四)

亥一、標

彼彼十方無量無數諸世界中，應知同時有無量佛出現於世。

亥二、徵

何以故？

亥三、釋(分二)

天一、顯正(分二)

地一、明修因(分二)

玄一、總標

於十方界現有無量無數菩薩，同時發願，同勤修集菩提資糧。

玄二、別顯(分二)

黃一、同時發願

若一菩薩於如是日、於如是分，於如是月、於如是年，發菩提心，願趣菩提，即於此日、即於此分，即於此月、即於此年，一切亦爾。

黃二、同修資糧

如一菩薩勇悍策勵、熾然精進，一切亦爾。

地二、舉現見

於今現見此世界中多百菩薩，同時發願，同修惠施，同修淨戒，同修忍辱，同修精進，同修靜慮，同修智慧，況於十方無量無邊諸佛世界！

天二、遮非(分三)

地一、一世界一時成佛

又於十方現有無量無數三千大千佛土，無二菩薩同時修集菩提資糧，俱時圓滿，於一佛土並出於世一時成佛，況有無量無數菩薩，於一世界一時成佛！

地二、前後避次第成佛

又不應言：眾多菩薩同時修集菩提資糧，俱時圓滿，前後相避，次第成佛。

地三、餘菩薩皆不成佛

亦不應言：一切菩薩皆不成佛。

天三、結成

是故當知：眾多菩薩，同時修集菩提資糧俱圓滿者，於十方面無量無數隨其所淨空無如來諸佛國土，各別出世，同時成佛。

亥四、結

由此道理，多世界中，決定應有眾多菩薩同時成佛。

戌二、一佛土一佛出世(分三)

亥一、標

決定無有一佛土中，有二如來俱時出世。

亥二、徵

何以故？

亥三、釋(分三)

天一、由願增長

菩薩長夜起如是願隨令增長：「我當獨一於無導首諸世界中，為作導首，調伏有情，令脫眾苦，令般涅槃！」如是長夜所起大願隨令增長，攝受正行得成滿故，無二如來於一世界俱時出現。

天二、由遍有能

又一如來於一三千大千佛土，普能施作一切佛事，是故第二如來出世無所利益。

天三、由速成辦(分四)

地一標

又一如來於一佛土出現於世，令諸有情成辦自義，極為熾盛、極為隨順。

地二、徵

何以故？

地三、釋(分二)

玄一、正顯

彼作是思：「一切世間唯一如來更無第二。若於此土化事已訖，或往餘方或入滅度，我等何從當修梵行？我等何從當聞正法？」

如是思已，發起深厚欲勤精進，速修梵行、速聞正法。

玄二、翻成

若一佛土多佛出世，彼於所作不能速疾。

地四、結

故一佛土一佛出世，令諸有情成辦自義，極為熾盛、極為隨順。

申五、差別（分二）

酉一、功德無別（分三）

戌一、標除四法

一切如來，一切功德平等平等，無有差別，唯除四法。

戌二、列四法名

一者壽量；二者名號；三者族姓；四者身相。

戌三、結顯非餘

一切如來，於此四法有增減相，非餘功德。

酉二、所餘無別（分二）

戌一、標非女身

又非女身能證無上正等菩提。

戌二、徵釋所以

何以故？

一切菩薩，於過第一無數劫時，已捨女身，乃至安坐妙菩提座，曾不為女。

一切母邑，性多煩惱、性多惡慧，非諸稟性多煩惱身、多惡慧身，能證無上正等菩提。

未三、結（分二）

申一、顯略義

如是無上正等菩提，如說自性應如實知，如說最勝應如實知，如說十種功德名號隨念功德應如實知，如說出現應如實知，如說差別應如實知。

申二、顯勝德

又此菩提，為不思議，超過一切尋思道故；

為無有量，無邊功德所集成故；

為無有上，生成一切聲聞、獨覺及與如來諸功德故；

是故唯佛所證菩提，最上、最尊、最妙、最勝。

力種性品第八

寅二、如是學（分二）

卯一、結前生後

已說菩薩所應學處，如是應學，我今當說。

卯二、略廣分別（分二）

辰一、略（分二）

巳一、總標（分二）

午一、喞柁南

喞柁南曰：

勝解多求法，說法修法行，正教授教誡，方便攝三業。

午二、長行

若諸菩薩，欲於菩薩所應學處精勤修學，最初定應具多勝解、應求正法、應說正法、應正修行法隨法行、應正教授、應正教誡、應住無倒教授教誡方便所攝身語意業。

巳二、別釋（分七）

午一、應具多勝解（分二）

未一、徵

云何菩薩具多勝解？

未二、釋（分二）

申一、依處（分二）

酉一、標數

謂諸菩薩於其八種勝解依處，具足成就淨信為先，決定喜樂。

酉二、列釋（分八）

戌一、於三寶功德

一者於三寶功德勝解依處，具足成就淨信為先，決定喜樂，謂於佛法僧真實功德，具多勝解。

戌二、於威力

二者於佛菩薩威力勝解依處，具足成就淨信為先，決定喜樂，謂於如前所說威力，具多勝解。

戌三、於真實義

三者於真實義勝解依處，具足成就淨信為先，決定喜樂，謂於如前所說真實義，具多勝解。

戌四、於因

四者於因緣勝解依處，具足成就淨信為先，決定喜樂，謂於種種如應

所攝無顛倒因，具多勝解。

戌五、於果

五者於果勝解依處，具足成就淨信為先，決定喜樂，謂於種種如應所攝無顛倒果，具多勝解。

戌六、於應得義

六者於應得義勝解依處，具足成就淨信為先，決定喜樂，謂於無上正等菩提所應得義，我有堪任定當能得，具多勝解。

戌七、於得方便

七者於得方便勝解依處，具足成就淨信為先，決定喜樂，謂於一切菩薩學道能得方便，有此方便得應得義，具多勝解。

戌八、於善說

八者於善言善語善說勝解依處，具足成就淨信為先，決定喜樂，謂於契經、應頌、記別等法，具多勝解。

申二、因緣

於此八種勝解依處，應知菩薩由二因緣具多勝解：

- 一者多修勝解故；
- 二者積集猛利忍故。

午二、應求正法（分三）

未一、總徵三求

彼諸菩薩求正法時，當何所求？云何而求？何義故求？

未二、別釋三求（分三）

申一、當何所求（分二）

酉一、當求一切（分二）

戌一、標

謂諸菩薩，以要言之，當求一切菩薩藏法、聲聞藏法、一切外論、一切世間工業處論。

戌二、釋（分三）

亥一、菩薩聲聞藏

當知於彼十二分教，方廣一分唯菩薩藏，所餘諸分有聲聞藏。

亥二、一切外論

一切外論略有三種：

- 一者因論；
- 二者聲論；
- 三者醫方論。

亥三、一切世間工業處論

一切世間工業處論，非一眾多種種品類，謂金師、鐵師、末尼師等工業智處。

酉二、出明處攝（分二）

戌一、略辨五明（分三）

亥一、標類

如是一切明處所攝有五明處：一內明處，二因明處，三聲明處，四醫方明處，五工業明處，菩薩於此五種明處若正勤求，則名勤求一切明處。

亥二、徵相

諸佛語言名內明論，此幾相轉？如是乃至一切世間工巧業處名工業明論，此幾相轉？

亥三、別釋（分五）

天一、內明論

謂內明論，略二相轉：

- 一者顯示正因果相；
- 二者顯示已作不失、未作不得相。

天二、因明論

因明論，亦二相轉：

- 一者顯示摧伏他論勝利相；
- 二者顯示免脫他論勝利相。

天三、聲明論

聲明論，亦二相轉：

- 一者顯示安立界相、能成立相。
- 二者顯示語工勝利相。

天四、醫方明論

醫方明論，四種相轉：

- 一者顯示病體善巧相；
- 二者顯示病因善巧相；
- 三者顯示斷已生病善巧相；
- 四者顯示已斷之病當不更生善巧相。

天五、一切世間工業明論

一切世間工業明論，顯示各別工巧業處所作成辦種種異相。

戌二、廣顯內明（分二）

亥一、正因果相（分二）
天一、總徵

云何內明論顯示因果相？

天二、別顯（分三）
地一、因相（分二）
玄一、標

謂有十種因，當知建立無顛倒因攝一切因，或為雜染或為清淨，或為世間彼彼稼穡等無記法轉。

玄二、釋（分二）
黃一、十因（分二）

宇一、自性（分三）

宙一、徵

云何十因？

宙二、列

- 一隨說因；
- 二觀待因；
- 三牽引因；
- 四攝受因；
- 五生起因；
- 六引發因；
- 七定別因；
- 八同事因；
- 九相違因；
- 十不相違因。

宙三、釋（分九）

洪一、隨說因

謂一切法，名為先故想，想為先故說，是名彼諸法隨說因。

洪二、觀待因（分二）

荒一、標名

觀待此故，此為因故，於彼彼事若求、若取，此名彼觀待因。

荒二、舉事

如觀待手故，手為因故，有執持業。觀待足故，足為因故，有往來業。觀待節故，節為因故，有屈申業。觀待飢渴故，飢渴為因故，於諸飲食若求、若取，隨如是等無量道理，應當了知觀待因相。

洪三、牽引因

一切種子望後自果，名牽引因。

洪四、攝受因

除種子外，所餘諸緣，名攝受因。

洪五、生起因

即諸種子，望初自果，名生起因。

洪六、引發因

即初種子所生起果，望後種子所牽引果，名引發因。

洪七、定別因

種種異類各別因緣，名定別因。

洪八、同事因

若觀待因、若牽引因、若攝受因、若生起因、若引發因、若定別因，如是諸因總攝為一，名同事因。

洪九、相違、不相違因（分二）

荒一、略辨義

於所生法能障礙因，名相違因。此障礙因若闕若離，名不相違因。

荒二、廣相違（分三）

日一、標數

當知相違略有六種。

日二、列釋（分六）

月一、語言相違

一語言相違，謂有一類或諸沙門或婆羅門，所造諸論前後相違。

月二、道理相違

二道理相違，謂為成立諸所成立諸所知義，建立比量，不與證成道理相應。

月三、生起相違

三生起相違，謂所生法能生緣闕，障生緣會。

月四、同處相違

四同處相違，謂明闇、貪瞋、苦樂等法。

月五、怨敵相違

五怨敵相違，謂毒蛇、鼠狼、貓狸、鼯鼠互為怨敵惡知識等。

月六、障治相違

六障治相違，謂修不淨與諸貪欲，修慈與瞋，修悲與害，修七覺支八聖道支與三界繫一切煩惱。

日三、簡義

於此義中，正意唯取生起相違。

字二、相攝（分二）

宙一、二因攝

此一切因，二因所攝：一能生因，二方便因。

當知此中，牽引種子，生起種子，名能生因。所餘諸因名方便因。

宙二、四緣攝（分二）

洪一、標列

復有四緣，一因緣，二等無間緣，三所緣緣，四增上緣。

洪二、別配（分二）

荒一、總配二因

當知此中，若能生因，是名因緣。若方便因，是增上緣。

荒二、別顯攝受

等無間緣及所緣緣，唯望一切心心法說，由彼一切心及心法前生開導所攝受故，所緣境界所攝受故，方生方轉，是故當知等無間緣及所緣緣，攝受因攝。

黃二、隨轉（分二）

字一、總徵

如是十因，云何能令一切世間種種事轉？

云何能令雜染事轉？

云何能令清淨事轉？

字二、別顯（分二）

宙一、於世間種種物（分二）

洪一、舉穀數（分十）

荒一、隨說因（分二）

日一、標名

謂於世間種種稼穡，墮諸穀數世資生物，所有種種名想言說，謂大麥、小麥、稻穀、胡麻、大小豆等，即此望彼種種稼穡，為隨說因。

日二、舉說（分二）

月一、舉大麥

如言大麥持去、持來，若磨、若置，如是等類種種隨說。

月二、例餘穀

如說大麥，餘小麥等當知亦爾。

荒二、觀待因

觀待飢渴，羸劣身住，觀待段食所有愛味，於彼追求執取受用，即說彼法為觀待因。

荒三、牽引因

由彼各別自種子故，種種稼穡差別而生，即說彼種子為此牽引因。

荒四、攝受因

地、雨等緣能生於芽，名攝受因。

荒五、生起因

即彼種子望所生芽，名生起因。

荒六、引發因

芽、莖、葉等展轉相續，望彼稼穡若成、若熟，為引發因。

荒七、定別因

從大麥種生大麥芽、大麥苗稼，不生餘類，如是所餘當知亦爾，即說彼為此定別因。

荒八、同事因（分二）

日一、標名

即彼一切從觀待因至定別因，同為稼穡而得成熟，名同事因。

日二、釋義

非彼稼穡隨闕一因而得成熟，是故一切和合，說為此同事因。

荒九、相違因

霜雹災等諸障礙法，望彼滋稼，為相違因。

荒十、不相違因

彼闕無障是諸滋稼，不相違因。

洪二、例餘事

如是十因，於餘世間種種事物，隨其所應，當知廣如「攝穀論」說。

宙二、於染淨事（分二）

洪一、別釋（分二）

荒一、於雜染事（分二）

日一、釋（分十）

月一、隨說因（分二）

盈一、標名

又於一切雜染緣起所有種種名想言說，謂無明行識名色，廣說乃至老死、愁悲、憂苦、擾惱，即此望彼諸雜染法，為隨說因。

盈二、舉說

如言無明緣行，乃至生緣老死，如是等類種種隨說。

月二、觀待因

觀待境界所有愛味，於諸有支相續流轉，即彼望此諸雜染法，為觀待因。

月三、牽引因

於現法中，無明等法所有已生、已長種子，今此種子望於餘生「生、老死」等，為牽引因。

月四、攝受因

近不善士、聞不正法、非理作意，及先串習所引勢力，生無明等，名攝受因。

月五、生起因

無明等法各別種子，名生起因。

月六、引發因

從無明支乃至有支，展轉引發後後相續，望於餘生「生、老死」等，為引發因。

月七、定別因

餘無明支及自種子乃至有支，能生那洛迦；
餘無明支及自種子乃至有支，能生傍生、餓鬼、人、天，當知亦爾。
即此望彼諸雜染法，名定別因。

月八、同事因

即彼一切，從觀待因至定別因，名同事因。

月九、相違因

此雜染法相違因者，謂出世間種性具足、值佛出世演說正法、親近善士、聽聞正法、如理作意、法隨法行及與一切菩提分法。

月十、不相違因

即如所說種種善法若闕、若離，是雜染法不相違因。

日二、結

如是十因，應知能起一切有情一切雜染。

荒二、於清淨事（分九）

日一、隨說因（分二）

月一、標名

又於一切清淨品法及滅涅槃，所有種種名想言說，即此望彼諸清淨法，為隨說因。

月二、舉說

如言念住、正斷乃至八聖道支，無明滅故行滅，廣說乃至生滅故老死

滅，如是等類種種隨說。

日二、觀待因

觀待諸行多過患故，樂求清淨，攝受清淨，成滿清淨，彼望於此，為觀待因。

日三、牽引因

安住種性補特伽羅，種性具足能為上首，證有餘依及無餘依二涅槃界，彼望清淨，為牽引因。

日四、攝受因

親近善士、聽聞正法、如理作意，及先所作諸根成熟，名攝受因。

日五、生起因

種性所攝一切無漏菩提分法所有種子，望彼一切菩提分法，為生起因。

日六、引發因

即自種子所生一切菩提分法，漸次能證若有餘依、若無餘依二涅槃界，名引發因。

日七、定別因

聲聞種性以聲聞乘能般涅槃，獨覺種性以獨覺乘能般涅槃，大乘種性以無上乘能般涅槃，彼望清淨，為定別因。

日八、同事因

若清淨品觀待因乃至定別因，彼望清淨，為同事因。

日九、相違不相違因（分二）

月一辨差別（分二）

盈一、相違因

種性不具足、不值佛出世、生諸無暇處、不親近善士、不聽聞正法、不如理作意、數習諸邪行，彼望清淨，為相違因。

盈二、不相違因

此相違因若闕、若離，是名清淨不相違因。

月二、例當知

若雜染品諸相違因，當知即是清淨法因。

若清淨品諸相違因，當知即是雜染法因。

洪二、總結

如是現有雜染十因、清淨十因，過去、未來曾當染淨，皆亦如是，一切唯有如是十因，除此無有若過若增。

地二、果相（分四）

玄一、徵

於此相中云何為果？

玄二、標

謂略有五。

玄三、列

一者異熟果；
二者等流果；
三者離繫果；
四者士用果；
五者增上果。

玄四、釋（分五）

黃一、異熟

諸不善法於諸惡趣受異熟果，善有漏法於諸善趣受異熟果，是名異熟果。

黃二、等流

習不善故，樂住不善，不善法增；
修習善故，樂住善法，善法增長；
或似先業，後果隨轉，是名等流果。

黃三、離繫（分二）

字一、標名

八支聖道滅諸煩惱，名離繫果。

字二、簡非

若諸異生，以世俗道滅諸煩惱，不究竟故，非離繫果。

黃四、士用

諸有一類於現法中，依止隨一工巧業處，起士夫用，所謂農作、商賈、事王、書畫、算數、占卜等事，由此成辦諸稼穡等、財利等果，是名士用果。

黃五、增上（分三）

字一、六根攝

若眼識等，是眼根增上果，乃至意識等，是意根增上果。

字二、命根攝

眾生身分不散不壞，是命根增上果。

字三、二十二根攝（分二）

宙一、標

二十二根各各能起自增上果，當知一切名增上果。

宙二、指

二十二根增上作用，如「攝事分」應知其相。

地三、修果

菩薩於是內明所顯正因果相，如實知己，精勤修習，令「處非處智力種性」，漸得清淨，漸得增長。

亥二、已作不失等（分二）

天一、徵

云何內明論顯示已作不失、未作不得相？

天二、釋（分二）

地一、別辨相（分二）

玄一、已作不失

謂諸有情自所作業，雖復作已，經多百劫，與果功能終無失壞。

玄二、未作不得

亦無不作，或復異作，而有異熟或異果熟。

地二、明修果

菩薩於是內明所顯已作不失未作不得相，如實知己，精勤修習，令其「自業智力種性」，漸得清淨，漸得增長。

申二、云何求（分三）

酉一、徵

菩薩云何求聞正法？

酉二、釋（分二）

戌一、求法（分二）

亥一、於善說法（分二）

天一、猛利愛重（分二）

地一、標所應

謂諸菩薩於善說法，應當安住猛利愛重，求聞正法。

地二、釋略說

如是略說於善說法安住猛利愛重之相，謂諸菩薩為欲聽聞一善說法，假使路由猛焰熾然大熱鐵地，無餘方便可得聞是善說法者，即便發起猛利愛重，歡喜而入，何況欲聞多善言義！

天二、校量餘事

又諸菩薩於自身分，及於一切資身眾具飲食等事所有愛重，於欲聽聞諸善說法所有愛重，以前愛重方後愛重，於百分中不及其一，於千分中亦不及一，於數分中亦不及一，於算分中亦不及一，乃至鄔波尼殺

曇分亦不及一。

亥二、於說法師（分二）

天一、樂聽聞法

菩薩如是於善說法深生敬重，常樂聽聞諸善說法，無有勞倦亦無厭足。

天二、具愛敬德

淨信淳厚，其性柔和，心直見直，愛敬德故，愛敬法故，往法師所無難詰心，有敬重心，無高慢心，專為求善，非顯己德，為欲安立自他善根，不為利養恭敬因緣。

戌二、聞法（分二）

亥一、標

菩薩具足如是功德，往法師所無雜染心、無散亂心，聽聞正法。

亥二、釋（分二）

天一、無雜染心（分三）

地一、徵

云何菩薩無雜染心聽聞正法？

地二、釋（分二）

玄一、標列

謂聽法時，其心遠離貢高雜染，其心遠離輕慢雜染，其心遠離怯弱雜染。

由六種相其心遠離貢高雜染，由四種相其心遠離輕慢雜染，由一種相其心遠離怯弱雜染。

玄二、隨釋（分三）

黃一、由六相

謂聽法時，應時而聽，愍重而聽，恭敬而聽，不為損害，不為隨順，不求過失，由此六相其心遠離貢高雜染。

黃二、由四相

又聽法時，恭敬正法，恭敬說法補特伽羅，不輕正法，不輕說法補特伽羅，由此四相其心遠離輕慢雜染。

黃三、由一相

又聽法時，不自輕蔑，由此一相其心遠離怯弱雜染。

地三、結

菩薩如是無雜染心聽聞正法。

天二、無散亂心（分三）

地一、徵

云何菩薩無散亂心聽聞正法？

地二、標

謂由五相。

地三、列

一者求悟解心聽聞正法；
二者專一趣心聽聞正法；
三者聆音屬耳聽聞正法；
四者掃滌其心聽聞正法；
五者攝一切心聽聞正法。

酉三、結

菩薩如是求聞正法。

申三、何故求（分三）

酉一、徵

菩薩何故求聞正法？

酉二、釋（分五）

戌一、內明

謂諸菩薩求內明時，為正修行法隨法行，為廣開示利悟於他。

戌二、因明

若諸菩薩求因明時，為欲如實了知外道所造因論是惡言說，為欲降伏他諸異論，為欲於此真實聖教未淨信者，令其淨信，已淨信者，倍令增廣。

戌三、聲明

若諸菩薩求聲明時，為令信樂典語眾生於菩薩身深生敬信，為欲悟入詰訓言音文句差別，於一義中種種品類殊音隨說。

戌四、醫方明

若諸菩薩求醫明時，為息眾生種種疾病，為欲饒益一切大眾。

戌五、工業明

若諸菩薩求諸世間工業智處，為少功力多集珍財，為欲利益諸眾生故，為發眾生甚希奇想，為以巧智平等分布，饒益攝受無量眾生。

酉三、結

菩薩求此一切五明，為令無上正等菩提大智資糧速得圓滿，非不於此一切明處次第修學能得無障一切智智。

未三、總結三求

如是已說一切菩薩正所應求、如是而求、為此義求。

午三、應說正法（分三）

未一、總徵

菩薩為他說正法時，當何所說？云何而說？何義故說？

未二、別釋（分三）

申一、明所說

謂諸菩薩正所應求，即是所說。

申二、所為說

為此義求，即為此義而為他說。

申三、如是說（分二）

酉一、標列

依二種相，應為他說：

一者依隨順說，應為他說；

二者依清淨說，應為他說。

酉二、隨釋（分二）

戌一、別辨相（分二）

亥一、依隨順說（分三）

天一、徵

云何依隨順說，應為他說？

天二、釋（分十五）

地一、以時

謂諸菩薩應當安住如法威儀而為他說，非不安住如法威儀，不為無病處高座者而說正法，不為坐者立說正法，不應居後為前行者而說正法，不為覆頭而說正法，如《別解脫經》廣說應知，何以故？諸佛菩薩敬重法故。

地二、重法

又於正法生尊重時，令他於法，起極珍貴，恭敬聽聞而不輕毀。

地三、次第

又為一切說一切法，無間而說。

地四、相續

又於正法不生慳吝，不作師拳。

地五、隨順

又於正法如其文句次第而標，如其文句次第而釋，如其次第分別其義。

地六、歡喜

又若引攝義利法義，應標、應釋、應廣分別，非不引攝義利法義。

又應示現所應示現。 地七、愛樂

又應教導所應教導。 地八、悅豫

又應讚勵所應讚勵。 地九、欣勇

又應慶慰所應慶慰。 地十、不擯

又依現、比、至教道理而說正法，非不依彼三量道理。 地十一、應理

又所宣說順往善趣。 地十二、稱順

又所宣說無亂易入而不隱密。 地十三、無亂

又所宣說應四聖諦。 地十四、如法

又處一切眾說正法時，隨眾所應而為宣說。 地十五、順眾

菩薩依此十五種相，諸隨順說普為利他，應如是說。 天三、結

云何依清淨說，應為他說？ 亥二、依清淨說（分三）

謂諸菩薩於已有怨諸有情類，應住慈心為說正法。 天一、徵

於行惡行諸有情類，住利益心應說正法。 天二、釋（分五）

於諸有樂有苦放逸下劣有情，應當安住利益安樂哀愍之心為說正法。 地一、慈心

不以嫉纏增上力故自讚毀他。 地二、利益心

以無染心不希利益恭敬讚頌為他說法。 地三、哀愍心

地四、不自讚毀他

地五、不依利養恭敬

天三、結

菩薩依止此五種相，諸清淨說普為利他，應如是說。

戌二、結略義

如是菩薩說正法相，略有二十：

- 一者以時；
- 二者重法；
- 三者次第；
- 四者相續；
- 五者隨順；
- 六者歡喜；
- 七者愛樂；
- 八者悅豫；
- 九者欣勇；
- 十者不擯；
- 十一者應理；
- 十二者稱順；
- 十三者無亂；
- 十四者如法；
- 十五者順眾；
- 十六者慈心；
- 十七者利益心；
- 十八者哀愍心；
- 十九者不自讚毀他；
- 二十者不依利養恭敬讚頌。

未三、總結

菩薩如是應常為他宣說正法。

午四、應修法隨法行（分三）

未一、徵

云何菩薩法隨法行？

未二、標

當知此行略有五種，謂如所求、如所受法，身、語、意業無倒隨轉、正思、正修。

未三、釋（分三）

申一、〔身、語、意業無倒隨轉〕

若佛世尊於彼諸法制身語意令不造作，於此諸法開身語意令其造作，即於如是二種法中，身語意業無倒遠離無倒修證，是名菩薩於諸法中身、語、意業無倒隨轉，法隨法行。

申二、於法正思（分三）

酉一、徵

云何菩薩於法正思？

酉二、釋（分二）

戌一、標列相

謂諸菩薩獨居閑靜，隨所聞法，樂欲思惟，樂欲稱量，樂欲觀察，先當遠離不思議處思惟彼法，恒常思惟，無間加行、殷重加行而無慢緩。

戌二、顯勝利（分八）

亥一、由遠離不思議

是諸菩薩勇猛精進思惟法時，於其少分以理觀察而隨悟入，於其少分但深信解。

凡所思惟但依其義不依其文，如實了知黑說大說，正能悟入最初思惟，既悟入已數數作意令得堅固，是諸菩薩由能遠離不應思議而思惟故，其心不墮迷悶錯亂。

亥二、由恒常等思惟

由能恒常無間、殷重加行，無緩而思惟故，先未知義得正了知、得正決了，先已知義得無失壞、得不忘失。

亥三、由少分觀察

由於少分以理觀察隨悟入故，於隨正理觀察法中不由他緣。

亥四、由少分信解

由於少分但信解故，於極甚深自少覺慧不能達法，仰推如來言如是法是佛所行非我境界，如是於法不生誹謗、不自損害，遠離衰患，無諸過罪。

亥五、由依義思惟

由諸菩薩思惟法時，但依其義不依文故，於佛世尊一切所說密意語言，能隨悟入。

亥六、由了知默說大說

由諸菩薩普於一切黑說大說得善巧故，於真實義無物無法能傾能動。

亥七、由悟入最初思惟

是諸菩薩正能悟入初思惟故，能得先來所未得忍。

亥八、由數數作意堅固

是諸菩薩由即於此已所得忍，數數作意令堅牢故，能於其修隨順趣入。

酉三、結

菩薩由是八種相故，能正修行，正思所攝法隨法行。

申三、於法正修（分三）

酉一、徵起

云何菩薩於法正修？

酉二、標列

當知此修略有四相：

一者奢摩他；

二者毘鉢舍那；

三者修習奢摩他、毘鉢舍那；

四者樂修習奢摩他、毘鉢舍那。

酉三、隨釋（分二）

戌一、別辨相（分四）

亥一、奢摩他（分三）

天一、徵

云何奢摩他？

天二、釋（分二）

地一、辨所緣

謂諸菩薩由八種思善依持故，於離言說唯事、唯義所緣境中，繫心令住，離諸戲論，離心擾亂想作意故，於諸所緣而作勝解。

地二、出體相

於諸定相令心內住、安住、等住，廣說乃至一趣等持。

天三、結

是名奢摩他。

亥二、毗鉢舍那（分三）

天一、徵

云何毘鉢舍那？

天二、釋（分二）

地一、辨所緣

謂諸菩薩由奢摩他熏修作意，即於如先所思惟法，思惟其相。

地二、出體相

如理簡擇、最極簡擇、極簡擇法，廣說乃至覺、明、慧行。

天三、結

是名毘鉢舍那。

亥三、修習奢摩他毗鉢舍那

云何修習奢摩他、毘鉢舍那？

謂諸菩薩於奢摩他、毘鉢舍那，無間加行、殷重加行，恒常修習，是名修習奢摩他、毘鉢舍那。

亥四、樂修奢摩他毗鉢舍那

云何樂修習奢摩他、毘鉢舍那？

謂諸菩薩即於如是止觀相中，其心無動，於無功用離諸加行，任運轉處攝受無亂，是名樂修習奢摩他、毘鉢舍那。

戌二、明作業（分二）

亥一、釋（分二）

天一、漸次

當知此中，是諸菩薩如如修習奢摩他、毘鉢舍那，如是如是樂住奢摩他、毘鉢舍那；如如樂住奢摩他、毘鉢舍那，如是如是奢摩他、毘鉢舍那清淨；如如奢摩他清淨，如是如是身安心安增長廣大；如如毘鉢舍那清淨，如是如是若智、若見增長廣大。

天二、究竟

齊此名為修所應作，謂於所依中應除遣羸重，及於一切所知應修清淨智見。

亥二、結

如是一切修所作業，菩薩由前四種修相皆能成辦。

午五、應正教授（分三）

未一、徵

云何教授？

未二、標

當知教授略有八種。

未三、釋（分四）

申一、辨自他（分二）

酉一、施他教授

謂諸菩薩或三摩地為依止故，或於長時共彼住故，於彼慈悲欲為教授。

酉二、從他教授

或由其餘諸菩薩眾，或由如來為作教授。

申二、辨先因（分四）

酉一、尋思心

於教授時，先當審諦尋思其心，如實了知。

酉二、尋思根

尋思如實了知心已，尋思其根，如實了知。

酉三、尋思意樂

尋思如實了知根已，尋思意樂，如實了知。

酉四、尋思隨眠

尋思如實知意樂已，尋思隨眠，如實了知。

申三、辨種類（分二）

酉一、標舉（分三）

戌一、示趣入門

尋思如實知隨眠已，如其所應隨其所宜，示現種種所趣入門令其趣入，謂或修不淨，或復修慈，或修種種緣性緣起，或修界差別，或修阿那波那念。

戌二、說處中行

如其所應，隨其所宜，示現種種所趣入門令趣入已，為說能治常邊邪執處中之行，為說能治斷邊邪執處中之行。

戌三、除增上慢

令其除捨未作調作、未得調得、未觸調觸、未證調證，諸增上慢。

酉二、明攝（分五）

戌一、標

如是菩薩八種教授，當知略說三處所攝。

戌二、徵

云何三處？

戌三、列

- 一未住心者為令住故，令於所緣無倒係念；
- 二心已住者為令獲得自義利故，為其宣說正方便道；
- 三於自所作未究竟者，令捨中間所有留難。

戌四、釋（分三）

亥一、為令心住

若知彼心、根、意樂、隨眠已，如其所應，隨其所宜，示現種種所趣入門令其趣入，當知是名未住心者為令住故，令於所緣無倒係念。

亥二、令得方便

若為宣說能治斷常二邊邪執處中之行，當知是名：心已住者，為令獲得自義利故，為其宣說正方便道。

亥三、令捨留難

若令除捨未作調作，廣說乃至未證調證諸增上慢，當知是名：於自所作未究竟者，令捨中間所有留難。

戌五、結

如是三處，當知能攝八種教授。

申四、顯勝利（分二）

酉一、標

如是菩薩，或由從他得正教授，或由施他無倒教授，能令所餘「八力種性」漸得清淨，漸得增長。

酉二、列

謂靜慮、解脫、等持、等至智力種性；
諸根勝劣智力種性；
種種勝解智力種性；
種種界智力種性；
遍趣行智力種性；
宿住隨念智力種性；
死生智力種性；
漏盡智力種性。

午六、應正教誡（分二）

未一、徵

云何教誡？

未二、釋（分二）

申一、標列相（分二）

酉一、標

當知教誡略有五種。

酉二、列（分五）

戌一、遮止

一者遮止有罪現行。

戌二、開許

二者開許無罪現行。

戌三、諫誨

三者若有於所遮止開許法中暫行犯者，如法諫誨。

戌四、呵擯

四者若有於彼法中數數輕慢而毀犯者，以無染濁無有變異親善意樂，

如法呵擯與作憶念。

戌五、慶慰

五者若有於所遮止開許法中能正行者，慈愛稱歎真實功德，令其歡喜。

申二、結略義

當知是名：略說菩薩五種教誡，所謂遮止、開許、諫誨、呵擯、慶慰。

午七、應住方便所攝身語意業（分三）

未一、徵

云何菩薩方便所攝身語意業？

未二、釋（分二）

申一、標四攝事（分二）

酉一、釋名方便（分二）

戌一、出體

當知略說菩薩所有四種攝事，是名方便。

戌二、引教

如世尊言：「菩薩成就四種攝事所攝方便，方名菩薩。」

酉二、成唯四種（分二）

戌一、徵

復何因緣，惟四攝事說名方便？

戌二、成

謂諸菩薩略由如是攝事所攝四種方便，於諸有情普能攝受，調伏成熟，除此無有若過若增。

申二、廣四方便（分三）

酉一、徵

何等名為四種方便？

酉二、列

- 一隨攝方便；
- 二能攝方便；
- 三令人方便；
- 四隨轉方便。

酉三、釋（分四）

戌一、隨攝方便〔令聞〕

若諸菩薩先行布施，當知是名「隨攝方便」，何以故？先以種種財物布施饒益有情，為欲令彼聽受所說奉教行故。

戌二、能攝方便〔令思〕

若諸菩薩次行愛語，於彼彼處有愚癡者，為欲除彼所有愚癡令無餘故，令其攝受瞻察正理，如是愛語，當知名為「能攝方便」。

戌三、令人方便〔令修〕

若諸菩薩知彼有情攝受瞻察正道理已，次行利行拔彼有情出不善處，於其善處勸導調伏安處建立，如是利行，當知名為「令人方便」。

戌四、隨轉方便〔令修〕

若諸菩薩如是方便，令諸有情得趣入已，最後與其於正事業同共修行，令彼隨轉，由是因緣，令所化者不作是說：「汝自無有圓滿淨信、圓滿尸羅、圓滿惠捨、圓滿智慧，何賴於善勸導於他諫誨呵擯與作憶念！」是故菩薩所行第四同事攝事，當知是名「隨轉方便」。

未三、結

如是菩薩四種方便，若總、若別所攝身業、語業、意業，是名方便所攝三業，於諸有情能正攝受調伏成熟。

瑜伽師地論卷第三十九

辰二、廣（分二）

巳一、六度四攝（分二）

午一、別廣（分二）

未一、六度（分三）

申一、總標

復次，菩薩次第圓滿六波羅蜜多已，能證無上正等菩提，謂施波羅蜜多、戒波羅蜜多、忍波羅蜜多、精進波羅蜜多、靜慮波羅蜜多、慧波羅蜜多。

申二、別釋（分六）

施品第九

酉一、施度（分四）

戌一、徵

云何菩薩施波羅蜜多？

戌二、列（分二）

亥一、唵柁南

唵柁南曰：

自性一切難，一切門善士，一切種遂求，二世樂清淨，如是九種相，是名略說施。

亥二、長行

謂九種相施，名為菩薩施波羅蜜多：一自性施，二一切施，三難行施，四一切門施，五善士施，六一切種施，七遂求施，八此世、他世樂施，九清淨施。

戌三、釋（分三）

亥一、自性施（分三）

天一、徵

云何菩薩自性施？

天二、釋

謂諸菩薩，於自身財無所顧惜，能施一切所應施物，無貪俱生思，及因此所發，能施一切無罪施物，身、語二業，安住律儀，阿笈摩見，定有果見，隨所希求，即以此物而行惠施。

天三、結

當知是名菩薩自性施。

亥二、一切施（分二）

天一、徵

云何菩薩一切施？

天二、釋（分二）

地一、一切所施（分二）

玄一、釋一切（分二）

黃一、標列

謂一切者略有二種，一內所施物，二外所施物。

黃二、隨釋（分三）

字一、唯內

若諸菩薩但捨己身，是名唯施內所施物。

字二、內外

若諸菩薩為愍食吐活命眾生，數數食已，吐所飲食而施與之，是名雜施內外施物。

字三、唯外

若諸菩薩除上所說施，餘一切所應施物，是名唯施外所施物。

玄二、辨施相（分二）

黃一、內身（分二）

字一、標

又諸菩薩略由二相，以自內身施來求者。

字二、釋（分二）

宙一、總施（分二）

洪一、標義

一總求身者，以身施彼，隨所欲為，繫屬於彼，隨順於彼。

洪二、喻合

譬如有人為衣食故，強自為他而作僕使，如是菩薩無愛染心，但為速證最勝菩提，但為眾生利益安樂，但為布施波羅蜜多速圓滿故，以身施彼，隨所欲為，繫屬於彼，隨順於彼。

宙二、別施

二別求手足、頭目、支節、血肉、筋骨乃至髓者，隨其所欲一切施與。

黃二、外物（分二）

字一、標

又諸菩薩亦由二相，以外施物，施諸眾生。

字二、列

一求受用者，恣彼所須，如其所樂隨意受用。

二求自在者，一切斷心並皆施與。

地二、施相差別(分二)

玄一、種種施(分二)

黃一利他(分二)

字一、略說〔施與不施〕(分三)

宙一、標

又諸菩薩非無差別，以一切種一切內外所有施物施諸眾生，是諸菩薩以其種種內外施物，於諸眾生或有施與或不施與。

宙二、徵

云何施與？云何不施？

宙三、釋(分二)

洪一、不施

謂諸菩薩若知種種內外施物，於彼眾生唯令安樂不作利益，或復於彼不作安樂不作利益，便不施與。

洪二、施與

若知種種內外施物，於彼眾生定作利益不定安樂，或復於彼定作利益定作安樂，即便施與。

字二、廣辨〔施與不施〕(分三)

宙一、結前生後

如是略說菩薩應施、不應施已，次當廣辯。

宙二、辨種種相(分二)

洪一、內身(分二)

荒一、釋(分二)

日一、不應施(分二)

月一、身命攝(分二)

盈一、標

謂諸菩薩，若有來求共為伴侶，欲作非理逼迫損害誑惑，於他便不以身而施於彼隨所欲為，繫屬於彼隨順於彼。

盈二、釋

由諸菩薩寧於百反千反或百千反，捨自身命施諸眾生，終不隨他教命稱悅彼情，於諸眾生非理逼迫損害誑惑。

月二、身分攝(分三)

盈一、由意樂淨(分三)

昃一、標

若諸菩薩於所行施，意樂清淨，見有無量利眾生事正現在前，設有來求自身支節，不應施與。

星二、徵

何以故？

星三、釋（分二）

星一、簡非

非彼菩薩於所行施意樂不淨心生退弱，作是念言：此應可施，此不可施，此應施與，此不應與故。

星二、顯正

彼菩薩為令意樂得清淨故，須捨現前利眾生事而施身分，由彼意樂已清淨故，不應棄捨正現在前利眾生事而施身分。

盈二、由他惱亂（分二）

星一、舉魔眾天（分三）

星一、標

又諸菩薩若魔眾天懷惱亂心，現前來乞身分支節，不應分碎支節施與。

星二、徵

何以故？

星三、釋

勿彼當獲上品過罪及損害故。

星二、例彼所使

如魔眾天，如是於彼所使眾生，當知亦爾。

盈三、由他狂亂（分三）

星一、標

或有眾生癡狂心亂，來求菩薩身分支節，亦不應碎支節施與。

星二、徵

何以故？

星三、釋

由彼不住自性心故，不為義利而求乞故，其心狂亂不自在故，空有種種浮妄言說，是故不應施彼身分。

日二、應施與

除上所說，與上相違，來求菩薩身支節者，隨其所欲應施彼身，隨所欲為，繫屬於彼，隨順於彼，或分支節而施與之。

荒二、結

當知是名：菩薩於內所可施物，或應施與、或不應與。

洪二、外物（分九）

荒一、於毒害物（分二）

日一、不應施

又諸菩薩於外施物，若有眾生來求毒火刀酒等物，或為自害或為害他，即不應施。

日二、應施

若有眾生來求毒火刀酒等物或自饒益或饒益他，是即應施。

荒二、於屬他物（分二）

日一、財穀物

又諸菩薩不以屬他非同意物而行惠施。

日二、有情物

又諸菩薩不行媒媾以他妻妾而行布施。

荒三、於有蟲物

又諸菩薩不以有虫飲食等物而行惠施。

荒四、於戲樂物（分二）

日一、別辨相（分二）

月一、戲樂具攝（分二）

盈一、不應施（分三）

昃一、標

又諸菩薩若有眾生來求種種能引戲樂、能引無義所施之物，不應施與。

昃二、徵

何以故？

昃三、釋

若施彼時，雖暫令彼於菩薩所心生歡喜，而復令彼廣作種種不饒益事，謂因施故令彼多行僞逸惡行，身壞已後墮諸惡趣。

盈二、應施

若有種種戲樂等具雖復施與，不令眾生墮諸惡趣，亦不增長諸不善根，菩薩為欲令彼眾生因此所施戲樂等具，攝受饒益，心生淨信，易可化導、易可成熟，隨彼所求悉皆施與。

月二、戲樂事攝（分二）

盈一、徵

是諸菩薩若有來求諸戲樂事，何者應施？何者不施？

盈二、列（分四）

昃一、捕獵事

謂諸菩薩終不施人捕獵等法。

晨二、祠祀事

又於雜穢諸祠祀中，作大方便，多集眾生，損害其命，獲無量罪。於彼祠祀終不自作亦不教他，亦不於彼諸天寺中殺羊祠祀。

晨三、害生事（分二）

星一、求依處

若有來求或水或陸無量眾生所依止處，為欲殺害彼生命故，菩薩知己，終不施與。

星二、求害其

若有來求罽羅置弼，為害眾生及為習學，皆不施與。

晨四、抱怨事

若有怨家來求酬隙，為欲呵罵、縛錄、殺害、奪財、治罰，終不施與。

日二、舉要義（分二）

月一、不應施

以要言之，所有一切逼迫損害他諸有情戲樂等具，有來求者，是諸菩薩皆不施與。

月二、應施

若復種種象馬車輿，衣服莊嚴，珍妙飲食，習歌舞等，及諸樂器塗飾香鬘珍玩，眾具園林樓觀舍宅，侍女習學種種工巧業處，如是一切戲樂等具，為欲令其於菩薩所因此發起清淨信心，有來求者，悉皆施與。

荒五、於求飲食（分二）

日一、不施非宜

又諸菩薩若有病者，來求非量、非宜飲食，亦不施與。

日二、不施嗜

若有眾生食飽滿已，性多饞嗜，數復來求珍妙飲食，亦不施與。

荒六、於求自害

若諸眾生愁憂所逼，求欲殺害、歐擊自身、食毒墜巖、投淵赴火，皆悉不應施其所欲。

荒七、於求尊等（分二）

日一、標不應施

又諸菩薩若有來求父母師長，定不應施。

日二、徵釋所以

何以故？以諸菩薩於其父母、尊重、師長、乳哺養育微有恩者，於長夜中常思頂戴，不生厭倦，恒持自身繫屬隨順，任所屠害、捶縛、貨

賣，尚自不敢竊懷施心，何況顯然施來求者！

荒八、於求妻子等（分二）

日一、不施他屬

又諸菩薩，若作國王，灌頂自在，統領方域，於自國界所有寮庶，終不抑奪取餘妻子而轉施餘，唯持村邑、聚落、川土，或全或分，以用布施，而告彼曰：如我恩化，汝亦宜然。

日二、不施自屬（分三）

月一、不令憂惱

又諸菩薩於自妻子、奴婢、僕使、親戚、眷屬，若不先以正言曉諭令其歡喜，終不強逼令其憂惱，施來求者。

月二、不與怨慕

雖復先以正言曉諭令其歡喜生樂欲心，而不施與怨家、惡友、藥叉、羅刹、兇暴業者。

月三、不任奴婢

不以妻子、形容軟弱族姓男女，施來求者令作奴婢。

荒九、於求王位（分二）

日一、標不施與

又諸菩薩，若有上品逼惱眾生樂行種種暴惡業者來求王位，終不施與。

日二、釋所不應

若彼暴惡補特伽羅先居王位，菩薩有力尚應廢黜，況當施與！

黃二自利（分三一）

字一、不侵惱眷屬施

又諸菩薩終不侵奪父母妻子、奴婢僕使、親戚眷屬所有財物持用布施，亦不逼惱父母妻子、奴婢僕使、親戚眷屬以所施物，施來求者。

字二、無不淨物施

又諸菩薩以其正法，以無卒暴積集財物而行惠施，不以非法、不以卒暴、亦不逼迫損惱於他，而行惠施。

字三、不違越學處施

又諸菩薩，若在諸佛聖教出家，終不違越所有學處，而行惠施。

字四、不向背施

又諸菩薩行布施時，普於一切有情之類，起平等心，住福田想而行惠施，終不分別怨親中庸、有德有失、劣等勝品、有苦有樂品類差別。

字五、不減少施

又諸菩薩如先所說、如先所許，終無減少施來求者，唯有施彼或等、

或增。

字六、不下劣施

又諸菩薩終無先許勝妙財物，後施下劣；唯有先許下劣財物，若有勝妙後施勝妙。

字七、無穢濁施

又諸菩薩不以異意、不以憤怒，撓濁之心而行惠施。

字八、不自讚施

又諸菩薩終不施已而自稱讚數數告言：我於汝所曾行如是如是惠施，攝受長養，濟拔於汝。

字九、無不敬施

又諸菩薩於卑賤者行布施時，尚無不敬撩擲而與，況於有德！

字十、無厭倦施

又諸菩薩，若來求者安住種種毀犯邪行，掉舉躁擾不自防護，專行罵詈瞋忿呵責，終不於彼暫起邪行帶厭倦心而行惠施，唯即於彼了知為諸煩惱所媚，令改本性，深更安住憐愍之心而行惠施。

字十一、不執取施

又諸菩薩不由惡見妄有執取而行惠施，謂如廣大暴惡祠祀，不計殺生布施為法；亦不妄取吉祥瑞應相應相狀而行布施。

字十二、不計清淨施

又諸菩薩終不妄計唯一切種極善清淨而行惠施，即是世間及出世間離欲清淨，唯審了知所行布施，但是離欲清淨資糧。

字十三、不觀果施

又諸菩薩不觀其果而行布施，一切布施皆為迴向速證無上正等菩提。

字十四、不易信解施（分二）

宙一、標

又諸菩薩如實了知一切品類所行布施、一切品類施果異熟，深生信解，不由他緣，非他所引而行布施。

宙二、釋

謂施飲食能感大力，施諸衣服能感妙色，施諸車乘能感快樂，施諸燈明能感淨眼，如是等類廣說應知。

字十五、不希異熟施

又諸菩薩不為怖畏自身貧窮而行布施，唯由悲愍眾生意樂而行布施。

字十六、無不合儀施（分三）

宙一、標

又諸菩薩於來求者，終不施與不合儀物。

宙二、釋（分三）

洪一、不淨飲食

謂施出家者，餘殘飲食，或諸便穢、洩唾變吐、膿血不淨所雜所染。

洪二、雜染飲食

又不告白不令覺知，如棄捨法施糜飯等，謂不食蔥者，施以蔥雜蔥染飲食；不食肉者，施以肉雜肉染飲食；不飲酒者，施以酒雜酒染飲食。

洪三、匪宜事業

或復處置不合儀式所有事業而行布施。

宙三、結業

如是等類不合儀施，菩薩不為。

字十七、不留滯施

又諸菩薩不令求者數數來求、往還親附、隨順繫屬、稽留疲倦，然後方施，唯暫來求，即便施與。

字十八、無所依施（分二）

宙一、標四種

又諸菩薩不依世間名聲讚頌而行布施，不依於他反報恩德而行布施，不依帝釋魔王輪王自在等果而行布施，亦復不為誑誘他故而行惠施。

宙二、隨難釋

謂欲令他國王、大臣、城邑聚落諸婆羅門、多饒財寶長者居士、大富商主施者、施主知我行施，定當恭敬尊重讚歎供養於我，故行惠施。

字十九、不狹劣施

又不狹劣而行惠施，謂財雖少尚廣心施，何況財多！

字二十、不誑他施

又不誑他而行惠施，謂先於彼少行惠施，令起愛著、令親附己，然後傾滅。

字二十一、不乖離他施

又復不為乖離於他而行惠施，謂我以施乖離村邑，村邑一分乖離國土，國土一分令背其主而來屬我。

字二十二、不自懈帶而勸他施

又諸菩薩翹勤無惰，起策具足，勇銳自嚴，先自行施，後勸他施，非自懈怠，策他勤施。

字二十三、善分布施

又無量眾問集來乞，如實了知持戒犯戒，隨其長幼以次而坐，從上至

下周旋往返，窮諸施物，分布與之。

字二十四、行無量施

又諸菩薩現有無量廣多財物，終不行於有量之施。

字二十五、不損惱他施

又諸菩薩不損惱他而行惠施，謂不訶罵、捶打、恐怖、毀辱、縛害、拘禁、斫刺、驅擯於此而施於彼。

字二十六、不退弱施

又諸菩薩施前意悅，施時心淨，施後無悔。

字二十七、不陷詭施

又諸菩薩不以諂詭而行惠施，謂終不以非實末尼、真珠、琉璃、珂貝、璧玉、珊瑚等寶，而施希望真實寶者。

字二十八、先運心施

又諸菩薩所有財物，若少若多無不運心，先施一切，後來求者，如取自財，菩薩與時，如還彼物。

字二十九、離諸過非施

又諸菩薩應時而施不以非時，自他淨施非不清淨，合儀而施不以非儀，無亂心施不以散亂。

字三十、不輕蔑他施

又諸菩薩見來求者，終不嗤笑亦不輕弄，亦不令其而生赧愧，亦不鬻蹙，舒顏平視，前笑先言，終不稽留，疾疾而施。

字三十一、恣求施

又諸菩薩他雖不求自恣求者，必有所求稱須而與，常開求者歡情自取。

玄二、巧慧施(分二)

黃一、辨相(分三)

字一、標

又諸菩薩不以惡慧而行布施，常以巧慧而行布施。

字二、徵

云何菩薩巧慧布施？

字三、釋(分六)

宙一、財施(分二)

洪一、有財攝(分二)

荒一、釋(分四)

日一、先濟危苦(分二)

月一、明發心

謂諸菩薩現有種種可施財物，求者未至先發是心：「設二求者俱來我所：一是安樂，非貧非賤，有依有怙；二是危苦，是貧是賤，無依無怙。我於爾時，應自揆量所有財物：若堪於二充足滿願，即應俱施滿願充足。如其財物不堪於二充足滿願，即應方便發遣安樂非貧非賤有依有怙，盡己所有施彼危苦是貧是賤無依無怙。」

月二、辨所作（分二）

盈一、惠施危苦

發是心已，如所思惟，即便成辦如是事業。

盈二、辭遣安樂

於安樂等諸來求者，既無力能足滿其願，先當方便發意思惟，辭謝發遣：「我此施物，於危苦等先捨先許，故今與之；非我於汝無樂施心，但更無力，唯願賢首，勿於我所嫌恨棄背。」

日二、善化慳家（分二）

月一、標堅相

又諸菩薩現有種種可施財物，知有慳家、最極慳家，吝執財寶，慳固競戰，於其家中曾未惠施一切沙門、婆羅門等。

月二、明往化（分二）

盈一、舉告言（分二）

景一、令恣求

菩薩即便往詣其舍，慰問安不？恭順方便，告言：汝來，我不令汝庫藏減盡，而於現前作大饒益，我家現有廣多財寶廣多施物，為滿我施波羅蜜多，若有求者來到汝所勿令空返，可至我家取諸財寶隨意施與。

景二、令隨喜

或有求者來至我所，我行施時，汝於此施當生隨喜。

盈二、成所化（分二）

景一、彼生欣悅

彼聞是已，便生欣悅：於我庫藏既無所減；復得稱彼善男子心，故應隨順成辦所作。

景二、令彼調伏

菩薩如是令彼漸種當來調伏慳吝種子，由慧為先善巧方便，令漸修習自捨少財，依下無貪進得中品，依中無貪進得上品。

日三、安處同梵行者（分二）

月一、捨物令施

又諸菩薩若親教師及軌範師，共住弟子同梵行者，性是慳貪，是慳貪

類，或性雖非慳貪種類，而闕資財，所欲匱乏。菩薩欲寄佛法僧田，樹修布施福業事時，捨所施物與彼令作，己自不為。

月二、獲自他利

菩薩如是巧慧方便，自所生福彌更弘多。

復令一類同梵行者，調伏所有慳貪煩惱，亦令一類樂善法者所願滿足，攝受有情、成熟有情。

日四、恣與求者（分二）

月一、隨彼所樂

又諸菩薩現有眾多可施財物，見諸來者有希求相，知其心已，隨彼所樂悉皆施與。

月二、不責他過（分二）

盈一、令歡喜

復有商人為性矯詐，欲行欺誑，菩薩知己尚掩其過不令他知，況觸於彼！稱滿其願，令無羞愧，踊躍無畏，歡喜而去。

盈二、令無罪

復有矯詐欺誑，菩薩初不覺知，後時乃覺，雖復覺知不以此事舉發彼人，亦不訶責，為作憶念，但生悲愍，彼於我所，誤行如是不與取事，我今隨喜令彼無罪。

荒二、結

如是等類，當知名為菩薩現有可施財物巧慧而施。

洪二、無財攝（分二）

荒一、舉方便（分四）

日一、由自工巧

又諸菩薩若現無有可施財物，先所串習彼彼世間工巧業處作意現前，少用功力，多集財寶，施諸眾生。

日二、由說正法

是諸菩薩或復為他種種美妙善巧言詞，宣說正法，令貧苦者尚樂行施，況富樂者！令慳貪者猶能惠施，況習施者！

日三、由教轉乞

或有淨信多饒財寶常樂施家，數教乞者往彼求索，令其布施。

日四、由善助伴

或彼惠捨修福業時，躬詣其所，翹勤無懈，起策具足，深心歡喜，隨力隨能身助、語助，令施求者得善滿足。以彼施時事力闕乏，或惡供瞻，或墮朋黨，或不恭敬，或念忘失，由善助故，斯過皆無。

荒二、顯分位（分二）

日一、正說地前

如是菩薩現無財寶，巧慧方便而行布施，此說乃至未證增上清淨意樂。

日二、簡別地上

若諸菩薩已證增上清淨意樂，如已獲得超諸惡趣，如是生生必定獲得無盡財寶。

宙二、法施（分二）

洪一、釋（分二）

荒一、不應施與

又諸菩薩終不口授求過外道，所有正法。亦不施彼，所寫經典。知性多貪求，欲銜賣經卷等者，亦不施與。知欲祕藏亦不施與。不求勝智亦不施與，必求勝智。

荒二、或施不施（分二）

日一、於義已辨

若自了知於經卷等，其義已辯，即隨所樂，如應施與。

日二、於義未辨（分三）

月一、應為轉求或更書寫

若自了知於經卷等其義未辯，為辯義故恒自披轉，如是菩薩若見其餘有經卷等，即應方便轉求施與，或更書寫而施與之。

月二、應諦觀察若德若失（分二）

盈一、標觀察

若不見餘有經卷等，亦無力能更為書寫，即應審諦觀察自心：勿我於法，慳垢纏心不能施耶？勿我於法，別意所礙不欲施耶？為我於法，有勝所須不應施耶？

盈二、辨了知（分二）

昺一、於有失

如是審諦觀察心已，若自了知：我於此法少有慳纏，別意所礙而不施者，即作是心：我今決定應行法施，設我由此行法施故，於現法中即成癡啞，不忍煩惱尚應法施，況令闕乏妙智資糧！

昺二、於有德（分三）

星一、成辨所須

又觀察已，若自了知：我於此法無少慳纏，亦無別意，但為成辦勝所須義不應施者，菩薩爾時應更思忖：我持此法施於彼者，為為損害自煩惱耶？為為圓滿智資糧耶？為為愛念諸眾生耶？

星二、增智資糧

既思忖已，便正了知：我都不見自有煩惱，見不施彼此經卷等，現法、當來我智資糧展轉增勝，非施於彼建此功德，但於當來薄饒法利，非豐覺慧。若不施彼便能修集利益安樂一切眾生巧方便智，即為愛念此一眾生及餘一切；若施於彼唯成愛念此一眾生，非餘一切。

星三、不違淨戒

菩薩如是如實知己，不施彼者，無罪無悔，亦不違越菩薩淨戒。

月三、應發遣他方便不施（分二）

盈一、徵

云何菩薩方便不施？

盈二、釋（分三）

昃一、略標方便

謂諸菩薩不忍直言遣來求者，謂我不能惠施於汝，要當施設方便善巧曉喻發遣。

昃二、廣顯一切（分二）

星一、徵

云何施設方便善巧？

星二、釋（分三）

宿一明作淨（分二）

列一、標相

謂諸菩薩先於所畜一切資具一切施物，為作淨故，以淨意樂捨與十方諸佛菩薩。

列二、喻成

譬如苾芻，於己衣物為作淨故，捨與親教、軌範師等。

宿二、顯生福

如是菩薩淨施因緣，雖復貯畜種種上妙一切資具一切施物，猶得名為安住聖種，生無量福，常於此福多思惟故，於一切時隨逐增長。

宿三、觀察施（分二）

列一、總標

恒於一切作淨施物，如佛菩薩所寄護持，見來求者即應觀察。

列二、別辨（分二）

張一、於稱正理

若隨所欲作淨施物惠施彼時，稱當正理應作是念：諸佛菩薩無有少物於諸眾生而不施者，如是知己，取淨施物，施來求者令所願滿。

張二、於不稱理（分二）

寒一、軟言發遣

若觀施時不稱正理，即應念先作淨施法，告言：賢首！如是等物是他所有，不許施汝。軟言曉喻方便發遣。

寒二、施餘發遣

或持餘物，二倍三倍恭敬施與，然後發遣。

晨三、歸本所明

令彼了知：菩薩於此，非慳貪故不欲施我，定當於此經卷等法，不自在故不施於我。

洪二、結

當知是名菩薩巧慧而行法施。

宙三、無礙解施

又諸菩薩於一切施，謂法施、財施、無畏施，若異門、若體相、若釋名、若因果差別，如實了知而行惠施，當知亦名菩薩巧慧而行布施。

宙四、勝意樂施

又諸菩薩於諸有怨，以慈意樂而行惠施。於諸有苦，以悲意樂而行惠施。於諸有德，以喜意樂而行惠施。於諸有恩親善同意，以捨意樂而行惠施，當知亦名菩薩巧慧而行布施。

宙五、治障施（分三）

洪一、標

又諸菩薩於其施障及彼對治如實了知。

洪二、釋（分二）

荒一、障治差別（分二）

日一、標列四障

此中，施障略有四種：

一先未串習；

二施物尠闕；

三耽著上妙悅意財物；

四觀見當來具足財果而深欣樂。

日二、列釋對治（分四）

月一、於先未串習障（分二）

盈一、通達過失（分二）

晨一、於宿作

若諸菩薩現有種種可施財物，雖見求者正現在前，而於惠施心不趣

入。菩薩爾時即以正慧，速疾通達：是我於施先未串習所作過失。

炁二、於當生

復以妙慧，如是通達：我於先世決定於施曾未串習，致令今世現有種種可施財物，雖見求者正現在前，而於惠施心不趣入。若於今世不強思擇而行施者，復於來世定當憎背所應行施。

盈二、思擇勵行

菩薩如是正通達已，用此施障對治為依，力勵思擇而行惠施，能不隨逐先未串習所作過失，自在而行。

月二、於施物尠闕障（分二）

盈一、通達勵行

又諸菩薩若見求者正現在前，由諸財物有尠闕故，於其惠施心不趣入。菩薩爾時即以正慧速疾通達如是匱乏障施因緣，忍受匱乏所作眾苦，力勵思擇起悲愍心而行慧施。

盈二、作念忍苦

作如是念：或由宿業有過失故，或由現在繫屬他故，令我具受眾多猛利飢渴等苦，不能饒益一切眾生，設我今者由行惠施因饒益他，於現法中受種種苦乃至殞歿，如是行施猶為最勝，非空發遣諸來求者，況當更有諸菜葉等可以活命！菩薩如是忍受匱乏所作眾苦而行惠施。

月三、於耽著妙物障（分二）

盈一、通達過失

又諸菩薩若見求者正現在前，由可施物極悅意故最上妙故，於行惠施心不趣入。菩薩爾時即以正慧，速疾通達：是我耽著所作過失，我今於苦發起虛妄樂想顛倒，由此能生當來眾苦。

盈二、思擇勵行

於此顛倒遍了知故，為欲斷除力勵思擇，用此財物而行惠施。

月四、於觀果欣樂障（分二）

盈一、通達過失

又諸菩薩若行施已，於當施果廣大財利，見勝功德深生欣樂，不求無上正等菩提。菩薩爾時即以正慧，速疾通達：是邪果見所作過失。

盈二、觀察斷滅

如實觀察：一切諸行皆不堅牢，一切諸行皆念念滅，所受用果速疾滅盡速疾離散。如是觀時即能斷滅能生欣樂邪果之見，諸所行施一切迴向無上菩提。

荒二、能治略義（分二）

日一、舉差別

如是菩薩四種施障，當知四種能對治智對治於彼：

一者覺悟；

二者忍受眾苦；

三者遍知顛倒；

四者見一切行性不堅牢。

日二、配勝利

是諸菩薩由前三種能對治智，決定堪能正行惠施，由後一種能對治智，能正攝受施福勝果。

洪三、結

當知亦名菩薩巧慧而行布施。

宙六、增上意樂勝解施

又諸菩薩內居閑靜，由淨意樂，淳厚淨信，分別勝解，數數緣念種種上妙無量財寶，以勝解力於諸眾生樂行惠施，由此因緣是諸菩薩以少功用生無量福，當知亦名菩薩巧慧而行布施。

黃二、總略義

如是妙慧、大慧菩薩巧慧行施，總略義者，由有財、無財財施所攝故，如是由法施故，由無礙解施故，由勝意樂施故，由施障對治智慧施故，由增上意樂勝解施故，當知是名唯諸菩薩不共行施。

亥三、難行施等（分二）

天一、結前生後

如是廣說於內外事菩薩所行一切施差別相已，自斯已後，即於一切施差別相中，分出所餘難行施等一切差別，應當了知。

天二、別辨七施（分七）

地一、難行施（分三）

玄一、徵

云何菩薩難行施？

玄二、標

當知此施，略有三種。

玄三、列（分三）

黃一、第一難行施

謂若諸菩薩財物尠少，自忍貧苦惠施於他，是名菩薩第一難行施。

黃二、第二難行施

若諸菩薩所可愛物，或性深愛著，或長時串習，或有上品恩或最上妙

物極生耽著，能自開解，惠施於他，是名菩薩第二難行施。

黃三、第三難行施

若諸菩薩極大艱辛所獲財物，惠施於他，是名菩薩第三難行施。

地二、一切門施(分四)

玄一、徵

云何菩薩一切門施？

玄二、標

當知此施略有四相。

玄三、列

謂諸菩薩或自財物；

或勸化他所得財物；

或施親屬、父母妻子、奴婢作使、善友大臣、親戚眷屬；

或復施與他來求者。

玄四、結

如是四相，是名菩薩一切門施。

地三、善士施(分四)

玄一、徵

云何菩薩善士所行，名善士施？

玄二、標

當知此施，略有五相。

玄三、列

謂諸菩薩淨信而施，恭敬而施，自手而施，應時而施，不損惱他而行惠施。

玄四、結

如是五相，是名菩薩善士所行名善士施。

地四、一切種施(分四)

玄一、徵

云何菩薩一切種施？

玄二、標

當知此施有十三相。

玄三、列

一無依施；

二廣大施；

三歡喜施；

四數數施；
五田器施；
六非田器施；
七一切物施；
八一切處施；
九一切時施；
十無罪施；
十一有情物施；
十二方土物施；
十三財穀物施。

如是十三種相，當知是名菩薩一切種施。

玄四、結

云何菩薩遂求施？

地五、遂求施（分四）

玄一、徵

當知此施有八種相。

玄二、標

謂諸菩薩匱乏飲食而求乞者，施以飲食；
匱乏車乘而求乞者，施以車乘；
匱乏衣服而求乞者，施以衣服；
匱乏嚴具而求乞者，施以嚴具；
匱乏種種資生什物而求乞者，施以種種資生什物；
匱乏種種塗飾香鬘而求乞者，施以種種塗飾香鬘；
匱乏舍宅而求乞者，施以舍宅；
匱乏光明而求乞者，施以光明。

玄三、列

玄四、結

如是八相，是名菩薩遂求施。

地六、二世樂施（分四）

玄一、徵起

云何菩薩此世、他世樂施？

玄二、總標

當知此施略有九相，謂財施、無畏施、法施，總說名為能令眾生此世、他世樂施。

玄三、列釋（分三）

黃一、財施（分二）

字一、列

財施者，謂以上妙清淨如法財物而行惠施，調伏慳吝垢而行惠施，調伏積藏垢而行惠施。

字二、釋

調伏慳吝垢者，謂捨財物執著；調伏積藏垢者，謂捨受用執著。

黃二、無畏施

無畏施者，謂濟拔師子虎狼鬼魅等畏，拔濟王賊等畏，拔濟水火等畏。

黃三、法施

法施者，謂無倒說法，稱理說法，勸修學處。

玄四、結配（分二）

黃一、結

如是一切總說九相，是名菩薩能令眾生此世、他世樂施。

黃二、配

此中，財施、無畏施及此差別，能令眾生此世安樂；
法施及此差別，能令眾生後世安樂。

地七、清淨施（分四）

玄一、徵

云何菩薩清淨施？

玄二、標列

當知此施有十種相：

- 一不留滯施；
- 二不執取施；
- 三不積聚施；
- 四不高舉施；
- 五無所依施；
- 六不退弱施；
- 七不下劣施；
- 八不向背施；
- 九不望報恩施；
- 十不希異熟施。

玄三、隨釋（分十）

黃一、不留滯施

云何不留滯施？

謂諸菩薩見來求者正現在前，速疾惠施，不作留滯；
非來求者疾望得財，如諸菩薩速希惠施。

黃二、不執取施

云何不執取施？

謂諸菩薩不以妄見執取於施；或執此施空無有果；或執殺害而行惠施，以為正法；或執唯施，極淨圓滿，是世出世究竟清淨。

黃三、不積聚施

字一、徵

云何不積聚施？

字二、釋（分二）

宙一、總標相

謂諸菩薩不於長時漸漸積集聚多財物，然後頓施。

宙二、別辨因（分三）

洪一、現前不施失

何以故？非諸菩薩現有施物，見來求者正現在前，堪能不施；
不見：不施是稱正理。

云何積財而不速施！

洪二、積財頓施失（分二）

荒一、標非

又諸菩薩不見：積財後方頓施，是能生長多福之門。

荒二、更詰

又正觀見：若別、若總，求者相似，漸施、頓施財物平等，何緣而執福有差別？

洪三、頓施有罪失（分二）

荒一、標失

又諸菩薩見積聚施其施有罪，見隨得施其施無罪。

荒二、釋因

何以故？若積聚已然後頓施，是則先時有來求者，其數或百而不施與，令生嫌恨，不忍不信；後有一類或不希求，畜積珍財，強而頓施。

字三、結

是故菩薩不積聚施。

黃四、不高舉施

云何不高舉施？

謂諸菩薩於來求者，謙下心施，亦不與他競勝而施，亦不施已而生憍慢，謂我能施，我是施主，餘則不爾。

黃五、無所依施

云何無所依施？

謂諸菩薩不依稱譽聲頌而施，體達世間稱譽、聲頌，虛妄分別，文字所起，唯是虛音，繫屬妄嚮，譬如世間[禾*月][麥*弋]葉聚。

黃六、不退弱施

云何不退弱施？

謂諸菩薩施先意悅，施時心淨，施已無悔，聞諸菩薩廣大第一最勝施時，不自輕蔑、恐怖、退弱。

黃七、不下劣施

云何不下劣施？

謂諸菩薩於諸施物，勤數簡擇最勝最妙飲食、車乘、衣服等物，持用布施。

黃八、不向背施

云何不向背施？

謂諸菩薩其心平等，不隨朋黨，於怨、親、中，悲心等施。

黃九、不望報恩施

云何不望報恩施？

謂諸菩薩悲心愍心而行惠施，終不於他希望反報，但觀求樂、愛火所燒、無有勢力、性苦眾生，深心悲愍而行惠施。

黃十、不希異熟施

云何不希異熟施？

謂諸菩薩修行惠施，終不希望當來所得財寶圓滿自身、圓滿施果異熟，觀一切行，性是虛偽，觀大菩提最勝功德。

玄四、總結

由此十相，菩薩所行布施清淨、最極清淨。

戌四、結

如是菩薩依止九相所行惠施，圓滿施波羅蜜多已，能證無上正等菩提。

戒品第十
瑜伽師地論卷第四十

酉二、戒度（分三）

戌一、徵

云何菩薩戒波羅蜜多？

戌二、列（分二）

亥一、唵柁南

唵柁南曰：

自性一切難，一切門善士，一切種遂求，二世樂清淨，
如是九種相，是名略說戒。

亥二、長行

謂九種相戒名為菩薩戒波羅蜜多：

一自性戒；

二一切戒；

三難行戒；

四一切門戒；

五善士戒；

六一切種戒；

七遂求戒；

八此世、他世樂戒；

九清淨戒。

戌三、釋（分二）

亥一、安立體相（分二）

天一、別解九相（分三）

地一、自性戒（分三）

玄一、徵

云何菩薩自性戒？

玄二、釋（分二）

黃一、戒性（分二）

字一、標列四德

謂若略說具四功德，當知是名菩薩自性戒。何等為四？

一從他正受，二善淨意樂，三犯已還淨，四深敬專念無有違犯。

字二、攝釋其相（分二）

宙一、略攝三

由諸菩薩從他正受故，於所學戒若有違犯，即外觀他深生愧恥；
由諸菩薩善淨意樂故，於所學戒若有違犯，即內自顧深起慚羞；
由諸菩薩於諸學處犯已還淨、深敬專念〔無有〕違犯，二因緣故，離諸惡作。

宙二、略攝二（分三）

洪一、第一義

如是菩薩從他正受、善淨意樂，為依止故，生起慚愧；
由慚愧故，能善防護所受尸羅。由善防護所受戒故，離諸惡作。

洪二、第二義

又於是中，從他正受、善淨意樂，此二是法；
犯已還淨、深敬專念無有違犯，此二是前二法所引。

洪三、第三義

又於是中，從他正受、善淨意樂、深敬專念無有違犯，由此三法，應知能令不毀菩薩所受淨戒；
犯已還淨，由此一法，應知能令犯已還出。

黃二、戒藏（分二）

宇一、三種戒藏（分三）

宙一、律儀戒攝

如是菩薩具四功德自性尸羅，應知即是妙善淨戒，正受隨學，能利自他，利益安樂無量眾生，哀愍世間諸天人等，令得義利利益安樂故。

宙二、攝善法戒攝

應知即是無量淨戒，攝受無量菩薩所學故。

宙三、饒益有情戒攝

應知即是饒益一切有情淨戒，現前能作一切有情利益安樂故。

宇二、無量大功德藏

應知即是能獲大果勝利淨戒攝受隨與無上正等菩提果故。

玄三、結

是名菩薩自性戒。

地二、一切戒（分二）

玄一、徵

云何菩薩一切戒？

玄二、釋（分二）

黃一、種類（分二）

宇一、二種

謂菩薩戒略有二種：

一在家分戒；

二出家分戒。

是名一切戒。

字二、三種

又即依此在家、出家二分淨戒，略說三種：

一律儀戒；二攝善法戒；三饒益有情戒。

黃二、差別(分三)

字一、戒相差別(分二)

宙一、別釋三戒(分三)

洪一、明戒安立(分三)

荒一、律儀戒

律儀戒者，謂諸菩薩所受七眾別解脫律儀，即是苾芻戒、苾芻尼戒、正學戒、勤策男戒、勤策女戒、近事男戒、近事女戒，如是七種，依止在家、出家二分，如應當知，是名菩薩律儀戒。

荒二、攝善法戒(分四)

日一、標

攝善法戒者，謂諸菩薩受律儀戒後，所有一切為大菩提，由身、語、意積集諸善，總說名為攝善法戒。

日二、徵

此復云何？

日三、釋(分三)

月一、積集諸善(分三)

盈一、引攝(分三)

昃一、自所引

謂諸菩薩依戒、住戒，於聞、於思、於修止觀、於樂獨處，精勤修學。

昃二、他所引(分六)

星一、敬尊長

如是時時於諸尊長，精勤修習合掌、起迎、問訊、禮拜恭敬之業，即於尊長勤修敬事。

星二、伺疾病

於疾病者，悲愍殷重，瞻侍供給。

星三、稱妙說

於諸妙說，施以善哉。

星四、讚有德

於有功德補特伽羅，真誠讚美。

星五、樂福業

於十方界一切有情一切福業，以勝意樂起淨信心，發言隨喜。

星六、忍違犯

於他所作一切違犯，思擇安忍。

晨三、勝所引（分三）

星一、迴向菩提

以身語意已作、未作一切善根，迴向無上正等菩提，時時發起種種正願。

星二、供養三寶

以一切種上妙供具，供佛、法、僧。

星三、修諸善品

於諸善品，恒常勇猛精進修習。

盈二、護持

於身語意住不放逸，於諸學處正念、正知，正行防守，密護根門，於食知量，初夜、後夜常修覺悟。

盈三、增長

親近善士，依止善友。

月二、總說名戒

於自愆犯，審諦了知深見過失，既審了知深見過已，其未犯者專意護持，其已犯者於佛菩薩同法者所，至心發露，如法悔除。

日四、結

如是等類，所有引攝護持增長諸善法戒，是名菩薩攝善法戒。

荒三、饒益有情戒（分二）

日一、徵

云何菩薩饒益有情戒？

日二、釋（分三）

月一、標

當知此戒略有十一相。

月二、徵

何等十一？

月三、列（分十一）

盈一、與作助伴（分二）

景一、於事業

謂諸菩薩於諸有情能引義利，彼彼事業與作助伴。

景二、於疾病

於諸有情隨所生起疾病等苦，瞻侍病等，亦作助伴。

盈二、為說法要

又諸菩薩依世出世種種義利，能為有情說諸法要，先方便說、先如理說，後令獲得彼彼義利。

盈三、了知恩報

又諸菩薩於先有恩諸有情所善守知恩，隨其所應，現前酬報。

盈四、救護怖畏

又諸菩薩於墮種種師子、虎狼、鬼魅、王賊、水火等畏諸有情類，皆能救護，令離如是諸怖畏處。

盈五、開解愁憂

又諸菩薩於諸喪失財寶親屬諸有情類，善為開解，令離愁憂。

盈六、施與資具

又諸菩薩於有匱乏資生眾具諸有情類，施與一切資生眾具。

盈七、如法御眾

又諸菩薩隨順道理，正與依止，如法御眾。

盈八、好隨心轉（分二）

景一、列種類

又諸菩薩隨順世間，事務言說，呼召去來，談論慶慰，隨時往赴，從他受取飲食等事。

景二、舉要言

以要言之，遠離一切能引無義違意現行，於所餘事心皆隨轉。

盈九、顯實功德

又諸菩薩若隱若露，顯示所有真實功德，令諸有情歡言進學。

盈十、調伏有過

又諸菩薩於有過者，內懷親昵利益安樂增上意樂，調伏、訶責、治罰、驅擯，為欲令其出不善處，安置善處。

盈十一、示現神通

又諸菩薩以神通力，方便示現那落迦等諸趣等相，令諸有情厭離不善，方便引令人佛聖教，歡喜信樂，生希有心，勤修正行。

洪二、明戒安住（分二）

荒一、總徵

云何菩薩住律儀戒、住攝善法戒、住饒益有情戒、善護律儀戒、善修攝善法戒、善行一切種饒益有情戒？

荒二、別顯（分三）

日一、住律儀戒（分二）

月一、別辨相（分十）

盈一、不戀過去諸欲

謂諸菩薩住別解脫律儀戒時，捨轉輪王而出家已，不顧王位，如棄草穢。如有貧庶，為活命故，棄下劣欲而出家已，不顧劣欲，不如菩薩清淨意樂，捨輪王位而出家已，不顧一切人中最勝轉輪王位。

盈二、不希未來諸欲

又諸菩薩住律儀戒，於未來世天魔王宮所有妙欲，不生喜樂，亦不願求彼諸妙欲修行梵行，於彼妙欲尚如實觀，猶如趣入廣大種種恐懼稠林，況餘諸欲！

盈三、不著現在諸欲

又諸菩薩既出家已，於現在世尊貴有情種種上妙利養恭敬，正慧審觀，尚如變吐，曾不味著，何況於餘卑賤有情所有下劣利養恭敬！

盈四、常樂遠離不生喜足（分二）

景一、樂遠離

又諸菩薩常樂遠離，若獨靜處；若在眾中，於一切時，心專遠離，寂靜而住。

景二、不喜足

不唯於是尸羅律儀而生喜足，依戒住戒，勤修無量菩薩等持，為欲引發證得自在。

盈五、掃滌不正言論諸惡尋思（分四）

景一、由不樂著

又諸菩薩雖處雜眾，而不樂為乃至少分不正言論，居遠離處，不起少分諸惡尋思。

景二、由起悔愧

或時失念，暫爾現行，尋便發起猛利悔愧，深見其過。

景三、由住正念

數數悔愧，深見過故，雖復暫起不正言論諸惡尋思，而能速疾安住正念，於彼獲得無復作心，由此因緣則能拘檢。

景四、由習拘檢

習拘檢故，漸能如昔，於彼現行深生喜樂，於今安住彼不現行，喜樂

亦爾。又能違逆令不現起。

盈六、不輕憊己（分二）

景一、不怖學處

又諸菩薩於諸菩薩一切學處，及聞已入大地菩薩廣大無量不可思議長時最極難行學處，心無驚懼，亦不怯劣。

景二、作增上念

唯作是念：彼既是人，漸次修學於諸菩薩一切學處廣大無量不可思議淨身語等諸律儀戒，成就圓滿，我亦是人，漸次修學決定無疑，當得如彼淨身語等諸律儀戒成就圓滿。

盈七、具性柔和

又諸菩薩住律儀戒，常察己過，不伺他非，普於一切兇暴犯戒諸有情所，無損害心、無瞋恚心，菩薩於彼由懷上品法大悲故，現前發起深憐愍心、欲饒益心。

盈八、能有堪忍

又諸菩薩住律儀戒，雖復遭他手足、塊石、刀杖等觸之所加害，於彼尚無少恚恨心，況當於彼欲出惡言欲行加害！況復發言毀辱訶責，以少苦觸作不饒益！

盈九、行不放逸（分二）

景一、總標列

又諸菩薩住律儀戒，具足成就五支所攝不放逸行：

一前際俱行不放逸行；

二後際俱行不放逸行；

三中際俱行不放逸行；

四先時所作不放逸行；

五俱時隨行不放逸行。

景二、隨別釋（分五）

星一、前際俱行不放逸行

謂諸菩薩於菩薩學正修學時，若於過去已所違犯，如法悔除，是名菩薩前際俱行不放逸行。

星二、後際俱行不放逸行

若於未來當所違犯，如法悔除，是名菩薩後際俱行不放逸行。

星三、中際俱行不放逸行

若於現在正所違犯，如法悔除，是名菩薩中際俱行不放逸行。

星四、先時所作不放逸行

若諸菩薩先於後時當所違犯，發起猛利自誓欲樂，謂我定當如如所應行，如如所應住，如是如是行，如是如是住，令無所犯，是名菩薩先時所作不放逸行。

星五、俱時隨行不放逸行

若諸菩薩即以如是先時所作不放逸行為所依止，如如行所應行，如如所應住，如是如是行，如是如是住，不起毀犯，是名菩薩俱時隨行不放逸行。

盈十、俱足軌則、淨命

又諸菩薩住律儀戒，覆藏自善，發露已惡，少欲喜足，堪忍眾苦，性無憂感，不掉不躁，威儀寂靜，離矯詐等一切能起邪命之法。

月二、總略義

菩薩成就如是十支，名住律儀戒、善護律儀戒：

謂不顧戀過去諸欲。

又不希求未來諸欲。

又不耽著現在諸欲。

又樂遠離不生喜足。

又能掃滌不正言論諸惡尋思。

又能於己不自輕蔑。

又性柔和。

又能堪忍。

又不放逸。

又能具足軌則、淨命。

日二、住攝善法戒（分二）

月一、別辨相（分六）

盈一、施漸次

又諸菩薩已能安住攝善法戒，若於身財少生顧戀，尚不忍受，何況其多！

盈二、戒漸次

又於一切犯戒因緣根本煩惱，少分煩惱忿、恨等生，亦不忍受。

盈三、忍漸次

又於他所，發生恚、害、怨、恨等心，亦不忍受。

盈四、精進漸次

又於所起懈怠、懶惰，亦不忍受。

盈五、靜慮漸次

又於所起等至味著、等至煩惱，亦不忍受。

盈六、五種慧（分三）

昃一、標

又於五處如實了知。

昃二、列

謂如實知善果勝利。

又能如實了知善因。

又能如實知善因果，倒與無倒。

又如實知攝善法障。

昃三、釋

是諸菩薩能於善果見大勝利，尋求善因，為攝善故如實了知倒與無倒，由此菩薩獲得善果，不於無常妄見為常，不於其苦妄見為樂，不於不淨妄見為淨，不於無我妄見為我，如實了知攝善法障，為攝善故速疾遠離。

月二、結略義

菩薩由此十種相故，名住攝善法戒，速能攝善一切種相，謂施漸次、若戒漸次、若忍漸次、若精進漸次、若靜慮漸次及五種慧。

日三、住饒益有情戒（分三）

月一、總標

又諸菩薩由十一相，名住一切種饒益有情戒，於一一相中成就一切種。

月二、別釋（分十一）

盈一、與作助伴（分二）

昃一、於諸事業（分二）

星一、標義

謂諸菩薩於諸有情彼彼事業，皆為助伴，謂於思量所作事業，及於功用所作事業悉能與彼而作助伴。

星二、釋類

或於道路若往若來，或於無倒事業加行，或於守護所有財物，或於和合展轉乖離，或於義會或於修福，皆為助伴。

昃二、於諸救苦（分二）

星一、總標

於諸救苦亦為助伴。

星二、釋類（分五）

宿一、於災患苦

謂於遭遇疾疫有情，瞻侍供給，盲者啟導，聾者撝義，手代言者曉以想像，迷方路者示以遇途，支不具者惠以荷乘，其愚騃者誨以勝慧。

宿二於蓋纏苦（分二）

列一、舉貪纏

為貪欲纏所苦有情，開解令離貪欲纏苦。

列二、例瞋等

如是若為瞋恚、昏沈睡眠、掉舉惡作、疑纏所苦有情，開解令離疑纏等苦。

宿三、於尋思苦（分二）

列一、舉欲尋思

欲尋思纏所苦有情，開解令離欲尋思苦。

列二、列未害等

如欲尋思，恚、害、親里、國土、不死、輕侮相應，族姓相應所有尋思，當知亦爾。

宿四、於蔑勝苦

他蔑他勝所苦有情，開解令離被蔑勝苦。

宿五、於勞倦苦

行路疲乏所苦有情，施座施處調身按摩，令其止息勞倦眾苦。

盈二、為說正法（分二）

星一、於樂惡行（分二）

星一、如理說

又諸菩薩為諸有情如理宣說，謂於樂行惡行有情，為欲令斷諸惡行故，以相應文句，助伴隨順，清亮有用，相稱應順，常委分資糧法而為宣說。

星二、方便說

或復方便善巧宣說。

星二、例慳行等

如於樂行惡行有情，為欲令斷諸惡行故，如是於行慳行有情，為欲令彼斷慳行故，於現法中求財寶者，為欲令彼正少功力集多財寶守護無失，於佛聖教懷憎嫉者，為欲令彼得清淨信、證清淨見，超諸惡趣，盡一切結，越一切苦，應知亦爾。

盈三、了知恩報（分二）

星一、標義

又諸菩薩於其有恩諸有情所，深知恩惠，常思酬報。

炁二、釋類（分三）

星一、恭敬

暫見申敬，讚言善來，怡顏歡慰，吐誠談謔，祥處設座，正筵令坐。

星二、供養

若等若增，助利供養，現前酬答，非以下劣。

星三、伴助（分二）

宿一、舉於事業

於彼事業雖不求請，尚應伴助，況于有命！

宿二、隨應例餘

如於事業，如是於苦，於如理說，於方便說，於濟怖畏，於衰惱處開解愁憂。於惠資具，於與依止，於隨心轉，於顯實德令深歡悅。於懷親愛，方便調伏。於現神通，驚恐引攝，如應廣說，當知亦爾。

盈四、救護怖畏（分二）

炁一、總標

又諸菩薩，於遭怖畏諸有情類，能為救護。

炁二、釋類

謂於種種禽獸、水火、王賊、怨敵、家主、宰官、不活惡名、大眾威德、非人、起屍、魍魎等畏，皆能救護，令得安隱。

盈五、開解愁憂（分三）

炁一、總標

又諸菩薩，於處衰惱諸有情類，能善開解，令離愁憂。

炁二、釋類（分二）

星一、依親屬衰亡

或依親屬有所衰亡，所謂父母兄弟、妻子奴婢、僮僕宗長、朋友、內外、族因、親教、軌範及餘尊重，時有喪亡，善為開解，令離憂惱。

星二、依財寶喪失

或依財寶有所喪失，謂或王賊之所侵奪，或火所燒，或水所溺，或為矯詐之所誑誘，或由事業無方損失，或為惡親非理橫取，或家生火之所耗費，於如是等財寶喪失，善為開解，令離憂惱。

炁三、總結

由是因緣，諸有情類生軟、中、上三品愁憂，菩薩皆能正為開解。

盈六、施與資具（分二）

炁一、總標

又諸菩薩備資生具，隨有來求，即皆施與。

炷二、釋類

謂諸有情求食與食，求飲與飲，求乘與乘，求衣與衣，求莊嚴具施莊嚴具，求諸什物施以什物，求鬘塗香施鬘塗香，求止憩處施止憩處，求諸光明施以光明。

盈七、如法御眾（分二）

炷一、總標

又諸菩薩，性好攝受諸有情類，如法御眾，方便饒益。

炷二、釋類（分二）

星一、財攝受（分二）

宿一、正攝受（分二）

列一、由自施

以無染心先與依止，以憐愍心現作饒益，然後給施如法衣服、飲食、臥具、病緣醫藥、資身什物。

列二、求他施

若自無有，應從淨信長者、居士、婆羅門等，求索與之。

宿二、同受用

於己以法所獲如法衣服、飲食、諸坐臥具、病緣醫藥、資身什物，與眾同用，自無隱費。

星二、法攝受（分二）

宿一、標

於時時間，以其隨順八種教授而正教授，五種教誡而正教誡。

宿二、指

此中所說教授、教誡，當知如前「力種性品」已廣分別。

盈八、好隨心轉（分二）

炷一、總標

又諸菩薩，於有情心性好隨轉。

炷二、釋類（分二）

星一、於所化有情（分二）

宿一、如應住行

隨心轉時，先知有情若體若性，知體性已，隨諸有情所應共住，即應如是與其共住，隨諸有情所應同行，即應如是與彼同行。

宿二、思擇身語（分二）

列一、舉生憂苦（分二）

張一、觀察他事（分二）

寒一、生他憂苦（分二）

來一、令不現行

若諸菩薩，欲隨所化有情心轉，當審觀察：若於如是如是相事，現行身語，生他憂苦。如是憂苦，若不令其出不善處，安立善處，菩薩爾時，於如是事，現行身語，護彼心故，方便思擇，勵力遮止，令不現行如是憂苦。

來二、要令現行

若能令其出不善處，安立善處，菩薩爾時，於如是事，現行身語，住哀愍心，不隨如是有情心轉，方便思擇，勵力策發，要令現行。

寒二、生餘憂苦（分二）

來一、令不現行

復審觀察：若於如是他有情事，現行身語，令餘有情發生憂苦。如是憂苦，若不令他或餘有情，或不令二出不善處，安立善處，菩薩爾時於如是事現行身語，護餘心故，方便思擇，勵力遮止，令不現行如是憂苦。

來二、要令現行

若能令他或餘有情，或能令二出不善處，安立善處，菩薩爾時，於如是事現行身語，住哀愍心，不隨如是有情心轉，方便思擇，勵力策發，要令現行。

張二、觀察自事（分二）

寒一、不令不現

復審觀察：若於如是菩薩自事現行身語，生他憂苦，如是現行身語二業，非諸菩薩學處所攝，不順福德智慧資糧，如是憂苦不能令他出不善處安立善處，菩薩爾時，於如是事現行身語，護他心故，方便思擇，勵力遮止，令不現行。

寒二、例令現行

與此相違，現行身語，如前應知。

列二、例生喜樂

如生憂苦，如是廣說生於喜樂，隨其所應，當知亦爾。

星二、於一切有情（分六）

宿一、護他忿纏

又隨他心而轉菩薩，知他有情忿纏所纏，現前忿纏難可捨離，尚不讚歎，何況毀訾！即於爾時，亦不諫誨。

宿二、酬報慶慰

又隨他心而轉菩薩，他雖不來談論慶慰，尚應自往談論慶慰，何況彼來而不酬報！

宿三、不故惱他

又隨他心而轉菩薩，終不故意惱觸於他，唯除訶責諸犯過者，起慈悲心，諸根寂靜，如應訶責，令其調伏。

宿四、不輕懷他（分三）

列一、不令愧悔

又隨他心而轉菩薩，終不嗤誚輕弄於他，令其赧愧，不安隱住，亦不令其心生憂悔。

列二、不彰彼負

雖能摧伏，得勝於彼，而不彰其墮在負處。

列三、不自高舉

彼雖淨信，生於謙下，終不現相而起自高。

宿五、如應親近

又隨他心而轉菩薩，於諸有情非不親近不極親近，亦不非時而相親近。

宿六、如應言說

又隨他心而轉菩薩，終不現前毀他所愛，亦不現前讚他非愛，非情交者不吐實誠，不屢希望知量而受。若先許應他飲食等，終無假託不赴先祈，為性謙沖，如法曉諭。

盈九、讚揚實德（分二）

旻一、總標

又諸菩薩，性好讚揚真實功德，令他歡喜。

旻二、釋類

於信功德具足者前，讚揚信德令其歡喜；於戒功德具足者前，讚揚戒德令其歡喜；於聞功德具足者前，讚揚聞德令其歡喜；於捨功德具足者前，讚揚捨德令其歡喜；於慧功德具足者前，讚揚慧德令其歡喜。

盈十、調伏有過（分二）

旻一、總標

又諸菩薩，性好悲愍，以調伏法調伏有情。

旻二、釋類（分三）

星一、舉訶責（分三）

宿一、璠訶責

若諸有情有下品過、下品違犯，內懷親愛，無損惱心，以軟訶責而訶責之。

宿二、中訶責

若諸有情有上品過、中品違犯，內懷親愛，無損惱心，以中訶責而訶責之。

宿三、上訶責

若諸有情有上品過、上品違犯，內懷親愛，無損惱心，以上訶責而訶責之。

星二、例治罰

如訶責法，治罰亦爾。

星三、辨驅擯（分二）

宿一、權時驅擯

若諸有情有下中品應可驅擯過失違犯，菩薩爾時，為教誡彼及餘有情，以憐愍心及利益心，權時驅擯後還攝受。

宿二、盡受驅擯

若諸有情有其上品應可驅擯過失違犯，菩薩爾時，盡壽驅擯，不與同住不同受用，憐愍彼故不還攝受，勿令其人於佛聖教多攝非福。又為教誡，利餘有情。

盈十一、示現神通（分二）

辰一、總標

又諸菩薩為欲饒益諸有情故，現神通力，或為恐怖，或為引攝。

辰二、釋類（分二）

星一、為恐怖（分二）

宿一、令離惡

謂為樂行諸惡行者，方便示現種種惡行諸果異熟，謂諸惡趣小那落迦、大那落迦、寒那落迦、熱那落迦，既示現已而告之言，汝當觀此先於人中造作增長諸惡行故，今受如是最極暴惡、辛楚、非愛、苦果異熟。彼見是已，恐怖厭患，離諸惡行。

宿二、令生信

復有一類無信有情，菩薩眾中隨事故問。彼作異思，拒而不答。菩薩爾時，或便化作執金剛神，或復化作壯色大身巨力藥叉，令其恐怖，由是因緣，捨慢生信，恭敬正答，其餘大眾聞彼正答，亦皆調伏。

星二、為引攝（分二）

宿一、令歡喜

或現種種神通變化，或一為多，或多為一，或以其身穿過石壁、山巖等障，往還無礙，如是廣說，乃至梵世身自在轉，現無量種神變差別，

或復現入火界定等，或復示現共聲聞等種種神通，方便引攝，令諸有情踊躍歡喜。

宿二、善安處

諸未信者，方便安處信具足中；諸犯戒者，方便安處戒具足中；諸少聞者，方便安處聞具足中；多慳吝者，方便安處捨具足中；諸惡慧者，方便安處慧具足中。

月三、總結

如是菩薩成就一切種饒益有情戒。

洪三、結名戒藏

是名菩薩三種戒藏，亦名無量大功德藏，謂律儀戒所攝戒藏、攝善法戒所攝戒藏、饒益有情戒所攝戒藏。

宙二、廣辨授受（分二）

洪一、從他受（分四）

荒一、辨授受相（分二）

日一、名所應（分二）

月一、正受淨戒（分二）

盈一、受戒羯磨（分三）

昃一、受先所作（分二）

星一、審求大德

若諸菩薩，欲於如是菩薩所學三種戒藏，勤修學者，或是在家、或是出家，先於無上正等菩提發弘願已，當審訪求同法菩薩，已發大願、有智有力，於語表義，能授能開。

星二、乞請從受

於如是等功德具足勝菩薩所，先禮雙足，如是請言：我今欲於善男子所或長老所或大德所，乞受一切菩薩淨戒，唯願須臾，不辭勞倦，哀愍聽授。

昃二、受時所作（分三）

星一、供養佛僧

既作如是無倒請已，偏袒右肩，恭敬供養十方三世諸佛世尊，已入大地得大智慧、得大神力諸菩薩眾，現前專念彼諸功德，隨其所有功德因力，生殷淨心、或少淨心。

星二、禮請授戒

有智有力勝菩薩所，謙下恭敬，膝輪據地，或蹲跪坐對佛像前，作如是請：唯願大德！或言長老！或善男子！哀愍授我菩薩淨戒。如是請

已，惠念一境，長養淨心：我今不久當得無盡、無量、無上大功德藏！即隨思惟，如是事義，默然而住。

星三、正作羯磨（分三）

宿一、如法問定（分三）

列一、問答種性

爾時有智有力菩薩，於彼能行正行菩薩，以無亂心，若坐若立而作是言：汝如是名善男子聽！或法弟聽！汝是菩薩不？彼應答言：是！

列二、問答發願

發菩提願未？應答言：已發！

列三、問答受戒（分二）

張一、舉初說

自此已後，應作是言：汝如是名善男子或法弟！欲於我所，受諸菩薩一切學處、受諸菩薩一切淨戒，調律儀戒、攝善法戒、饒益有情戒，如是學處、如是淨戒，過去一切菩薩已具，未來一切菩薩當具，普於十方現在一切菩薩今具，於是學處、於是淨戒，過去一切菩薩已學，未來一切菩薩當學，現在一切菩薩今學，汝能受不？

答言：能受！

張二、例中後

能授菩薩第二、第三亦如是說，能受菩薩第二、第三亦如是答。

宿二、啟白請證（分三）

列一、結前

能授菩薩作如是問，乃至第三，授淨戒已。

列二、正顯（分二）

張一、禮佛啟請（分二）

寒一、舉初說（分二）

來一、啟白

能受菩薩作如是答，乃至第三，受淨戒已。能受菩薩不起于坐，能授菩薩對佛像前，普於十方現住諸佛及諸菩薩，恭敬供養，頂禮雙足，作如是白：某名菩薩，今已有我某菩薩所，乃至三說受菩薩戒，我某菩薩已為某名菩薩作證。

來二、請證

唯願十方無邊無際諸世界中諸佛菩薩第一真聖，於現不現一切時處，一切有情皆現覺者，於此某名受戒菩薩，亦為作證。

寒二、例中後

第二、第三亦如是說。

張二、為佛眷念（分二）

寒一、舉因

如是受戒羯磨畢竟。從此無間普於十方無邊無際諸世界中，現住諸佛、已入大地諸菩薩前，法爾相現。由此表示，如是菩薩已受菩薩所受淨戒。爾時十方諸佛菩薩，於是菩薩法爾之相，生起憶念，由憶念故正智見轉，由正智見如實覺知，某世界中某名菩薩，某菩薩所正受菩薩所受淨戒。

寒二、顯果

一切於此受戒菩薩，如子、如弟，生親善意，眷念憐愍，由佛菩薩眷念憐愍，令是菩薩希求善法倍復增長，無有退減。

列三、總結

當知是名受菩薩戒啟白、請證。

炘三、受己所作

如是已作受菩薩戒羯磨等事，授受菩薩俱起供養，普於十方無邊無際諸世界中諸佛菩薩，頂禮雙足，恭敬而退。

盈二、得戒勝利

如是菩薩所受律儀戒，於餘一切所受律儀戒，最勝無上無量無邊大功德藏之所隨逐，第一最上善心意樂之所發起，普能對治於一切有情一切種惡行。一切別解脫律儀，於此菩薩律儀戒，百分不及一，千分不及一，數分不及一，計分不及一，算分不及一，喻分不及一，鄔波尼殺曇分亦不及一，攝受一切大功德故。

月二、勸修學處（分二）

盈一、思惟所作

又此菩薩安住如是菩薩淨戒，先自數數專諦思惟：此是菩薩正所應作，此非菩薩正所應作。既思惟已，然後為成正所作業，當勤修學。

盈二、聽聞經論

又應專勵聽聞菩薩素怛纜藏及以解釋，即此菩薩素怛纜藏摩怛履迦，隨其所聞，當勤修學。

日二、簡不應（分二）

月一、不應從受（分三）

盈一、簡非同法

又諸菩薩不從一切唯聰慧者，求受菩薩所受淨戒。

盈二、簡無淨信

無淨信者不應從受，謂於如是所受淨戒，初無信解，不能趣入，不善思惟。

盈三、簡非菩薩（分六）

景一、無施種性相者

有慳貪者、慳貪弊者、有大欲者、無喜足者，不應從受。

景二、無戒種性相者

毀淨戒者、於諸學處無恭敬者、於戒律儀有慢緩者，不應從受。

景三、無忍種性相者

有忿恨者、多不忍者、於他違犯不堪耐者，不應從受。

景四、無精進種性相者

有懶惰者、有懈怠者、多分耽著日夜睡樂倚樂臥樂好合徒侶樂喜談者，不應從受。

景五、無靜慮種性相者

心散亂者、下至不能搆牛乳頃善心一緣住修習者，不應從受。

景六、無慧種性相者

有闇昧者、愚癡類者、極劣心者、誹謗菩薩素怛纜藏及菩薩藏摩怛履迦者，不應從受。

月二、不應開悟（分三）

盈一、標

又諸菩薩於受菩薩戒律儀法，雖已具足受持究竟，而於謗毀菩薩藏者無信有情，終不率爾，宣示開悟。

盈二、徵

所以者何？

盈三、釋

為其聞已不能信解，大無知障之所覆蔽，便生誹謗。由誹謗故，如住菩薩淨戒律儀，成就無量大功德藏，彼誹謗者，亦為無量大罪業藏之所隨逐，乃至一切惡言、惡見及惡思惟，未永棄捨終不免離。

荒二、如應授戒（分三）

日一、先說法藏

又諸菩薩欲授菩薩菩薩戒時，先應為說菩薩法藏摩怛履迦、菩薩學處及犯處相，令其聽受，以慧觀察自所意樂，堪能思擇受菩薩戒，非唯他勸，非為勝他，當知是名堅固菩薩，堪受菩薩淨戒律儀，以受戒法如應正授。

日二、正授戒法（分二）

月一、總標三戒他勝處（分二）

盈一、別辨類（分四）

景一、標

如是菩薩住戒律儀，有其四種他勝處法。

景二、徵

何等為四？

景三、釋（分四）

星一、貪法

【1】若諸菩薩為欲貪求利養恭敬，自讚毀他，是名第一他勝處法。

星二、慳法

【2】若諸菩薩現有資財性慳財故，有苦有貧無依無怙正求財者來現在前，不起哀憐而修惠捨，正求法者來現在前，性慳法故雖現有法而不給施，是名第二他勝處法。

星三、忿法

【3】若諸菩薩長養如是種類忿纏，由是因緣不唯發起麤言便息，由忿蔽故加以手足塊石刀杖，捶打傷害損惱有情，內懷猛利忿恨意樂，有所違犯他來諫謝不受不忍不捨怨結，是名第三他勝處法。

星四、邪見

【4】若諸菩薩謗菩薩藏，愛樂宣說開示建立像似正法，於像似法或自信解或隨他轉，是名第四他勝處法。

景四、結

如是名為：菩薩四種他勝處法。

盈二、總料簡（分二）

景一、具不具犯

菩薩於四他勝處法，隨犯一種況犯一切，不復堪能於現法中增長攝受菩薩廣大菩提資糧，不復堪能於現法中意樂清淨，是即名為相似菩薩，非真菩薩。

景二、明捨及緣（分二）

星一、明捨（分二）

宿一、顯自（分二）

列一、標簡品類

菩薩若用軟中品纏，毀犯四種他勝處法，不捨菩薩淨戒律儀，上品纏犯，即名為捨。

列二、釋上品犯

若諸菩薩毀犯四種他勝處法，數數現行都無慚愧，深生愛樂見是功德，當知說名上品纏犯。

宿二、簡他（分二）

列一、暫犯便捨

非諸菩薩，暫一現行他勝處法，便捨菩薩淨戒律儀，如諸苾芻犯他勝法即便棄捨別解脫戒。

列二、捨不更受

若諸菩薩由此毀犯，棄捨菩薩淨戒律儀，於現法中堪任更受非不堪任，如苾芻住別解脫戒犯他勝法，於現法中不任更受。

星二、辨緣（分二）

宿一、標二緣捨

略由二緣捨諸菩薩淨戒律儀：

一者棄捨無上正等菩提大願；

二者現行上品纏犯他勝處法。

宿二、辨捨相違（分二）

列一、二緣不捨

若諸菩薩雖復轉身遍十方界在在生處，不捨菩薩淨戒律儀，由是菩薩不捨無上菩提大願，亦不現行上品纏犯他勝處法。

列二、覺悟不捨

若諸菩薩轉受餘生忘失本念，值遇善友，為欲覺悟菩薩戒念，雖數重受，而非新受亦不新得。

瑜伽師地論卷第四十一

月二、廣顯二戒所攝事相（分三）

盈一、標名犯等

如是菩薩安住菩薩淨戒律儀，於有違犯及無違犯，是染、非染，軟、中、上品，應當了知。

盈二、隨類別顯（分二）

炁一、住攝善法戒（分六）

星一、施漸次攝（分六）

宿一、於諸供養（分二）

列一、供養三實（分二）

張一、有違犯

【1】若諸菩薩安住菩薩淨戒律儀，於日日中，若於如來或為如來造制多所；若於正法或為正法造經卷所，謂諸菩薩素怛纜藏摩怛理迦；

若於僧伽，謂十方界已入大地諸菩薩眾，若不以其或少或多諸供養具而為供養，下至以身一拜禮敬，下至以語一四句頌讚佛、法、僧真實功德，下至以心一清淨信隨念三寶真實功德，空度日夜，是名有犯有所違越。若不恭敬、懶惰懈怠而違犯者，是染違犯。若誤失念而違犯者，非染違犯。

張二、無違犯（分二）

寒一、由心狂亂

無違犯者，謂心狂亂。

寒二、由意樂淨

若已證入淨意樂地常無違犯，由得清淨意樂菩薩，譬如已得證淨苾芻，恒時法爾於佛法僧，以勝供具承事供養。

列二、貪著供養（分二）

張一、有違犯

【2】若諸菩薩安住菩薩淨戒律儀，有其大欲而無喜足，於諸利養及以恭敬，生著不捨，是名有犯有所違越，是染違犯。

張二、無違犯

無違犯者，謂為斷彼生起樂欲，發勤精進攝彼對治，雖勤遮遏而為猛利性感所蔽，數起現行。

宿二、於隨世儀（分二）

列一、有違犯

【3】若諸菩薩安住菩薩淨戒律儀，見諸耆長有德可敬同法者來，憍慢所制懷嫌恨心懷恚惱心，不起承迎不推勝座。若有他來語言談論慶慰請問，憍慢所制，懷嫌恨心，懷恚惱心，不稱正理發言酬對，是名有犯有所違越，是染違犯。非憍慢制，無嫌恨心，無恚惱心，但由懶惰懈怠忘念無記之心，是名有犯有所違越，非染違犯。

列二、無違犯

無違犯者，謂遭重病，或心狂亂，或自睡眠，他生覺想而來親附，語言談論慶慰請問，或自為他宣說諸法論義決擇，或復與餘談論慶慰，或他說法論義決擇屬耳而聽，或有違犯說正法者，為欲將護說法者心，或欲方便調彼伏彼出不善處安立善處，或護僧制，或為將護多有情心而不酬對皆無違犯。

宿三、於他延請（分二）

列一、有違犯

【4】若諸菩薩安住菩薩淨戒律儀，他來延請，或往居家或往餘寺，

奉施飲食及衣服等諸資生具，憍慢所制懷嫌恨心懷恚惱心，不至其所不受所請，是名有犯有所違越，是染違犯。

若由懶惰懈怠、忘念無記之心，不至其所，不受所請，是名有犯有所違越，非染違犯。

列二、無違犯

無違犯者，或有疾病，或無氣力，或心狂亂，或處懸遠，或道有怖，或欲方便調彼伏彼出不善處安立善處，或餘先請，或為無間修諸善法欲護善品令無暫廢，或為引攝未曾有義，或為所聞法義無退，如為所聞法義無退，論義決擇當知亦爾，或復知彼懷損惱心詐來延請，或為護他多嫌恨心，或護僧制不至其所不受所請，皆無違犯。

宿四、於他奉施（分二）

列一、有違犯

【5】若諸菩薩安住菩薩淨戒律儀，他持種種生色可染末尼真珠琉璃等寶，及持種種眾多上妙財利供具，慇懃奉施，由嫌恨心或恚惱心違拒不受，是名有犯有所違越，是染違犯，捨有情故。

若由懶惰懈怠忘念無記之心違拒不受，是名有犯有所違越，非染違犯。

列二、無違犯

無違犯者，或心狂亂，或觀受已心生染著，或觀後時彼定追悔，或復知彼於施迷亂，或知施主隨捨隨受由是因緣定當貧匱，或知此物是僧伽物窳堵波物，或知此物劫盜他得，或知此物由是因緣多生過患，或殺或縛或罰或黜或嫌或責，違拒不受，皆無違犯。

宿五、於來求法（分二）

列一、有違犯

【6】若諸菩薩安住菩薩淨戒律儀，他來求法，懷嫌恨心懷恚惱心，嫉妒變異不施其法，是名有犯有所違越，是染違犯。

若由懶惰懈怠忘念無記之心不施其法，是名有犯有所違越，非染違犯。

列二、無違犯

無違犯者，謂諸外道伺求過短，或有重病或心狂亂，或欲方便調彼伏彼出不善處安立善處，或於是法未善通利，或復見彼不生恭敬無有羞愧以惡威儀而來聽受，或復知彼是鈍根性於廣法教得法究竟深生怖畏，當生邪見增長邪執衰損惱壞，或復知彼法至其手轉布非人，而不施與皆無違犯。

宿六、於他犯戒（分二）

列一、有違犯（分二）

張一、辨染非染

【7】若諸菩薩安住菩薩淨戒律儀，於諸暴惡犯戒有情，懷嫌恨心懷恚惱心由彼暴惡犯戒為緣，方便棄捨不作饒益，是名有犯、有所違越，是染違犯。

若由懶惰懈怠棄捨，由忘念故，不作饒益，是名有犯、有所違越，非染違犯。

張二、釋犯因緣

何以故？非諸菩薩於淨持戒身語意業寂靜現行諸有情所，起憐愍心，欲作饒益，如於暴惡犯戒有情於諸苦因而現轉者。

列二、無違犯

無違犯者，謂心狂亂，或欲方便調彼伏彼，廣說如前，或為將護多有情心，或護僧制方便棄捨不作饒益，皆無違犯。

星二、戒漸次攝（分七）

宿一、於諸遮罪（分二）

列一、將護他行（分二）

張一、標共聲聞

【8a】若諸菩薩安住菩薩淨戒律儀，如薄伽梵於別解脫毘奈耶中，將護他故，建立遮罪，制諸聲聞令不造作，諸有情類未淨信者令生淨信，已淨信者令倍增長，於中菩薩與諸聲聞，應等修學無有差別。

張二、釋其所以

何以故？以諸聲聞自利為勝，尚不棄捨將護他行，為令有情未信者信，信者增長學所學處，何況菩薩利他為勝！

列二、住少事等（分二）

張一、不共聲聞（分三）

寒一、標

【8b】若諸菩薩安住菩薩淨戒律儀，如薄伽梵於別解脫毘奈耶中，為令聲聞少事少業少悵望住，建立遮罪，制諸聲聞令不造作，於中菩薩與諸聲聞不應等學。

寒二、釋（分二）

來一、簡差別

何以故？以諸聲聞自利為勝，不顧利他，於利他中，少事少業少悵望住可名為妙。非諸菩薩利他為勝，不顧自利，於利他中，少事少業少悵望住得名為妙。

來二、廣如應

如是菩薩為利他故，從非親里長者、居士、婆羅門等及恣施家，應求百千種種衣服，觀彼有情有力無力，隨其所施，如應而受。如說求衣，求鉢亦爾。如求衣、鉢，如自求種種絲縷，令非親里為織作衣，為利他故，應畜種種憍世耶衣、諸坐臥具，事各至百，生色、可染，百千俱胝，復過是數，亦應取積。

寒三、結

如是等中，少事少業少悵望住，制止遮罪，菩薩不與聲聞共學。

張二、出有違犯

安住淨戒律儀菩薩，於利他中，懷嫌恨心、懷恚惱心，少事少業少悵望住，是名有犯、有所違越，是染違犯。若有懶惰、懈怠、忘念、無記之心，少事少業少悵望住，是名有犯、有所違越，非染違犯。

宿二、於諸性罪（分二）

列一、總開無犯

【9】若諸菩薩安住菩薩淨戒律儀，善權方便為利他故，於諸性罪，少分現行，由是因緣，於菩薩戒無所違犯，生多功德。

列二、別釋其相（分八）

張一、於殺生（分二）

寒一、出因緣（分二）

來一、思惟所作

謂如菩薩見劫盜賊，為貪財故欲殺多生，或復欲害大德、聲聞、獨覺、菩薩，或復欲造多無間業，見是事已，發心思惟：「我若斷彼惡眾生命，墮那落迦；如其不斷，無間業成，當受大苦。我寧殺彼墮那落迦，終不令其受無間苦。」

來二、加行所作

如是菩薩意樂思惟，於彼眾生，或以善心、或無記心，知此事已，為當來故，深生慚愧，以憐愍心而斷彼命。

寒二、結無犯

由是因緣，於菩薩戒無所違犯，生多功德。

張二、於廢黜（分二）

寒一、出因緣

又如菩薩見有增上、增上宰官，上品暴惡，於諸有情無有慈愍，專行逼惱，菩薩見已，起憐愍心，發生利益安樂意樂，隨力所能，若廢、若黜增上等位。

寒二、結無犯

由是因緣，於菩薩戒無所違犯，生多功德。

張三、於不與取（分二）

寒一、出因緣（分二）

來一、於劫盜賊（分二）

暑一、奪取盜物

又如菩薩見劫盜賊，奪他財物，若僧伽物、窣堵波物，取多物已，執為己有，縱情受用，菩薩見已，起憐愍心，於彼有情發生利益安樂意樂，隨力所能，逼而奪取，勿令受用如是財故，當受長夜無義無利。

暑二、還復所主

由此因緣，所奪財寶，若僧伽物還復僧伽，窣堵波物還窣堵波，若有情物還復有情。

來二、於眾主等

又見眾主或園林主，取僧伽物、窣堵波物，言是己有，縱情受用，菩薩見已，思擇彼惡，起憐愍心：「勿令因此邪受用業，當受長夜無義無利！」隨力所能，廢其所主。

寒二、結無犯

菩薩如是雖不與取，而無違犯，生多功德。

張四、於欲邪行（分二）

寒一、明在家（分二）

來一、出因緣

又如菩薩處在居家，見有母邑現無繫屬習姪欲法，繼心菩薩求非梵行，菩薩見已，作意思惟，勿令心恚，多生非福，若隨其欲便得自在，方便安處，令種善根，亦當令其捨不善業，住慈愍心，行非梵行。

來二、結無犯

雖習如是穢染之法，而無所犯，多生功德。

寒二、簡出家

出家菩薩，為護聲聞聖所教誡令不壞滅，一切不應行非梵行。

張五、於虛妄語（分二）

寒一、出因緣（分二）

來一、明所為

又如菩薩為多有情，解脫命難、囹圄縛難、刖手足難、劓鼻刳耳剜眼等難，雖諸菩薩為自命難亦不正知說於妄語，然為救脫彼有情故，知而思擇，故說妄語。

來二、攝要義

以要言之，菩薩唯觀有情義利非無義利，自無染心，唯為饒益諸有情故，覆想正知而說異語。

寒二、結無犯

說是語時於菩薩戒無所違犯生多功德。

張六、於離間語（分二）

寒一、出因緣

又如菩薩，見諸有情為惡朋友之所攝受，親愛不捨，菩薩見已起憐愍心，發生利益安樂意樂，隨能隨力，說離間語，令離惡友捨相親愛，勿令有情由近惡友當受長夜無義無利。

寒二、結無犯

菩薩如是以饒益心說離間語，乖離他愛，無所違犯，生多功德。

張七、於麤惡語（分二）

寒一、出因緣

又如菩薩見諸有情，為行越路非理而行，出麤惡語，猛利訶擯，方便令其出不善處，安立善處。

寒二、結無犯

菩薩如是以饒益心，於諸有情出麤惡語，無所違犯，生多功德。

張八、於諸綺語（分二）

寒一、出因緣

又如菩薩見諸有情信樂倡伎吟詠歌諷，或有信樂王賊飲食婬蕩街衢無義之論，菩薩於中皆悉善巧，於彼有情起憐愍心，發生利益安樂意樂，現前為作綺語相應種種倡伎吟詠歌諷王賊飲食婬衢等論，令彼有情歡喜引攝，自在隨屬，方便獎導，出不善處，安立善處。

寒二、結無犯

菩薩如是現行綺語，無所違犯，生多功德。

宿三、於邪命法（分二）

列一、有違犯

【10】若諸菩薩安住菩薩淨戒律儀，生起詭詐虛談現相，方便研求假利求利，味邪命法無有羞恥堅持不捨，是名有犯有所違越，是染違犯。

列二、無違犯

無違犯者，若為除遣生起樂欲發動精進，煩惱熾盛蔽抑其心時時現起。

宿四、於虧軌則（分二）

列一、有違犯

【11】若諸菩薩安住菩薩淨戒律儀，為掉所動，心不寂靜，不樂寂靜，

高聲嬉戲，誼譁紛聒，輕躁騰躍，望他歡笑，如此諸緣，是名有犯有所違越，是染違犯。

若忘念起，非染違犯。

列二、無違犯

無違犯者，若為除遣生起樂欲，廣說如前。若欲方便解他所生嫌恨令息。若欲遣他所生愁惱若他性好如上諸事，方便攝受敬慎將護，隨彼而轉。若他有情猜阻菩薩，內懷嫌恨惡謀憎背，外現歡顏表內清淨，如是一切皆無違犯。

宿五、於壞大乘（分二）

列一、出染違犯

【12】若諸菩薩安住菩薩淨戒律儀，起如是見立如是論：「菩薩不應忻樂涅槃，應於涅槃而生厭背，於諸煩惱及隨煩惱，不應怖畏而求斷滅，不應一向心生厭離，以諸菩薩三無數劫流轉生死求大菩提。」若作此說，是名有犯有所違越，是染違犯。

列二、釋其所以

何以故？如諸聲聞於其涅槃忻樂親近，於諸煩惱及隨煩惱深心厭離，如是菩薩於大涅槃忻樂親近，於諸煩惱及隨煩惱深心厭離，其倍過彼百千俱胝。以諸聲聞唯為一身證得義利勤修正行，菩薩普為一切有情證得義利，勤修正行，是故菩薩當勤修集無雜染心，於有漏事，隨順而行，成就勝出諸阿羅漢無雜染法。

宿六、於自謗聲（分二）

列一、有違犯

【13】若諸菩薩安住菩薩淨戒律儀，於自能發不信重言，所謂惡聲惡稱惡譽不護不雪，其事若實而不避護，是名有犯有所違越，是染違犯。若事不實而不清雪，是名有犯有所違越，非染違犯。

列二、無違犯

無違犯者，若他外道若他憎嫉若自出家，因行乞行因修善行謗聲流布，若忿蔽者、若心倒者謗聲流布，皆無違犯。

宿七、於障加行（分二）

列一、有違犯

【14】若諸菩薩安住菩薩淨戒律儀，見諸有情應以種種辛楚加行猛利加行而得義利護其憂惱而不現行，是名有犯有所違越，非染違犯。

列二、無違犯

無違犯者，觀由此緣於現法中少得義利，多生憂惱。

星三、忍漸次攝（分五）

宿一、於報他怨

【15】若諸菩薩安住菩薩淨戒律儀，他罵報罵他瞋報瞋，他打報打他弄報弄，是名有犯有所違越，是染違犯。

宿二、於不謝他（分二）

列一、有違犯

【16】若諸菩薩安住菩薩淨戒律儀，於他有情有所侵犯，或自不為彼疑侵犯，由嫌嫉心由慢所執，不如理謝而生輕捨，是名有犯有所違越，是染違犯。

若由懶惰懈怠放逸，不謝輕捨，是名有犯有所違越，非染違犯。

列二、無違犯

無違犯者，若欲方便調彼伏彼出不善處安立善處。若是外道，若彼希望要因現行非法有罪方受悔謝。若彼有情性好鬥諍，因悔謝時倍增憤怒。若復知彼為性堪忍體無嫌恨。若必了他因謝侵犯深生羞恥，而不悔謝，皆無違犯。

宿三、於不受謝（分二）

列一、有違犯

【17】若諸菩薩安住菩薩淨戒律儀，他所侵犯，彼還如法平等悔謝，懷嫌恨心欲損惱彼不受其謝，是名有犯有所違越，是染違犯，雖復於彼無嫌恨心不欲損惱，然由稟性不能堪忍故不受謝，亦名有犯有所違越，是染違犯。

列二、無違犯

無違犯者，若欲方便調彼伏彼，廣說一切如前應知。若不如法、不平等謝，不受彼謝，亦無違犯。

宿四、於他懷忿（分二）

列一、有違犯

【18】若諸菩薩安住菩薩淨戒律儀，於他懷忿，相續堅持，生已不捨，是名有犯有所違越，是染違犯。

列二、無違犯

無違犯者，為斷彼故生起樂欲，廣說如前。

宿五、於貪供事（分二）

列一、有違犯

【19】若諸菩薩安住菩薩淨戒律儀，貪著供事增上力故，以愛染心管御徒眾，是名有犯有所違越，是染違犯。

列二、無違犯

無違犯者，不貪供侍無愛染心管御徒眾。

星四、精進漸次攝（分二）

宿一、於樂眠等（分二）

列一、有違犯

【20】若諸菩薩安住菩薩淨戒律儀，懶惰懈怠耽睡眠樂臥樂倚樂，非時非量，是名有犯有所違越，是染違犯。

列二、無違犯

無違犯者，若遭疾病若無氣力行路疲極。若為斷彼生起樂欲，廣說一切如前應知。

宿二、於說世事（分二）

列一、有違犯

【21】若諸菩薩安住菩薩淨戒律儀，懷愛染心談說世事虛度時日，是名有犯有所違越，是染違犯。

若由忘念虛度時日，是名有犯有所違越，非染違犯。

列二、無違犯

無違犯者，見他談說護彼意故，安住正念須臾而聽。若事希奇或暫問他或答他問，無所違犯。

星五、靜慮漸次攝（分三）

宿一、不請教授（分二）

列一、有違犯

【22】若諸菩薩安住菩薩淨戒律儀，為令心住欲定其心，心懷嫌恨憍慢所持，不詣師所求請教授，是名有犯有所違越，是染違犯，懶惰懈怠而不請者，非染違犯。

列二、無違犯

無違犯者，若遇疾病若無氣力。若知其師顛倒教授、若自多聞自有智力能令心定、若先已得所應教授而不請者，無所違犯。

宿二、不捨蓋纏（分二）

列一、舉貪欲蓋（分二）

張一、有違犯

【23】若諸菩薩安住菩薩淨戒律儀，起貪欲蓋，忍受不捨，是名有犯有所違越，是染違犯。

張二、無違犯

無違犯者，若為斷彼生起樂欲發動精進，煩惱猛利蔽抑心故時時現行。

列二、例瞋恚等

如貪欲蓋，如是瞋恚、昏沈、睡眠、掉舉、惡作，及與疑蓋當知亦爾。

宿三、貪味相應（分二）

列一、有違犯

【24】若諸菩薩安住菩薩淨戒律儀，貪味靜慮，於味靜慮見為功德，是名有犯有所違越，是染違犯。

列二、無違犯

無違犯者，若為斷彼生起樂欲，廣說如前。

星六、慧漸次攝（分八）

宿一、毀聲聞教（分二）

列一、有違犯（分二）

張一、出唯染

【25】若諸菩薩安住菩薩淨戒律儀，起如是見，立如是論：「菩薩不應聽聲聞乘相應法教，不應受持，不應修學！菩薩何用於聲聞乘相應法教聽聞受持精勤修學！」是名有犯有所違越，是染違犯。

張二、釋所以

何以故？菩薩尚於外道書論精勤研究，況於佛語！

列二、無違犯

無違犯者，為令一向習小法者捨彼欲故，作如是說。

宿二、捨菩薩藏

【26】若諸菩薩安住菩薩淨戒律儀，於菩薩藏未精研究，於菩薩藏一切棄捨，於聲聞藏一向修學，是名有犯有所違越，非染違犯。

宿三、修學外論（分二）

列一、有違犯

【27】若諸菩薩安住菩薩淨戒律儀，現有佛教於佛教中未精研究，於異道論及諸外論精勤修學，是名有犯有所違越，是染違犯。

列二、無違犯

無違犯者，若上聰敏、若能速受、若經久時能不忘失、若於其義能思能達、若於佛教如理觀察，成就俱行無動覺者，於日日中常以二分修學佛語，一分學外，則無違犯。

宿四、樂者外論

【28】若諸菩薩安住菩薩淨戒律儀，越菩薩法，於異道論及諸外論研求善巧，深心寶翫愛樂味著，非如辛藥而習近之，是名有犯有所違越，是染違犯。

宿五、不解甚深（分二）

列一、有毀謗（分二）

張一、出染違犯

【29】若諸菩薩安住菩薩淨戒律儀，聞菩薩藏，於甚深處最勝甚深真實法義諸佛菩薩難思神力，不生信解，憎背毀謗：「不能引義、不能引法、非如來說、不能利益安樂有情」是名有犯有所違越，是染違犯。

張二、釋其所以

如是毀謗，或由自內非理作意，或隨順他而作是說。

列二、無毀謗（分二）

張一、行無諂曲

若諸菩薩安住菩薩淨戒律儀，若聞甚深最甚深處，心不信解，菩薩爾時應強信受，應無諂曲，應如是學：「我為非善，盲無慧目，於如來眼隨所宣說，於諸如來密意語言而生誹謗。」菩薩如是自處無知，仰推如來：於諸佛法，無不現知，等隨觀見。

張二、出無違犯

如是正行，無所違犯，雖無信解，然不誹謗。

宿六、自讚毀他（分二）

列一、有違犯

【30】若諸菩薩安住菩薩淨戒律儀，於他人所，有染愛心，有瞋恚心，自讚毀他，是名有犯有所違越，是染違犯。

列二、無違犯

無違犯者，若為摧伏諸惡外道、若為住持如來聖教、若欲方便調彼伏彼，廣說如前，或欲令其未淨信者發生淨信，已淨信者倍復增長。

宿七、不往聽聞（分二）

列一、有違犯

【31】若諸菩薩安住菩薩淨戒律儀，聞說正法論議決擇，憍慢所制懷嫌恨心懷恚惱心而不往聽，是名有犯有所違越，是染違犯。

若為懶惰懈怠所蔽而不往聽，非染違犯。

列二、無違犯

無違犯者，若不覺知、若有疾病、若無氣力、若知倒說，若為護彼說法者心、若正了知彼所說義是數所聞所持所了、若已多聞具足聞持其聞積集、若欲無間於境住心、若勤引發菩薩勝定、若自了知上品愚鈍其慧鈍濁，於所聞法難受難持難於所緣攝心令定，不往聽者，皆無違犯。

宿八、輕說法師

【32】若諸菩薩安住菩薩淨戒律儀，於說法師故思輕毀，不深恭敬嗤笑調弄，但依於文不依於義，是名有犯有所違越，是染違犯。

晨二、住饒益有情戒（分十一）

星一、〔障同事〕：不為助伴（分二）

宿一、有違犯（分二）

列一、總標

【33】若諸菩薩安住菩薩淨戒律儀，於諸有情所應作事，懷嫌恨心，懷恚惱心，不為助伴。

列二、舉類

謂於能辦所應作事，或於道路若往若來，或於正說事業加行，或於掌護所有財寶，或於和好乖離諍訟，或於吉會或於福業不為助伴，是名有犯有所違越，是染違犯。

若為懶惰懈怠所蔽，不為助伴，非染違犯。

宿二、無違犯

無違犯者，若有疹疾、若無氣力、若了知彼自能成辦、若知求者自有依怙、若知所作能引非義能引非法、若欲方便調彼伏彼，廣說如前。若先許餘為作助伴、若轉請他有力者助、若於善品正勤修習不欲暫廢、若性愚鈍於所聞法難受難持，如前廣說：若為將護多有情意、若護僧制不為助伴，皆無違犯。

星二、〔障同事〕：不往供事（分二）

宿一、舉有疾病（分二）

列一、有違犯

【34】若諸菩薩安住菩薩淨戒律儀，見諸有情遭重疾病，懷嫌恨心懷恚惱心不往供事，是名有犯有所違越，是染違犯。

若為懶惰懈怠所蔽不往供事，非染違犯。

列二、無違犯

無違犯者，若自有病、若無氣力、若轉請他有力隨順令往供事、若知病者有依有怙、若知病者自有勢力能自供事、若了知彼長病所觸堪自支持、若為勤修廣大無上殊勝善品、若欲護持所修善品令無間缺、若自了知上品愚鈍其慧鈍濁於所聞法難受難持，難於所緣攝心令定、若先許餘為作供事。

宿二、例有苦等

如於病者，於有苦者為作助伴，欲除其苦，當知亦爾。

星三、〔障愛語〕：不為說法（分二）

宿一、有違犯

【35】若諸菩薩安住菩薩淨戒律儀，見諸有情為求現法後法事故廣行非理，懷嫌恨心懷恚惱心，不為宣說如實正理，是名有犯有所違越，是染違犯。

若由懶惰懈怠所蔽不為宣說，非染違犯。

宿二、無違犯

無違犯者，若自無知、若無氣力、若轉請他有力者說，若即彼人自有智力、若彼有餘善友攝受、若欲方便調彼伏彼，廣說如前。若知為說如實正理起嫌恨心、若發惡言、若顛倒受、若無愛敬、若復知彼性弊[怡-台+龍]悞，不為宣說，皆無違犯。

星四、〔障布施〕：不酬有恩（分三）

宿一、有違犯

【36】若諸菩薩安住菩薩淨戒律儀，於先有恩諸有情所，不知恩惠不了恩惠，懷嫌恨心不欲現前如應酬報，是名有犯有所違越，是染違犯。若為懶惰懈怠所蔽，不現酬報，非染違犯。

宿二、無違犯

無違犯者，勤加功用無力無能不獲酬報、若欲方便調彼伏彼，廣說如前。若欲報恩而彼不受，皆無違犯。

星五、〔障布施〕：不解愁憂（分二）

宿一、有違犯

【37】若諸菩薩安住菩薩淨戒律儀，見諸有情墮在喪失財寶眷屬祿位難處，多生愁惱，懷嫌恨心不往開解，是名有犯有所違越，是染違犯。若為懶惰懈怠所蔽不往開解，非染違犯。

宿二、無違犯

無違犯者，應知如前，於他事業不為助伴。

星六、〔障布施〕：不施資具（分二）

宿一、有違犯

【38】若諸菩薩安住菩薩淨戒律儀，有飲食等資生眾具，見有求者來正恚求飲食等事，懷嫌恨心，懷恚惱心而不給施，是名有犯有所違越，是染違犯。

若由懶惰懈怠放逸，不能施與，非染違犯。

宿二、無違犯

無違犯者，若現無有可施財物、若彼恚求不如法物所不宜物、若欲方

便調彼伏彼，廣說如前。若來求者，王所匪宜將護王意、若護僧制而不惠施皆無違犯。

星七、〔障布施〕：不正攝受（分二）

宿一、有違犯

【39a】若諸菩薩安住菩薩淨戒律儀，攝受徒眾懷嫌恨心，而不隨時無倒教授、無倒教誡。【39b】知眾匱乏，而不為彼從諸淨信長者、居士、婆羅門等，如法追求衣服飲食諸坐臥具病緣醫藥資身什物，隨時供給。是名有犯有所違越，是染違犯。

若由懶惰懈怠放逸，不往教授、不往教誡，不為追求如法眾具，非染違犯。

宿二、無違犯

無違犯者，若欲方便調彼伏彼，廣說如前。若護僧制、若有疹疾、若無氣力不任加行、若轉請餘有勢力者、若知徒眾世所共知有大福德，各自有力求衣服等資身眾具、若隨所應教授教誡，皆已無倒教授教誡、若知眾內有本外道為竊法故，來入眾中無所堪能不可調伏，皆無違犯。

星八、〔障利行〕：不隨心轉（分二）

宿一、有違犯

【40】若諸菩薩安住菩薩淨戒律儀，懷嫌恨心於他有情不隨心轉，是名有犯有所違越，是染違犯。

若由懶惰懈怠放逸不隨其轉，非染違犯。

宿二、無違犯

無違犯者，若彼所愛非彼所宜、若有疾病若無氣力不任加行、若護僧制、若彼所愛雖彼所宜，而於多眾非宜非愛、若為降伏諸惡外道、若欲方便調彼伏彼，廣說如前不隨心轉，皆無違犯。

星九、〔障利行〕：不顯德等（分二）

宿一、有違犯

【41】若諸菩薩安住菩薩淨戒律儀，懷嫌恨心，他實有德不欲顯揚，他實有譽不欲稱美，他實妙說不讚善哉，是名有犯有所違越，是染違犯。

若由懶惰懈怠放逸不顯揚等，非染違犯。

宿二、無違犯

無違犯者，若知其人性好少欲，將護彼意。若有疾病、若無氣力、若欲方便調彼伏彼，廣說如前。若護僧制、若知由此顯揚等緣起彼雜染

僥舉無義，為遮此過。若知彼德雖似功德而非實德、若知彼譽雖似善譽而非實譽、若知彼說雖似妙說而實非妙、若為降伏諸惡外道、若為待他言論究竟，不顯揚等，皆無違犯。

星十、〔障利行〕：不訶責等（分二）

宿一、有違犯

【42】若諸菩薩安住菩薩淨戒律儀，見諸有情應可訶責，應可治罰應可驅擯，懷染污心而不訶責，或雖訶責而不治罰如法教誡，或雖治罰如法教誡，而不驅擯，是名有犯有所違越，是染違犯。

若由懶惰懈怠放逸，而不訶責乃至驅擯，非染違犯。

宿二、無違犯

無違犯者，若了知彼不可療治，不可與語，喜出鬪言多生嫌恨，故應棄捨。若觀待時、若觀因此鬥訟爭競、若觀因此令僧誼雜令僧破壞，知彼有情不懷諂曲成就增上猛利慚愧，疾疾還淨，而不訶責乃至驅擯，皆無違犯。

星十一、〔障利行〕：不現神通（分二）

宿一、有違犯

【43】若諸菩薩安住菩薩淨戒律儀，具足成就種種神通變現威力，於諸有情應恐怖者能恐怖之，應引攝者能引攝之，避信施故不現神通恐怖引攝，是名有犯有所違越，非染違犯。

宿二、無違犯

無違犯者，若知此中，諸有情類多著僻執，是惡外道誹謗賢聖，成就邪見，不現神通恐怖引攝，無有違犯。

盈三、攝無違犯

又一切處無違犯者，謂若彼心增上狂亂、若重苦受之所逼切、若未曾受淨戒律儀，當知一切皆無違犯。

日三、勸修學處

復次，如是所起諸事菩薩學處，佛於彼彼素怛纜中隨機散說，謂依律儀戒攝善法戒饒益有情戒，今於此菩薩藏摩呬履迦綜集而說，菩薩於中應起尊重住極恭敬專精修學。

荒三、明不應犯

是諸菩薩從他正受戒律儀已，由善清淨求學意樂菩提意樂饒益一切有情意樂，生起最極尊重恭敬，從初專精不應違犯。

荒四、明還淨法（分三）

日一、標應悔除

設有違犯，即應如法疾疾悔除，令得還淨。

日二、顯悔除法（分二）

月一、對他發露（分二）

盈一、由惡作攝

又此菩薩一切違犯，當知皆是惡作所攝，應向有力於語表義能覺能受小乘、大乘補特伽羅，發露悔滅。

盈二、依犯品別（分二）

昃一、上品犯

若諸菩薩以上品纏違犯，如上他勝處法，失戒律儀，應當更受。

昃二、中品犯

若中品纏違犯，如上他勝處法，應對於三補特伽羅，或過是數，應如發露除惡作法，先當稱述所犯事名，應作是說：長老專志！或言：大德！我如是名，違越菩薩毘奈耶法，如所稱事犯惡作罪。餘如苾芻發露悔滅惡作罪法，應如是說。

昃三、〔下品犯〕

若下品纏違犯，如上他勝處法及餘違犯，應對於一補特伽羅，發露悔法當知如前。

月二、自誓防護

若無隨順補特伽羅可對發露，悔除所犯，爾時菩薩以淨意樂起自誓心：我當決定防護當來，終不重犯！

日三、結明還淨

如是於犯還出還淨。

洪二、由自受（分二）

荒一、舉如法受

又諸菩薩欲受菩薩淨戒律儀，若不會遇具足功德補特伽羅，爾時應對如來像前自受菩薩淨戒律儀，應如是受，遍袒右肩右膝著地，或蹲跪坐作如是言：我如是名，仰啟十方一切如來已入大地諸菩薩眾，我今欲於十方世界佛菩薩所，誓受一切菩薩學處，誓受一切菩薩淨戒，謂律儀戒、攝善法戒、饒益有情戒，如是學處、如是淨戒，過去一切菩薩已具，未來一切菩薩當具，普於十方現在一切菩薩今具，於是學處、於是淨戒，過去一切菩薩已學，未來一切菩薩當學，普於十方現在一切菩薩今學。第二、第三亦如是說，說已應起。

荒二、例餘一切

所餘一切，如前應知。

字二、起初差別（分二）

宙一、釋無餘犯（分二）

洪一、標簡

又於菩薩犯戒道中，無無餘犯。

洪二、釋義（分二）

荒一、引佛說

如世尊說：「是諸菩薩多分應與瞋所起犯，非貪所起。」

荒二、釋密意

當知此中，所說密意，謂諸菩薩愛諸有情，憐諸有情增上力故，凡有所作，一切皆是菩薩所作，非非所作，非作所作可得成犯。若諸菩薩憎諸有情，嫉諸有情，不能修行自他利行，作諸菩薩所不應作，作不應作，可得成犯。

宙二、指釋犯品

又諸菩薩軟中上犯，如「攝事分」應當了知。

字三、所學差別（分二）

宙一、舉圓滿（分三）

洪一、標列

如是菩薩依止一切自毘奈耶勤學所學，便得成就三種圓滿安樂而住：一者成就加行圓滿，二者成就意樂圓滿，三者成就宿因圓滿。

洪二、隨釋（分三）

荒一、加行圓滿

云何名為加行圓滿？

謂諸菩薩於淨戒中行無缺犯，於身語意清淨現行，不數毀犯發露自惡，如是名為：加行圓滿。

荒二、意樂圓滿

云何名為意樂圓滿？

謂諸菩薩為法出家，不為活命，求大菩提非為不求，為求沙門為求涅槃非為不求，如是求者，不住懈怠下劣精進，不雜眾多惡不善法、雜染後有、有諸熾然眾苦異熟、當來所有生老病死，如是名為：意樂圓滿。

荒三、宿因圓滿

云何名為宿因圓滿？

謂諸菩薩昔餘生中修福修善，故於今世種種衣服、飲食、臥具、病緣醫藥、資身什物，自無匱乏。

復能於他廣行惠施，如是名為：宿因圓滿。

洪三、總結

菩薩如是依毘奈耶勤學所學，成就如是三種圓滿安樂而住。

宙二、例衰損

與此相違，當知成就三種衰損危苦而住。

地三、難行戒等(分二)

玄一、結前生後

如是略廣宣說菩薩若在家品、若出家品一切戒已，自斯已後，即於如是一切戒中，分出所餘難行戒等差別之相，應當了知。

瑜伽師地論卷第四十二

玄二、辨七戒(分七)

黃一、難行戒

字一、徵

云何菩薩難行戒？

字二、標

當知此戒略有三種。

字三、釋(分三)

宙一、棄捨增上

謂諸菩薩現在具足大財大族自在增上，棄捨如是大財大族自在增上，受持菩薩淨戒律儀，是名菩薩第一難行戒。

宙二、於難無虧

又諸菩薩受淨戒已，若遭急難乃至失命，於所受戒尚無少缺，何況全犯！是名菩薩第二難行戒。

宙三、恒無失念

又諸菩薩如是如是遍於一切行住作意，恒住正念常無放逸，乃至命終於所受戒無有誤失，尚不犯輕，何況犯重！是名菩薩第三難行戒。

黃二、一切門戒

字一、徵起

云何菩薩一切門戒？

字二、標列

當知此戒略有四種：

一者正受戒；二者本性戒；三者串習戒；四者方便相應戒。

字三、隨釋(分四)

宙一、正受戒

正受戒者，謂諸菩薩受先所受三種菩薩淨戒律儀，即律儀戒、攝善法戒、饒益有情戒。

宙二、本性戒

本性戒者，謂諸菩薩住種性位，本性仁賢於相續中身語二業恒清淨轉。

宙三、串習戒

串習戒者，謂諸菩薩昔餘生中曾串修習如先所說三種淨戒，由宿因力所住持故，於現在世一切惡法不樂現行，於諸惡法深心厭離樂修善行，於善行中深心欣慕。

宙四、方便相應戒

方便相應戒者，謂諸菩薩依四攝事，於諸有情身語善業恒相續轉。

黃三、善士戒

字一、徵

云何菩薩善士戒？

字二、標

當知此戒略有五種。

字三、列

謂諸菩薩自具尸羅，勸他受戒，讚戒功德，見同法者深心歡喜，設有毀犯如法悔除。

黃四、一切種戒

字一、徵

云何菩薩一切種戒？

字二、標

當知此戒以要言之，六種七種，總十三種。

字三、釋（分二）

宙一、六種

言六種者：

一迴向戒，迴向大菩提故；

二廣博戒，廣攝一切所學處故；

三無罪歡喜處戒，遠離耽著欲樂自苦二邊行故；

四恒常戒，雖盡壽命亦不棄捨所學處故；

五堅固戒，一切利養恭敬他論本隨煩惱不能伏故不能奪故；

六尸羅莊嚴具相應戒，具足一切戒莊嚴故。尸羅莊嚴，如「聲聞地」應知其相。

宙二、七種

言七種者：

一止息戒，遠離一切殺生等故；二轉作戒，攝一切善故饒益有情故；三防護戒，隨護止息轉作戒故；四大士相異熟戒；五增上心異熟戒；六可愛趣異熟戒；七利有情異熟戒。

黃五、遂求戒

字一、徵

云何菩薩遂求戒？

字二、標

當知此戒略有八種。

字三、釋（分二）

宙一、由審思惟（分二）

洪一、舉於自所

謂諸菩薩自諦思惟。

洪二、利於他所

如我怖求勿彼於我現行斷命，不與而取，穢欲，邪行，虛妄，離間，麤惡，綺語，手塊杖等，諸非愛觸加害於我，我求是已，他若相違而現行者，我求不遂我意不悅，如我怖求他亦如是，勿我於彼現行斷命廣說乃至惡觸加害，彼求是已，我若相違而現行者，彼求不遂彼意不悅，我之所作若有令他所求不遂意不悅者，何現行為。

宙二、令不現行

菩薩如是審思惟已，命難因緣亦不於他現行八種所求不遂不悅意事。

字四、結

如是八種說名菩薩遂求戒。

黃六、二世樂戒

字一、徵

云何菩薩此世、他世樂戒？

字二、標

當知此戒略有九種。

字三、釋（分二）

宙一、別列二類（分二）

洪一、四種

謂諸菩薩為諸有情，於應遮處而正遮止，於應開處而正開許，是諸有情應攝受者正攝受之，應調伏者正調伏之，菩薩於中身語二業常清淨轉，是則名為四種淨戒。

洪二、五種

復有所餘施忍精進靜慮般若波羅蜜多俱行淨戒，則為五種。

宙二、聰明九種

總說名為九種淨戒。

宇四、結

如是菩薩所有淨戒，能令自他現法後法皆得安樂，是故說名菩薩此世、他世樂戒。

黃七、清淨戒

宇一、徵

云何菩薩清淨戒？

宇二、標

當知此戒，略有十種。

宇三、釋（分十）

宙一、初善受戒

一者初善受戒，唯為沙門三菩提故，非為命故。

宙二、不沈舉戒

二者不太沈戒，於違犯時遠離微薄生悔愧故，及不太舉戒，遠離非處生悔愧故。

宙三、離懈怠戒

三者離懈怠戒，於睡眠樂倚樂臥樂不耽著故，晝夜勤修諸善品故。

宙四、離放逸戒

四者離諸放逸所攝受戒，修習如前所說五支不放逸故。

宙五、正願戒

五者正願戒，遠離利養恭敬貪故，不願生天而自要期修梵行故。

宙六、具軌則戒

六者軌則具足所攝受戒，於諸威儀所作眾事善品加行妙善圓滿，如法身語正現行故。

宙七、具淨命戒

七者淨命具足所攝受戒，離矯詐等一切邪命過失法故。

宙八、離二邊戒

八者離二邊戒，遠離受用欲樂自苦二邊法故。

宙九、永出離戒

九者永出離戒，遠離一切外道見故。

宙十、無損失戒

十者於先所受無損失戒，於先所受菩薩淨戒，無缺減故，無破壞故。

字四、結

如是十種，是名菩薩清淨戒。

天二、聰明藏攝（分二）

地一、攝受當果

如是菩薩大尸羅藏，能起當來大菩提果，謂依此故，菩薩淨戒波羅蜜多得圓滿已，現證無上正等菩提。

地二、常獲五利（分二）

玄一、標

乃至未證無上菩提，依此無量菩薩戒藏正勤修習，常能獲得五種勝利：

玄二、列

- 一者常為十方諸佛護念；
- 二者將捨命時住大歡喜；
- 三者身壞已後在在所生，常與淨戒若等若增諸菩薩眾，為其同分為同法侶為善知識；
- 四者成就無量大功德藏，能滿淨戒波羅蜜多；
- 五者現法後法常得成就自性淨戒，戒成其性。

亥二、攝屬所作（分四）

天一、略標列

如是如上所說一切自性戒等九種尸羅，當知三種淨戒所攝，謂律儀戒、攝善法戒、饒益有情戒。

天二、舉要義

如是三種菩薩淨戒，以要言之，能為菩薩三所作事，謂律儀戒能安住其心，攝善法戒能成熟自佛法，饒益有情戒能成熟有情。

天三、攝一切

如是總攝一切菩薩所應作事，所謂欲令現法樂住安住其心，身心無倦成熟佛法，成熟有情。

天四、結共學（分二）

地一、顯唯爾所

如是菩薩唯有爾所菩薩淨戒，唯有爾所淨戒勝利，唯有爾所淨戒所作，除此無有若過若增。

地二、明一切共

過去菩薩求大菩提已於中學，未來菩薩求大菩提當於中學，普於十方無邊無際諸世界中，現在菩薩求大菩提今於中學。

忍品第十一

酉三、忍度（分四）

戌一、徵

云何菩薩忍波羅蜜多？

戌二、列（分二）

亥一、唵柁南

唵柁南曰：

自性一切難，一切門善士，一切種遂求，二世樂清淨，
如是九種相，是名略說忍。

亥二、長行

謂九種相忍，名為菩薩忍波羅蜜多：

一自性忍；

二一切忍；

三難行忍；

四一切門忍；

五善士忍；

六一切種忍；

七遂求忍；

八此世、他世樂忍；

九清淨忍。

戌三、釋（分三）

亥一、自性忍（分三）

天一、徵

云何菩薩自性忍？

天二、釋

謂諸菩薩或思擇力為所依止，或由自性堪忍怨害，遍於一切皆能堪忍，普於一切皆能堪忍，由無染心純悲愍故能有堪忍。

天三、結

當知此則略說菩薩忍之自性。

亥二、一切忍（分二）

天一、徵

云何菩薩一切忍？

天二、釋（分二）

地一、標列種類（分二）

玄一、二種

當知此忍略有二種：

一依在家品忍；

二依出家品忍。

玄二、三種

當知依此二種品忍各有三種，一耐他怨害忍，二安受眾苦忍，三法思勝解忍。

地二、隨釋三種(分三)

玄一、耐他怨害忍

黃一、徵

云何菩薩耐他怨害忍？

黃二、釋(分二)

字一、辨相(分二)

宙一、正審思擇(分三)

洪一、於自所

謂諸菩薩猛利無間種種長時，從他怨害所生眾苦現在前時，應如是學，如此是我自業過耳，由我先世自造種種不淨業故，今受如是種種苦果，我今於此無義利苦若不忍者。

復為當來大苦因處，我若於此大苦因法隨順轉者，便為於己自作非愛，便為於己自生結縛，便為於己自興怨害，非是於他。

洪二、於自他所

又自他身所有諸行，一切皆用性苦為體，彼無知故，於我身中性苦體上更增其苦，我既有知何宜於彼性苦體上重加其苦。

洪三、於聲聞所

又諸聲聞多分唯修自義利行，尚不應起能生自他眾苦不忍，何況我今正為勤修他義利行而生不忍！

宙二、勤修五想(分四)

洪一、標

菩薩如是正思擇已勤修五想，於怨親中劣等勝品有樂有苦具德具失諸有情所，能忍一切怨害之苦。

洪二、徵

云何五想？

洪三、列

一宿生親善想；

二隨順唯法想；

三無常想；

四苦想；

五攝受想。

洪四、釋（分五）

荒一、宿生親善想（分二）

日一、徵

云何菩薩於有怨害諸有情所，修習宿生親善之想？

日二、釋（分二）

月一、修親善想

謂諸菩薩應如是學，非易可得少分有情經歷長世，昔餘生中未曾為我若父若母兄弟姊妹親教軌範尊似尊等。

月二、依想堪忍

如是如理正思惟故，於有怨害諸有情所，捨怨憎想住親善想，依親善想於諸怨害悉能堪忍。

荒二、隨順唯法想（分二）

日一、徵

云何菩薩於有怨害諸有情所，修習隨順唯法之想？

日二、釋（分二）

月一、修唯法想

謂諸菩薩應如是學，依託眾緣唯行唯法，此中，都無我及有情命者生者，是其能罵能瞋能打能弄能訶，或是所罵所瞋所打所弄所訶。

月二、依想堪忍

如是如理正思惟故，於有怨害諸有情所，捨有情想住唯法想，依唯法想於諸怨害悉能堪忍。

荒三、無常想（分二）

日一、徵

云何菩薩於有怨害諸有情所，修無常想？

日二、釋（分二）

月一、修無常想

謂諸菩薩應如是學，諸有有情若生若長，一切無常皆是死法，極報怨者，謂斷彼命，是諸有情命念念斷，智者何緣復欲更斷如是生死性無常法，諸有情上其有智者，尚不應起有染濁心，況當以手塊杖加害，何況一切永斷其命！

月二、依想堪忍

如是如理正思惟故，捨常堅想安住無常不堅固想，依無常想於諸怨害悉能堪忍。

荒四、苦想（分二）

日一、徵

云何菩薩於有怨害諸有情所，修習苦想？

日二、釋（分二）

月一、修習苦想（分二）

盈一、於諸有情

謂諸菩薩應如是觀：若諸有情大興盛者，尚為三苦常所隨逐，所謂行苦、壞苦、苦苦，況諸有情住衰損者！

盈二、於苦有情

如是觀已，應如是學：我今於此苦常隨逐諸有情所，應勤方便令離眾苦，不應於彼重加其苦。

月二、依想堪忍

如是如理正思惟故，斷滅樂想生起苦想，依此苦想於諸怨害悉能堪忍。

荒五、攝受想（分二）

日一、徵

云何菩薩於有怨害諸有情所，修攝受想？

日二、釋（分二）

月一、修攝受想

謂諸菩薩應如是學，我為一切有情之類發菩提心，攝受一切有情之類皆為親眷，我應為彼作諸義利，我今不應本於有情欲作義利而當於彼不忍怨害作非義利。

月二、依想堪忍

如是如理正思惟故，於有怨害諸有情所，滅除他想住攝受想，依攝受想於諸怨害悉能堪忍。

字二、釋名（分二）

宙一、徵

云何名忍？

宙二、釋

自無憤勃不報他怨，亦不隨眠流注恒續故名為忍。

黃三、結

是名菩薩耐他怨害忍。

玄二、安受眾苦忍
黃一、徵

云何菩薩安受眾苦忍？

黃二、釋（分三）

字一、如理思惟（分二）

宙一、於過去世

謂諸菩薩應如是學，我從昔來依欲行轉，常求諸欲故，意思擇為諸苦因，追求種種苦性諸欲，於追求時忍受無量猛利大苦，所謂種種殉利務農勤王等事，如是追求無義苦時，令我具受種種大苦，皆由無智思擇過失。

宙二、於現在世

我今為求能引安樂最勝善品，尚應思擇忍受百千俱胝大苦，況少小苦而不忍受！

字二、能忍眾苦（分四）

宙一、標

如是如理正思惟故，為求菩提悉能忍受一切事苦。

宙二、徵

云何名為一切事苦？

宙三、列

當知此苦略有八種：

- 一依止處苦；
- 二世法處苦；
- 三威儀處苦；
- 四攝法處苦；
- 五乞行處苦；
- 六勤劬處苦；
- 七利他處苦；
- 八所作處苦。

宙四、釋（分八）

洪一、依止處苦（分二）

荒一、顯處

依止處苦者，依謂四依，由依此故於善說法毘奈耶中，出家受具成苾芻分，所謂衣服飲食臥具病緣醫藥供身什物。

荒二、明忍

菩薩於此若得羸弊匙少稽留輕蔑不敬，不生憂悒，不由此緣精進懈廢，如是名為：菩薩忍受依止處苦。

洪二、世法處苦（分二）

荒一、顯處（分二）

日一、標列

世法處苦者，當知世法略有九種：

- 一衰；
- 二毀；
- 三譏；
- 四苦；
- 五壞法壞；
- 六盡法盡；
- 七老法老；
- 八病法病；
- 九死法死。

日二、名苦

如是世法若總若別，會遇現前能生眾苦，此即名為世法處苦。

荒二、明忍

菩薩觸對如是眾苦思擇忍受，不由此緣精進懈廢，如是名為：菩薩忍受世法處苦。

洪三、威儀處苦（分二）

荒一、顯處

威儀處苦者，當知即是行住坐臥四種威儀，菩薩於中若行若坐，晝夜恒時從諸障法淨修其心，終不非時脅著床座草敷葉敷。

荒二、明忍

菩薩於此疲所生苦悉能忍受，不由此緣精進懈廢，如是名為：菩薩忍受威儀處苦。

洪四、攝法處苦（分二）

荒一、顯處（分二）

日一、標

攝法處苦者，當知攝法略有七種。

日二、列

- 一供事三寶；
- 二供事尊長；

三諮受正法；
四既諮受已廣為他說；
五以大音聲吟詠讚誦；
六獨處空閑無倒思惟稱量觀察；
七修習瑜伽作意所攝若止若觀。

荒二、明忍

菩薩於此七種攝法，勇猛劬勞所生眾苦，悉能忍受，不由此緣精進解廢，如是名為：菩薩忍受攝法處苦。

洪五、乞行處苦（分二）

荒一、顯處（分二）

日一、總標

乞行處苦者，當知此苦略有七種。

日二、列釋

一者自誓毀形剃鬚髮等，棄捨世俗諸相好故；
二者自誓毀色，受持改變壞色衣故；
三者進止云為皆不縱任遊涉世間，一切行住自兢攝故；
四者依他活命捨商農等世間事業，從他所得而存濟故；
五者盡壽從他求衣服等，於所獲得非法珍財久所貯積，不受用故；
六者盡壽遮止人間諸欲，離非梵行姪欲法故；
七者盡壽遮止人間嬉戲，捨離觀聽歌舞笑戲倡伎等故，及離與己親友同齡笑戲歡娛攜從等故。

荒二、明忍

如是等類，因乞求行所有艱辛所生眾苦，菩薩一切皆能忍受，不由此緣精進解廢，如是名為：菩薩忍受乞行處苦。

洪六、勤劬處苦

勤劬處苦者，謂諸菩薩勤修善品劬勞因緣，發生種種身心疲惱，悉能忍受，不由此緣精進解廢，如是名為：菩薩忍受勤劬處苦。

洪七、利他處苦（分二）

荒一、指事

利他處苦者，謂諸菩薩修十一種利有情業，如前應知。

荒二、明忍

由彼所生種種憂苦，菩薩一切皆能忍受，不由此緣精進解廢，如是名為：菩薩忍受利他處苦。

洪八、所作處苦

所作處苦者，謂諸菩薩或是出家，便有營為衣鉢等業，或是在家便有無倒商估營農仕王等業，由此發生種種勤苦，菩薩一切皆能忍受，不由此緣精進懈廢，如是名為：菩薩忍受所作處苦。

字三、忍苦勝利

又諸菩薩雖觸眾苦，而於無上正等菩提，未正勤修能正勤修，已正勤修，能無退轉常勤修習，無變異意無雜染心。

黃三、結

是名菩薩安受眾苦忍。

玄三、法思勝解忍

黃一、徵

云何菩薩法思勝解忍？

黃二、釋（分二）

字一、依處（分三）

宙一、標

謂諸菩薩於一切法，能正思擇，由善觀察勝覺慧故，能於八種生勝解處善安勝解。

宙二、徵

云何八種生勝解處？

宙三、列

- 一三寶功德處；
- 二真實義處；
- 三諸佛菩薩大神力處；
- 四因處；
- 五果處；
- 六應得義處；
- 七自於彼義得方便處；
- 八一切所知所應行處。

字二、因緣

又此勝解由二因緣，於彼諸處能善安立：

- 一長時串習故；
- 二證善淨智故。

黃三、結

是名菩薩法思勝解忍。

亥三、難行忍等（分三）

天一、結前生後

如是菩薩依此二品一切忍故，當知廣開難行忍等諸相差別。

天二、別釋七忍（分七）

地一、難行忍（分三）

玄一、徵

云何菩薩難行忍？

玄二、標

當知此忍略有三種？

玄三、釋（分三）

黃一、於羸劣所

謂諸菩薩能於羸劣諸有情所，忍彼所作不饒益事，是名第一難行忍。

黃二、於臣隸所

若諸菩薩居尊貴位，於自臣隸不饒益事，堪能忍受，是名第二難行忍。

黃三、於卑賤所

若諸菩薩於其種性卑賤有情所作增上不饒益事，堪能忍受，是名第三難行忍。

地二、一切門忍（分三）

玄一、徵

云何菩薩一切門忍？

玄二、標

當知此忍，略有四種。

玄三、列

謂諸菩薩於親所作不饒益事，於怨所作不饒益事，於中所作不饒益事，悉能堪忍，及於彼三劣、等、勝品不饒益事，皆能忍受。

地三、善土忍（分三）

玄一、徵

云何菩薩善土忍？

玄二、標

當知此忍略有五種。

玄三、列（分二）

黃一、先見勝利

謂諸菩薩先於其忍見諸勝利，謂能堪忍補特伽羅，於當來世無多怨敵、無多乖離、有多喜樂，臨終無悔，於身壞後，當生善趣天世界中。

黃二、自堪忍等

見勝利已，自能堪忍、勸他行忍、讚忍功德。
見能行忍補特伽羅，慰意慶喜。

地四、一切種忍(分三)

玄一、徵

云何菩薩一切種忍？

玄二、標

當知此忍六種、七種，總十三種。

玄三、釋(分二)

黃一、六種(分二)

字一、徵

云何六種？

字二、釋(分六)

宙一、由怖畏

謂諸菩薩了知不忍非愛異熟，由怖畏故勤修行忍。

宙二、由親善

於諸有情，有哀憐心、有悲愍心、有親愛心，由親善故勤修行忍。

宙三、由欲樂

於其無上正等菩提猛利欲樂，為圓滿忍波羅蜜多，由是因緣勤修行忍。

宙四、由法受

如世尊說：「夫出家者，具忍辱力」，由是因緣不應出家受具足戒而行不忍，由法受故勤修行忍。

宙五、由串習

種性具足，先串習忍，於今現在安住自性，故能修忍。

宙六、由諦察

知一切法遠離有情，唯見諸法無戲論性，諦察法故，能修行忍。

黃二、七種(分二)

字一、徵起

云何七種？

字二、列釋

謂於一切不饒益忍、從一切忍、一切處忍，謂於屏處及大眾前，皆能修忍。

一切時忍，謂晝初分、若晝中分、若晝後分、若夜、若日、若去來今、若病不病、若臥、若起，常能修忍。

由身行忍，不捶打故。

由語行忍，不出一切非愛言故。

由意行忍，不憤發故，不持污濁惡意樂故。

地五、遂求忍（分二）

玄一、徵

云何菩薩遂求忍？

玄二、釋（分二）

黃一、標列（分三）

字一、列三種

當知此忍略有八種，謂諸菩薩於諸有苦來求索者，惡逼能忍；

於極凶暴上品惡業諸有情所，依法大悲不損惱忍；

於諸出家犯戒者所，依法大悲不損惱忍。

字二、列五種

復有五種耐勤苦忍，謂能堪耐除遣有苦有情眾苦所有勤苦。

又能堪耐求法勤苦。

又能堪耐法隨法行所有勤苦。

又能堪耐即於彼法廣為他說所有勤苦。

又能堪耐於諸有情所為所作正與助伴所有勤苦。

字三、結八

如是八種名遂求忍。

黃二、釋得名

若於有情有損惱者，由忍故離；若於有情是所求者，由忍故與，是故說此名遂求忍。

地六、二世樂忍（分二）

玄一、徵

云何菩薩此世、他世樂忍？

玄二、釋（分二）

黃一、略標列

當知此忍，略有九種：

謂諸菩薩住不放逸，於諸善法，悉能堪忍；

於諸寒熱，悉能堪忍；

於諸飢渴，悉能堪忍；

於蚊虻觸，悉能堪忍；

於諸風日，悉能堪忍；

於蛇蠍觸，悉能堪忍；

於諸劬勞所生種種若身、若心，疲倦憂惱，悉能堪忍；
於墮生死，生、老、病、死等苦有情現前，哀愍而修行忍。

黃二、釋得名

如是菩薩修行忍故，能令自身於現法中得安樂住，不為一切惡不善法之所陵雜，能引後世安樂因緣，亦能令他修行種種現法後法安樂正行，是名此世、他世樂忍。

地七、清淨忍（分四）

玄一、徵

云何菩薩清淨忍？

玄二、標

當知此忍，略有十種。

玄三、列

謂諸菩薩遇他所作不饒益事，損惱違越。

終不返報。

亦不意憤。

亦無怨嫌。

意樂相續恒常現前，欲作饒益先後無異，非一益已捨而不益。

於有怨者自往悔謝，終不令他生疲厭已，然後受謝，恐其疲厭，纔謝便受。

於不堪忍，成就增上猛利慚愧。

依於堪忍於大師所，成就增上猛利愛敬。

依不損惱諸有情故，於諸有情成就猛利哀愍愛樂。

一切不忍并助伴法皆得斷故，離欲界欲。

玄四、結

由此十相，當知菩薩所修行忍，清淨無垢。

戌四、結

當知此中，初自性忍，廣說乃至後清淨忍，如是能生廣博無量大菩提果。忍為依止，是諸菩薩能圓滿忍波羅蜜多，能證無上正等菩提。

精進品第十二

酉四、精進度

戌一、徵

云何菩薩精進波羅蜜多？

戌二、列（分二）

亥一、唵柁南

唵柁南曰：

自性一切難，一切門善士，一切種遂求，二世樂清淨，如是九種相，名略說精進。

亥二、長行

謂九種相精進，名為菩薩精進波羅蜜多：

- 一者自性精進；
- 二者一切精進；
- 三者難行精進；
- 四者一切門精進；
- 五者善士精進；
- 六者一切種精進；
- 七者遂求精進；
- 八者此世、他世樂精進；
- 九者清淨精進。

戌三、釋（分八）

亥一、自性精進

云何菩薩自性精進？

謂諸菩薩其心勇悍，堪能攝受無量善法，利益安樂一切有情，熾然無間無有顛倒，及此所起身語意動，當知是名菩薩所行精進自性。

亥二、一切精進（分二）

天一、徵

云何菩薩一切精進？

天二、釋（分二）

地一、標列種類（分二）

玄一、二種

謂此精進略有二種：

- 一者依在家品精進；
- 二者依出家品精進。

玄二、三種

當知依此二品精進各有三種：

- 一環甲精進；
- 二攝善法精進；
- 三饒益有情精進。

地二、隨釋三種(分三)

玄一、環甲精進

黃一、徵

云何菩薩環甲精進？

黃二、釋(分二)

字一、辨行相

謂諸菩薩於發加行精進之前，其心勇悍先環誓甲：若我為脫一有情，苦以千大劫等一日夜，處那洛迦不在餘趣，乃至菩薩經爾所時，證得無上正等菩提，假使過此百千俱胝倍數時劫，方證無上正等菩提，我之勇悍亦無退屈，於求無上正等菩提非不進趣，既進趣已勤勇無懈，何況所經時短苦薄！是名菩薩環甲精進。

字二、顯勝利

若有菩薩於如是相菩薩所有環甲精進，少起勝解少生淨信，如是菩薩尚已長養無量勇猛，發勤精進大菩提性，何況菩薩成就如是環甲精進！如是菩薩於求菩提饒益有情，無有少分難行事業可生怯劣難作之心。

玄二、攝善法精進

黃一、徵

云何菩薩攝善法精進？

黃二、釋(分三)

字一、標略義

謂諸菩薩所有精進，能為施戒忍精進靜慮慧波羅蜜多加行，能成辦施戒忍精進靜慮慧波羅蜜多。

字二、出種類(分二)

宙一、總標

當知此復略有七種。

宙二、列釋(分七)

洪一、無動精進

一無動精進，一切分別種種分別，根本煩惱少分煩惱，一切異論一切

苦觸，不傾動故。

洪二、堅固精進

二堅固精進，是殷重加行故。

洪三、無量精進

三無量精進，能現證得一切明處故。

洪四、方便相應精進

四方便相應精進，所應得義無顛倒道隨順而行故，平等通達故。

洪五、無倒精進

五無倒精進，為欲證得能引義利所應得義願所引故。

洪六、極常精進

六恒常精進，是無間加行故。

洪七、離慢精進

七離慢精進，由勤精進離高舉故。

宙三、總結

由此七種攝善法精進勤加行故，令諸菩薩速能圓滿波羅蜜多疾證無上正等菩提。

宇三、結最勝

由此精進是能修證能成菩提，一切善法最勝因緣，餘則不爾，是故如來以種種門，稱讚精進能證無上正等菩提。

玄三、饒益有情精進

黃一、徵

云何菩薩饒益有情精進？

黃二、釋（分二）

宇一、指

謂此精進有十一種，如戒品說。

宇二、辨

彼說尸羅此說精進，當知是名彼此差別。

玄三、難行精進

天一、徵起

云何菩薩難行精進？

天二、略標

謂此精進略有三種。

天三、列釋（分三）

地一、離一切想

若諸菩薩無間遠離諸衣服想諸飲食想諸臥具想及己身想，於諸善法無間修習曾無懈廢，是名第一難行精進。

地二、盡壽恒行

若諸菩薩如是精進，盡眾同分於一切時曾無懈廢，是名第二難行精進。

地三、平等通達

若諸菩薩平等通達功德相應，不緩不急無有顛倒，能引義利精進成就，是名第三難行精進。

天四、結因

如是菩薩難精進力，當知即是緣，有情悲及與般若能攝之因。

亥四、一切門精進

天一、徵

云何菩薩一切門精進？

天二、標

謂此精進略有四種。

天三、列

- 一離染法精進；
- 二引白法精進；
- 三淨除業精進；
- 四增長智精進。

天四、釋（分四）

地一、離染法精進

離染法精進者，謂諸菩薩所有精進，能令一切結縛隨眠隨煩惱纏未生不生已生斷滅。

地二、引白法精進

引白法精進者，謂諸菩薩所有精進，一切善法未生令生已生令住，令不忘失增長廣大。

地三、淨除業精進

淨除業精進者，謂諸菩薩所有精進，能令三業皆悉清淨，能攝妙善身語意業。

地四、增長智精進

增長智精進者，謂諸菩薩所有精進，能集能增聞思修慧。

亥五、善士精進

天一、徵起

云何菩薩善士精進？

天二、標

謂此精進略有五種。

天三、列（分五）

地一、無所棄捨精進

一無所棄捨精進，謂諸菩薩所有精進，不捨一切，欲加行故。

地二、無退減精進

二無退減精進，謂諸菩薩所有精進，如先所受若等若增，發勤精進隨長養故。

地三、無下劣精進

三無下劣精進，謂諸菩薩所有精進，勇猛熾然，長時無間精勤策勵，心無怯弱無退屈故。

地四、無顛倒精進

四無顛倒精進，謂諸菩薩所有精進，能引義利，方便善巧所攝持故。

地五、勤勇加行精進

五勤勇加行精進，謂諸菩薩所有精進，能於無上正等菩提達進趣故。

玄六、一切種精進

天一、徵

云何菩薩一切種精進？

天二、標

謂此精進六種七種，總十三種。

天三、釋（分二）

地一、六種（分三）

玄一、徵起

云何菩薩六種精進？

玄二、列釋（分六）

黃一、無間精進

一無間精進，謂一切時修加行故。

黃二、殷重精進

二殷重精進，謂能周備修加行故。

黃三、等流精進

三等流精進，謂先因力所任持故。

黃四、加行精進

四加行精進，數數思擇種種善品正加行故。

黃五、無動精進

五無動精進，一切苦觸不能動故，亦不轉成餘性分故。

黃六、無喜足精進

六無喜足精進，少分下劣差別證中不喜足故。

玄三、結名

菩薩成就如是六種，一切種精進發勤精進故，所以說言有勢有勤有勇堅猛，於諸善法不捨其軛。

地二、七種（分二）

玄一、徵起

云何菩薩七種精進？

玄二、列釋（分七）

黃一、欲俱行精進

一與欲俱行精進，謂諸菩薩所有精進，數於無上正等菩提，猛利欲願隨長養故。

黃二、平等精進

二平等相應精進，謂諸菩薩所有精進，能令隨一根本煩惱及隨煩惱，不染污心亦不纏心由此精進，能令菩薩於諸善法等習而住。

黃三、勝進精進

三勝進精進，謂諸菩薩若為隨一根本煩惱及隨煩惱染心纏心，為斷如是諸煩惱故，精進勇猛如滅頭然。

黃四、勤求精進

四勤求精進，謂諸菩薩勇猛勤求一切明處無厭倦故。

黃五、修學精進

五修學精進，謂諸菩薩於所學法如應如宜，普於一切法隨法行能成辦故。

黃六、利他精進

六利他精進，謂諸菩薩所有精進，於如前說十一種相，應知其相。

黃七、善護精進

七善護精進，謂諸菩薩所有精進，起正加行善自防守。若有所犯如法悔除。

天四、結

如是菩薩十三種精進名一切種精進。

亥七、遂求及二世樂精進

天一、指

菩薩所有遂求精進，此世、他世樂精進，如忍應知。

天二、辨

其差別者，彼說堪忍，此說菩薩精進勇悍。

亥八、清淨精進

天一、徵

云何菩薩清淨精進？

天二、標

謂此精進略有十種。

天三、列

一相稱精進，二串習精進，三無緩精進，四善攝精進，五應時修習精進，六通達眾相精進，七不退弱精進，八不捨輒精進，九平等精進，十迴向大菩提精進。

天四、釋（分十）

地一、相稱精進（分三）

玄一、標

若諸菩薩或為彼彼諸隨煩惱極所逼切，為斷彼彼隨煩惱故，修習種種相稱對治。

玄二、釋

謂為對治諸貪欲故修習不淨，為欲對治諸瞋恚故修習慈愍，為欲對治諸愚癡故修習觀察緣性緣起，為欲對治諸尋思故修習息念，為欲對治諸憍慢故修界差別。

玄三、結

如是等類，是名菩薩相稱精進。

地二、串習精進

若諸菩薩非唯成就始業，初業所有精進，謂為住心教授教誡，非不亦由串習加行積習加行，是名菩薩串習精進。

地三、無緩精進

若諸菩薩亦非唯有串習加行積習加行，為住其心教授教誡，然此始業初業菩薩，於此加行不緩加行無間加行殷重加行，是名菩薩無緩精進。

地四、善攝精進

若諸菩薩從師長所，或自多聞力所持故無倒而取，為住其心發勤精進，是名菩薩善攝精進。

地五、應時修相應精進

若諸菩薩無倒取已，於應止時能正修止，於應舉時能策其心，於應捨時能正修捨，是名菩薩應時修習相應精進。

地六、通達眾相精進

若諸菩薩於其種種止舉捨相入住出相，能善了知能無忘失，能善通達無間修作殷重修作，是名菩薩通達眾相相應精進。

地七、不退弱精進

若諸菩薩聞說種種最極廣大最極甚深不可思議不可度量菩薩精進，不自輕蔑心不怯弱，不於所有少分下劣差別證中而生喜足不求上進，是名菩薩不退弱精進。

地八、不捨軛精進

若諸菩薩於時時間，密護根門飲食知量，初夜後夜常勤修習覺寤瑜伽，正知而住，於如是類等持資糧，能攝受轉，即於其中熾然修習，於能引攝無倒義利，於一切時勤加功用，是名菩薩不捨軛精進。

地九、平等精進

若諸菩薩發勤精進，不緩不急平等雙運，普於一切應作事中，亦能平等殷重修作，是名菩薩平等精進。

地十、迴向大菩提精進

若諸菩薩一切精進有所為作，無不皆為迴向無上正等菩提，是名菩薩迴向大菩提精進。

戌四、結

如是最初自性精進，乃至最後清淨精進，皆得菩薩大菩提果。菩薩依此所有精進，圓滿精進波羅蜜多，能於無上正等菩提，速疾已證、當證、今證。

靜慮品第十三
瑜伽師地論卷第四十三

西五、定度（分四）

戌一、徵

云何菩薩靜慮波羅蜜多？

戌二、列（分二）

亥一、唵柁南

唵柁南曰：

自性一切難，一切門善士，一切種遂求，二世樂清淨，
如是九種相，名略說靜慮。

亥二、長行

謂九種相靜慮，名為菩薩靜慮波羅蜜多：

- 一者自性靜慮；
- 二者一切靜慮；
- 三者難行靜慮；
- 四者一切門靜慮；
- 五者善士靜慮；
- 六者一切種靜慮；
- 七者遂求靜慮；
- 八者此世、他世樂靜慮；
- 九者清淨靜慮。

戌三、釋（分九）

亥一、自性靜慮（分三）

天一、徵

云何菩薩自性靜慮？

天二、釋

謂諸菩薩，於菩薩藏聞、思為先，所有妙善世出出間心一境性，心正
安住，或奢摩他品、或毘鉢舍那品、或雙運道俱通二品。

天三、結

當知即是菩薩所有靜慮自性。

亥二、一切靜慮（分三）

天一、徵

云何菩薩一切靜慮？

天二、釋（分二）

地一、標列種類(分二)

玄一、二種

謂此靜慮略有二種，一者世間靜慮，二者出世間靜慮。

玄二、三種

當知此二隨其所應復有三種，一者現法樂住靜慮，二者能引菩薩等持功德靜慮，三者饒益有情靜慮。

地二、隨釋三種(分三)

玄一、現法樂住

若諸菩薩所有靜慮，遠離一切分別，能生身心輕安，最極寂靜，遠離僑舉，離諸愛味，泯一切相，當知是名菩薩現法樂住靜慮。

玄二、能引等持功德

黃一、釋(分二)

字一、能引等持

若諸菩薩所有靜慮，能引能住種種殊勝不可思議、不可度量十力種性所攝等持。如是等持，一切聲聞及獨覺等不知其名，何況能入！

字二、能引功德

若諸菩薩所有靜慮，能引能住一切菩薩解脫、勝處、遍處、無礙解、無諍、願智等，共諸聲聞所有功德。

黃二、結

當知是名：能引菩薩等持功德靜慮。

玄三、饒益有情

菩薩饒益有情靜慮有十一種，如前應知，謂諸菩薩依止靜慮，於諸有情能引義利彼彼事業與作助伴，於有苦者能為除苦，於諸有情能如理說，於有恩者知恩知惠現前酬報，於諸怖畏能為救護，於喪失處能解愁憂，於有匱乏施與資財，於諸大眾善能匡御，於諸有情善隨心轉，於實有德讚美令喜，於諸有過能正調伏，為物現通，恐怖引攝。

天三、結

如是一切總名菩薩一切靜慮，此外無有若過若增。

亥三、難行靜慮(分三)

天一、徵

云何菩薩難行靜慮？

天二、標

謂此靜慮略有三種。

天三、釋(分三)

地一捨靜慮樂還生欲界

若諸菩薩已能安住廣大殊勝，極善成熟多所引發諸靜慮住，隨自欲樂捨彼最勝諸靜慮樂，愍有情故，等觀無量利有情事，為諸有情義利成熟故，意思擇還生欲界，當知是名菩薩第一難行靜慮。

地二能發起餘菩薩等持

若諸菩薩依止靜慮，能發種種無量無數不可思議，超過一切聲聞、獨覺所行境界菩薩等持，當知是名菩薩第二難行靜慮。

地三速證無上正等菩提

若諸菩薩依止靜慮，速證無上正等菩提，當知是名菩薩第三難行靜慮。

亥四、一切門靜慮

云何菩薩一切門靜慮？謂此靜慮略有四種：

- 一者有尋有伺靜慮；
- 二者喜俱行靜慮；
- 三者樂俱行靜慮；
- 四者捨俱行靜慮。

亥五、善士靜慮

云何菩薩善士靜慮？謂此靜慮略有五種：

- 一者無愛味靜慮；
- 二者慈俱行靜慮；
- 三者悲俱行靜慮；
- 四者喜俱行靜慮；
- 五者捨俱行靜慮。

亥六、一切種靜慮（分四）

天一、徵

云何菩薩一切種靜慮？

天二、標

謂此靜慮六種七種，總十三種。

天三、釋（分二）

地一、六種

言六種者：

- 一者善靜慮；
- 二者無記變化靜慮；
- 三者奢摩他品靜慮；
- 四者毘鉢舍那品靜慮；

五者於自他利正審思惟靜慮；
六者能引神通威力功德靜慮。

地二、七種

言七種者：

一者名緣靜慮；
二者義緣靜慮；
三者止相緣靜慮；
四者舉相緣靜慮；
五者捨相緣靜慮；
六者現法樂住靜慮；
七者能饒益他靜慮。

天四、結

如是十三種名為菩薩一切種靜慮。

亥七、遂求靜慮

云何菩薩遂求靜慮？謂此靜慮略有八種：

一者於諸毒藥霜雹毒熱鬼所魅等種種災患，能息能成咒術所依靜慮；
二者於界互違所生眾病，能除靜慮；
三者於諸飢饉大災旱等現在前時，興致甘雨靜慮；
四者於其種種人非人作水陸怖畏，能正拔濟靜慮；
五者於乏飲食墮在曠野諸有情類，能施飲食靜慮；
六者於乏財位所化有情，能施種種財位靜慮；
七者於十方界放逸有情，能正諫誨靜慮；
八者於諸有情隨所生起所應作事，能正造作靜慮。

亥八、二世樂靜慮

云何菩薩此世、他世樂靜慮？謂此靜慮略有九種：

一者神通變現調伏有情靜慮；
二者記說變現調伏有情靜慮；
三者教誡變現調伏有情靜慮；
四者於造惡者示現惡趣靜慮；
五者於失辯者能施辯才靜慮；
六者於失念者能施正念靜慮；
七者制造建立無顛倒論微妙讚頌摩怛理迦，能令正法久住靜慮；
八者於諸世間工巧業處，能引義利饒益有情，種種書算測度數印床座傘屨，如是等類種種差別資生眾具，能隨造作靜慮；

九者於生惡趣所化有情，為欲暫時息彼眾苦，放大光明照觸靜慮。

亥九、清淨靜慮

云何菩薩清淨靜慮？謂此靜慮略有十種：

- 一者由世間淨離諸愛味清淨靜慮；
- 二者由出世淨無有染污清淨靜慮；
- 三者由加行淨清淨靜慮；
- 四者由得根本淨清淨靜慮；
- 五者由根本勝進淨清淨靜慮；
- 六者由入住出自在淨清淨靜慮；
- 七者捨靜慮已復還證入自在淨清淨靜慮；
- 八者神通變現自在淨清淨靜慮；
- 九者離一切見趣淨清淨靜慮；
- 十者一切煩惱所知障淨清淨靜慮。

戌四、結

如是靜慮無量無邊，能得菩薩大菩提果。菩薩依此，圓滿靜慮波羅蜜多，能於無上正等菩提，速疾已證、當證、今證。

慧品第十四

酉六、慧度（分四）

戌一、徵

云何菩薩慧波羅蜜多？

戌二、列（分二）

亥一、唵柁南

唵柁南曰：

自性一切難，一切門善士，一切種遂求，二世樂清淨，
如是九種相，是名略說慧。

亥二、長行

謂九種相慧，名為菩薩慧波羅蜜多：

- 一者自性慧；
- 二者一切慧；
- 三者難行慧；
- 四者一切門慧；
- 五者善士慧；
- 六者一切種慧；
- 七者遂求慧；
- 八者此世、他世樂慧；
- 九者清淨慧。

戌三、釋（分九）

亥一、自性慧（分三）

天一、徵

云何菩薩自性慧？

天二、釋

謂能悟入一切所知，及已悟入一切所知簡擇諸法，普緣一切五明處轉：

- 一內明處；
- 二因明處；
- 三醫方明處；
- 四聲明處；
- 五工業明處。

天三、結

當知即是菩薩一切慧之自性。

亥二、一切慧（分二）

天一、徵

云何菩薩一切慧？

天二、釋（分二）

地一、標列種類（分二）

玄一、二種

當知此慧略有二種：

一者世間慧；

二者出世間慧。

玄二、三種

此二略說復有三種：

一能於所知真實隨覺通達慧；

二能於如所說五明處及三聚中決定善巧慧；

三能作一切有情義利慧。

地二、隨釋三種（分三）

玄一真實隨覺通達慧

若諸菩薩，於離言說法無我性，或於真諦將欲覺悟，或於真諦正覺寤時，或於真諦覺寤已後所有妙慧，最勝寂靜明了現前，無有分別，離諸戲論，於一切法悟平等性，入大總相，究達一切所知邊際，遠離增益損減二邊，順入中道，是名菩薩能於所知真實隨覺通達慧。

玄二五明三聚善巧慧

黃一、釋（分二）

字一、於五明處

若諸菩薩於五明處決定善巧，廣說如前「力種性品」應知其相。

字二、於三聚中

及於三聚中決定善巧，謂於能引義利法聚、能引非義利法聚、能引非義利非非義利法聚，皆如實知。

黃二、結

於是八處，所有妙慧善巧攝受，能速圓滿廣大無上妙智資糧，速證無上正等菩提。

玄三作有情義利慧

能作一切有情義利慧，有十一種，如前應知，即於彼位所有妙慧，當知是名：饒益有情慧。

亥三、難行慧（分三）

天一、徵

云何菩薩難行慧？

天二、標

當知此慧略有三種。

天三、釋（分三）

地一、知法無我

若諸菩薩能知甚深法無我智，是名第一難行慧。

地二、調伏方便

若諸菩薩能了有情調伏方便智，是名第二難行慧。

地三、離所知障

若諸菩薩了知一切所知境界無障礙智，是名第三最難行慧。

亥四、一切門慧

云何菩薩一切門慧？當知此慧略有四種：

謂於聲聞藏及菩薩藏所有勝妙聞所成慧、思所成慧；

於能思擇菩薩所應作應隨轉中，及菩薩所不應作應止息中，思擇力所攝慧；

及修習力所攝三摩呬多地無量慧。

亥五、善士慧（分三）

天一、徵

云何菩薩善士慧？

天二、標

當知此慧略有五種。

天三、列（分二）

地一、第一五種

一聽聞正法所集成慧；

二內正作意俱行慧；

三自他利行方便俱行慧；

四於諸法法住法安立無顛倒中善決定慧；

五捨煩惱慧。

地二、第二五種

復有異門：

一微細慧，悟入所知如所有性故；

二周備慧，悟入所知盡所有性故；

三俱生慧，宿智資糧所集成故；

四具教慧，能於諸佛已入大地諸菩薩眾所聞法義具受持故；

五具證慧，從淨意樂地乃至到究竟地所攝受故。

亥六、一切種慧（分三）

天一、徵

云何菩薩一切種慧？

天二、標

當知此慧六種、七種，總十三種。

天三、列（分二）

地一、六種

六種慧者，謂於諸諦苦智、集智、滅智、道智，於究竟位盡智、無生智，是名六慧。

地二、七種

七種慧者，謂法智、類智、世俗智、神通智、相智、十力前行智、四道理中正道理智。

亥七、遂求慧（分三）

天一、徵起

云何菩薩遂求慧？

天二、總標

當知此慧略有八種。

天三、列釋

- 一依法異門智，所謂菩薩法無礙慧；
- 二依法相智，所謂菩薩義無礙慧；
- 三依法釋詞智，所謂菩薩釋詞無礙慧；
- 四依法品類句差別智，所謂菩薩辯才無礙慧；
- 五菩薩一切摧伏他論慧；
- 六菩薩一切成立自論慧；
- 七菩薩一切正訓營為家屬家產慧；
- 八菩薩一切善解種種王正世務慧。

亥八、二世樂慧（分三）

天一、徵

云何菩薩此世、他世樂慧？

天二、標

當知此慧略有九種。

天三、釋（分二）

地一、於五明處

謂諸菩薩於內明處，能善明淨善安住慧。

於醫方明處、因明處、聲明處、世工業明處，能善明淨非安住慧。

地二、於他所化

一切菩薩即用如是於五明處善明淨慧以為依止，於他愚癡、放逸、怯弱、勤修正行所化有情，如其次第，示現、教導、讚勵、慶慰慧。

亥九、清淨慧（分四）

天一、徵起

云何菩薩清淨慧？

天二、總標

當知此慧，略有十種。

天三、列釋（分五）

地一、於真實義

於真實義有二種慧，謂由盡所有性及如所有性，取真實義故。

地二、於流轉義

於流轉義有二種慧，謂取正因果故。

地三、於執受義

於執受義有二種慧，謂顛倒、不顛倒如實了知故。

地四、於方便義

於方便義有二種慧，謂一切所應作、所不應作，如實了知故。

地五、於究竟義

於究竟義有二種慧，謂雜染如實了知雜染故，清淨如實了知清淨故。

天四、結名

如是菩薩五義、十種差別淨慧，當知是名最勝淨慧。

戌四、結

如是菩薩極善決定無量妙慧，能證菩薩大菩提果。菩薩依此，能圓滿慧波羅蜜多，速證無上正等菩提。

申三、總辨（分二）

酉一、明所攝（分二）

戌一、攝一切種（分二）

亥一、標

復次，如是六種波羅蜜多，世尊彼彼素怛纜中處處散說，今於此中，攝在一處略說應知。

亥二、釋（分二）

天一、舉施

謂佛所說素怛纜中所有施波羅蜜多，乃至慧波羅蜜多，或標或釋，彼皆於此，或自性施廣說乃至或清淨施趣入攝受，如其所應皆當了知。

天二、例餘

如是所餘如所宣說：戒乃至慧趣入攝受，如其所應亦當了知。

戌二、攝一切行（分二）

亥一、略明依止（分二）

天一、舉施

又諸如來為菩薩時，所行一切菩薩行中，所有無量本生相應難行苦行，當知一切與施相應，依止於施。

天二、例餘

如說其施，如是戒、忍、精進、靜慮、慧相應，依止戒、忍、精進、靜慮、慧，當知亦爾。

亥二、辨依差別

或唯依施廣說乃至或唯依慧，或雜依二，或雜依三，或雜依四，或雜依五，或雜依一切六波羅蜜多，皆應了知。

酉二、明最勝（分二）

戌一、因勝

如是六種波羅蜜多，菩薩為證無上正等菩提果故精勤修集，是大白法溟，名大白法海；是一切有情一切種類圓滿之因，名為涌施大寶泉池。

戌二、果勝

又即如是所集無量福智資糧，更無餘果可共相稱，唯除無上正等菩提。

攝事品第十五

未二、四攝事（分三）

申一、徵

云何菩薩四種攝事？

申二、列（分二）

酉一、唵柁南

唵柁南曰：

自性一切難，一切門善士，一切種遂求，二世樂清淨，如是九種相，名略說攝事。

酉二、長行

謂九種相攝事，名為菩薩四種攝事：

- 一者自性攝事；
- 二者一切攝事；
- 三者難行攝事；
- 四者一切門攝事；
- 五者善士攝事；
- 六者一切種攝事；
- 七者遂求攝事；
- 八者此世、他世樂攝事；
- 九者清淨攝事。

申三、釋（分三）

酉一、愛語（分九）

戌一、自性愛語（分三）

亥一、徵

云何菩薩自性愛語？

亥二、釋

謂諸菩薩於諸有情，常樂宣說悅可意語、諦語、法語、引攝義語。

亥三、結

當知是名略說菩薩愛語自性。

戌二、一切愛語（分三）

亥一、徵起

云何菩薩一切愛語？

亥二、總標

謂此愛語略有三種。

亥三、列釋（分二）

天一、別釋三種（分二）

地一、釋（分三）

玄一、慰喻語

一者、菩薩設慰喻語，由此語故菩薩恒時對諸有情，遠離鬻蹙，先發善言，舒顏平視，含笑為先，或問安隱吉祥，或問諸界調適，或問晝夜怡樂，或命前進善來，以是等相慰問有情，隨世儀轉，順睹人性。

玄二、慶悅語

二者、菩薩設慶悅語，由此語故菩薩若見有情妻子、眷屬、財穀，其所昌盛而不自知，如應覺悟，以申慶悅，或知信、戒、聞、捨、慧增亦復慶悅。

玄三、勝益語

三者、菩薩設勝益語，由此語故菩薩宣說一切種德圓滿法教相應之語，利益安樂一切有情，恒常現前，以勝益語而為饒益。

地二、結

是名菩薩一切愛語差別應知。

天二、略攝二種（分四）

地一、徵

云何略說如是菩薩一切愛語？

地二、標

當知此語略為二種。

地三、列

一隨世儀軌語；

二順正法教語。

地四、攝

若慰喻語、若慶悅語，當知是名隨世儀軌語。

若勝益語，當知是名順正法教語。

戌三、難行愛語（分三）

亥一、徵

云何菩薩難行愛語？

亥二、標

當知此語略有三種。

亥三、釋（分三）

天一、於怨害所

若諸菩薩於能殺害怨家惡友，以善淨心無穢濁心，思擇為說，若慰喻語、若慶悅語、若勝益語，當知是名菩薩第一難行愛語。

天二、於愚鈍所

若諸菩薩於其上品愚癡鈍根諸有情所，心無疑慮，思擇為說種種法教，誓受疲勞，如理如法，如善攝取，當知是名菩薩第二難行愛語。

天三、於諂誑所

若諸菩薩於其諂詐欺誑親教、軌範、尊長真實福田，行邪惡行諸有情所，無嫌恨心，無恚惱心，思擇為說，若慰喻語、若慶悅語、若勝益語，當知是名菩薩第三難行愛語。

戌四、一切門愛語（分三）

亥一、徵

云何菩薩一切門愛語？

亥二、標

當知此語略有四種。

亥三、列

- 一欲斷諸蓋向善趣者，為說先時所應作法；
- 二遠離諸蓋心調善者，為說增進四聖諦等相應正法；
- 三在家出家多放逸者，無倒諫誨，方便令其出離放逸行，住不放逸行；
- 四於諸法中多疑惑者，為令當來離疑惑故，為說正法論義決擇。

戌五、善士愛語（分四）

亥一、徵

云何菩薩善士愛語？

亥二、標

當知此語，略有五種。

亥三、列

謂諸菩薩為所化生，能說如來及諸菩薩有因緣法、有出離法、有所依法、有勇決法、有神變法。

亥四、釋（分五）

天一、有因緣

若所說法，得處有因，制立學處，是故此法名有因緣。

天二、有出離

若所說法，於所受學有毀犯者，施設還淨，是故此法名有出離。

天三、有所依

若所說法，四依所攝，施設無倒法律正行，是故此法名有所依。

天四、有勇決

若所說法，能正顯示出一切苦不退還行，是故此法名有勇決。

天五、有神變

若所說法，作三神變，一切所說終不唐捐，是故此法名有神變。

戌六、一切種愛語（分四）

亥一、徵

云何菩薩一切種愛語？

亥二、標

當知此語六種、七種，總十三種。

亥三、釋（分二）

天一、六種

言六種者：

- 一於應聽法開聽愛語；
- 二於應制法遮制愛語；
- 三開示諸法法門愛語；
- 四開示無倒法相愛語；
- 五開示無倒訓釋諸法言詞愛語；
- 六開示無倒法句品類差別愛語。

天二、七種

言七種者：

- 一慰喻愛語；
- 二慶悅愛語；
- 三於他有情一切資具少希欲中一切所作及以正至少希欲中廣恣愛語；
- 四安慰種種驚怖愛語；
- 五如理宣說所攝愛語；
- 六為欲令他出不善處安住善處，正見聞疑舉呵愛語；
- 七請他有力饒益愛語。

亥四、結

如是菩薩十三種語，當知名為一切種愛語。

戌七、遂求愛語（分四）

亥一、徵

云何菩薩遂求愛語？

亥二、標

當知此語略有八種。

亥三、列

謂諸菩薩依四淨語起八聖語，是名菩薩遂求愛語。

亥四、釋（分二）

天一、四淨語

四淨語者，謂離妄語及以離間、麤惡、綺語。

天二、八聖語

八聖語者，謂見言見，聞言聞，覺言覺，知言知，不見言不見，不聞言不聞，不覺言不覺，不知言不知。

戌八、二世樂愛語（分三）

亥一、徵

云何菩薩此世、他世樂愛語？

亥二、標

當知此語略有九種。

亥三、列

一說正法斷親屬難愁憂愛語；
二說正法斷財位難愁憂愛語；
三說正法斷無病難愁憂愛語；
四說正法斷淨戒難眾苦愛語；
五說正法斷正見難眾苦愛語；
六說正法讚美淨戒圓滿愛語；
七說正法讚美正見圓滿愛語；
八說正法讚美軌則圓滿愛語；
九說正法讚美正命圓滿愛語。

戌九、清淨愛語（分三）

亥一、徵

云何菩薩清淨愛語？

亥二、標

當知此語有二十種。

亥三、指

謂二十相宣說正法，應知如前「力種性品」。

酉二、利行（分二）

戌一、總標（分二）

亥一、徵

云何菩薩利行？

亥二、釋（分二）

天一、指共相

謂此利行，廣如愛語，應知其相。

天二、別釋利行名

於利行中，餘差別義，我今當說，謂諸菩薩由一切品差別愛語，隨說彼彼趣義利行，饒益有情故名利行。

戌二、別辨（分九）

亥一、自性利行（分三）

天一、徵

云何菩薩自性利行？

天二、釋

謂諸菩薩由彼愛語，為諸有情示現正理，隨其所應，於諸所學隨義利行，法隨法行，如是行中，安住悲心、無愛染心，勸導調伏安處建立。

天三、結

是名略說利行自性。

亥二、一切利行（分二）

天一、徵

云何菩薩一切利行？

天二、釋（分二）

地一、標列種類（分二）

玄一、二種

當知此行略有二種：

- 一未成熟有情能成熟利行；
- 二已成熟有情令解脫利行。

玄二、三種

即此利行復由三門：

- 一於現法利勸導利行；
- 二於後法利勸導利行；
- 三於現法後法利勸導利行。

地二、隨釋（分三）

玄一、現法利勸導

黃一、明勸導

於現法利勸導利行者，謂正勸導，以法業德，招集守護增長財位，當知是名於現法利勸導利行。

黃二、釋現樂

由此能令從他獲得廣大名稱及現法樂，由資具樂攝受安住。

玄二、後法利勸導

黃一、明勸導

於後法利勸導利行者，謂正勸導棄捨財位，清淨出家，受乞求行，以自存活，當知是名於後法利勸導利行。

黃二、釋後樂

由此能令決定獲得後法安樂，不必獲得現法安樂。

玄三、現法後利勸導

黃一、明勸導

於現法後法利勸導利行者，謂正勸導令在家者或出家者，漸次修行，趣向離欲，當知是名於現法後法利勸導利行。

黃二、釋俱利

由此能令於現法中得身輕安，得心輕安，安樂而住，於後法中或生淨天，或無餘依涅槃界中而般涅槃。

亥三、難行利行（分三）

天一、徵

云何菩薩難行利行？

天二、標

當知此行略有三種。

天三、釋（分三）

地一、於無善因有情所

若諸菩薩於先未行勝善根因諸有情所，能行利行，是名第一難行利行，何以故？彼諸有情難勸導故。

地二、於極放逸有情所

若諸菩薩於有善因現前執著廣大財位眾具圓滿諸有情所，能行利行，是名第二難行利行，何以故？彼於廣大極放逸跡極放逸處，耽著轉故。

地三、於著邪見有情所

若諸菩薩於諸外道著本異道邪見邪行諸有情所，能行利行，是名第三難行利行，何以故？彼於自宗愚癡執故，於正法律憎背執故。

亥四、一切門利行（分三）

天一、徵

云何菩薩一切門利行？

天二、標

當知此行略有四種。

天三、列

謂諸菩薩，不信有情，於信圓滿殷勤勸導乃至建立；犯戒有情，於戒圓滿殷勤勸導乃至建立；惡慧有情，於慧圓滿殷勤勸導乃至建立；慳吝有情，於捨圓滿殷勤勸導乃至建立。

亥五、善士利行（分三）

天一、徵

云何菩薩善士利行？

天二、標

當知此行略有五種。

天三、列

謂諸菩薩，於真實義勸導有情，於應時宜勸導有情，於能引攝勝妙義利勸導有情，於諸有情柔軟勸導，於諸有情慈心勸導。

亥六、一切種利行（分三）

天一、徵

云何菩薩一切種利行？

天二、標

當知此行六種、七種，總十三種。

天三、列（分二）

地一、六種

云何六種？

謂諸菩薩若諸有情應攝受者，正攝受之。

若諸有情應調伏者，正調伏之。

若諸有情憎背聖教，除其恚惱。

若諸有情處中住者，令人聖教。

若諸有情已入聖教，正於三乘，令其成熟。

若諸有情已成熟者，令得解脫。

地二、七種（分二）

玄一、徵

云何七種？

玄二、釋（分二）

黃一、善資糧守護

謂諸菩薩安處一分所化有情，於善資糧守護長養，所謂或依下乘出離，或復依於大乘出離，如令所化於善資糧守護長養。

黃二、遠離等
字一、列四種

如是或於遠離，或於心一境性，或於清淨諸障，或於修習作意，正安處之。

字二、明安處

若有聲聞、獨覺種性，即於聲聞、獨覺乘中而正安處。

若有如來種性有情，即於無上正等菩提最上乘中而正安處。

亥七、遂求利行（分三）

天一、徵

云何菩薩遂求利行？

天二、標

當知此行略有八種。

天三、釋（分二）

地一、舉無慚纏

謂諸菩薩見諸有情，於應慚處為無慚纏之所纏繞，方便開解令離彼纏。

地二、例無愧等

如無慚纏，如是見有於應愧處為無愧纏之所纏繞；若昏沈纏、若睡眠纏、若掉舉纏、若惡作纏、嫉纏、慳纏之所纏繞，方便開解令離彼纏。

亥八、二世樂利行（分三）

天一、徵

云何菩薩此世、他世樂利行？

天二、標

當知此行略有九種。

天三、釋（分三）

地一、依淨身業

謂諸菩薩於他有情，依淨身業，勸令遠離一切殺生，勸令遠離諸不與取，勸令遠離諸欲邪行，勸令遠離一切翠羅若迷隸耶及以末陀放逸處酒。

地二、依淨語業

依淨語業，勸令遠離一切妄語，勸令遠離諸離間語，勸令遠離諸麁惡語，勸令遠離一切綺語。

地三、依淨意業

依淨意業，勸令遠離一切貪欲、瞋恚、邪見。

亥九、清淨利行（分四）

天一、徵

云何菩薩清淨利行？

天二、標

當知此行略有十種，謂諸菩薩於諸有情，依外清淨有五利行，依內清淨有五利行。

天三、釋（分二）

地一、依外清淨（分四）

玄一、徵

云何菩薩於諸有情依外清淨有五利行？

玄二、列

- 一無罪利行；
- 二不轉利行；
- 三漸次利行；
- 四遍行利行；
- 五如應利行。

玄三、釋（分五）

黃一、無罪利行

謂諸菩薩於諸有情雜惡行者、先惡行者、有罪行者、雜染行者，於諸善中能正安處，是名菩薩於諸有情無罪利行。

黃二、不轉利行

又諸菩薩於諸有情，不於非解脫非定清淨處求為真解脫求為定清淨者，即於其中能正勸導，是名菩薩於諸有情不轉利行。

黃三、漸次利行

又諸菩薩於諸有情先審觀察，知劣慧者為說淺法，隨轉羸近教授教誡；知中慧者為說中法，隨轉處中教授教誡；知廣慧者為說深法，隨轉幽微教授教誡，令其漸次修集善品，是名菩薩於諸有情漸次利行。

黃四、遍行利行

又諸菩薩於諸四姓乃至天人一切有情，隨力隨能，行義利行求利樂者，即於其中隨類勸導，是名菩薩於諸有情遍行利行。

黃五、如應利行

又諸菩薩於諸有情，若於自義諸善法品，隨下中上功能差別，可勸導者，及由方便功能差別，可勸導者，隨其所應，於彼如彼方便勸導，是名菩薩於諸有情如應利行。

亥四、結

是名菩薩於諸有情，依外清淨五種利行。

地二、依內清淨(分三)

玄一、徵

云何菩薩於諸有情依內清淨五種利行？

玄二、釋(分五)

黃一、由悲意樂

謂諸菩薩於諸有情起廣大悲，意樂現前，而行利行。

黃二、由心無倦

又諸菩薩於諸有情，所作義利，雖受一切大苦劬勞，而心無倦，深生歡喜，為諸有情而行利行。

黃三 由心謙下

又諸菩薩雖現安處最勝第一圓滿財位，而自謙下，如奴如僕，亦如孝子旃荼羅子，其心卑屈，離憍、離慢及離我執，於諸有情而行利行。

黃四、如寶哀憐

又諸菩薩於諸有情，心無愛染，無有虛偽，真實哀憐，而行利行。

黃五、由畢竟慈

又諸菩薩於諸有情，生起畢竟無復退轉慈愍之心，而行利行。

玄三、結

是名菩薩於諸有情依內清淨五種利行。

天四、結

如是依於內外清淨各五利行，總有十種，是名菩薩清淨利行。

酉三、同事(分二)

戌一、徵

云何菩薩同事？

戌二、釋(分二)

亥一、總顯略義(分二)

天一、釋同事名

謂諸菩薩，若於是義於是善根，勸他受學；即於此義於此善根，或等或增，自現受學，如是菩薩與他事同，故名同事。

天二、成就所作(分三)

地一、標

所化有情知此菩薩所修同事，便於自己受學善根，堅固決定無有退轉。

地二、徵

何以故？

地三、釋（分二）

玄一、令無疑慮

彼作是思：菩薩勸我所受學者，定能為我利益安樂，由此菩薩所授我者，即於其中自現行故，無有知無利益安樂自現行者。

玄二、令無反語

非諸菩薩如是同事勸導有情，他得詰言：汝自於善不能受學，云何以善殷勤勸導數數教授教誡於他？汝應從他殷勤語受教授教誡。

亥二、四句分別（分二）

天一、總標

有諸菩薩是他同事，而不自顯與他同事；有諸菩薩非他同事，而自顯現與他同事；有諸菩薩是他同事，亦自顯現與他同事；有諸菩薩非他同事，亦不自顯與他同事。

天二、別釋（分四）

地一、第一句

第一句者，謂有菩薩與諸菩薩功德威力皆悉平等，於菩薩道自謂為師，功德威力與等菩薩，隱自善故而不顯己功德威力。

地二、第二句

第二句者，謂諸菩薩見有下劣信解有情於甚深處心生怖畏，便正思擇為欲方便化導彼故，自現己身與其同法，所謂下於旃荼羅類乃至狗類，欲作饒益、欲除災患、欲調欲化，故思於彼旃荼羅狗同分中生。

地三、第三句

第三句者，謂諸菩薩見所化者，所受善根猶可搖動，為令堅住，現與同事或等或增。

地四、第四句

第四句者，謂諸菩薩自行放逸，棄捨他事。

午二、總辨（分二）

未一、作業（分二）

申一、標略說

如是已說多種施戒，廣說乃至最後同事。

其中所有波羅蜜多，能自成熟一切佛法；所有攝事，能成熟他一切有情，當知略說菩薩一切善法作業。

申二、辨因緣（分三）

酉一、總標

又如前說多種施戒，廣說乃至最後同事，如是眾多助菩提分無量善

法，由三因緣應知現行，由二因緣應知最勝，由三因緣應知清淨。

酉二、別釋（分三）

戌一、現行

謂由身、語、意三因緣故，應知現行。

戌二、最勝（分二）

亥一、標

彼諸善法由廣大故，無雜染故，應知最勝，亦名無上，亦名不共。

亥二、釋（分二）

天一、由廣大（分二）

地一、標

當知此中，由有情無別故，事無別故，時無別故，名為廣大。

地二、釋（分三）

玄一、有情無別

有情無別者，謂諸菩薩普於一切有情處所，普為一切法界有情，修行如是施等善根，非專為己。

玄二、事無別

事無別者，謂諸菩薩普於一切及一切種施等善根，精勤受學。

玄三、時無別

時無別者，謂諸菩薩恒常無間不離加行，不捨善軛，若晝若夜，現法後法，即由此因施等善根，常行無替。

天二、由無雜染（分三）

地一、標

當知此中，由四種相，成無雜染。

地二、釋（分四）

玄一、淨歡喜俱

謂諸菩薩懷歡喜心修諸善法，由是因緣無苦、無憂、無諸變悔。

玄二、無不平等

又諸菩薩不損惱他，不著見趣，不雜惡行，修行施等無量善根。

玄三、殷重

又諸菩薩殷重遍體，於其施等無量善法，唯見功德，唯見真實，唯見寂靜，極善決定，不從他緣，非餘引奪而正受學。

玄四、無依

又諸菩薩不因所修施等善法恃異熟果，或轉輪王、或天帝釋、或魔、或梵，亦不於他恃求返報，無所依止，不依一切利養恭敬世俗名譽，

乃至不依養活身命。

地三、結

由如是相，淨歡喜俱，無不平等，殷重無依修行施等，廣說乃至同事，為後無量善法，名無雜染。

戌三、清淨（分二）

亥一、標

由熾然故，無動轉故，善清淨故，應知清淨。

亥二、釋（分二）

天一、熾然、無動（分二）

地一、標

若諸菩薩已入清淨意樂地者，一切善根熾然無動。

地二、釋（分二）

玄一、熾然

言熾然者，謂此菩薩意樂淨故，一切善法不由思擇熾盛現前。

玄二、無動（分二）

黃一、無減

言無動者，謂此菩薩意樂淨故，隨所獲得，隨所積集，所有善法皆無退轉，於當來世能無退減。

黃二、唯增

如是菩薩隨所經歷彼彼日夜，隨所過度彼彼自身，所有善法如明分月，唯增無減。

天二、善清淨

若諸菩薩住到究竟地，或繫屬一生最後有者，所有善法名善清淨，此上更無菩薩地攝勝淨法故。

酉三、總結

如是施等，同事為後，無量善法，三因緣故應知現行，二因緣故應知最勝，三因緣故應知清淨。

未二、感果（分二）

申一、別辨（分八）

酉一、一切施等

此中，所有一切施、一切戒，廣說乃至一切同事，若多修習、若善清淨、若具圓滿，能感無上正等菩提金剛堅固身正法久住果。

酉二、難行施等

此中，所有難行施、難行戒，廣說乃至難行同事，若多修習、若善清

淨、若具圓滿，能感如來成就無等希奇法果。

西三、一切門施等

此中，所有一切門施、一切門戒，廣說乃至一切門同事，若多修習、若善清淨、若具圓滿，能感如來一切最勝有情天人所供養果。

西四、善士施等

此中，所有善士施、善士戒，廣說乃至善士同事，若多修習、若善清淨、若具圓滿，能感如來於諸有情無足、二足、四足、多足、有色、無色、有想、無想及以非想非非想處，於此一切有情類中最尊勝果。

西五、一切種施等

此中，所有一切種施、一切種戒，廣說乃至一切種同事，若多修習、若善清淨、若具圓滿，能感如來無量殊勝福德所攝三十有六大丈夫相、八十隨好莊嚴身果。

西六、遂求施等

此中，所有遂求施、遂求戒，廣說乃至遂求同事，若多修習、若善清淨、若具圓滿，能感如來坐菩提座一切魔怨不能惱觸不傾動果。

西七、二世樂施等

此中，所有此世他世樂施、此世他世樂戒，廣說乃至此世他世樂同事，若多修習、若善清淨、若具圓滿，能感如來最勝靜慮、解脫、等持、等至樂果。

西八、清淨施等

此中，所有清淨施、清淨戒，廣說乃至清淨同事，若多修習、若善清淨、若具圓滿，能感如來四一切種清淨果，謂所依淨所緣淨心淨智淨，亦感如來三不護、十力、四無所畏、三念住一切不共佛法極清淨果。

申二、總結

如是菩薩施等善法，能感無上到究竟果，當知亦感生死流轉順菩薩行所餘無量無邊可愛、無罪勝果。

供養親近無量品第十六
瑜伽師地論卷第四十四

巳二、供養親近無量品（分三）

午一、總徵

云何菩薩供養親近修習無量？

午二、唵柁南標

唵柁南曰：

供三寶，親善友，修無量，最為後。

午三、長行釋（分三）

未一、供三寶（分二）

申一、別顯拱養（分二）

酉一、舉供如來（分五）

戌一、徵

云何菩薩於如來所供養如來？

戌二、標

當知供養略有十種。

戌三、列

一設利羅供養；

二制多供養；

三現前供養；

四不現前供養；

五自作供養；

六教他供養；

七財敬供養；

八廣大供養；

九無染供養；

十正行供養。

戌四、釋（分六）

亥一、設利羅供養

若諸菩薩親現供養如來色身，是名設利羅供養。

亥二、制多供養

若諸菩薩於為如來所造一切，若窠堵波、若龕、若臺、若故制多、新制多所，設諸供養，是名制多供養。

亥三、現不現前供養（分二）

天一、別顯種類（分二）

地一、現前供養（分二）

玄一、供一佛等

若諸菩薩於如來身或制多所，親面對前現矚現見而設供養，是名現前供養。

玄二、供多佛等

黃一、舉思惟

字一、明法性

若諸菩薩於如來所若制多所，現前施設供養具時，發起增上意樂俱心淨信俱心，作是思惟：若一如來法性，即是去來今世一切如來法性。若一如來制多法性，即是十方無邊無際一切世界所有如來制多法性。

字二、明供養

是故我今供現如來，即是供養其餘三世一切如來，供現制多，即是供養其餘十方無邊無際一切世界若翠堵波、若龕、若臺、若故制多、若新制多。

黃二、結得名

當知是名菩薩俱供現不現前一切如來及以制多。

地二、不現前供養

玄一、作一切如來想

若諸菩薩於不現前一切如來，及以制多，作如來想，普為三世一切如來一切十方如來制多，施設供養，當知是名菩薩唯供不現前佛及以制多。

玄二、廣造如來像

若諸菩薩佛涅槃後，為如來故造立形像若翠堵波若龕若臺，隨力隨能或一或二或復眾多，乃至百千俱胝等數，如是菩薩於如來所，設不現前弘廣供養，當獲無量大福德果，攝受無量廣大梵福，菩薩由此能於無量劫大劫中不墮惡趣，由是因緣非不圓滿無上正等菩提資糧。

天二、總辨福果

此中，菩薩唯供現前佛及制多，應知獲得廣大福果。若唯供養不現前佛及以制多，應知獲得大大福果。若俱供養現不現前佛及制多，應知獲得最大福果，為無有上。

亥四、自作教他供養（分二）

天一、別顯種類（分二）

地一、自作供養（分二）

玄一、唯自手作

若諸菩薩於如來所若制多所，欲設供養，唯自手作，不使奴婢、作使、朋友、僚庶、親屬，不依懈惰諸放逸處而設供養，是名菩薩自作供養。

玄二、兼勸他作

若諸菩薩於如來所若制多所，欲設供養，非唯自作，亦勸父母妻子、奴婢、作使、朋友、僚庶、親屬及他國王、王子、大臣、長者、居士、若婆羅門、國邑聚落饒財商主，下至一切男女大小、貧匱苦厄旃荼羅等及以親教、軌範諸師、共住近住一切弟子、同梵行者、諸出家者、外道等眾，令於如來若制多所，隨力隨能作諸供養，當知是名菩薩自他咸共供養。

地二、教他供養

若諸菩薩現有少分可供財物，興悲愍心，故思施與貧苦少福無力有情，令於如來若制多所，持用供養，願彼當來多受安樂，彼得此物供養如來及以制多，菩薩於斯自無所供，當知是名菩薩唯教他設供養。

天二、總辨福果

此中，菩薩若唯自供佛及制多，應知獲得廣大福果。若唯教他，應知獲得大大福果。若能自他俱共供養，應知獲得最大福果，為無有上。

亥五、財敬廣大無染供養

天一、別顯種類（分三）

地一、財敬供養（分二）

玄一、別列（分二）

黃一、敬供養

若諸菩薩於如來所若制多所，以諸衣服飲食臥具病緣醫藥供身什物，敬問禮拜奉迎合掌，種種熏香、末香、塗香、華鬘伎樂、幢蓋幡燈，歌頌稱讚，五輪歸命，趨遶右旋而為供養。

黃二、財供養

或復奉施無盡財供，或復奉施末尼真珠、琉璃蠶貝、璧玉珊瑚、車磔馬瑙、虎魄金銀、赤珠右旋，如是等寶，或復奉施末尼、環玠、寶璫、印等諸莊嚴具，乃至奉施種種寶鈴，或散珍奇，或纏寶縷而為供養。

玄二、總結

是名菩薩於如來所若制多所，財敬供養。

地二、廣大供養

若諸菩薩於如來所若制多所，長時施設即上所陳財敬供養，若多供具、若妙供具、若現在前不現在前、若自造作教他造作，若淳淨心猛

利勝解現前供養，即以如是所種善根，迴向無上正等菩提，如是七種，說名菩薩廣大供養。

地三、無染供養

若諸菩薩於如來所若制多所，自手供養不懷輕慢，令他供養，不住放逸懈惰不敬而為供養，不輕棄擲，不散慢心，無雜染心而為供養，不於信佛國王大臣諸貴勝前，為財敬故詐設種種虛事供養，不雌黃塗不酥灌洗，不以種種局崛羅香遏迦花等餘不淨物，而為供養，如是六種，說名菩薩無染供養。

天二、總辨一切（分二）

地一、有財寶（分二）

玄一、總標三種

又諸菩薩如是財敬廣大無染，供養如來及制多時，或自臂力所集財寶，或從他求所獲財寶，或得眾具自在財寶，能為如是種種供養。

玄二、別辨後一

黃一、辨種類

字一、敬供養

宙一恭敬禮拜

已得眾具自在菩薩，化作化身，或一或二或復眾多，乃至百千俱胝等數，此一切身皆於如來及制多所，恭敬禮拜。

宙二奉散香等

復從如是一一化身，化出多手，或百或千或過是數，此一切手皆持無量出過諸天上妙華香殊勝可愛種種珍寶，奉散如來及制多所。

宙三歌頌稱讚

復從如是一切化身，化出無量上妙音聲，歌讚如來廣大甚深真實功德。

字二、財供養

復從如是一切化身，化出無量最上最妙環玕璫印寶莊嚴具，幢蓋幡燈種種供具，供養如來及以制多。

黃二、明自在

如是等類，已得眾具自在菩薩，所設供養皆屬自心。

如是菩薩不更希求如來出世，何以故？由此菩薩已得證入不退轉地，一切佛土往來供養皆無礙故。

地二、無財寶（分二）

玄一、廣大隨喜

又諸菩薩若無自力所集財寶，亦無從他求得財寶，及無菩薩所獲眾具

自在財寶可設供養，然於所有或瞻部洲，或四大洲，或千世界二千世界，或復三千大千世界，乃至十方無邊無際諸世界中下中上品供養如來一切供具，菩薩於彼以淨信俱勝解俱心，周遍思惟一切隨喜。

玄二、恒當修學

如是菩薩少用功力而興無邊廣大供養，攝受菩提廣大資糧，菩薩於此恒常無間，起真善心、起歡喜心，當勤修學。

亥六、正行供養（分二）

天一、辨正行（分二）

地一、釋（分二）

玄一、修無量及諸想

若諸菩薩少時少時須臾須臾，乃至下如搆牛乳頃，普於一切蠢動有情，修習慈悲喜捨俱心，於一切行修無常想、無常苦想、苦無我想，於其涅槃修勝利想，於佛、法、僧、波羅蜜多修習隨念。少時少時須臾須臾，於一切法發生少分下劣忍智，信解離言法性真如，起無分別無相心住，何況於此若過若增！

玄二、例餘一切學

如是守護菩薩所受尸羅律儀，於奢摩他、毘鉢舍那菩提分法精勤修學，亦於一切波羅蜜多及諸攝事正勤修學。

地二、結

是名菩薩於如來所正行供養。

天二、讚最勝

如是供養為最第一最上最勝最妙無上，如是供養，過前所說具一切種財敬供養，百倍千倍乃至鄔波尼殺曇倍。

戌五、結

由此十相，應知是名具一切種供養如來。

酉二、例供法僧

如供養佛，如是供養，若法、若僧，隨其所應，當知亦爾。

申二、聰明意樂（分三）

酉一、標

如是菩薩於三寶所由十種相興供養時，應緣如來發起六種增上意樂。

酉二、列

- 一者無上大功德田增上意樂；
- 二者無上有大恩德增上意樂；
- 三者一切無足二足及多足等有情中尊增上意樂；

四者猶如鄔曇妙華極難值遇增上意樂；
五者獨一出現三千大千世界增上意樂；
六者一切世出世間功德圓滿一切義依增上意樂。

酉三、結

由是六種增上意樂，於如來所若於如來法所僧所，少分思惟而興供養，尚獲無量大功德果，何況其多！

未二、親善友（分二）

申一、總徵

復次，菩薩成就幾相能為善友？由幾種相善友不虛？成就幾相令善友性作信依處？復有幾種善友菩薩於所化生為善友事？菩薩幾種親近善友？由幾種想於善友所聽聞正法？由幾種處於善友所聽聞法時，於說法師不作異意？

申二、別辨（分七）

酉一、眾相圓滿（分二）

戌一、總標

當知菩薩成就八支，能為善友，眾相圓滿。

戌二、列釋（分八）

亥一、住戒

一者住戒，於諸菩薩律儀戒中，妙善安住，無缺無穿。

亥二、多聞

二者多聞，覺慧成就。

亥三、具證

三者具證，得修所成隨一勝善，逮奢摩他、毘鉢舍那。

亥四、哀愍

四者哀愍，內具慈悲，能捨自己現法樂住，精勤無怠，饒益於他。

亥五、無畏

五者無畏，為他宣說正法教時，非由恐怖，忘失念辯。

亥六、堪忍

六者堪忍，於他輕笑、調弄、鄙言、違拒等事，非愛言路種種惡行，皆悉能忍。

亥七、無倦

七者無倦，其力充強，能多思擇，處在四眾說正法時，言無謬澀，心不疲厭。

亥八、善辭

八者善詞，語具圓滿，不壞法性，言詞辯了。

酉二、所作不虛（分二）

戌一、標

若諸菩薩具五種相，眾德相應，能為善友，所作不虛。

戌二、列

一者於他先欲求作利益安樂；

二者於彼利益安樂，如實了知無顛倒覺；

三者於彼善權方便順儀說法隨眾堪受調伏事中，有能有力；

四者饒益心無厭倦；

五者具足平等大悲，於諸有情劣中勝品，心無偏黨。

酉三、作信依處（分二）

戌一、總標

若諸菩薩成就五相，令善友性作信依處，令他遠聞極生淨信，何況親睹！

戌二、列釋（分五）

亥一、勝妙

一者勝妙，威儀圓滿威儀寂靜威儀具足，一切支分皆無躁動。

亥二、敦肅

二者敦肅，三業現行，無掉無擾。

亥三、無矯

三者無矯，不為誑他，故思詐現嚴整威儀。

亥四、無嫉（分二）

天一、無不堪忍

四者無嫉，終不於他說法所得利養恭敬生不堪忍，而常自勵請他說法。復恒勸餘，於彼廣施利養恭敬，無諂偽心。

天二、倍生歡喜

又常於他，其心純淨，見彼說法及得財敬深生隨喜，如自所獲利養恭敬心生歡喜，見他所得利養恭敬，其心歡喜，復過於是。

亥五、檢約

五者儉約，尠儲器物，隨得隨捨。

酉四、為善友事（分二）

戌一、標

善友菩薩由五種相，於所化生，為善友事。

戌二、列

- 一能諫舉；
- 二能令憶；
- 三能教授；
- 四能教誡；
- 五能說法。

戌三、指

如是諸句廣辯應知如「聲聞地」；教授教誡，廣說如前「力種性品」。

酉五、親近善友（分二）

戌一、標

當知菩薩由四種相，方得圓滿親近善友。

戌二、列

- 一於善友有病無病，隨時供侍，恒常發起愛敬淨信；
- 二於善友隨時敬問、禮拜、奉迎、合掌，慇懃修和敬業而為供養；
- 三於善友如法衣服、飲食、臥具、病緣醫藥、資身什物，隨時供養；
- 四於善友，若正依止，於如法義若合若離，隨自在轉，無有傾動，如實顯發，作奉教心，隨時往詣，恭敬承事，請問聽受。

酉六、聽聞正法（分二）

戌一、總標

若諸菩薩欲聽法時，作五種想，應從善友，聽聞正法。

戌二、列釋（分五）

亥一、作寶想

一作寶想，難得義故。

亥二、作眼想

二作眼想，能得廣大俱生妙慧，因性義故。

亥三、作明想

三作明想，已得廣大俱生慧眼，於一切種如實所知，等照義故。

亥四、作大果勝功德想

四作大果勝功德想，能得涅槃及三菩提無上妙跡，因性義故。

亥五、作無罪大適悅想

五作無罪大適悅想，於現法中未得涅槃及三菩提，於法如實簡擇止觀無罪大樂，因性義故。

酉七、於說法師不作異意（分三）

戌一、總標

若諸菩薩欲從善友聽聞法時，於說法師由五種處不作異意，以純淨心

屬耳聽法。

戌二、列釋（分五）

亥一、於壞戒

一於壞戒不作異意，謂不作心此是破戒不住律儀，我今不應從彼聽法。

亥二、於壞族

二於壞族不作異意，謂不作心此是卑姓，我今不應從彼聽法。

亥三、於壞色

三於壞色不作異意，謂不作心此是醜陋，我今不應從彼聽法。

亥四、於壞文

四於壞文不作異意，謂不作心此於言詞不善藻飾，我今不應從彼聽法，但依於義不應依文。

亥五、於壞美

五於壞美不作異意，謂不作心此語麤惡多懷忿恚不以美言宣說諸法，我今不應從彼聽法。

戌三、總辨（分二）

亥一、出所應

如是菩薩欲聽法時，於是五處不應作意，但應恭敬攝受正法，於說法師未嘗見過。

亥二、斥不應

若有菩薩其慧微劣，於說法師心生嫌鄙，不欲從其聽聞正法，當知此行不求自利退失勝慧。

未三、修無量（分四）

申一、徵

云何菩薩修四無量慈悲喜捨？

申二、標

謂諸菩薩略有三種修四無量：

申三、列

一者有情緣無量；

二者法緣無量；

三者無緣無量。

申四、釋（分二）

酉一、略辨四種（分二）

戌一、釋（分三）

亥一、標安立

若諸菩薩於其三聚一切有情，安立以為無苦無樂、有苦、有樂。

亥二、釋四相（分四）

天一、慈無量（分二）

地一、顯差別（分三）

玄一、有情緣慈

於其最初欲求樂者，發起與樂增上意樂，普緣十方安住無倒有情勝解，修慈俱心，當知是名有情緣慈。

玄二、法緣慈

若諸菩薩住唯法想增上意樂，正觀唯法假說有情，修慈俱心，當知即此名法緣慈。

玄三、無緣慈

若諸菩薩復於諸法遠離分別，修慈俱心，當知即此名無緣慈。

地二、例餘三

如有情緣法緣無緣三慈差別，悲喜捨三當知亦爾。

天二、悲無量

若諸菩薩於有苦者，發起除苦增上意樂，普緣十方修悲俱心，是名為悲。

天三、喜無量

若諸菩薩於有樂者，發起隨喜增上意樂，普緣十方修喜俱心，是名為喜。

天四、捨無量

若諸菩薩即於如是無苦無樂、有苦、有樂三種有情，隨其次第，發起遠離癡、瞋、貪惑增上意樂，普緣十方修捨俱心，是名為捨。

亥三、總料簡（分二）

天一、共不共

此中，菩薩慈等無量有情緣者，當知其相與外道共。

若法緣者，當知其相與諸聲聞及獨覺共，不共外道。

若無緣者，當知其相不共一切聲聞、獨覺及諸外道。

天二、意樂攝

又諸菩薩三種無量，應知安樂意樂所攝，謂慈、悲、喜。

一種無量，應知利益意樂所攝，是謂為捨。

戌二、結

如是菩薩一切無量，名為哀愍。以諸菩薩成就此故，名哀愍者。

西二、應悲無量（分三）

戌一、悲所緣（分二）

亥一、百一十苦（分三）

天一、總標

此中，菩薩於有情界，觀見一百一十種苦，於諸有情修悲無量。
何等名為百一十苦？

天二、別列（分二）

地一、前五十五（分十）

玄一、一苦

謂有一苦，依無差別流轉之苦，一切有情無不皆墮流轉苦故。

玄二、二苦

復有二苦：

一欲為根本苦，謂可愛事，若變若壞所生之苦。

二癡異熟生苦，謂若猛利體受所觸，即於自體執我我所，愚癡迷悶生極怨嗟，由是因緣受二箭受，謂身箭受及心箭受。

玄三、三苦

復有三苦：一苦苦，二行苦，三壞苦。

玄四、四苦

復有四苦：

一別離苦，謂愛別離所生之苦；

二斷壞苦，謂由棄捨眾同分死所生之苦；

三相續苦，謂從此後數數死生展轉相續所生之苦；

四畢竟苦，謂定無有般涅槃法諸有情類五取蘊苦。

玄五、五苦

復有五苦：

一貪欲纏緣苦；

二瞋恚纏緣苦；

三昏沈睡眠纏緣苦；

四掉舉惡作纏緣苦；

五疑纏緣苦。

玄六、六苦

復有六苦：

一因苦，習惡趣因故；

二果苦，生諸惡趣故；

三求財位苦；

四勤守護苦；
五無厭足苦；
六變壞苦，如是六種總說為苦。

玄七、七苦

復有七苦：
一生苦；
二老苦；
三病苦；
四死苦；
五怨憎會苦；
六愛別離苦；
七雖復希求而不得苦。

玄八、八苦

復有八苦：
一寒苦；
二熱苦；
三飢苦；
四渴苦；
五不自在苦；
六自逼惱苦，謂無繫等諸外道類；
七他逼惱苦，謂遭遇他手塊等觸蚊虻等觸；
八一類威儀多時住苦。

玄九、九苦

復有九苦：
一自衰損苦；
二他衰損苦；
三親屬衰損苦；
四財位衰損苦；
五無病衰損苦；
六戒衰損苦；
七見衰損苦；
八現法苦；
九後法苦。

玄十、十苦

復有十苦：

- 一諸食資具匱乏苦；
- 二諸飲資具匱乏苦；
- 三騎乘資具匱乏苦；
- 四衣服資具匱乏苦；
- 五莊嚴資具匱乏苦；
- 六器物資具匱乏苦；
- 七香鬘塗飾資具匱乏苦；
- 八歌舞伎樂資具匱乏苦；
- 九照明資具匱乏苦；
- 十男女給侍資具匱乏苦。

地二、後五十五(分二)

玄一、總標列

當知復有餘九種苦：

- 一一切苦；
- 二廣大苦；
- 三一切門苦；
- 四邪行苦；
- 五流轉苦；
- 六不隨欲苦；
- 七違害苦；
- 八隨逐苦；
- 九一切種苦。

玄二、隨別廣(分九)

黃一、一切苦

一切苦中，復有二苦：

- 一宿因所生苦；
- 二現緣所生苦。

黃二、廣大苦

廣大苦中，復有四苦：

- 一長時苦；
- 二猛利苦；
- 三雜類苦；
- 四無間苦。

黃三、一切門苦

一切門苦中，亦有四苦：

- 一那落迦苦；
- 二傍生苦；
- 三鬼世界苦；
- 四善趣所攝苦。

黃四、邪行苦

邪行苦中，復有五苦：

- 一於現法中犯觸於他，他不饒益所發起苦；
- 二受用種種不平等食，界不平等所發起苦；
- 三即由現法苦所逼切，自然造作所發起苦；
- 四由多安住非理作意，所受煩惱隨煩惱纏所起諸苦；
- 五由多發起諸身語意種種惡行，所受當來諸惡趣苦。

黃五、流轉苦

字一、標列

流轉苦中，復有六種輪轉生死不定生苦：

- 一自身不定；
- 二父母不定；
- 三妻子不定；
- 四奴婢僕使不定；
- 五朋友宰官親屬不定；
- 六財位不定。

字二、隨釋

宙一自身不定

自身不定者，謂先為王，後為僕隸。

宙二父母不定

父母等不定者，謂先為父母乃至親屬，後時輪轉反作怨害及惡知識。

宙三財位不定

財位不定者，謂先大富貴，後極貧賤。

黃六、不隨欲苦

不隨欲苦中，復有七苦：

- 一欲求長壽，不隨所欲生短壽苦；
- 二欲求端正，不隨所欲生醜陋苦；
- 三欲生上族，不隨所欲生下族苦；

四欲求大富，不隨所欲生貧窮苦；
五欲求大力，不隨所欲生羸劣苦；
六欲求了知所知境界，不隨所欲愚癡無智現行生苦；
七欲求勝他，不隨所欲反為他勝而生大苦。

黃七、違害苦

違害苦中，復有八苦：
一諸在家者妻子等事損減生苦；
二諸出家者貪等煩惱增益生苦；
三饑儉逼惱之所生苦；
四怨敵逼惱之所生苦；
五曠野嶮難迫迕逼惱之所生苦；
六繫屬於他之所生苦；
七支節不具損惱生苦；
八殺縛斫截捶打驅擯逼惱生苦。

黃八、隨逐苦

字一、標

隨逐苦中，復有九苦。

字二、釋(分二)

宙一、世法苦

依世八法，有八種苦：

一壞法壞時苦；
二盡法盡時苦；
三老法老時苦；
四病法病時苦；
五死法死時苦；
六無利苦；
七無譽苦；
八有譏苦，是名八苦。

宙二、希求苦

九希求苦。

字三、結

如是總說名隨逐苦。

黃九、一切種苦

字一、標

一切種苦中，復有十苦。

字二、釋(分二)

宙一樂所治苦

謂如前說：五樂所治有五種苦：

一因苦；

二受苦；

三唯無樂苦；

四受不斷苦；

五出離、遠離、寂靜、菩提樂所對治：家、欲界結、尋、異生苦。

是名五苦。

宙二逼迫等苦

復有五苦：一逼迫苦，二眾具匱乏苦，三界不平等苦，四所愛變壞苦，五三界煩惱品麤重苦。

是名五苦。

字三、結

前五、此五，總十種苦，當知是名一切種苦。

天三、總結

前五十五、今五十五，總有一百一十種苦，是菩薩悲所緣境界，緣此境故，諸菩薩悲生起增長修習圓滿。

亥二、十九種苦(分二)

天一、標

又諸菩薩於大苦蘊，緣十九苦發起大悲。

天二、釋(分二)

地一、出種類(分二)

玄一、徵

何等名為十九種苦？

玄二、列

一愚癡異熟苦；

二行苦所攝苦；

三畢竟苦；

四因苦；

五生苦；

六自作逼惱苦；

七戒衰損苦；

八見衰損苦；
九宿因苦；
十廣大苦；
十一那落迦苦；
十二善趣所攝苦；
十三一切邪行所生苦；
十四一切流轉苦；
十五無智苦；
十六增長苦；
十七隨逐苦；
十八受苦；
十九麤重苦。

地二、釋大悲（分二）

玄一、總標

由四緣故悲名大悲。

玄二、列釋（分四）

黃一、由緣甚深

一緣甚深微細難了諸有情苦為境生故。

黃二、由長時習

二於長時積習成故，謂諸菩薩經於無量百千大劫積習所成。

黃三、由猛利作意

三於所緣猛利作意而發起故，謂諸菩薩由是作意，悲所執持，為息有情眾苦因緣，尚能棄捨百千身命，況一身命！及以資財，於一切種治罰大苦，為諸有情悉能堪忍。

黃四、由極清淨

四極清淨故，謂諸菩薩已到究竟菩薩清淨。

若諸如來已到佛地如來清淨。

戌二、悲修習（分四）

亥一、廣遍一切

又諸菩薩由前所說百一十苦，於諸有情修悲心時，則為修習一切菩薩所有悲心。

亥二、能淨意樂

復能速證悲意樂淨，證入菩薩淨意樂地，於諸有情，獲得菩薩極親厚心，極愛念心，欲作恩心，無厭倦心，代受苦心，調柔自在有堪能心。

亥三、超諸聲聞

諸聖聲聞已得證入苦諦現觀，已到究竟，於苦深遠厭俱行心，相續而轉，不如菩薩於諸有情悲前行心，正觀墮在百一十種極大苦蘊。

亥四、攝諸善法

菩薩如是以所修悲熏修心故，於內外事無有少分而不能捨；

無戒律儀而不能學；

無他怨害而不能忍；

無有精進而不能起；

無有靜慮而不能證；

無有妙慧而不能入。

是故如來若有請問：菩薩菩提誰所建立？

皆正答言：菩薩菩提，悲所建立。

戌三、悲勝利（分二）

亥一、舉共德

如前所說：一一無量皆有無量，菩薩如意圓德隨轉，皆能攝受無量愛果，皆無量種，一向妙善，無罪隨轉。

亥二、顯差別（分二）

天一、標

當知菩薩精勤修習如是無量，能得四種功德勝利。

天二、列

謂由修習此無量故，先得最勝現法樂住；

攝受增長無量最勝福德資糧；

能於無上正等菩提意樂堅固；

為欲饒益諸有情故，於生死中堪能忍受一切大苦。

菩提分品第十七

寅三、能修學（分二）

卯一、菩提分法（分三）

辰一、徵

云何菩薩菩提分法？

辰二、喞柁南標

喞柁南曰：

慚愧堅力持，無厭論世智，正依無礙解，資糧菩提分，
止觀性巧便，陀羅尼正願，三摩地有三，法喞柁南四。

辰三、長行釋（分十五）

巳一、慚愧（分三）

午一、徵起

云何名為菩薩慚愧？

午二、標列

當知慚愧略有二種：

一者自性；

二者依處。

午三、隨釋（分二）

未一、自性（分二）

申一、釋（分二）

酉一、別辨相（分二）

戌一、慚

言自性者，謂諸菩薩於罪現行，能正覺知：我為非法，內生羞恥，是名為慚。

戌二、愧

即於其中，能正覺知：於他敬畏，外生羞恥，是名為愧。

酉二、明種性

菩薩羞恥，本性猛利，況復修習！

申二、結

如是應知名為菩薩慚愧自性。

未二、依處（分三）

申一、標

言依處者，略有四種。

申二、釋（分四）

酉一、應作不作

若諸菩薩於所應作不隨建立而生羞恥，當知是名第一依處。

酉二、作不應作

若諸菩薩於不應作隨順建立而生羞恥，當知是名第二依處。

酉三、於覆己惡

若諸菩薩於覆己惡而生羞恥，當知是名第三依處。

酉四、於有惡作

若諸菩薩於自所生惡作有依隨逐不捨而生羞恥，當知是名第四依處。

申三、結

如是應知名為菩薩慚愧依處。

巳二、堅力持性（分三）

午一、徵起

云何菩薩堅力持性？

午二、標列

當知此性略有二種：

一者自性；

二者依處。

午三、隨釋（分二）

未一、自性（分二）

申一、釋（分二）

酉一、列種種

言自性者，謂能禁制染污心性，不隨煩惱自在行性，堪忍苦性，種種眾多猛利怖畏雖現在前，而正加行無傾動性。

酉二、明因緣

性勇相應能正思擇，是故得成堅力持性。

申二、結

如是名為：堅力持性自性。

未二、依處（分三）

申一、標

如是菩薩堅力持性，略說應知有五依處。

申二、列

一者會遇生死輪轉種種大苦所化有情種種邪行；

二者為益諸有情故，誓受長時生死流轉；

三者遭遇異論朋黨諍競難詰，及處大眾宣揚法義；

四者誓受一切菩薩所應學處；
五者聽聞廣大甚深難思議法。

申三、結

是名堅力持性依處。

巳三、心無厭倦（分三）

午一、徵

云何菩薩心無厭倦？

午二、標

當知菩薩由五因緣普於一切正加行中心無厭倦。

午三、列（分五）

未一、由性有力

一者菩薩性自有力故無厭倦。

未二、數串習

二者菩薩即於如是無厭倦心，數數串習故無厭倦。

未三、勤精進

三者菩薩方便攝受精進勇猛能正隨觀，前後所得展轉殊勝故無厭倦。

未四、由正思擇

四者菩薩成就猛利增上妙慧，正思擇力故無厭倦。

未五、由猛利悲

五者菩薩於諸有情，猛利悲心極哀愍心，恒常現前故無厭倦。

巳四、善知諸論（分二）

午一、徵

云何菩薩善知諸論？

午二、釋（分二）

未一、由聞思

謂諸菩薩於五明處名句文身相應諸法，從他善受言善通利，即於如是諸法妙義，或從他所善聽善決，或自專精善擇善思，如是知法知義菩薩，於法於義為不忘失，恒常精勤不捨加行。

未二、由淨信

又為了知所餘新新後後法義殊勝差別，雖復聞思已到究竟，而由此故漸次成熟於此法義，獲得淨信，由是行相當知菩薩知諸論智無量圓滿無有顛倒。

巳五、善知世間（分二）

午一、徵

云何菩薩善知世間？

午二、釋（分二）

未一、顯差別（分二）

申一、如所應知（分二）

酉一、別辨相（分四）

戌一、有情世間（分二）

亥一、辨所知（分二）

天一、艱險愚闇（分二）

地一、標

謂諸菩薩普於一切有情世間，如實了知，如是世間極為艱險甚為愚闇。

地二、釋

所謂雖有生老及死數數死生，而諸有情於老死等上昇出離不如實知。

天二、有濁無濁（分二）

地一、標列

又諸菩薩如實了知有情世間有諸穢濁濁世增時，無諸穢濁濁世減時，
謂依五濁：一者壽濁；

二者有情濁；

三者煩惱濁；

四者見濁；

五者劫濁。

地二、隨釋（分五）

玄一、壽濁

如於今時人壽短促，極長壽者不過百年，昔時不爾，是名壽濁。

玄二、有情濁

如於今時有情多分不識父母，不識沙門若婆羅門，不識家長可尊敬者
作義利者作所作者於今世罪及後世罪不見怖畏，不修惠施不作福業，
不受齋法不受淨戒，昔時不爾，是名有情濁。

玄三、煩惱濁

如於今時有情多分習非法貪不平等貪，執持刀劍執持器仗鬥訟諍競，
多行諂誑詐偽妄語攝受邪法，有無量種惡不善法現可了知，昔時不
爾，是名煩惱濁。

玄四、見濁

如於今時有情多分為壞正法為滅正法，造立眾多像似正法，虛妄推求
邪法邪義以為先故，昔時不爾，是名見濁。

玄五、劫濁

如於今時漸次趣入饑饉中劫，現有眾多饑饉可得；漸次趣入疫病中劫，現有眾多疫病可得；漸次趣入刀兵中劫，現有眾多互相殘害刀兵可得。昔時不爾，是名劫濁。

亥二、結能知

是名菩薩如實了知有情世間。

戌二、器世間

又諸菩薩如實了知諸器世間破壞成立，如器世間破壞成立差別而知。

戌三、八種觀相

又諸菩薩於其世間、於世間集、於世間滅、於能往趣世間集行、於能往趣世間滅行，於其世間愛味、過患及與出離，皆如實知。

戌四、世間勝義（分三）

亥一、標言依

又諸菩薩如實了知，眼乃至意、諸無色蘊、四大造色，成士夫身，唯有爾所假名人性。

亥二、釋假名（分三）

天一、唯有想

於中所有想，或我、或有情，此唯有想。

天二、唯有自號言說

於中所有自號言說：「我眼見色，廣說乃至我意知法」。此亦唯有自號言說。

天三、唯有世俗言說

於中所有世俗語言，謂：「此長老！有如是名，如是種類，如是族姓，如是飲食，如是領納，若苦、若樂，如是長壽，如是久住，如是盡其壽量邊際。」此亦唯有世俗言說。

亥三、結能知

菩薩於此皆如實知。

酉二、結略義

由諸菩薩如實了知有情世間流轉差別、若器世間流轉差別，若八種相觀世間義、若諸世間所有勝義，是故說名善知世間。

申二、如所應轉（分二）

酉一、於身等業（分二）

戌一、舉事（分二）

亥一、別列相（分二）

天一、由自離慢（分三）

地一、見勝

復次，菩薩若見年德俱尊勝者，能正奉迎，敷座延坐，敬問禮拜，合掌慇懃，修和敬業。

地二、見等

若見年德俱相似者，能正問訊，酬對歡慰，以軟美言共興談論，不依等慢而自格量。

地三、見劣

若見年德俱卑劣者，隨力隨能，勸修勝德，顯實少德，覆實多過，終不舉發令其恥愧，亦不輕陵令心退沒，知有希求若財若法，終不背面亦不鬻蹙，不譏誤失，不蔑退榮。

天二、由攝受他（分四）

地一、於現攝受（分三）

玄一、攝以財法

於是一切劣等勝品諸有情類，若見彼時，先意慰問，讚言：善來！無倒安處，能正隨力攝以財法。

玄二、不自高慢

雖處尊勝，而於有情終不乖戾，不自珍奇，亦不憍傲。

玄三、作諸饒益

所攝有情縱懷資給，有病無病終不棄捐，身業語業無不隨順。若識不識，一切等心，為友為朋，無怨無隙。

地二、於作依怙

於無依怙一切有情，隨力隨能作依作怙，不託異門發他憂苦，令彼須臾住不安樂。若有因緣，須現談諷，稱理而為，非不稱理。

地三、於恩親所

雖遇情交極相親密，年事斯等無乖隔者，亦不共談匪仁言論。

地四、於怨諦所

終不於他久懷忿恨，設復暫起不斥其諱。若復為他，身語訾辱，或善思擇，或依正法，或省己過而自開解，不譴於他。

亥二、顯應知

其心安靜而不輕躁，身語意業，起必審詳，普能遠離十四垢業，藏隱六方，遠四惡友，攝四善友。

戌二、指說

如是一切，應知具如《尸佉絡迦契經》中說。

酉二、於現利事（分二）

戌一、自利攝（分三）

亥一、平等養命

或為現法利益事義財位相應，起策具足，守護具足，平等養命。

亥二、如法求財

於諸世間工巧業處皆得善巧，無諂無幻，性不誑他。

亥三、不毀犯戒

於罪現行深懷慚恥，正行具足，尊重正行，守護正行。

戌二、利他攝（分六）

亥一、不欺罔他

有所寄付深可倚信，於他財物無所規度，舉貸他物終不違捍，分所，共財平等無矯，共知真寶，賣者不識稱寶酬價，無枉毫釐。

亥二、隨順世範

於世時務令儀軌範，為益世間辯正機捷。

亥三、為作助伴

於所應作彼彼事中，他正來求皆為助伴，敦質無動不託餘緣，善營事業，非為不善。

亥四、以法治世

若為帝王以法治世，不以非法不好責罰。

亥五、善御大眾

若御大眾，勸捨惡戒，令修善戒。

亥六、不誑惑他

成就八種賢聖語言，謂於所見，問答言見；於聞、覺、知，問答言知；於所不見，問答不見；於所不聞、不覺、不知，問答不知。

未二、結略義

菩薩成就如是等法，如其世間正所應知，如其世間正所應轉，於彼一切皆如實知，是故名為善知世間。

瑜伽師地論卷第四十五

巳六、修正四依（分二）

午一、徵

云何菩薩修正四依？

午二、釋（分二）

未一、辨四相（分二）

申一、辨（分四）

酉一、依義

謂諸菩薩為求義故，從他聽法，不為求世藻飾文詞。菩薩求義不為求文，而聽法時，雖遇常流言音說法，但依於義，恭敬聽受。

酉二、依法（分二）

戌一、標簡

又諸菩薩如實了知闡說、大說，如實知己，以理為依，不由耆長眾所知識補特伽羅，若佛、若僧所說法故，即便信受，是故不依補特伽羅。

戌二、釋依

如是菩薩，以理為依，補特伽羅非所依故，於真實義心不動搖，於正法中他緣匪奪。

酉三、依了義經（分二）

戌一、明不可引

又諸菩薩於如來所，深殖正信、深殖清淨，一向澄清淨，唯依如來了義經典非不了義，了義經典為所依故，於佛所說法毘奈耶不可引奪。

戌二、釋其所以

何以故？以佛所說不了義經依種種門辯本性義，猶未決定尚生疑惑，非了義故。若諸菩薩於了義經不決定者，於佛所說法毘奈耶猶可引奪。

酉四、依真證智（分二）

戌一、標簡

又諸菩薩於真證智，見為真實，非於聞、思，但識法義，非真證智。

戌二、釋依

是諸菩薩如實了知：修所成智所應知者，非唯聞、思所成諸識，所能了達。如實知己，聞如來說最極甚深所有法義，終不誹毀。

申二、結

是名菩薩修正四依。

未二、攝要義（分二）

申一、略顯四量

依正四依善修習，故略顯四量，謂所說義、正理、大師、修所成慧真實證智。

申二、明能出離

又諸菩薩一切四依為所依止，精勤發起正加行，故於出要道，明了開示，無有迷惑。

巳七、修四無礙解（分二）

午一、徵

云何菩薩所修菩薩四無礙解？

午二、釋（分二）

未一、顯差別（分四）

申一、法無礙解

謂諸菩薩於一切法一切異門，盡所有性、如所有性，依修所成無所滯礙無退轉智，是名菩薩法無礙解。

申二、義無礙解

又諸菩薩於一切法一切異相，盡所有性、如所有性，依修所成無所滯礙無退轉智，是名菩薩義無礙解。

申三、辭無礙解

又諸菩薩於一切法一切釋詞，盡所有性、如所有性，依修所成無所滯礙無退轉智，是名菩薩詞無礙解。

申四、辯無礙解

又諸菩薩於一切法一切品別，盡所有性、如所有性，依修所成無所滯礙無退轉智，是名菩薩辯無礙解。

未二、明勝利（分二）

申一、獲五善巧

若諸菩薩依是菩薩四無礙解，應知獲得無量最勝五處善巧：

一蘊善巧；

二界善巧；

三處善巧；

四緣起善巧；

五處非處善巧。

申二、覺諸法等

菩薩由此四種行相，於一切法自能妙善現正等覺，亦善為他無倒開示，此上無有自能妙善現正等覺，況善為他無倒開示！

巳八、菩提資糧（分三）

午一、徵起

云何菩薩菩提資糧？

午二、標列

當知如是菩提資糧略有二種：

一者福德資糧；

二者智慧資糧。

午三、略釋（分二）

未一、指相

此二資糧廣分別義，如前所說「自他利品」，應知其相。

未二、辨品

又此福德智慧資糧，菩薩於初無數大劫所修習者，應知名下。

若於第二無數大劫所修習者，應知名中。

若於第三無數大劫所修習者，應知名上。

巳九、修三十七菩提分法（分二）

午一、徵

云何菩薩於三十七菩提分法精勤修習？

午二、釋（分二）

未一、略顯（分二）

申一、標不作證

謂諸菩薩依止菩薩四無礙解，由善方便所攝妙智，於三十七菩提分法，如實了知而不作證。

申二、釋如實知

是諸菩薩普於一切二乘理趣三十七種菩提分法，皆如實知，謂於聲聞乘理趣，及於大乘理趣三十七種菩提分法，皆如實知。

未二、廣辨（分二）

申一、於聲聞乘

於聲聞乘理趣三十七種菩提分法，如實了知，如「聲聞地」，如前所說一切應知。

申二、於菩薩乘（分二）

酉一、徵

云何菩薩於大乘理趣三十七種菩提分法，如實了知？

酉二、釋（分二）

戌一、修念住等（分二）

亥一、舉身住念（分二）

天一、依勝義

謂諸菩薩能於其身住循身觀，不於其身分別有性，亦不分別一切種類都無有性。

又於其身，遠離言說自性法性，如實了知，當知名依勝義理趣能於其身住循身觀修習念住。

天二、依世俗

若諸菩薩隨順無量，安立理趣妙智而轉，當知名依世俗理趣能於其身

住循身觀修習念住。

亥二、例餘住等

如於其身住循身觀修習念住，如是所餘一切念住，所餘一切菩提分法當知亦爾。

戌二、緣諦修習（分二）

亥一、依勝義

如是菩薩於身等法，不分別苦、不分別集、不分別此所作斷滅、不分別此得滅因道。

又即於此遠離言說自性法性，若苦法性、若集法性、若滅法性、若道法性，如實了知，當知名依勝義理趣修菩提分為所依止緣諦修習。

亥二、依世俗

若諸菩薩隨順無量，安立理趣妙智而轉，當知名依世俗理趣緣諦修習。

巳十、修習止觀（分二）

午一、別釋（分二）

未一、自性（分二）

申一、名止

此中，菩薩即於諸法無所分別，當知名止。

申二、名觀

若於諸法勝義理趣如實真智，及於無量安立理趣世俗妙智，當知名觀。

未二、差別（分二）

申一、止（分三）

酉一、標

此中，菩薩略有四行，當知名止。

酉二、列

一勝義世俗智前行；

二勝義世俗智果；

三普於一切戲論想中無功用轉；

四即於如是離言唯事，由無有相無所分別，其心寂靜，趣向一切法平等性、一味實性。

酉三、結

由此四行，是諸菩薩止道運轉，漸次乃至能證無上正等菩提，智見圓滿。

申二、觀（分三）

酉一、標

此中，菩薩略有四行，當知名觀。

酉二、列

謂即四行止道前行，於一切法遠離增益不正執邊；遠離損減不正執邊，及與隨順無量諸法差別，安立理趣妙觀。

酉三、結

由此四行，是諸菩薩觀道運轉，漸次乃至能證無上正等菩提，智見圓滿。

午二、總結

是名略說菩薩止觀。

巳十一、方便善巧（分五）

午一、徵

云何菩薩方便善巧？

午二、標

當知略說有十二種。

午三、列

依內修證一切佛法，有其六種，依外成熟一切有情，亦有六種。

午四、釋（分二）

未一、內證佛法（分三）

申一、徵

云何依內修證一切佛法六種方便善巧？

申二、列

- 一者菩薩於諸有情，悲心俱行顧戀不捨；
- 二者菩薩於一切行，如實遍知；
- 三者菩薩恒於無上正等菩提所有妙智，深心欣樂；
- 四者菩薩顧戀有情為依止故，不捨生死；
- 五者菩薩於一切行，如實遍知為依止故，輪轉生死而心不染；
- 六者菩薩欣樂佛智為依止故，熾然精進。

申三、結

當知是名菩薩依內修證一切佛法六種方便善巧。

未二、外熟有情（分三）

申一、徵

云何依外成熟一切有情六種方便善巧？

申二、列

- 一者菩薩方便善巧，能令有情以少善根感無量果；

二者菩薩方便善巧，能令有情少用功力引攝廣大無量善根；
三者菩薩方便善巧，於佛聖教憎背有情除其恚惱；
四者菩薩方便善巧，於佛聖教處中有情令其趣入；
五者菩薩方便善巧，於佛聖教已趣入者令其成熟；
六者菩薩方便善巧，於佛聖教已成熟者令得解脫。

申三、辨（分三）

酉一、以少善根感無量果（分三）

戌一、徵

云何菩薩方便善巧令諸有情以少善根感無量果？

戌二、釋

謂諸菩薩方便善巧，勸諸有情，捨微劣物乃至最下唯一糞團，施鄙穢田乃至蠢動傍生之類，作是施已迴求無上正等菩提。

戌三、結

如是善根物田雖下，由迴向力感無量果。

酉二、以少功力攝廣大善（分三）

戌一、徵

云何菩薩方便善巧，令諸有情以少功力引攝廣大無量善根？

戌二、釋（分十四）

亥一、受正齋戒

謂諸菩薩方便善巧，若有信解受邪齋戒，乃至一月都不食等諸有情類，為說八支聖齋戒法，令其棄捨最極艱辛感非愛果受邪齋戒，勸令修學無極艱辛感大愛果受正齋戒。

亥二、說中道行

若諸有情修自苦行，精勤無懈，起邪方便欲求解脫，為說中道，令離二邊，使其趣入。

亥三、說正靜慮

若諸有情求欲生天，起邪方便，投巖、赴火、斷飲食等，為其宣說無倒靜慮，令彼獲於現法樂住，逮得當來無諸艱苦與喜樂俱生天勝果。

亥四、勸入聖教

若諸有情信婆羅門吠地迦咒，妄計精勤，受持讀誦得究竟淨，方便勸令於佛聖教，受持讀誦，思惟其義。

亥五、說甚深法

又正為他如是如是宣揚開示如來所說甚深空性相應妙法，令彼發生勇決厭離猛利淨信，但由如是一剎那頃厭離淨信俱行善心，尚能攝受不

可稱數廣大善根，況其相續！

亥六、勸行供養

又諸菩薩世間所有種種上妙珍寶香鬘諸供養具，起淨信俱增上意樂，於佛法僧勝解供養，亦勸導他令行如是勝解供養。

亥七、隨喜供養

又於十方一切世界一切供養佛法僧所，即以如是淨信俱行增上意樂，周匝普緣，深生隨喜，亦勸導他作是隨喜。

亥八、勸修六念

又諸菩薩恒常修習念佛、念法乃至念天，亦勸導他令修六念。

亥九、勸行意禮

又諸菩薩意言分別，禮佛法僧乃至命終時無虛度，亦勸導他行此禮業。

亥十、勸喜福業

又諸菩薩普於十方一切有情一切福業悉皆隨喜，亦勸導他作是隨喜。

亥十一、勸具悲願

又諸菩薩普於十方一切有情，入廣大悲增上意樂，願以自身皆代彼受一切憂苦，亦勸導他興此悲願。

亥十二、勸悔所犯

又諸菩薩過去、現在一切誤失、一切違犯，以淨調柔，愛樂隨順所學戒心，想對十方佛世尊所，至誠發露，悔往修來，亦勸導他，令行是事，如是數數發露所犯，少用功力，一切業障皆得解脫。

亥十三、化攝福聚

又諸菩薩已具神通得心自在，普於十方佛法僧所及有情處，化作眾多種種化事，攝受無量大福德聚。

亥十四、勸修無量

又諸菩薩恒常修習慈悲喜捨，亦勸導他作此修習。

戌三結

如是菩薩，以少功力，引攝廣大無量善根諸勝妙果。

西三、令除恚惱及趣入等(分四)

戌一、總徵

云何菩薩方便善巧，於佛聖教憎背有情，除其恚惱？處中住者，令其趣入？已趣入者，令其成熟？已成熟者，令得解脫？

戌二、標列

謂諸菩薩為欲成辦如是四種有情義利，當知略說復有六種方便善巧：一者隨順會通方便善巧；

二者共立要契方便善巧；
三者異分意樂方便善巧；
四者逼迫所生方便善巧；
五者施恩報恩方便善巧；
六者究竟清淨方便善巧。

戌三、隨釋（分六）

亥一、隨順會通方便善巧

天一、徵

云何菩薩隨順會通方便善巧？

天二、釋（分二）

地一、隨順（分二）

玄一、為說正法

黃一、先除恚惱

謂諸菩薩於彼有情將為說法，先當方便，隨順現行軟美身語，亦復現行近施隨轉，除彼於己所生恚惱，彼恚惱除，便生愛敬。

黃二、次說正法

愛敬生已，於法起樂，然後為其宣說正法，所說正法如其所宜，易入易解，應時漸次，無有顛倒，能引義利，堪任難擊。

黃三、漸令調伏

於彼有情調伏事中，成就最勝欲作饒益哀愍之心，為現神通，記心顯說如理正法，或勸請他，或為化作種種眾多殊特化事，令彼有情皆悉調伏。

黃四、令能受持

若引義利，極略諸論能為廣辯。若引義利，極廣諸論能為略說，令其受持，為作憶念，施其問難，彼既於法能受能持；復進為其廣開正義。

玄二、為作教授教誡

又於趣入遍緣一切三摩地門，能為隨順教授教誡，攝益有情令修利行。

地二、會通（分三）

玄一、總標所為

若諸有情於佛所說甚深空性相應經典，不解如來密意義趣，於此經中說：「一切法皆無自性，皆無有事，無生無滅」，說：「一切法皆等虛空，皆如幻夢」，彼聞是已，如其義趣不能解了，心生驚怖，誹謗如是一切經典，言非佛說！菩薩為彼諸有情類，方便善巧如理會通如是經中如來密意甚深義趣，如實和會，攝彼有情。

玄二、正會經義 黃一、會初說

字一、無自性義

菩薩如是正會通時，為彼說言，此《經》不說：一切諸法都無所有；但說：諸法所言自性都無所有，是故說言：一切諸法皆無自性。

字二、無有事義

雖有一切所言說事，依止彼故諸言說轉，然彼所說可說自性，據第一義非其自性，是故說言：一切諸法皆無有事。

字三、無生滅義

一切諸法所言自性理既如是，從本已來都無所有，當何所生？當何所滅？是故說言：一切諸法無生無滅。

黃二、會後說

字一、如虛空義（分二）

宙一、舉虛空相（分二）

洪一、容受

譬如空中，有眾多色色業可得，容受一切諸色色業，謂虛空中，現有種種若往、若來、若住、起墮、屈伸等事。

洪二、清淨

若於爾時諸色色業皆悉除遣，即於爾時唯無色性，清淨虛空其相顯現。

宙二、喻離言事（分二）

洪一、言說所行

如是即於相似虛空「離言說事」，有其種種「言說所作邪想分別，隨戲論著」，似色業轉。

又即如是一切「言說邪想分別，隨戲論著」似眾色業，皆是似空「離言說事」之所容受。

洪二、聖智所行

若時菩薩以妙聖智，遣除一切「言說所起邪想分別，隨戲論著」，爾時菩薩最勝聖者，以妙聖智證得諸法「離言說事」，唯有一切言說自性，非性所顯，譬如虛空清淨相現，亦非過此，有餘自性應更尋求，是故宣說一切諸法皆等虛空。

字二、如幻夢義（分二）

宙一、釋（分二）

洪一、舉如幻夢

又如幻夢，非如顯現如實是有，亦非一切幻夢形質都無所有。

洪二、喻一切法

如是諸法，非如愚夫言說串習勢力所現，如實是有，亦非一切諸法勝義離言自性，都無所有。

宙二、結

由此方便悟入道理，一切諸法非有、非無，猶如幻夢，其性無二，是故宣說：一切諸法皆如幻夢。

玄三、結顯正知

如是菩薩普於一切諸法法界，不取少分、不捨少分，不作損減、不作增益，無所失壞。若法實有知為實有。若法實無知為實無，如其所知，如是開示。

天三、結

當知是名菩薩隨順會通方便善巧。

亥二、共立要契方便善巧

天一、徵

云何菩薩共立要契方便善巧？

天二、釋（分六）

地一、於施資

謂諸菩薩若見有情求飲食等諸資身具，即便共彼立要契言：「汝等若能知父母恩，恭敬供養，及諸沙門婆羅門等，廣說如前，乃至若能受持淨戒，如是我當隨汝所欲，施飲食等諸資身具，如其不能我不施汝。」

地二、於施田等作助伴

如是菩薩若見有情來求種種田事、宅事、諸闡闡事、王事、域事、財事、穀事，或有來求諸工業處及諸明處，或有來求共為朋友，或有來求共結婚媾，或有來求共作邑會，或有來求助營事業，菩薩共彼立要契言：汝等若能知父母恩，恭敬供養，如前廣說，如是我當施汝田宅，廣說乃至助營事業。

地三、於脫厄難

又諸菩薩若見有情有諸愆犯，或被舉訟，或作種種不饒益事為他所拘，將欲刑縛、斷截、搥打、毀辱、迫脅、驅擯、流移，或他所執欲捶縛賣，菩薩爾時隨能隨力立要契言：汝等若能知父母恩，恭敬供養，如前廣說，如是我當方便救汝，令脫斯難。

地四、於救怖畏

又諸菩薩若見有情遭遇種種王賊、水、火、人及非人不活、惡名諸怖畏等，爾時菩薩立要契言：汝等若能知父母恩，恭敬供養，如前廣說，

如是我當方便救汝，令免斯畏。

地五、於遂求願

又諸菩薩若見有情欲所愛會，求非愛離，爾時菩薩立要契言：汝等若能知父母恩，恭敬供養，如前廣說，如是我當遂汝所願，令所愛會及非愛離。

地六、於救病苦

又諸菩薩若見有情為疾所苦，立要契言：汝等若能知父母恩，恭敬供養，如前廣說，如是我當救汝病苦，令得安樂。

天三、結

彼諸有情既為菩薩如是立要，於諸善品速疾受學，於諸惡品速疾除斷，菩薩皆能遂其所願，當知是名菩薩共立要契方便善巧。

亥三、異分意樂方便善巧

天一、徵

云何菩薩異分意樂方便善巧？

天二、釋（分二）

地一、於立要契有情所

玄一、別現異相

黃一、不施所求

謂諸菩薩與諸有情立要契已，彼諸有情於上所說彼彼事中，不如所欲速疾修行，菩薩爾時，於如上說彼所求事，皆不施與，唯為利益彼有情故，非餘意樂而不施彼。

黃二、不救難等

如是於其諸厄難處、諸怖畏處、欲所愛會、求非愛離、病苦所惱諸有情類，權時棄捨，唯為利益彼有情故，非異意樂而棄捨之，非異意樂而不救拔。

玄二、總明方便

如是菩薩於諸有情，方便現行剛捍業時，唯為利益非餘意樂，漸令餘時，如其所欲，斷除諸惡，修學諸善，是故方便權時棄捨。

地二、於先親厚有情所

玄一、隨宜勸導

若諸有情於菩薩所，雖無所求亦無眾難，廣說乃至無諸病苦，而與菩薩先為親厚，菩薩於彼隨宜勸導，斷諸惡法，修諸善法，所謂令彼知父母恩，恭敬供養，廣說乃至於淨尸羅，隨順受學。

玄二、現異分相

若彼有情雖蒙菩薩如是勸導，故肆輕躁而不奉行，菩薩爾時自現憤責，唯欲利益非憤意樂，於諸所作悉現乖背，唯為利益非背意樂，或於一類現與世間不饒益事，唯為利益非損意樂。

天三、結

如是菩薩於諸有情現外所作，與內意樂相不同分，由是因緣方便安處，令彼有情，漸斷諸惡漸修諸善，是故菩薩如是調伏有情方便，名為菩薩異分意樂方便善巧。

亥四、逼迫所生方便善巧

天一、徵

云何菩薩逼迫所生方便善巧？

天二、釋（分二）

地一、如應告誡

謂諸菩薩或為家主、或作國王，得增上力，於自親屬、於自臣民能正教誡，如應告言：諸我親屬、諸我臣民！若於父母不知恩報，廣說乃至毀犯戒者，我當斷其常所給賜衣服、飲食，或當捶罰，或我親屬當與乖離，或我臣民當永驅擯。

地二、方便伺察

立一善巧機捷士夫，於彼事業，常令伺察。

天三、結

由是因故，彼諸有情怖畏治罰，勤斷諸惡，勤修諸善，彼於修善雖無樂欲，由是方便強逼令修，是故名為逼迫所生方便善巧。

亥五、施恩報恩方便善巧

天一、徵

云何菩薩施恩報恩方便善巧？

天二、釋

謂諸菩薩先於有情，隨力多少施作恩惠，或施所須、或濟厄難、或除恐怖、或會所愛、或離非愛、或療病苦令得安樂。彼諸有情深知恩惠欲報德者，菩薩爾時，勸令修善以受報恩，告言：汝等非餘世財來相酬遺，為大報恩，汝等若能知父母恩，恭敬供養，廣說乃至受持淨戒，如是乃名大報恩德。

天三、結

菩薩如是於諸有情先施恩惠，勸讚修善，名大報恩。

由此方便，令他於善精勤修學，是故名為施恩報恩方便善巧。

亥六、究竟清淨方便善巧

天一、徵

云何菩薩究竟清淨方便善巧？

天二、釋（分六）

地一、現生睹史多天

謂諸菩薩安住菩薩到究竟地，於菩薩道已善清淨，先現往生睹史多天眾同分中，無量有情如是念言：某名菩薩，今已生處睹史多天眾同分中，不久當下生瞻部洲，證得無上正等菩提，願令我等當得值遇，非不值遇，隨是菩薩所生之處，願令我等亦當往生！如是為令無量有情，生正欲樂，為多修習此欲樂故。

地二、現生王家出家

又是菩薩從睹史多天眾中沒來下人間，生於高貴或族望家，所謂王家若國師家，棄捨世間上妙欲樂無所顧戀清淨出家，令諸有情起尊敬故。

地三、現受難行苦行

又現誓受難行苦行，為令信解苦行有情捨所樂故。

地四、現證無上菩提

又證無上正等菩提，令餘有情於所同趣菩提解脫，欣殊勝故。

地五、現待梵王請說

又證無上正等覺已，未為有情即說正法，待梵天王躬來啟請，為諸有情於正法所起尊敬故，作是念言：當所說法，定應殊妙，故今梵王悌望世尊說是法故，躬自來請。

地六、現以大悲觀察

又以佛眼觀察世間，勿使有情作如是謗：「但由梵王躬來啟請，敬梵王故宣說正法，非於有情自起悲心，乃是為他之所激發，非自能了機宜可否」，為欲壞彼一類有情如是邪執，先以佛眼觀察世間，然後為轉無上法輪，一切世間所未曾轉，如是更復宣說正法制立學處。

天三、結

是名菩薩究竟清淨方便善巧，由此所說方便善巧，更無有餘方便善巧在於此上若過若妙，是故說名究竟清淨。

戌四、總結

如是菩薩所說六種，若略若廣方便善巧，能除憎背聖教有情所有患惱，處中住者令其趣入，已趣入者令其成熟，已成熟者令得解脫，除此無有若過若增。

午五、結

是名菩薩方便善巧。

巳十二、妙陀羅尼（分四）

午一、徵

云何菩薩妙陀羅尼？

午二、標

當知如是妙陀羅尼略有四種。

午三、列

一者法陀羅尼；

二者義陀羅尼；

三者咒陀羅尼；

四者能得菩薩忍陀羅尼。

午四、釋（分二）

未一、別辨相（分四）

申一、法陀羅尼（分三）

酉一、徵

云何菩薩法陀羅尼？

酉二、釋

謂諸菩薩獲得如是念慧力持，由此力持，聞未曾聞，言未溫習、未善通利名句文身之所攝錄，次第錯綜，次第結集無量經典，經無量時，能持不忘。

酉三、結

是名菩薩法陀羅尼。

申二、義陀羅尼（分三）

酉一、徵

云何菩薩義陀羅尼？

酉二、釋（分二）

戌一、指前說

謂如前說。

戌二、簡差別

此差別者，即於彼法無量義趣，心未溫習、未善通利，經無量時，能持不忘。

酉三、結

是名菩薩義陀羅尼。

申三、咒陀羅尼（分三）

酉一、徵

云何菩薩咒陀羅尼？

酉二、釋

謂諸菩薩獲得如是等持自在，由此自在加被，能除有情災患諸咒章句，令彼章句悉皆神驗、第一神驗，無所唐捐，能除非一種種災患。

酉三、結

是名菩薩咒陀羅尼。

申四、能得菩薩忍陀羅尼（分三）

酉一、徵

云何菩薩能得菩薩忍陀羅尼？

酉二、釋（分三）

戌一、標能得因

謂諸菩薩成就自然堅固因行，具足妙慧，獨處空閑，寂無言說，曾無有物見路而行，知量而食、不雜穢食一類而食，常極靜慮，於夜分中少眠多寤，於佛所說得菩薩忍諸咒章句，能諦思惟。

戌二、正顯通達（分二）

亥一、於咒章句（分二）

天一、舉其咒詞

其咒詞曰：

壹胝，蜜胝，吉胝，毘羸底(丁里反)，鉢陀膩，莎訶。

天二、通達咒義

即於如是咒章句義，審諦思惟，籌量觀察，彼於如是咒章句義，如是正行，不從他聞自然通達，了知如是諸咒章句都無有義，是圓成實，但唯無義，如實了知此章句義，所謂無義，是故過此不求餘義，齊此名為妙善通達咒章句義。

亥二、於一切法（分二）

天一、標隨無義

彼於如是咒章句義正通達已，即隨此義不從他聞，自正通達一切法義。

天二、釋離言性

謂於此義如是通達，一切言說所說諸法，自性之義皆不成實。唯有諸法離言自性，是自性義。彼於諸法此自性義正通達已，過此更無餘義可求，由於此義善通達故，獲得最勝廣大歡喜。

戌三、明已得忍

由是菩薩得陀羅尼，當言已得此陀羅尼章句所立菩薩勝忍，得此忍故，是諸菩薩不久當得淨勝意樂，已依上品勝解行地勝忍而轉。

酉三、結

當知是名菩薩所有能得菩薩忍陀羅尼。

未二、總料簡（分二）

申一、所得差別（分二）

酉一、前三陀羅尼（分二）

戌一、舉法義二陀羅尼

此中，菩薩法陀羅尼、義陀羅尼，若過第一無數大劫，已入清淨勝意樂地，所得決定、堅住、廣大。從此以下，或以願力、或依靜慮，雖有獲得而不決定，亦不堅住、亦不廣大。

戌二、例咒陀羅尼

如說法、義二陀羅尼，咒陀羅尼當知亦爾。

酉二、後一陀羅尼

能得菩薩忍陀羅尼，如前所釋，即如是得。

申二、能得功德（分三）

酉一、標

若諸菩薩具四功德，方獲如是諸陀羅尼，非隨闕一。

酉二、徵

何等名為四種功德？

酉三、列

一者於諸欲中無所貪著；

二者於他勝事不生妬忌不嫉他榮；

三者一切所求等施無悔；

四者於正法中深生忻樂，忻樂法者，於菩薩藏及菩薩藏摩怛理迦深心愛樂。

巳十三、所修正願（分四）

午一、徵

云何菩薩所修正願？

午二、標

當知此願略有五種。

午三、列

一者發心願；

二者受生願；

三者所行願；

四者正願；

五者大願。

午四、釋（分五）

未一、發心願

若諸菩薩於其無上正等菩提最初發心，是名發心願。

未二、受生願

若諸菩薩願於當來往生隨順饒益有情諸善趣中，是名受生願。

未三、所行願

若諸菩薩願能無倒思擇諸法，願於境界修無量等殊勝善法，是名所行願。

未四、正願

若諸菩薩願於當來攝受一切菩薩善法，攝受一切所有功德。若總若別所有正願，是名正願。

未五、大願（分二）

申一、標

菩薩大願當知即從正願所出，此復十種。

申二、釋（分十）

酉一、供養諸佛

若諸菩薩願於當來，以一切種上妙供具，供養無量無邊如來，當知是名第一大願。

酉二、護持正法

若諸菩薩願於當來，攝受防護諸佛世尊所有正法，傳持法眼令無斷壞，當知是名第二正願。

酉三、示現出世

若諸菩薩願於當來，從睹史多天宮降下如前乃至入大涅槃，當知是名第三大願。

酉四、攝受善法

若諸菩薩願於當來，行一切種菩薩正行，當知是名第四大願。

酉五、成熟有情

若諸菩薩願於當來，普能成熟一切有情，當知是名第五大願。

酉六、遍作佛事

若諸菩薩願於當來，一切世界皆能示現，當知是名第六大願。

酉七、淨修佛土

若諸菩薩願於當來，普能淨修一切佛土，當知是名第七大願。

酉八、同趣大乘

若諸菩薩願於當來，一切菩薩皆同一種意樂加行趣入大乘，當知是名第八大願。

酉九、功不唐捐

若諸菩薩願於當來，所有一切無倒加行皆不唐捐，當知是名第九大願。

酉十、速證菩提

若諸菩薩願於當來，速證無上正等菩提，當知是名第十大願。

巳十四、三三摩地（分二）

午一、別辨相（分三）

未一、空三摩地（分三）

申一、徵

云何菩薩空三摩地？

申二、釋

謂諸菩薩觀一切事遠離一切言說自性唯有諸法離言自性，心正安住。

申三、結

是名菩薩空三摩地。

未二、無願三摩地（分三）

申一、徵

云何菩薩無願三摩地？

申二、釋

謂諸菩薩即等隨觀離言自性所有諸事，由邪分別所起煩惱及以眾苦所攝受故，皆為無量過失所污，於當來世不願為先心正安住。

申三、結

是名菩薩無願三摩地。

未三、無相三摩地（分三）

申一、徵

云何菩薩無相三摩地？

申二、釋

謂諸菩薩即正思惟離言自性所有諸事一切分別戲論眾相，永滅寂靜，如實了知，心正安住。

申三、結

是名菩薩無相三摩地。

午二、總料簡（分二）

未一、明建立（分二）

申一、問

問：何故唯立三三摩地，無過、無增？

申二、答（分二）

酉一、總標法

答：法有二種，謂有、非有。

有為、無為名之為有，我及我所名為非有。

酉二、別配依（分三）

戌一、無願三摩地

於有為中，有無願故，可厭逆故，當知依此建立無願三摩地。

戌二、無相三摩地

於無為中，願涅槃故，正樂攝故，當知依此建立無相三摩地。

戌三、空三摩地

於非有事，菩薩不願、亦無無願，然於非有，菩薩如實見為非有，依此見故，當知建立空三摩地。

未二、辨了知（分二）

申一、於自乘

如是菩薩於此三種三摩地中，精勤修學，於是建立如實了知。

申二、於餘乘

於餘行相三三摩地，如實悟入，安立理趣，如實悟入，修習理趣如實了知，謂於其中諸聲聞眾，精勤修學及圓滿證。

瑜伽師地論卷第四十六

巳十五、四種法唄陀南（分四）

午一、標

復有四種法唄陀南，諸佛菩薩欲令有情清淨故說。

午二、徵

何等為四？

午三、列

一切諸行皆是無常，是名第一法唄陀南；

一切諸行皆悉是苦，是名第二法唄陀南；

一切諸法皆無有我，是名第三法唄陀南；

涅槃寂靜，是名第四法唄陀南。

午四、釋（分二）

未一、法唄陀南（分三）

申一、第一義

諸佛菩薩多為有情宣說如是法相應義，是故說名法唄陀南。

申二、第二義

又從曩昔其心寂靜諸牟尼尊，於一切時展轉宣說，是故說此名唵柁南。

申三、第三義

又此行跡能趣大生，亦復能趣出第一有，是故說此名唵柁南。

未二、辨四種法（分四）

申一、諸行無常（分三）

酉一、徵

云何菩薩等隨觀察一切諸行皆是無常？

酉二、釋（分二）

戌一、以正觀察（分二）

亥一、總觀無常（分二）

天一、無性無常

謂諸菩薩觀一切行言說自性於一切時常無所有，如是諸行常不可得，故名無常。

天二、生滅無常

又即觀彼離言說事，由不了知彼真實故，無知為因生滅可得，如是諸行離言自性有生有滅，故名無常。

亥二、別觀四相（分二）

天一、依三世觀（分三）

地一、過去

又諸菩薩觀過去行已生已滅，由彼諸行無因可得亦無自性，是故觀彼因性自性皆無所有。

地二、現在

觀現在行已生未滅，由彼諸行因不可得已與果故，自性可得猶未滅故，是故觀彼自性是有而無有因。

地三、未來

觀未來行未生未滅，由彼諸行有因可得未與果故，無有自性猶未生故，是故觀彼唯有因性而無自性。

天二、依剎那觀（分二）

地一、別辨相（分三）

玄一、標

菩薩如是見三世中分段諸行相續轉已，等隨觀見一一剎那有為諸行，皆有三種有為之相，於剎那後復有第四有為之相。

玄二、釋（分二）

黃一、正觀四相

即於此中，前剎那行自性滅壞，無間非先諸行剎那自性生起，正觀為生，諸行生已即時未壞，正觀為住，此已生行望前已滅諸行，剎那自性別異，正觀為老，從此諸行生剎那後，即此已生諸行剎那自性滅壞，正觀為滅。

黃二、觀唯諸行

菩薩觀此已生剎那諸行自性，即是生住老之自性，不見生等別有自性，如實觀見生剎那後即此生等諸行剎那自性滅壞無別有性。

玄三、結

如是四種有為之相，總攝諸行。

地二、出要義（分二）

玄一、標列

以要言之，二分所顯：

一者有分所顯；

二者無分所顯。

玄二、隨釋

此中，世尊依於有分建立一種有為之相；

依於無分建立第二有為之相；

住異二種俱是諸行有分所顯，建立第三有為之相。

戌二、決擇所觀（分二）

亥一、依自他教（分二）

天一、顯自（分三）

地一、標

此中，菩薩觀一切時唯有諸行除此更無生住老滅，恒有實物自性成就。

地二、徵

何以故？

地三、釋

諸行生時唯即如是諸行可得，無別有餘生住老滅，如是諸行住老滅時，唯即如是諸行可得，無別有餘生住老滅。

天二、簡他（分二）

地一、標義

又諸菩薩以理推求生等實物，亦不可得。

地二、舉難（分二）

玄一、略辨四相

黃一、學生相

字一、二生難

如是推求不可得者，謂若離彼色等諸行別有生法，是即應如色等諸行自體有生，如是此生亦應有生，如是即應有二種生，一者行生，二者生生。

字二、一異難

如是行生與彼生生，為一？為異？

若言一者計生實有，即為唐捐，言別有生，是實物有，不應道理。

若言異者，如是即應非行生生，是行生生，不應道理。

黃二、例住等

如說生相，如是廣說住、老、滅相，當知亦爾。

亥二、別廣滅相

黃一、標義

謂若滅法別有自性是實成就，即應此滅有生有滅。

黃二、設難(分二)

字一、有生難

若滅生時，一切諸行皆應同滅，如是即應少用功力，如入滅定諸心、心所一切皆滅。

字二、有滅難

若滅滅時一切諸行雖皆已滅。

復應還生，以滅無故。

黃三、結非

是故言滅，有生有滅，不應道理。

亥二、依修厭等

又善男子或善女人，於一切時恒有實物自性成就，觀為假有，而能修厭離欲解脫，不應道理，與此相違是應道理。

酉三、結

由此行相是諸菩薩如實了知一切諸行皆是無常。

申二、諸行皆苦(分三)

酉一、標

又諸菩薩觀無常行相續轉時，能為三種苦所依止。

酉二、列

一者行苦；

二者壞苦；

三者苦苦。

酉三、結

如是菩薩如實了知一切諸行皆悉是苦。

申三、諸法無我（分四）

酉一、標

又諸菩薩如實了知有為無為一切諸法二無我性。

酉二、列

一者補特伽羅無我性；

二者法無我性。

酉三、釋（分二）

戌一、補特伽羅無我性

於諸法中補特伽羅無我性者，謂非即有法是真實有補特伽羅，亦非離有法別有真實補特伽羅。

戌二、法無我性

於諸法中法無我性者，謂於一切言說事中，一切言說自性諸法都無所有。

酉四、結

如是菩薩如實了知一切諸法皆無有我。

申四、涅槃寂靜（分二）

酉一、標相（分二）

戌一、於真實

又諸菩薩觀一切行，先因永斷後無餘滅，其餘畢竟不起不生，說名涅槃。當知涅槃其體寂靜，一切眾苦畢竟息故，一切煩惱究竟滅故。

戌二、於勝解

如是未得清淨增上意樂菩薩、未見聖諦諸聲聞乘，雖於涅槃發起勝解，如是說言涅槃寂靜，而於涅槃未如實解，未能如實正智見轉，然彼亦有如理作意。

酉二、舉喻（分二）

戌一、車喻（分二）

亥一、舉事（分三）

天一、第一時

譬如王子或長者子，生育已來，未出王宮長者內室。王及長者各為幼童假作種種諸戲樂具，鹿車、牛車、馬車、象車，而賜與之。爾時王子及長者子，用為嬉戲歡娛遊佚，即於如是假所造作鹿、牛、馬、象，

發起真實鹿想、牛想、馬想、象想。

天二、第二時

後於一時，王及長者，各知其子漸已長大諸根成熟，讚說真實鹿、牛、馬、象，爾時王子及長者子，聞父讚說作是念言：今者父王及父長者，將非讚說我等所有鹿、牛、馬、象四種車耶？

天三、第三時

復於後時，王及長者知子轉大，從內宮室引出外遊，示其真實鹿、牛、馬、象。時彼見已，內自發生如實慧解，此為實義鹿車、牛車、馬車、象車，父於長夜嘗為我等讚說斯事，然唯我等以無智故，於不如實唯彼相似唯彼影像，發起真實鹿等勝解，由是因緣於先勝解追起羞愧。

亥二、合法（分三）

天一、於初所說

如是宮室，喻於生死。其所生育諸幼童子，喻未證得清淨增上意樂菩薩，及未見諦諸聲聞乘。父喻諸佛及已證入大地菩薩，先為假作鹿、牛等車，喻為宣說涅槃鹿相。

天二、於次所說

次為讚說真實鹿等，喻佛菩薩自現證見真實涅槃，如其所見於彼菩薩及聲聞前，讚說涅槃真實功德。所餘喻彼既聞是已，但用隨順音聲覺慧，於涅槃德長夜勝解。

天三、於後所說

若於是時資糧成熟，漸次增長，成淨增上意樂菩薩、見諦聲聞，於真涅槃生現證智，即於爾時，發生自內如實慧解，如是涅槃，一切聲聞、獨覺所證，諸佛菩薩先所讚說：我等先以愚夫覺慧，於不如實唯彼相似、唯彼影像，發起真實涅槃勝解，由是因緣，於先勝解追生羞愧，依止於後，如實勝解。

戌二、藥喻（分二）

亥一、出有病者（分二）

天一、舉喻（分三）

地一、不了藥病

又如病者往大醫所，為除病故求隨順藥，得已常服，彼於是藥深生勝解深生愛樂，唯見為實，由是因緣先病除愈。復起餘病，應服餘藥。

地二、不聽勸捨

爾時大醫，知先病愈後病復生，更須餘藥，勸捨前藥令服餘藥。時彼病者愚癡無識，於前所服深生勝解，起所宜想，不肯棄捨。

地三、不信醫言

時大良醫為其宣說前後藥性，於現所病，前藥匪宜，後藥為勝。時有病者雖聞是語不生勝解，猶未深信良醫所言。

天二、合法

如是病者，喻諸凡夫菩薩、聲聞，為煩惱病之所執持。大良醫者喻諸如來。其良藥等，喻為宣說若上上勝及以上極、若深深勝及以深極、若劣若勝，及以勝極法教正教，教授教誡。彼雖聞已，不能悟入、不生勝解，不能修行法隨法行。

亥二、結有淨信

諸有淨信菩薩、聲聞，於佛所說不生疑惑，乘佛所說喻如一切支具圓滿妙莊嚴車，無上法乘，如善御者，隨所行地、隨所應到，疾疾進趣，無所稽留。

菩薩功德品第十八

卯二、菩薩功德（分二）

辰一、徵

云何菩薩所有功德？

辰二、釋（分四）

巳一、初唵柁南攝（分二）

午一、唵柁南標

唵柁南曰：

希奇不希奇，平等心饒益，報恩與欣讚，不虛加行性。

午二、長行釋（分七）

未一、甚希奇法（分四）

申一、標

謂諸菩薩於其無上正等覺乘勤修學時，應知有五甚希奇法。

申二、徵

何等為五？

申三、列

一者於諸有情，非有因緣而生親愛；
二者唯為饒益諸有情故，常處生死忍無量苦；
三者於多煩惱難復有情，善能解了調伏方便；
四者於極難解真實義理，能隨悟入；
五者具不思議大威神力。

申四、結

如是五種，菩薩所有甚希奇法，不與一切餘有情共。

未二、不希奇法（分三）

申一、標

又諸菩薩成就五種不希奇法，而名成就甚希奇法。

申二、徵

何等為五？

申三、釋（分五）

酉一、樂利他苦

謂諸菩薩以因利他苦，即為自己樂，是故菩薩恒遍受行因利他苦，是名菩薩成就第一不希奇法，而名成就甚希奇法。

酉二、樂受生死

又諸菩薩雖善了知生死過失涅槃功德，而樂普令有情清淨，即為己

樂，是故菩薩為淨有情增上力故誓受生死，是名菩薩成就第二不希奇法，而名成就甚希奇法。

西三、樂說正法

又諸菩薩雖善了知默然樂味而樂普令有情清淨，即為己樂，是故菩薩為淨有情增上力，故恒勤方便為說正法，是名菩薩成就第三不希奇法而名成就甚希奇法。

西四、樂行淨施

又諸菩薩雖積集六波羅蜜多所有善根而樂普令有情清淨，即為己樂，是故菩薩為淨有情增上力故，以淨意樂施諸有情，然不希求施果異熟，是名菩薩成就第四不希奇法而名成就甚希奇法。

西五、恒現利他

又諸菩薩以利他事為自利事，是故菩薩恒現受行一切有情利益之事，是名菩薩成就第五不希奇法而名成就甚希奇法。

未三、其心平等（分四）

申一、標

又諸菩薩由五種相，當知普於一切有情其心平等。

申二、徵

何等為五？

申三、列

一者菩薩最初發心願大菩提，如是亦為利益一切諸有情故，起平等心；
二者菩薩於諸有情，住哀愍俱平等之心；
三者菩薩於諸有情，深心發起一子愛俱平等之心；
四者菩薩於從眾緣已生諸行，知是所想有情事已，知一有情所有法性即是一切有情法性，以法平等俱行之心，於諸有情住平等心；
五者菩薩如於一有情行利益行，於一切有情行利益行亦復如是，以利俱心於諸有情住平等心。

申四、結

由此五相，是諸菩薩於諸有情其心平等。

未四、能作饒益（分三）

申一、標

又諸菩薩由五種相，於諸有情能作一切饒益之事。

申二、徵

何等為五？

申三、列

一者說授正命以為饒益；
二者於不隨順能引義利所作事業，說授隨順以為饒益；
三者無依無怙有苦有貧，善能為彼作依怙等以為饒益；
四者說授能往善趣之道以為饒益；
五者說授三乘以為饒益。

未五、現報他恩（分三）

申一、標

又諸菩薩由五種相，於其有恩諸有情所現前酬報。

申二、釋

何等為五？

申三、列

一者安處有情令學己德；
二者方便安處令學他德；
三者無依無怙有苦有貧，隨力隨能作依怙等；
四者勸令供養諸佛如來；
五者令於如來所說正法受持讀誦書寫供養。

未六、欣讚處（分三）

申一、標

又諸菩薩於五種處常當欣讚。

申二、徵

何等為五？

申三列

一者值佛出世常得承事；
二者於諸佛所常聞六種波羅蜜多菩薩藏法；
三者於一切種成熟有情常有勢力；
四者能於無上正等菩提堪任速證；
五者證菩提已諸弟子眾常和無諍。

未七、不虛加行（分三）

申一、標

又諸菩薩由五因緣於諸有情能作不虛饒益加行。

申二、徵

何等為五？

申三、列（分二）

酉一、舉初二

謂諸菩薩於諸有情先欲求作利益安樂，於諸有情利益安樂如實了知無顛倒覺。

酉二、指餘三

如是一切如前「供養親近無量品」中所說，應知其相。

巳二、第二啞柁南攝（分二）

午一、啞柁南標

復次，啞柁南曰：

無顛倒加行，退墮與勝進，相似實功德，善調伏有情。

午二、長行釋（分六）

未一、無倒加行（分五）

申一、標

謂諸菩薩有五加行，當知普攝一切菩薩無倒加行。

申二、徵

何等為五？

申三、列

一隨護加行；

二無罪加行；

三思擇力加行；

四清淨增上意樂加行；

五墮決定加行。

申四、釋（分五）

酉一、隨護加行（分三）

戌一、徵起

云何菩薩隨護加行？

戌二、略標

當知此復略有五種。

戌三、列釋（分五）

亥一、隨護聰叡

一者隨護聰叡，謂由俱生智速疾攝法。

亥二、隨護正念

二者隨護正念，謂由此正念隨所攝法持令不忘。

亥三、隨護正智

三者隨護正智，謂由此正智於所持法善觀察義，正慧通達遠離隨順聰叡正念覺慧退分諸因緣故，習近隨順住分勝分諸因緣故。

亥四、隨護自心

四者隨護自心，能善防守諸根門故。

亥五、隨護他心

五者隨護他心，能於他心正隨轉故。

酉二、無罪加行

云何菩薩無罪加行？

謂諸菩薩於諸善法，無倒熾然，無量無間迴向菩提。

酉三、思擇力加行

云何菩薩思擇力加行？

謂諸菩薩即此一切在勝解行地，應知其相。

酉四、清淨增上意樂加行

云何菩薩清淨增上意樂加行？

謂諸菩薩即此一切在淨勝意樂地及行正行地，應知其相。

酉五、墮決定加行

云何菩薩墮決定加行？

謂諸菩薩即此一切在決定地、決定行地、到究竟地，應知其相。

申五、結

如是五種菩薩加行，普攝一切無倒加行。

未二、順退分法（分三）

申一、標

又諸菩薩順退分法，當知有五。

申二、徵

何等為五？

申三、列

一者不敬正法及說法師；

二者放逸懈怠；

三者於諸煩惱親近執著；

四者於諸惡行親近執著；

五者與餘菩薩校量勝劣起增上慢，及於法顛倒起增上慢。

未三、順勝分法（分三）

申一、標

又諸菩薩順勝分法當知有五。

申二、徵

何等為五？

申三、指

謂與前五黑品諸法，次第相違應知其相。

未四、相似功德（分三）

申一、標

又諸菩薩略有五種相似功德，當知實是菩薩過失。

申二、徵

何等為五？

申三、列

一者於其暴惡毀犯淨戒諸有情所，由是因緣作不饒益；
二者詐現種種具足威儀；
三者於順世間文詞咒術外道書論相應法中，得預智者聰叡者數；
四者修行有罪施等善行；
五者宣說建立像似正法，廣令流布。

未五、真實功德（分三）

申一、標

又諸菩薩略有五種真實功德。

申二、徵

何等為五？

申三、列

一者於其暴惡毀犯淨戒諸有情所，由是因緣起勝悲心；
二者本性成就具足威儀；
三者於佛所說淨妙真實若教若證，得預智者聰叡者數；
四者修行無罪施等善行；
五者開示正法遮滅一切像似正法。

未六、無倒調伏所化有情（分三）

申一、標

又諸菩薩略於十處，無倒調伏所化有情。

申二、徵

何等十處？

申三、列

一者遠離惡行處；
二者遠離諸欲處；
三者專精無犯已能出處；
四者密護一切諸根門處；

五者正知住處；
六者離憤鬧處；
七者於遠離處遠離一切惡尋思處；
八是遠離障處；
九者遠離一切煩惱纏處；
十者遠離一切諸煩惱品諸羸重處。

巳三、第三唵柁南攝（分二）

午一、唵柁南標

復次，唵柁南曰：

諸菩薩受記，墮於決定中，定作常應作，最勝最為後。

午二、長行釋（分五）

未一、授善提記（分三）

申一、標

謂諸菩薩略由六相，蒙諸如來於其無上正等菩提授與記別。

申二、徵

何等為六？

申三、列

一者安住種性未發心位；
二者已發心位；
三者現在前位；
四者不現前位；
五者有定時限，謂爾所時當證無上正等菩提；
六者無定時限，謂不宣說決定時限而與授記。

未二、隨決定數（分五）

申一、標

又諸菩薩略有三種墮於決定。

申二、徵

何等為三？

申三、列

一者安住種性墮於決定；
二者發菩提心墮於決定；
三者不虛修行墮於決定。

申四、釋（分三）

酉一、種性

安住種性墮決定者，謂諸菩薩住種性位，便名為墮決定菩薩，何以故？由此菩薩若遇勝緣必定堪任證於無上正等覺故。

酉二、發心

發菩提心墮決定者，謂有一類諸菩薩眾，已於無上正等菩提起決定心，此後乃至證於無上正等菩提，無復退轉。

酉三、修行

不虛修行墮決定者，謂諸菩薩已得自在，普於一切利有情行，如其所欲隨所造修終無空過。

申五、結

於此三種墮決定中，依於最後墮決定位，諸佛如來授諸菩薩墮決定記。

未三、定所應作（分三）

申一、標

又諸菩薩略有五處定所應作。若不作已終不堪任證於無上正等菩提。

申二、徵

何等為五？

申三、列

- 一者發菩提心；
- 二者於諸有情深生哀愍；
- 三者熾然精進；
- 四者於諸明處方便修習；
- 五者無有厭倦。

未四、常所應作（分四）

申一、標

又諸菩薩於其五處常所應作。

申二、徵

何等為五？

申三、列

一者於不放逸常所應作，二者無依無怙有苦有貧諸有情所，常應為作依怙等事，三者於諸如來常應供養，四者常應遍知有失無失，五者一切所作若行若住諸作意中，大菩提心恒為導首。

申四、結

如是五種是諸菩薩常所應作。

未五、建立最勝（分三）

申一、標

又諸菩薩有十種法，一切菩薩許為最勝特為第一，建立在於最上法中。

申二、徵

何等為十？

申三、列（分十）

酉一、菩提種性勝

一者菩薩種性，諸種性中最為殊勝。

酉二、最初發心勝

二者最初發心，於諸正願最為殊勝。

酉三、精進般若勝

三者精進般若，普於一切波羅蜜多最為殊勝。

酉四、愛語設事勝

四者愛語攝事，於諸攝事最為殊勝。

酉五、如來世尊勝

五者如來世尊，於諸有情最為殊勝。

酉六、悲無量定勝

六者悲愍有情，於諸無量最為殊勝。

酉七、第四靜慮勝

七者第四靜慮，於諸靜慮最為殊勝。

酉八、空三摩地勝

八者空三摩地，於三等持最為殊勝。

酉九、滅盡等至勝

九者滅盡等至，於諸等至最為殊勝。

酉十、清淨方便善巧勝

十者如前所說所有清淨方便善巧，普於一切方便善巧最為殊勝。

巳四、第四第五唵柁南攝（分二）

午一、唵柁南攝

復次，唵柁南曰：

諸施設建立，一切法尋思，及如實遍智，如是諸無量，
說法果勝利，大乘性與攝，菩薩十應知，建立諸名號。

午二、長行釋（分九）

未一、施設建立（分五）

申一、標

謂諸菩薩略有四種施設建立，唯有如來及諸菩薩，能正施設能正建立，非餘一切若天若人若諸沙門若婆羅門，唯除闍已。

何等為四？

一者法施設建立；
二者諦施設建立；
三者理施設建立；
四者乘施設建立。

申二、徵

申三、列

申四、釋（分四）

酉一、法施設建立

云何名法施設建立？

謂佛所說素咀纜等十二分教，次第結集次第安置次第制立，是名為法施設建立。

酉二、諦施設建立（分四）

戌一、徵

云何名諦施設建立？

謂無量種。

戌二、標

戌三、列（分十）

亥一、一諦

或立一諦，謂不虛妄義，唯有一諦無第二故。

亥二、二諦

或立二諦：

一世俗諦；
二勝義諦。

亥三、三諦

或立三諦：

一相諦；
二語諦；
三用諦。

亥四、四諦

或立四諦：

一苦諦；
二集諦；
三滅諦；

四道諦。

亥五、五諦

或立五諦：

- 一因諦；
- 二果諦；
- 三智諦；
- 四境諦；
- 五勝諦。

亥六、六諦

或立六諦：

- 一諦諦；
- 二妄諦；
- 三應遍知諦；
- 四應永斷諦；
- 五應作證諦；
- 六應修習諦。

亥七、七諦

或立七諦：

- 一愛味諦；
- 二過患諦；
- 三出離諦；
- 四法性諦；
- 五勝解諦；
- 六聖諦；
- 七非聖諦。

亥八、八諦

或立八諦：

- 一行苦性諦；
- 二壞苦性諦；
- 三苦苦性諦；
- 四流轉諦；
- 五還滅諦；
- 六雜染諦；
- 七清淨諦；

八正加行諦。

亥九、九諦

或立九諦：

一無常諦；

二苦諦；

三空諦；

四無我諦；

五有愛諦；

六無有愛諦；

七彼斷方便諦；

八有餘依涅槃諦；

九無餘依涅槃諦。

亥十、十諦

或立十諦：

一逼切苦諦；

二財位匱乏苦諦；

三界不平和苦諦；

四所愛變壞苦諦；

五羸重苦諦；

六業諦；

七煩惱諦；

八聽聞正法如理作意諦；

九正見諦；

十正見果諦。

戌四、結

如是等類名菩薩諦施設建立。若廣分別當知無量。

酉三、理施設建立

云何名理施設建立？

謂四道理，此廣分別如前應知。

酉四、乘施設建立（分二）

戌一、徵

云何名乘施設建立？

戌二、釋（分二）

亥一、略標

謂聲聞乘及獨覺乘、無上大乘，如是三種，一一各由七種行相施設建立，是名為乘施設建立。

亥二、廣辨（分二）

天一、聲聞等乘（分二）

地一、舉聲聞乘

初聲聞乘七行相者：

一於四聖諦無顛倒慧；

二此慧所依；

三此慧所緣；

四此慧伴類；

五此慧作業；

六此慧資糧；

七此慧得果。

當知由此七種行相施設建立，諸聲聞乘無不周備。

地二、例獨覺乘

如聲聞乘七種行相施設建立，其獨覺乘當知亦爾。

天二、無上大乘

無上大乘七行相者：

一緣離言說事一切法中所有真如無分別平等性出離慧；

二此慧所依；

三此慧所緣；

四此慧伴類；

五此慧作業；

六此慧資糧；

七此慧得果。

當知由此七種行相施設建立，無上大乘無不周備。

申五、結

過去未來現在諸佛，及諸菩薩所有無倒施設建立。若曾所作、若當所作、若今所作，一切皆由如是四事，除此無有若過若增。

未二、四尋思（分四）

申一、標

又諸菩薩為得四種如實遍知，於一切法起四尋思。

申二、徵

何等為四？

申三、列

一名尋思；
二事尋思；
三自性假立尋思；
四差別假立尋思。

申四、指

如是四種若廣分別應知如前「真實義品」。

未三、四如實智（分三）

申一、標

又諸菩薩略有四種，於一切法如實遍知。

申二、列

一名尋思所引如實遍知；
二事尋思所引如實遍知；
三自性假立尋思所引如實遍知；
四差別假立尋思所引如實遍知。

申三、指

如是四種若廣分別，應知如前「真實義品」。

未四、五無量（分五）

申一、標

又諸菩薩於五無量，能起一切善巧作用。

申二、徵

何等為五？

申三、列

一有情界無量；
二世界無量；
三法界無量；
四所調伏界無量；
五調伏方便界無量。

申四、釋（分二）

酉一、別辨相（分五）

戌一、有情界無量

云何有情界無量？

謂六十四諸有情眾名有情界，如前「意地」已具條列。若依相續差別無邊。

戌二、世界無量

云何世界無量？

謂於十方無量世界無量名號各各差別，如此世界名曰：索訶，此界梵王名索訶主，如是一切皆當了知。

戌三、法界無量

云何法界無量？

謂善不善無記諸法，如是等類差別道理，應知無量。

戌四、所調伏界無量（分二）

亥一、徵

云何所調伏界無量？

亥二、釋（分二）

天一、列種類（分二）

地一、列（分十）

玄一、一種

謂或有一種所調伏界，一切有情可調伏者同一類故。

玄二、二種

或有二種所調伏界：

- 一具縛；
- 二不具縛。

玄三、三種

或有三種所調伏界：

- 一鈍根；
- 二中根；
- 三利根。

玄四、四種

或有四種所調伏界：

- 一剎帝利；
- 二婆羅門；
- 三吠舍；
- 四戍達羅。

玄五、五種

或有五種所調伏界：

- 一貪行；
- 二瞋行；

三癡行；
四慢行；
五尋思行。

玄六、六種

或有六種所調伏界：
一在家；
二出家；
三未成熟；
四已成熟；
五未解脫；
六已解脫。

玄七、七種（分二）
黃一、總標列

或有七種所調伏界：
一輕毀；
二中庸；
三廣顯智；
四略開智；
五現所調伏；
六當所調伏；
七緣引調伏。

黃二、隨難釋

謂遇如是如是緣，即如是如是轉變。

玄八、八種

或有八種所調伏界，謂八部眾，從剎帝利乃至梵眾。

玄九、九種

或有九種所調伏界：
一如來所化；
二聲聞、獨覺所化；
三菩薩所化；
四難調伏；
五易調伏；
六軟語調伏；
七訶擯調伏；

八遠調伏；
九近調伏。

玄十、十種

或有十種所調伏界：

- 一那落迦；
- 二傍生；
- 三琰摩世界；
- 四欲界天人；
- 五中有；
- 六有色；
- 七無色；
- 八有想；
- 九無想；
- 十非想非非想。

地二、結

如是略說品類差別有五十五，若依相續差別道理，當知無量。

天二、簡差別（分二）

地一、問

問：有情界無量、所調伏界無量，有何差別？

地二、答

答：一切有情，若住種性、不住種性，無有差別，總名有情界無量。唯住種性彼彼位轉，乃得名為所調伏界無量。

戌五、調伏方便界無量

云何調伏方便界無量？

謂如前說，當知此中，亦有無量品類差別。

酉二、辨次第（分二）

戌一、問

問：何故總說此五無量如是次第？

戌二、答（分五）

亥一、最初說

答：以諸菩薩專精修習饒益有情，是故最初說有情界無量。

亥二、第二說

是諸有情依於處所可得受化，是故第二說世界無量。

亥三、第三說

是諸有情在彼彼界由種種法，或染或淨差別可得，是故第三說法界無量。

亥四、第四說

即觀如是有情界中，有諸有情有所堪任、有大勢力，堪能究竟解脫眾苦，是故第四說所調伏界無量。

亥五、第五說

要由如是方便善巧，令諸有情究竟解脫，是故第五說調伏方便界無量。

申五、結

是故說言菩薩於此五種無量，能起一切善巧作用。

未五、說法果利（分四）

申一、標

諸佛菩薩為諸有情宣說正法，當知有五大果勝利。

申二、徵

何等為五？

申三、列

一者一類有情聞佛菩薩說正法時，遠塵離垢，於諸法中法眼生起；
二者一類有情聞佛菩薩說正法時，得盡諸漏；
三者一類有情聞佛菩薩說正法時，便於無上正等菩提發正願心；
四者一類有情聞佛菩薩說正法時，證得菩薩最勝法忍；
五者一類有情聞佛菩薩說正法已，受持讀誦修習正行，展轉方便令正法眼久住不滅。

申四、結

如是五種，當知名為諸佛菩薩所說正法大果勝利。

未六、七大乘性（分四）

申一、總標

諸菩薩乘與七大性共相應故說名大乘。

申二、徵問

何等為七？

申三、列釋（分七）

酉一、法大性

一者法大性，謂十二分教中菩薩藏，攝方廣之教。

酉二、發心大性

二者發心大性，謂有一類於其無上正等菩提發正願心。

酉三、勝解大性

三者勝解大性，謂有一類於法大性生勝信解。

酉四、增上意樂大性

四者增上意樂大性，謂有一類已過勝解行地，證入淨勝意樂地。

酉五、資糧大性

五者資糧大性，謂福德資糧智慧資糧，修習圓滿能證無上正等菩提。

酉六、時大性

六者時大性，謂經於三無數大劫，方證無上正等菩提。

酉七、圓證大性

七者圓證大性，謂即所證無上菩提，由此圓證菩提自體，比餘圓證功德自體，尚無與等，何況得有若過若增！

申四、料簡

當知此中，若法大性、若發心大性、若勝解大性、若增上意樂大性、若資糧大性、若時大性，如是六種，皆是圓證大性之因。圓證大性，是前六種大性之果。

未七、攝大乘（分三）

申一、標

有八種法能具足攝一切大乘。

申二、列

一者菩薩藏教；

二者即於如是菩薩藏中，顯示諸法真實義教；

三者即於如是菩薩藏中，顯示一切諸佛菩薩不可思議最勝廣大威力之教；

四者於上所說，如理聽聞；

五者如理思為先，趣勝意樂；

六者趣勝意樂為先，入修行相；

七者入修行相為先，修果成滿；

八者即由如是修果成滿，究竟出離。

申三、結

如是菩薩勤修學已，能證無上正等菩提。

未八、十種菩薩（分五）

申一、徵

何等菩薩勤修學已能證無上正等菩提？

申二、標

當知菩薩略有十種。

申三、列

一住種性；
二已趣入；
三未淨意樂；
四已淨意樂；
五未成熟；
六已成熟；
七未墮決定；
八已墮決定；
九一生所繫；
十住最後有。

申四、釋（分九）

酉一、已趣入

此中，即住種性菩薩發心修學，名已趣入。

酉二、未淨意樂

即已趣入，乃至未入淨意樂地，名未淨意樂。

酉三、已淨意樂

若已得入，名已淨意樂。

酉四、未成熟

即淨意樂，乃至未入到究竟地，名未成熟。

酉五、已成熟

若已得入，名已成熟。

酉六、未墮決定

未成熟中，乃至未得人決定地、決定行地，名未決定。

酉七、已墮決定

若已得入，名已決定。

酉八、一生所繫

已成熟中，復有二種：

一者、一生所繫，謂此生無間，當證無上正等菩提。

酉九、住最後有

二、住最後有，謂即住此生，能證無上正等菩提。

申五、結

如是如說從初種性，廣說乃至能證無上正等菩提，十種菩薩於菩薩學能正修學，此上更無能正修學、若於中學、若如是學，非如所說諸菩

薩上，更有菩薩於菩薩學能正修學。

未九、建立名號（分二）

申一、明建立（分二）

酉一、舉無別名（分二）

戌一、標

如是所說一切菩薩，當知復有如是等類，無有差別，隨德假名。

戌二、列

所謂名為菩提薩埵摩訶薩埵，成就覺慧、最上照明、最勝真子、最勝任持、普能降伏、最勝萌芽，亦名勇健，亦名最聖，亦名商主，亦名大稱，亦名憐愍，亦名大福，亦名自在，亦名法師。

酉二、利廣別號

如是十方無邊無際諸世界中無邊菩薩，當知乃有內德，各別無量、無邊假立想號。

申二、辨真似（分二）

酉一、相似

若諸菩薩現前自稱：「我是菩薩」，於菩薩學不正修行，當知是名相似菩薩，非真菩薩。

酉二、真實

若諸菩薩現前自稱：「我是菩薩」，於菩薩學能正修行，當知是名真實菩薩。

◎第二持隨法瑜伽處

菩薩相品第一

瑜伽師地論卷第四十七

辛二、次相等攝（分八）

壬一、真實諸菩薩相（分四）

癸一、徵

云何真實諸菩薩相？

癸二、標列（分二）

子一、唵陀南

唵陀南曰：

真實諸菩薩，五種相應知，自性依處果，次第攝五轉。

子二、長行（分二）

丑一、五相

謂諸菩薩，有五真實菩薩之相，若成就者墮菩薩數。

何等為五？

一者哀愍；

二者愛語；

三者勇猛；

四者舒手惠施；

五者能解甚深義理密意。

丑二、五轉

如是五法，當知一一各有五轉：

一者自性，二者依處，三者果利，四者次第，五者相攝。

癸三、隨釋（分五）

子一、自性（分五）

丑一、哀愍（分三）

寅一、標

應知此中，哀愍自性略有二種。

寅二、列

一在意樂；

二在正行。

寅三、釋（分二）

卯一、在意樂

在意樂者，謂諸菩薩於諸有情，利益意樂、安樂意樂，是名哀愍。

卯二、在正行

在正行者，謂諸菩薩於諸有情，如所意樂，隨力隨能身語饒益，是名哀愍。

丑二、愛語

愛語自性，謂如前說：若慰喻語、若慶悅語、若勝益語，當知如前「攝事品」說。

丑三、勇猛

勇猛自性，謂諸菩薩剛決堅固，無所怯劣，有大勢力。

丑四、舒手惠施

若諸菩薩廣大施性、無染施性，是名舒手惠施自性。

丑五、能解甚深義理密意

若諸菩薩四無礙解，及即於彼無倒引發正加行智，是名能解甚深義理密意自性。

子二、依處（分五）

丑一、哀愍（分五）

寅一、標

當知菩薩哀愍依處，略有五種。

寅二、徵

何等為五？

寅三、列

- 一有苦有情；
- 二惡行有情；
- 三放逸有情；
- 四邪行有情；
- 五煩惱隨眠有情。

寅四、釋（分五）

卯一、有苦有情

那落迦等所有有情，皆為苦受連綿相續，逼切而轉，如是名為：有苦有情。

卯二、惡行有情

或復有情雖非定苦，而多現行諸身惡行、諸語惡行、諸意惡行，於諸惡中喜樂安住，所謂屠養羊豬雞等不律儀輩，如是名為：惡行有情。

卯三、放逸有情

或復有情雖非定苦及行惡行，而於諸欲耽著受用，常樂安住種種俳優、歌舞笑睇，以自娛樂，所謂一類受欲塵者，如是名為：放逸有情。

卯四、邪行有情

或復有情雖非定苦、行惡、放逸，而依妄見修行種種苦解脫行，謂捨諸欲，於惡說法毘奈耶中而出家者，如是名為：邪行有情。

卯五、煩惱隨眠有情

或復有情雖非定苦，廣說乃至非修邪行，而或具縛或不具縛，為諸煩惱之所隨眠，謂正修行賢善異生及諸有學，是名：煩惱隨眠有情。

寅五、結

是名菩薩所有哀愍五種依處，由此依處、由此所緣，哀愍而轉，除此無有若過若增。

丑二、愛語（分五）

寅一、標

當知菩薩愛語依處，亦有五種。

寅二、徵

何等為五？

寅三、列

- 一正言論語；
- 二正慶悅語；
- 三正安慰語；
- 四正廣恣語；
- 五如理說語。

寅四、指

如是廣辯應知如前「攝事品」說。

寅五、結

是名菩薩所有愛語五種依處，由此依處、由此所緣，愛語而轉，除此無有若過若增。

丑三、勇猛（分四）

寅一、標

當知菩薩勇猛依處，亦有五種。

寅二、徵

何等為五？

寅三、指

謂即如前「菩提分品」所說菩薩堅力持性五種依處，當知此是菩薩勇

猛五種依處。

寅四、結

由此依處、由此所緣，勇猛而轉，除此無有若過若增。

丑四、舒手惠施（分五）

寅一、標

當知菩薩舒手惠施，亦五依處。

寅二、徵

何等為五？

寅三、列

- 一數數惠施；
- 二歡喜惠施；
- 三愍重惠施；
- 四無染惠施；
- 五無依惠施。

寅四、指

如是五種，如前「施品」，廣辨應知。

寅五、結

由此依處、由此所緣，菩薩舒手惠施而轉，除此無有若過若增。

丑五、能解甚深義理密意（分四）

寅一、標

當知菩薩能解甚深義理密意，亦五依處。

寅二、徵

何等為五？

寅三、列（分五）

卯一、於契經

謂於如來所說《契經》，隨順甚深甚深顯現，空性相應緣性緣起，應知是名第一依處。

卯二、於毗奈耶

於毘奈耶，毀犯善巧、還淨善巧，當知是名第二依處。

卯三、於摩怛理迦

於摩怛理迦，施設建立無倒法相，當知是名第三依處。

卯四、於密言義

能正顯除意趣難解諸法相義，當知是名第四依處。

卯五、於無礙解

於一切法，法義釋詞品類差別，當知是名第五依處。

寅四、結

由此依處、由此所緣，菩薩能解甚深義理密意而轉，除此無有若過若增。

子三、果利（分二）

丑一、釋（分四）

寅一、哀愍（分二）

卯一、釋（分二）

辰一、正辨相

菩薩哀愍於諸有情，最初能斷怨害嫌恨。菩薩哀愍普於一切利有情事，皆能修作，心無怯劣，於此加行嘗無厭倦，多住哀愍能攝無罪，現法樂住及饒益他。

辰二、引教說

又如世尊所說「修慈所得勝利，謂於現身毒藥、刀杖不加害等」，如是一切菩薩哀愍，皆當了知。

卯二、結

是名菩薩哀愍果利。

寅二、愛語（分二）

卯一、釋（分二）

辰一、現法攝（分二）

巳一、能斷語過

菩薩愛語，於現法中斷語四過，所謂妄語、離間、麤惡及以綺語。

巳二、能益自他

由此愛語，於現法中能自攝受，能攝受他，安隱而轉。

辰二、後法攝

菩薩愛語，於當來世其言敦肅，言必信用。

卯二、結

是名菩薩愛語果利。

寅三、勇猛（分二）

卯一、釋（分二）

辰一、現法攝

菩薩勇猛，於現法中能離一切懶惰、懈怠，心常歡喜，能受菩薩淨戒律儀，受已終無毀犯、退屈，能正堪忍，攝受自他。

辰二、後法攝

於當來世，一切菩薩所起事業，稟性堅固，凡所造修若未成辦，終無懈退。

卯二、結

是名菩薩勇猛果利。

寅四、後二種（分二）

卯一、指

當知菩薩舒手惠施，能解甚深義理密意所得果利，如「威力品」，惠施威力、般若威力，差別應知。

卯二、結

是名菩薩舒手惠施，能解甚深義理密意，二種果利。

丑二、結

是名菩薩五相果利。

子四、次第（分三）

丑一、徵

云何五相如是次第？

丑二、釋（分四）

寅一、哀愍

謂諸菩薩先修哀愍攝受有情，於彼顧念欲作饒益。

寅二、愛語

次修愛語，為彼有情出不善處，安立善處，宣說正理攝受教誨。

寅三、勇猛

次修勇猛，於已趣入諸有情類，若諸有情起諸邪行種種煩惱變異事中皆能堪忍，為不棄捨安住種種正行、邪行諸有情故。

寅四、後二

是諸菩薩修勇猛已，一類有情以財攝受能令成熟，一類有情以法攝受能令成熟，一類有情以財、以法二種攝受能令成熟，是故菩薩次後修習舒手惠施，能解甚深義理密意。

丑三、結

當知是名菩薩五相前後次第。

子五、相攝（分二）

丑一、問

問：菩薩五相、六到彼岸，何到彼岸攝何等相？

丑二、答

答：菩薩哀愍，當知靜慮到彼岸攝；

菩薩愛語，尸羅、般若到彼岸攝；
菩薩勇猛，進、忍、般若到彼岸攝；
菩薩所有舒手惠施，當知即施到彼岸攝；
菩薩所有能解甚深義理密意，靜慮、般若到彼岸攝。

癸四總結

如是真實菩薩五相，當知一一皆有五轉，所謂自性、依處、果利、次第、相攝，已廣分別，應如實知。

分品第二

壬二、在家出家分（分三）

癸一、徵起

在家、出家二分菩薩，有幾種法正修學時，速證無上正等菩提？

癸二、標列（分二）

子一、喞柁南

喞柁南曰：

二分諸菩薩，初事業善修，善巧饒益他，迴向最為後。

子二、長行（分三）

丑一、標

謂諸菩薩，或在家分、或出家分差別轉時，略有四法，當知令此在家、出家二分菩薩，正勤修學，速證無上正等菩提。

丑二、徵

何等為四？

丑三、列

一者善修事業；

二者方便善巧；

三者饒益於他；

四者無倒迴向。

癸三、隨釋（分三）

子一、別辨其相（分四）

丑一、善修事業（分四）

寅一、徵

云何菩薩善修事業？

寅二、標

謂諸菩薩於六波羅蜜多，決定修作、委悉修作、恒常修作、無罪修作。

寅三、釋（分二）

卯一、舉施度（分二）

辰一、辨（分四）

巳一、決定修作（分二）

午一、徵

云何菩薩於施波羅蜜多，決定修作？

午二、釋

謂諸菩薩現有種種可施財法，諸乞求者正現在前，有恩、無恩、有德、

有失無有差別，要當施與。若人、非人、若諸沙門、若婆羅門及餘世間，無有如法，能令施心有所傾動。

巳二、委悉修作（分二）

午一、徵

云何菩薩於施波羅蜜多，委悉修作？

午二、釋

謂諸菩薩現有種種可施財法，諸乞求者正現在前，一切施與，無有少物於諸有情而不能捨，於內身命尚能惠施，何況外物！

巳三、恒常修作（分二）

午一、徵

云何菩薩於施波羅蜜多，恒常修作？

午二、釋

謂諸菩薩於修惠施，無有厭倦，恒常無間於一切時，隨有所得即隨惠施，無所吝惜。

巳四、無罪修作（分二）

午一、徵

云何菩薩於施波羅蜜多，無罪修作？

午二、釋

謂諸菩薩遠離如前「施品」所說諸雜染施，修行所餘無雜染施。

辰二、結

如是菩薩於施波羅蜜多，能善修作。

卯二、例餘度

如於施波羅蜜多能善修作，如是於戒、忍、精進、靜慮、慧波羅蜜多，如其所應，當知亦爾。

寅四、結

是名菩薩由四行相於其六種波羅蜜多，決定修作、委悉修作、恒常修作、無罪修作。

丑二、方便善巧（分二）

寅一、徵

云何菩薩方便善巧？

寅二、釋（分二）

卯一、舉種類（分四）

辰一、標

當知如是方便善巧略有十種。

辰二、徵

何等為十？

辰三、列

一者憎背聖教有情，除其恚惱方便善巧；
二者處中有情，令其趣入方便善巧；
三者已趣入者，令其成熟方便善巧；
四者已成熟者，令得解脫方便善巧；
五者於諸世間一切異論方便善巧；
六者於諸菩薩淨戒律儀受持、毀犯，能正觀察方便善巧；
七者於諸正願方便善巧；
八者於聲聞乘方便善巧；
九者於獨覺乘方便善巧；
十者於其大乘方便善巧。

辰四、指

如是一切方便善巧，如前即此「菩薩地」中，隨彼彼處已廣分別，如應當知。

卯二、明作業（分三）

辰一、標

如是十種菩薩所有方便善巧，能作五事。

辰二、釋（分五）

巳一、由前四種善巧

謂由前四種方便善巧，令諸菩薩能正安立所化有情於自義利。

巳二、由第五種善巧

由於世間一切異論方便善巧，令諸菩薩善能摧伏一切異論。

巳三、由第六種善巧

由於菩薩淨戒律儀受持、毀犯，能正觀察方便善巧，令諸菩薩不犯所犯，犯已速疾如法悔除，於善清淨菩薩所受淨戒律儀，能善修瑩。

巳四、由第七種善巧

由於正願方便善巧，令諸菩薩能證當來一切所愛事義圓滿。

巳五、由後三種善巧

由於三乘方便善巧，令諸菩薩於諸有情隨其種性、根及勝解，說相稱法、說順正理。

辰三、結

是名十種方便善巧，令諸菩薩能作五事，由此五事能令菩薩現法、當

來一切事義，皆得究竟。

丑三、饒益於他（分三）

寅一、徵

云何菩薩饒益於他？

寅二、釋

謂諸菩薩依四攝事，即布施、愛語、利行、同事，能與一分有情利益，能與一分有情安樂，能與一分所化有情利益、安樂，是名略說菩薩所有饒益於他。

寅三、指

廣說如前「自他利品」，應知其相。

丑四、無倒迴向（分二）

寅一、徵

云何菩薩無倒迴向？

寅二、釋

謂諸菩薩三門積集所有善根，即善修事業、方便善巧、饒益於他，去來今世一切攝取，以淳一味妙淨信心，迴求無上正等菩提，終不用此所集善根希求世間餘果異熟，唯除無上正等菩提。

子二、明攝一切（分三）

丑一、標所應學

世尊所有為在家分、或出家分諸菩薩說所應學法，當知一切此四所攝，謂善修事業、方便善巧、饒益於他、無倒迴向。

丑二、近證大果

是故如是善修事業、方便善巧、饒益於他、無倒迴向諸菩薩眾，親近鄰逼難得難證無上菩提。

丑三、結無過增

當知過去、未來、現在所有菩薩，或在家分、或出家分，精勤修學，於其無上正等菩提曾、當、現證，一切皆由如是四法，除此無有若過若增。

子三、校量勝劣（分四）

丑一、標

又諸菩薩，或在家分、或出家分，雖復同於如是四法正勤修學，而出家者於在家者，甚大殊異、甚大高勝。

丑二、徵

所以者何？

丑三、釋（分五）

寅一、於攝受眷屬

當知一切出家菩薩，於其父母、妻子、親屬、攝受過患皆得解脫，在家菩薩則不如是。

寅二、於遽務憂苦

又復一切出家菩薩，於為攝受父母、親屬，營農、商估、事王業等種種艱辛遽務憂苦，皆得解脫，在家菩薩則不如是。

寅三、於鉤所梵行

又復一切出家菩薩，一向能行鉤鎖梵行，在家菩薩則不如是。

寅四、於菩提分法

又復一切出家菩薩，普於一切菩提分法速證通慧，隨所造修彼彼善法，皆能疾疾到於究竟，在家菩薩則不如是。

寅五、於安住律儀

又復一切出家菩薩，安住決定清淨律儀，凡所發言眾咸信奉，在家菩薩則不如是。

丑四、結

如是等類無量善法，當知一切出家菩薩於在家者，甚大殊異、甚大高勝。

增上意樂品第三

壬三、增上意樂（分二）

癸一、徵

云何菩薩增上意樂？

癸二、釋（分二）

子一、嚙柁南標

嚙柁南曰：

智者於有情，有七相憐愍，十五勝意樂，作十事應知。

子二、長行釋（分二）

丑一、七相憐愍（分五）

寅一、標

謂諸菩薩於諸有情，深心發起七相憐愍，以諸菩薩具憐愍故，名善意樂、極善意樂。

寅二、徵

何等名為七相憐愍？

寅三、列

- 一者無畏憐愍；
- 二者如理憐愍；
- 三者無倦憐愍；
- 四者無求憐愍；
- 五者無染憐愍；
- 六者廣大憐愍；
- 七者平等憐愍。

寅四、釋（分七）

卯一、無畏憐愍

謂諸菩薩於諸有情，非怖畏故而起憐愍，現行隨順身語意業，適可其心，利益安樂，是名菩薩無畏憐愍。

卯二、如理憐愍

又諸菩薩於諸有情，非不如理憐愍而轉，謂終不以非法、非律、非賢善行及以非處，勸授有情，是名菩薩如理憐愍。

卯三、無倦憐愍

又諸菩薩於諸有情，如是憐愍隨其所宜，發起一切饒益事業，曾無厭倦，是名菩薩無倦憐愍。

卯四、無求憐愍

又諸菩薩於諸有情，不待求請自起憐愍為作饒益，是名菩薩無求憐愍。

卯五、無染憐愍

又諸菩薩於諸有情，無愛染心而起憐愍，謂饒益他，不祈恩報，亦不悵望當來可愛諸果異熟，是名菩薩無染憐愍，亦名菩薩無緣憐愍。

卯六、廣大憐愍

又諸菩薩於諸有情，所起憐愍，唯是廣大而非狹小。
言廣大者，謂於一切諸有情所，雖遭一切不饒益事而不棄捨，菩薩自身寧受非愛，終不以惡欲加於彼，是名菩薩廣大憐愍。

卯七、平等憐愍

又諸菩薩如是相狀、如是功德相應憐愍，普於一切諸有情類平等平等，於有情界無有分限，是名菩薩平等憐愍。

寅五、結

菩薩與此七種行相憐愍相應，名善意樂、極善意樂。

丑二、十五增上意樂（分五）

寅一、標

當知此中，淨信為先、擇法為先，於諸佛法所有勝解，印解決定，是名菩薩增上意樂。如是菩薩增上意樂，當知略說有十五種。

寅二、徵

何等十五？

寅三、列

- 一最上意樂；
- 二遮止意樂；
- 三波羅蜜多意樂；
- 四真實義意樂；
- 五威力意樂；
- 六利益意樂；
- 七安樂意樂；
- 八解脫意樂；
- 九堅固意樂；
- 十無虛妄意樂；
- 十一不清淨意樂；
- 十二清淨意樂；
- 十三善清淨意樂；
- 十四應調伏意樂；

十五俱生意樂。

寅四、釋（分三）

卯一、辨十五相（分十五）

辰一、最上意樂

謂諸菩薩於佛、法、僧最上真實，起勝意樂，是名菩薩最上意樂。

辰二、遮止意樂

又諸菩薩於所受持淨戒律儀，起勝意樂，是名菩薩遮止意樂。

辰三、波羅密多意樂

又諸菩薩於所修證施、忍、精進、靜慮、般若，起勝意樂，是名菩薩波羅蜜多意樂。

辰四、真實意義樂

又諸菩薩於法無我、補特伽羅無我、甚深勝義諸法真如，起勝意樂，是名菩薩真實義意樂。

辰五、威力意樂

又諸菩薩於佛菩薩不可思議神通威力、或俱生威力，起勝意樂，是名菩薩威力意樂。

辰六、利益意樂

又諸菩薩於諸有情，欲以善法而授與之，是名菩薩利益意樂。

辰七、安樂意樂

又諸菩薩於諸有情，欲以饒益而授與之，是名菩薩安樂意樂。

辰八、解脫意樂

又諸菩薩即於如是諸有情所，無愛染心；又於當來可愛異熟，其心無繫，是名菩薩解脫意樂。

辰九、堅固意樂

又諸菩薩於其無上正等菩提，其心專注曾無變易，是名菩薩堅固意樂。

辰十、無虛妄意樂

又諸菩薩於諸有情饒益方便，於大菩提趣證方便無顛倒智俱行勝解，是名菩薩無虛妄意樂。

辰十一、不清淨意樂

又諸菩薩勝解行地所有一切增上意樂，是名菩薩不清淨意樂。

辰十二、清淨意樂

又諸菩薩從淨勝意樂地乃至決定行地，所有一切增上意樂，是名菩薩清淨意樂。

辰十三、善清淨意樂

又諸菩薩到究竟地，所有一切增上意樂，是名菩薩善清淨意樂。

辰十四、應調伏意樂

又諸菩薩不清淨意樂，是則名為應調伏意樂，由此意樂應思擇故。

辰十五、俱生意樂

又諸菩薩清淨意樂、善清淨意樂，是則名為俱生意樂，由此意樂性成就故，於所依中善安立故。

卯二、能作十事（分三）

辰一、標

如是菩薩十五妙善增上意樂，隨一切地，以要言之，能作十事。

辰二、徵

何等為十？

辰三、釋（分二）

巳一、舉依十二（分十）

午一、依最上意樂

謂諸菩薩最上意樂，能於三寶修一切種最勝供養，普於一切菩提資糧為最第一。

午二、依適止意樂

又諸菩薩遮止意樂，能於所受淨戒律儀，命難因緣亦不故思犯於所犯，設有所犯疾疾悔除。

午三、依波羅蜜多意樂

又諸菩薩波羅蜜多意樂，能於善法，常勤修習無放逸住，常住最勝無放逸住。

午四、依真實義意樂

又諸菩薩真實義意樂，能為有情以無染心流轉生死，不捨涅槃增上意樂。

午五、依威力意樂

又諸菩薩威力意樂，能於聖教，覺受淳淨上妙法味。復能於修，起堅固想，欣樂多住，不唯聞思便生喜足。

午六、利益安樂解脫意樂

又諸菩薩利益意樂、安樂意樂、解脫意樂，能於一切饒益有情所作事業精勤修習，雖常修習而無厭倦。

午七、依堅固意樂

又諸菩薩堅固意樂，能於種種熾然精進、廣大精進，發起安住無緩加行、無斷加行。

午八、依無虛妄意樂

又諸菩薩無虛妄意樂，能於所引彼彼善法速證通慧，不於少分下劣薄弱差別證中而生喜足。

午九、依應調伏意樂

又諸菩薩應調伏意樂，能引俱生意樂。

午十、依俱生意樂

又諸菩薩俱生意樂，能於無上正等菩提速疾趣證，能與天人作諸義利，利益安樂。

巳二、略不說三

應調伏意樂，即不清淨意樂。

俱生意樂，即清淨意樂、善清淨意樂。

故不別說。

卯三、遍攝一切

世尊所有為諸菩薩，於彼彼處，種種宣說、施設、開示增上意樂，當知一切即此十五意樂所攝，是故過去、未來、現在妙善意樂，諸菩薩眾於其無上正等菩提，曾、當、現證，一切皆由如是所說十五意樂，除此無有若過若增。

寅五、結

如是菩薩十五意樂，能得最大菩提果利，是故菩薩依此意樂速證無上正等菩提。

住品第四

壬四、十三住（分四）

癸一、標（分二）

子一、菩薩住

如是始從種性具足，廣說乃至於如所說菩薩所學，正勤修學。於如所說菩薩諸相，正等顯現。於諸菩薩分加行中，正勤修學。於如所說菩薩意樂，能淨修治。諸菩薩眾略有菩薩十二種住，由此菩薩十二種住，普攝一切諸菩薩住，普攝一切諸菩薩行。

子二、如來住

復有如來第十三住，由此住故現前等覺廣大菩提，名無上住。

癸二、徵

云何菩薩十二住等？

癸三、列（分二）

子一、唵陀南

唵陀南曰：

種性勝解行，極喜增上戒，增上心三慧，無相有功用，無相無功用，及以無礙解，最上菩薩住，最極如來住。

子二、長行（分二）

丑一、列名

謂菩薩種性住、勝解行住、極歡喜住、增上戒住、增上心住、增上慧住，復有三種：

- 一、覺分相應增上慧住；
- 二、諸諦相應增上慧住；
- 三、緣起流轉止息相應增上慧住。

謂諸菩薩如實了知能觀真實、所觀真實，及於真實諸有情類，由無智故眾苦流轉，由有智故眾苦止息，如是菩薩由於三門以慧觀察故，有三種增上慧住。

及有加行有功用無間缺道運轉無相住、無加行無功用無間缺道運轉無相住、無礙解住、最上成滿菩薩住。

是名菩薩十二種住。

丑二、結攝

如是菩薩十二種住，普攝一切諸菩薩住，普攝一切諸菩薩行。

癸四、釋（分二）

子一、別辨相（分二）

丑一、如來住

如來住者，謂過一切諸菩薩住，現前等覺大菩提住。此中，最後如來住者，於後究竟瑜伽處最後「建立品」，當具演說。

丑二、菩薩住（分二）

寅一、總標當說

菩薩所有十二種住如所安立，我今當說。

寅二、別顯十二（分二）

卯一、略釋（分二）

辰一、初二住（分二）

巳一、顯其自相（分二）

午一、種性住（分四）

未一、徵

云何菩薩種性住？

云何菩薩住種性住？

未二、釋（分三）

申一、性自仁賢

謂諸菩薩住種性住，性自仁賢，性自成就菩薩功德，菩薩所應眾多善法，於彼現行，亦有顯現，由性仁賢逼遣方便，令於善轉，非由思擇，有所制約，有所防護。

申二、具足佛種

若諸菩薩住種性住，任持一切佛法種子，於自體中、於所依中，已具足有一切佛法一切種子。

申三、性離麤垢

又諸菩薩住種性住，性離麤垢，不能現起上煩惱纏；由此纏故，造無間業或斷善根。

未三、指

如「種性品」所說種種住種性相，於此菩薩種性住中，亦應廣說，應如實知。

未四、結

是名菩薩種性住。

午二、勝解行住

云何菩薩勝解行住？

謂諸菩薩從初發心，乃至未得清淨意樂，所有一切諸菩薩行，當知皆名勝解行住。

巳二、廣展轉別（分二）

午一、菩薩住（分二）

未一、舉前四住（分四）

申一、種性住

又諸菩薩種性住中，於餘十一諸菩薩住及如來住，唯有因轉，攝受彼因，於餘所有諸菩薩住，尚未發趣、未得、未淨，況如來住！

申二、勝解行住

若諸菩薩勝解行住，普於一切餘菩薩住及如來住，皆名發趣，未得、未淨，即於如是勝解行住，亦名發趣，亦名為得為令清淨而修正行。

申三、極歡喜住

勝解行住既清淨已，極歡喜住先已發趣，今復名得為令清淨而修正行。

申四、增上戒住

極歡喜住既清淨已，增上戒住先已發趣，今復名得為令清淨而修正行。

未二、例後八住

如是廣說，展轉乃至最上成滿菩薩住。

午二、如來住（分二）

未一、明頓得淨

即此最上成滿菩薩住既清淨已，從此無間，其如來住先已發趣，當知於今頓得、頓淨。

未二、結其差別

是如來住，於菩薩住當知此中，如是差別。

辰二、後十住（分二）

巳一、顯其自相（分十）

午一、極歡喜住

云何菩薩極歡喜住？

謂諸菩薩淨勝意樂住。

午二、增上戒住

云何菩薩增上戒住？

謂諸菩薩淨勝意樂為緣，所得性戒相應住。

午三、增上心住

云何菩薩增上心住？

謂諸菩薩增上戒住清淨為緣，所得世間靜慮、等持、等至住。

午四、覺分相應增上慧住

云何菩薩覺分相應增上慧住？

謂諸菩薩以世間淨智所依等持為所依止，為覺諸諦於四念住等三十七菩提分法，妙簡擇住。

午五、諸諦相應增上慧住

云何菩薩諸諦相應增上慧住？

謂諸菩薩覺分簡擇為所依止，於諸諦中如實覺住。

午六、緣起流轉止息相應增上慧住

云何菩薩緣起流轉止息相應增上慧住？

謂諸菩薩於諦能覺增上力故，簡擇顯示由無智故苦及因起，簡擇顯示由有智故苦及因滅住。

午七、有加行有功用無相住

云何菩薩有加行有功用無相住？

謂諸菩薩即由三種增上慧住增上力故，有加行、有功用，無缺無間，於一切法真如無分別慧，修俱行住。

午八、無加行無功用無相住

云何菩薩無加行無功用無相住？

謂諸菩薩即於前無相住多修習已，任運自然，無缺無間運轉道隨行住。

午九、無礙解住

云何菩薩無礙解住？

謂諸菩薩即以善清淨無動慧等持，為所依止，得廣大慧為他說法，無上為依，能於諸法異門義趣釋詞差別，妙簡擇住。

午十、最上成滿菩薩住

云何菩薩最上成滿菩薩住？

謂諸菩薩安住於此，於菩薩道已到究竟，於阿耨多羅三藐三菩提已得大法灌頂，或一生所繫，或居最後有，從此住無間，即於爾時證覺無上正等菩提，能作一切佛所作事。

巳二、廣修得別（分二）

午一、於修所作（分三）

未一、狹小等

又諸菩薩勝解行住，於菩薩修，所作狹小，所作有缺，所作不定，所得有退。

未二、廣大等

極歡喜住，於菩薩修，所作廣大，所作無缺，所作決定，隨所獲得無復退轉。

如極歡喜住，乃至三種增上慧住，應知亦爾。

未三、無量等

從初無相住，乃至最上成滿菩薩住，於菩薩修，所作無量，所作無缺，所作決定，隨所獲得終無退轉。

午二、於無相修（分五）

未一、發趣

又諸菩薩勝解行住，於菩薩無相修，當知發趣。

未二、獲得

極歡喜住、增上戒住、增上心住、增上慧住，於菩薩無相修，當知獲得。

未三、圓證

初無相住，於菩薩無相修，當知圓證。

未四、清淨

第二無相住，於菩薩無相修，當知清淨。

未五、領受

無礙解住、最上成滿菩薩住，於菩薩無相修果，當知領受。

卯二、廣辨（分十一）

辰一、勝解行住（分二）

巳一、舉行狀相（分三）

午一、問

問：勝解行住菩薩轉時，應知何行、何狀、何相？

午二、答（分二）

未一、顯修得（分三）

申一、狹小有缺（分二）

酉一、在正行（分二）

戌一、於自佛法（分二）

亥一、未得自在

答：勝解行住菩薩轉時，思擇力勝，於諸菩薩所作加行，以分別慧數數思擇方能修作，未能任性成辦所作。

亥二、未得勝修（分二）

天一、舉其修因

未得堅固相續無退菩薩勝修。

天二、例修果等（分二）

地一、功德攝

如於勝修，於勝修果種種無礙勝解、神通、解脫、等持、等至，亦未

能得。

地二、勝利攝

未能超越五種怖畏，謂不活畏、惡名畏、死畏、惡趣畏、處眾怯畏。

戌二、他有情

於所應作利有情事，策勵思惟方能修作，未能任性哀愍愛念，或於一時於諸有情，由身語意發起邪行，或於一時於諸境界，發起貪著，或於一時於資生具現有慳吝。

酉二、在意樂（分二）

戌一、別辨相（分二）

亥一、於三寶等（分二）

天一、自內無知（分二）

地一、標

信他諸佛菩薩而行，未能自內了知真實。

地二、釋

謂於如來、或法、或僧、或真實義、或有情事、或佛菩薩神通威力、或因、或果，或應得義、或得方便、或於所行，皆隨他信，成就狹小聞所成智、思所成智而非無量。

天二、或時失念

又即於此，或時忘失，有忘失法。

亥二、於大菩提

成就菩薩苦遲通行，於大菩提無猛利樂欲，無熾然精進，無有甚深牢固淨信。

戌二、隨難釋（分三）

亥一、標

於其三處，有忘失念。

亥二、列

一於境界可意、不可意色聲香味觸法中，或於一時其心顛倒忘失正念；
二於受生彼彼身中，既受生已，忘失前生；
三於所受所持諸法，久作久說，或於一時有所忘失。

亥三、結

於是三處，有忘失念。

申二、所作不定（分三）

酉一、或具聰慧

或於一時具足聰慧，於其諸法能受能持，於其義理堪能悟入；或於一

時則不如是。

酉二、或具憶念

或於一時具足憶念；或於一時成忘念類。

酉三、勉為他說

於諸有情未能了知如實調伏善巧方便，於自佛法亦未了知如實引發善巧方便，為他說法教授教誡勉勵而轉，勉勵轉故不如實知，或時虛棄或不虛棄，如闇中射，或中、不中，隨欲成故。

申三、所得有退（分六）

酉一、退已發心

或於一時於大菩提雖已發心而復退捨。

酉二、捨先受戒

或於一時棄捨菩薩先所受學淨戒律儀，不能受學。

酉三、厭利有情

或於一時雖勤修習利有情事，而於中間生厭倦故，復還棄捨利有情事，由意樂故欲令自樂，由思擇故欲令他樂。

酉四、數犯淨戒

於諸菩薩所有違犯，多分遍知，非數遍知、無餘永斷，由於毀犯數現行故。

酉五、退怖大乘

或於一時於菩薩藏法毘奈耶他所引奪，或於一時聞說甚深廣大法教而生驚怖，其心搖動猶豫疑惑。

酉六、遠離大悲

於諸有情遠離一切現行大悲，於諸有情少分現前利益安樂，未能廣大、未能無量，於如上說一切圓滿菩薩學中，未能普學。

未二、辨學等（分二）

申一、指上說

於如上說一切圓滿菩薩諸相未皆成就，於如上說一切圓滿二分菩薩正加行中未等顯現，於如上說菩薩意樂，猶未清淨。

申二、隨難釋

於其無上正等菩提自謂為遠，未於涅槃增上意樂安立深固，如於生死長時流轉，於其熾然、無動、妙善菩提分法，未能成就。

午三、結

如是等類，當知是名勝解行住菩薩轉時，諸行狀相。

巳二、辨其差別（分二）

午一、於自〔三忍配三品〕

是諸菩薩勝解行住，下忍轉時，如上所說諸行狀相，當知上品。

中忍轉時，如上所說諸行狀相，當知中品。

上忍轉時，如上所說，當知下品，其性微薄。

午二、於極喜住（分三）

未一、〔無餘永斷別〕

即於如是上忍轉時，於上所說諸行狀相，漸次能令無餘永斷，從此無間，當知菩薩入極喜住。

未二、染淨相違別

由得方便極喜住中，勝解行住所說諸法皆無所有，與彼相違所有一切白品諸法皆悉顯現，由諸菩薩成就此故，轉得名為淨勝意樂。

未三、淨勝意樂別（分二）

申一、標簡

勝解行住菩薩轉時，雖有少分軟中上品方便展轉清淨勝解，而未得名淨勝意樂。

申二、釋因

何以故？由此勝解，為彼多種諸隨煩惱染污而轉，極歡喜住菩薩住時一切勝解，諸隨煩惱皆悉永斷，離隨煩惱淨勝解轉。

辰二、極歡喜住（分二）

巳一、問

問：極歡喜住菩薩轉時，應知何行、何狀、何相？

巳二、答（分二）

午一、略說（分二）

未一、別辨相（分八）

申一、善決定顯（分三）

酉一、簡前住

答：若諸菩薩從勝解行住入極歡喜住，先於無上正等菩提，菩薩弘願，未善通達菩提自性，未善通達菩提方便，多分隨順他緣而轉，不善決定。

酉二、顯六相（分三）

戌一、初三相攝

除捨彼故，發起六相，新善決定，內證修性，菩薩大願。

戌二、次二相攝

超過一切餘白淨願，無等不共果，是世間超過一切世間境界，隨救一

切有情苦故，不共一切聲聞、獨覺，雖一剎那生起此願，法性自爾能得菩薩無量白法可愛之果。

戌三、後一相攝

又此大願無變無盡自性得已，無異因緣令其退轉變異可得。又是勝分墮後邊際極大菩提。

酉三、結異名

如此菩薩善決定願，亦名「發心」。

申二、相發心（分三）

酉一、標

又即如是菩薩發心，略由四相應當了知。

酉二、徵

何等為四？

酉三、釋（分二）

戌一、列相

一者何相菩薩發心？

二者發心何所緣慮？

三者發心何狀，何相，何自性起？

四者發心有何勝利？

由此四相應當了知菩薩發心。

戌二、辨義（分四）

亥一、因相

謂諸菩薩勝解行住，已善積集一切善根，於菩薩行已正超出，略說是相菩薩發心。

亥二、緣慮

又諸菩薩緣當來世無倒速疾一切菩提資糧圓滿，一切菩薩利有情事圓滿，無上正等菩提一切種一切佛法圓滿，諸佛所作事業圓滿，略說緣慮如是發心。

亥三、狀相

又諸菩薩無倒速疾發起一切菩提資糧，隨順於諸有情一切菩薩所作，隨順獲得無上正等菩提，無師自然妙智，隨順遍一切種諸佛所作事業，隨順廣大願心。

亥四、勝利（分二）

天一、超過凡地

又諸菩薩發是心已，超過菩薩凡異生地，證入菩薩正性離生，生如來

家成佛真子，決定趣向正等菩提，決定紹繼如來聖種。

天二、極多歡喜（分二）

地一、辨（分六）

玄一、由得證淨

又正獲得如實證淨，極多歡喜。

玄二、由離瞋恚

於他有情，遠離多分忿害、鬥諍。

玄三、由離憍慢

於一切種菩薩所作利眾生事，於一切種菩提資糧圓滿，於一切種無上菩提一切佛法，於一切種佛所作事，以淨增上意樂，攀緣勝解趣入，於是諸法速疾圓證，自觀己身能正隨順，如是解了，極多歡喜。

玄四、由離貪喜

又自觀見妙善廣大能引出離無染無等攝受饒益，身心歡喜，於此無量熾然善法，皆悉成就。

玄五、由離驚怖

又自了知：我於無上正等菩提今已鄰近，於大菩提我勝意樂已得清淨，我今已離一切怖畏，由是因緣，極多歡喜。

玄六、由離怖畏

黃一、標

由諸菩薩已能發起善決定心，於五怖畏皆悉除斷。

黃二、釋（分五）

字一、無不活畏

由善修習無我妙智，分別我想尚不復轉，況當得有分別我愛或資生愛！由是因緣，無不活畏。

字二、無惡名畏

由於他所無所希望，常自發起如是欲樂：我當饒益一切有情！非於有情有所求覓，由是因緣，無惡名畏。

字三、無有死畏

由離我見，於我無有失壞想轉，故無死畏。

字四、無惡趣味

自知死後於當來世決定值遇諸佛菩薩，由此決定無惡趣畏。

字五、無處眾畏

由意樂見一切世間，尚無有一與我齊等，何況殊勝！是故無有處眾怯畏。

地二、結

菩薩如是遠離一切五種怖畏，遠離一切聞說甚深正法驚怖，遠離一切高慢憍傲，遠離一切他不饒益種種邪行所起瞋恚，遠離一切世財貪喜，無染污故無所憎背，有熾然故無俗意樂，能圓滿證一切善法。

申三、引發正願（分三）

酉一、標

又現法中能起菩薩一切精進，信增上力為前導故，於當來世如前所說「菩提分品」十種大願，今即於此極歡喜住，能具引發，由得清淨勝意樂故。

酉二、釋（分二）

戌一、別辨相（分二）

亥一、就是起願（分十）

天一、為供養佛

為欲供養最勝有情真實福田大師法主，是故引發第一大願。

天二、為受持法

為欲受持彼所宣說無上正法，是故引發第二大願。

天三、為轉法輪

為欲勸請轉未曾有妙正法輪，是故引發第三大願。

天四、為順正行

為欲順彼行菩薩行，是故引發第四大願。

天五、為熟有情

為欲成熟彼器有情，是故引發第五大願。

天六、為遍示現

為欲往趣諸佛國土，奉見如來，承事供養，聽受正法，是故引發第六大願。

天七、為淨自土

為淨修治自佛國土，是故引發第七大願。

天八、為同一趣

為於一切在所生處常不遠離諸佛菩薩，與諸菩薩常同一味意樂加行，是故引發第八大願。

天九、為恒利他

常為利益一切有情，曾不空過，是故引發第九大願。

天十、為作佛事

為證無上正等菩提，作諸佛事，是故引發第十大願。

亥二、就願起願

作是願言：「如有情界展轉相續終無斷盡，亦如世道展轉相續終無斷盡，我此大願，生生相續乃至究竟菩提邊際，常不遠離、常不忘失、常不乖離！」如是自誓，心發正願。

戌二、顯略義

當知此中，前就所應願事起願，後即就願以起於願，如是菩薩十種大願以為上首，能生無數百千正願。

酉三、結

如是菩薩，於當來世具諸大願，於現法中發大精進。

申四、淨修住法（分三）

酉一、標十法

復有十種淨修住法，由是能令極歡喜住速得清淨。

酉二、別列相（分十）

戌一、淨信

一者於諸佛法深生淨信。

戌二、大悲

二者觀諸有情緣起道理，證得唯有純大苦蘊，發起大悲。

戌三、大慈

三者觀見彼已自誓願言：我當令彼諸有情類解脫如是純大苦蘊，得第一樂，發起大慈。

戌四、惠施

四者為欲救拔一切憂苦自無顧戀，無顧戀故，能捨內外一切身財，於諸有情而行惠施。

戌五、無有厭倦

五者為欲利益諸有情故，從他勤求世出世法，曾無厭倦。

戌六、善知諸論

六者無厭倦故，證得一切論智清淨，善知諸論。

戌七、善解世間

七者善知論故，於劣中勝諸有情所，如應如宜而修正行，善解世間。

戌八、修習慚愧

八者即於如是正加行中，依應時分量等正行，而修慚愧。

戌九、堅力持性

九者即於如是正加行中得無退轉，堅力持性。

戌十、供養如來

十者以諸上妙利養恭敬及與正行，供養如來。

酉三、結略義

是名十種淨修住法。

由此能令極歡喜住速得清淨，所謂淨信、慈、悲、惠捨、無有厭倦、善知諸論、善解世間、修習慚愧、堅力持性、供養如來。

申五、開曉餘住（分二）

酉一、善取其相

又諸菩薩於此十法，受學隨轉多修習已。

復於餘九增上戒等諸菩薩住，從佛菩薩專精訪求一切種道功德過失及神通樂無失壞道，善取其行、得、等流相，於一切住自然昇進，證大菩提為大導師，率領一切有情商侶，超度生死曠野嶮道。

酉二、釋行、得、等流

當知此中，諸行能入，說名為行。

若正入時，說名為得。

入已果利成辦圓證，說名等流。

申六、修治善根（分二）

酉一、舉淨緣（分二）

戌一、明一切（分三）

亥一、供養三寶（分三）

天一、於諸佛（分二）

地一、現見因緣（分二）

玄一、標

又諸菩薩住此住中，由二因緣現見諸佛。

玄二、釋（分二）

黃一、由羸淨信

或由聽聞菩薩藏說，或由內心發起勝解，信有十方種種異名諸世界中種種異名諸佛如來，由羸淨信俱行之心求欲現見，如是求已，如實稱遂，當知是名第一因緣。

黃二、由正願力

又心發起如是正願：隨於彼彼諸世界中有佛出現，我當往生！如是願已如實稱遂，當知是名第二因緣。

地二、隨與供養

菩薩如是由羸淨信現見諸佛，由正願力現見諸佛，既得見已，隨力隨能興一切種恭敬供養，奉施種種上妙樂具。

天二、於僧眾

及於僧眾恭敬供養。

天三、於正法

於如來所聽聞正法，無倒受持，精進修行，法隨法行。

亥二、成熟有情

以四攝事成熟有情。

亥三、迴向菩提

一切善根悉皆迴向無上菩提。

戌二、出略義

由是三種清淨因緣，彼諸善根倍復明淨，謂於佛法僧供養攝受故，以四種攝事成熟有情故，以一切善根迴向菩提故，如是乃至無量俱胝那庾多百千大劫。

酉二、以喻願

譬如世間黠慧工匠，以礦性金置於火中如如燒鍊，如是如是轉得明淨。如是淨勝意樂菩薩所有善根，由是三種清淨因緣，轉復明淨，當知亦爾。

申七、受生（分二）

酉一、多作輪主

又住於此在在生處多作輪王，王瞻部洲得大自在，遠離一切所有慳垢，威被有情調伏慳吝。

酉二、恆發正願

諸四攝事所作業中，一切不離佛法僧寶，證一切種菩提，作意恆發願言：我當一切有情中尊，作諸有情一切義利所依止處。

申八、威力（分二）

酉一、由精進力

若樂發起如是精進，棄捨一切家屬財位，歸佛聖教淨信出家，一剎那頃瞬息須臾能證菩薩百三摩地，以淨天眼能於種種諸佛國土見百如來。

又即於彼變化住持菩薩住持，皆能解了，以神通力動百世界，身亦能往，放大光明周匝遍照，普令他見，化為百類成熟百種所化有情。若欲留命能住百劫，於前後際各百劫事智見，能入蘊界處等諸法門中，於百法門能正思擇化作百身，身身皆能現百菩薩，眷屬圍繞。

酉二、由正願力

自茲以去，是諸菩薩由願力故，當知無量威力神變，安住如是極歡喜

住諸菩薩眾，願力增上，能引無量殊勝正願所作神變，如是正願，乃至俱胝那庾多百千大劫不易可數。

未二、結略義

當知是名略說菩薩極歡喜住，謂善決定故，四相發心故，發起精進引發正願故，淨修住法故，開曉餘住故，修治善根故，受生故，威力故。

午二、廣指（分二）

未一、指配所說

若廣宣說，如《十地經》極喜地說。彼《十地經》廣所宣說菩薩十地，即是此中菩薩藏攝摩怛理迦，略所宣說菩薩十住，如其次第，從極歡喜住乃至最上成滿菩薩住。

未二、釋地住名

應知此中，由能攝持菩薩義故，說名為地。

能為受用居處義故，說名為住。

瑜伽師地論卷第四十八

辰三、增上戒住（分二）

巳一、問

問：增上戒住菩薩轉時，當知何行、何狀、何相？

巳二、答（分二）

午一、略說（分二）

未一、別辨相（分九）

申一、意樂清淨（分二）

酉一、出意樂（分三）

戌一、標

答：若諸菩薩先於極歡喜住，由十種心意樂，已得意樂清淨。

戌二、徵

何等為十？

戌三、列

- 一者於一切師長尊重福田不行虛誑意樂；
- 二者於同法菩薩忍辱柔和易可共住意樂；
- 三者勝伏一切煩惱及隨煩惱眾魔事業心自在轉意樂；
- 四者於一切行深見過失意樂；
- 五者於大涅槃深見勝利意樂；
- 六者於諸妙善菩提分法常勤修習意樂；
- 七者即於彼修為隨順故樂處遠離意樂；

八者於諸世間有染尊位利養恭敬無所顧戀意樂；
九者遠離下乘趣證大乘意樂；
十者欲作一切有情一切義利意樂。

酉二、明清淨

如是十種無倒意樂依心而轉，是故說為意樂清淨。

申二、性戒具足

即由如是十種意樂，成上品故極圓滿故，是諸菩薩入證第二增上戒住，於此住中，性戒具足。

申三、離一切犯

極少邪惡業道所攝諸惡犯戒，尚不現行，況中上品！
又於十種圓滿業道，自性顯現。

申四、了知因果業道（分二）

酉一、於因果

菩薩如是性戒具足，能以妙慧，於染不染惡趣、善趣及諸乘中，諸業現行，若因、若果，修證安立，如實了知。

酉二、於業道

於異熟果及等流果如是諸業，如實了知。

申五、受行淨業（分二）

酉一、自能受

自能現斷諸不善業，自能現受一切善業。

酉二、樂勸他

即於其中樂勸導他，能正勸導。

申六、照愍眾苦

於其種種不平等業，現行過失之所染污諸有情界，若興、若衰，等無差別，一切皆墮第一義苦，並住艱辛、種種艱辛之所逼切，甚可哀愍，於彼獲得廣大哀愍，如實觀照。

申七、善根清淨（分二）

酉一、指同前

是諸菩薩安住如是增上戒住，廣見諸佛善根清淨，如前應知。

申八、受生

此差別者，謂如世間善巧工匠，以所鍊金置迦肆娑置於火中，數數燒鍊轉更明淨。如是菩薩善根清淨當知亦爾，於此住中，淨心意樂成滿趣入，在所生處多作輪王，王四大洲，以自在力令多有情止息犯戒不善業道，勸彼受行諸善業道。

申九、威力

當知威力過前十倍。

未二、結略義

當知是名略說菩薩增上戒住，謂意樂淨故，性戒具足故，離一切種毀犯戒垢故，一切業道一切因果了知通達故，於諸淨業能自受行亦樂勸他令其受行故，於有情界諸業所生眾苦艱辛得大哀愍如實觀照故，善根清淨故，受生故，威力故。

午二、廣指（分二）

未一、指

若廣宣說，如《十地經》離垢地說。

未二、分配

遠離一切犯戒垢故，名離垢地。由離一切犯戒垢故，即此名為增上戒住。彼離垢地當知即此增上戒住。

辰四、增上住（分二）

巳一、問

問：增上心住菩薩轉時，當知何行、何狀、何相？

巳二、答（分二）

午一、略說（分二）

未一、別辨相（分九）

申一、淨心思惟成滿趣入（分四）

酉一、標

答：若諸菩薩先於增上戒住，已得十種清淨意樂，作意思惟解了通達。復由餘十淨心意樂作意思惟，成上品故極圓滿故，過增上戒住入增上心住。

酉二、徵

何等為十？

酉三、列

一者作意思惟，我於十種淨心意樂已得清淨；
二者作意思惟，我於十種淨心意樂，已清淨故能不退失；
三者作意思惟，我於一切漏有漏法心不趣入，於違背中能正安住；
四者作意思惟，我能於彼修對治中識正安住；
五者作意思惟，我能於彼所修對治不復退失；
六者作意思惟，我於如是堅固對治，不為一切漏有漏法一切魔軍之所勝伏；

七者作意思惟，我今能於一切佛法，其心無有怯劣而轉；
八者作意思惟，我今能於一切苦行無有怯弱；
九者作意思惟，我心一向於大乘中深生信解，終不愛樂餘下劣乘；
十者作意思惟，我於一切利有情事深心愛樂。

酉四、結

由此十種淨心意樂作意思惟，能入菩薩增上心住。

申二、通達諸行佛智及有情界

酉一、正通達（分三）

戌一、於諸行

菩薩安住增上心住，能以種種過患行相壞一切行，於彼諸行深心厭離。

戌二、於佛智

於佛妙智能以種種勝利行相，見大勝利。

又於其中，能以淳淨一味欲樂，深生愛慕。

戌三、於有情

於有情界能以種種苦惱行相觀為有苦，於諸有情興悲戀心，生依義心。

酉二、明所作

於一切行無有放逸，為大菩提熾然精進，於諸有情能起廣大悲愍意樂。

申三、推求有情脫苦方便

觀諸有情解脫眾苦究竟方便，唯是一切煩惱諸纏無障礙智，觀彼解脫能圓證者，唯於法界一切分別現行雜染生起對治無分別慧，觀能成辦彼智光明唯是無倒勝三摩地，觀所引發一切靜慮、等持、等至皆菩薩藏，聽聞為先皆聞正法以為緣起。

申四、恭敬正法訪求無倦（分三）

酉一、發大精進

觀見是已，發大精進訪求多聞，為聞正法不惜身命，無有資財內外愛物而不能捨，無有師長不誓承事，無有尊教不誓奉行，無有身苦而不誓受。

酉二、歡喜踴躍

若聞佛法一四句頌，歡喜踴躍，勝得三千大千世界充滿其中大珍寶聚，聞一句法是佛所說，能引正等覺、能淨菩薩行，歡喜踴躍，勝得一切釋、梵、護世轉輪王等極尊貴位。

酉三、堪忍大苦（分二）

戌一、設告言

設有告言：善男子聽！我有一句佛所說法，能引正等覺、能淨菩薩行，

汝欲聞不？汝今若能投大火坑受大苦者，當為汝說。

戌二、如應答

菩薩聞已，歡喜踊躍，答言：我能！我若得聞如前所說一句法義，正使火坑量等三千大千世界，滿中熾火，我從梵天尚投身入，況小火坑！為求佛法，尚應久處大那落迦受大苦惱，況餘小苦而不應受！

申五、能正修行及得安住（分二）

酉一、如實思惟

菩薩發起如是精進，求正法已，復能如實如理思惟，要正修行法隨法行，方得名為隨順佛法，非但聽聞文字、音聲而得清淨。

酉二、依聞修習

如是知已，即依所聞，正緣法相，遠離諸欲惡不善法，廣說乃至能得世俗四種靜慮、四無色定，及四無量、五種神通，具足安住。

申六、隨願受生（分二）

酉一、觀為義利

既多住已，復還棄捨諸靜慮等、等持、等至，願自在力還來欲界，觀彼彼處，若為有情能作義利、若能圓滿菩提分法，即便往生，非但自在而生彼處。

酉二、明斷諸縛

如是菩薩離欲貪故，名斷欲縛。

棄捨靜慮、等持、等至故，名斷有縛。

菩薩先從勝解行地，於法真如修勝解故，已斷見縛，邪貪、恚、癡畢竟不轉。

申七、善根清淨（分二）

酉一、指同前

廣見諸佛善根清淨，如前應知。

酉二、喻差別

此差別者，謂如世間善巧工匠，先所燒鍊手中真金，垢穢斯盡，稱量等住，如是菩薩善根清淨當知亦爾。

申八、受生

受生多分作釋天帝，善化有情令離欲貪。

申九、威力

所有威力，於前住中已說千數，當知此中，有百千數。

未二、節略義

當知是名略說菩薩增上心住，謂心意樂作意思惟成滿趣入故，於一切

行諸有情界及大菩提，能正通達故，於諸有情脫苦方便，能正推求故，於正法中起大恭敬訪求無倦故，能正修行法隨法行，於其世俗諸靜慮等、等持、等至、無量神通，能引能住故，棄捨於彼，願自在力隨樂受生故，善根清淨故，受生故，神力故。

午二、廣指（分二）

未一、指配

若廣宣說，如《十地經》發光地說。由發聞行正法光明、等持光明之所顯示，是故此地名發光地。由內心淨能發光明，是故說名增上心住。

未二、釋名

由此義故名發光地，即由此義當知復名增上心住。

辰五、覺分相應增上慧住（分二）

巳一、問

云何菩薩覺分相應增上慧住？

巳二、答（分二）

午一、略說（分二）

未一、別辨相（分十三）

申一、由法明入成滿得入（分二）

酉一、明趣入

謂諸菩薩先於增上心住，以求多聞增上力故，已得十法明入，由此十法明入，成上品故極圓滿故，超過增上心住入初增上慧住。

酉二、釋略義

如是十法，明入文詞，如《契經》說，應知其相，謂若彼假設、若於中假設、若由此假設、若平等勝義、若染惱故、清淨故成染成淨、若由繫縛煩惱所染、若由無上清淨所淨，當知是名十法明入略所說義。

申二、得熟智法

是諸菩薩住此住中，如《契經》說，不壞意樂而為上首，所有十種能成熟智，智成熟法，皆悉成就，長如來家，得彼體法。

申三、修習菩提分法

觀一切種菩提薩埵增上力故，修四念住而為上首，三十七種菩提分法。

申四、斷微細見執著動亂

如《契經》說：由於此法方便攝受勤修習故，最極微細薩迦耶見執著一切蘊界處等一切動亂，皆得畢竟不現行斷。

申五、制業開業遠離習近

由彼斷故，一切如來所呵毀業皆不現行，一切如來所讚美業如實隨轉。

申六、心轉調柔及善清淨

既如是已其心轉復滋潤，柔和有所堪能，其心轉復種種行相皆善清淨。

申七、隨順意樂功德隆盛

又善知恩知報恩等隨順意樂，種種白法皆悉成就。

申八、尋求上業發大精進

尋求上地能修治業，發大精進，速得安住。

申九、修淨意樂勝解界性

由此因緣，所有意樂、增上意樂，勝解界性皆得圓滿。

申十、魔怨無動

由是因緣，一切外道種種魔軍聖教怨敵，不能映奪，不能傾動。

申十一、善根清淨（分二）

酉一、總辨善根（分二）

戌一、指同前

廣見諸佛，善根清淨，廣說如前，應知其相。

戌二、喻差別

此差別者，謂如世間善巧工匠，以所鍊金作莊嚴具，非餘未作莊嚴具金之所映奪。如是此中，菩薩善根，非餘安住凡住菩薩所有善根所能映奪。

酉二、別喻慧根

如末尼寶所放光明，非餘寶珠所能映奪，一切世間風水雨等不能斷滅所放光明。如是此中，菩薩所有智慧光明，一切聲聞及獨覺等不能映奪，一切魔怨不能斷滅。

申十二、受生

受生多作蘇夜摩天王，善化有情，令其除滅薩迦耶見。

申十三、威力

所有威力，於前住中說百千數，當知此中，說俱胝數。

未二、結略義

當知是名略說菩薩覺分相應增上慧住，謂法明入成滿得入故，成就智故，修習菩提分法故，薩迦耶見等一切執著動亂斷故，制業開業遠離習近故，由是因緣心調柔故，隨順功德皆隆盛故，依所尋求修治地業發大精進故，由是因緣所有意樂增上意樂勝解界性淨修治故，由是因緣一切聖教所有怨敵不能映奪及傾動故，善根清淨故，受生故，威力故。

午二、廣指（分三）

未一、指

若廣宣說，如《十地經》焰慧地說。

未二、釋

於此地中，菩提分法如實智焰，能成正法教慧照明，是故此地名焰慧地。

未三、配

又即彼地此中，說名覺分相應增上慧住。

辰六、諸諦相應增上慧住（分二）

巳一、問

云何菩薩諸諦相應增上慧住？

巳二、答（分二）

午一、略說（分二）

未一、別辨相（分十）

申一、平等意樂成滿得入（分三）

酉一、明證入

謂諸菩薩先於覺分相應增上慧住，已得十種平等清淨意樂，由彼平等清淨意樂，成上品故，極圓滿故，超過第一增上慧住，證入第二增上慧住。

酉二、指經說

十種平等清淨意樂所有文詞，如《契經》說，應知其相。

酉三、明略意

謂無等覺與諸覺等，超過所餘諸有情界及以諸法，如其平等，當知是名十種平等清淨意樂略所說義。

申二、善巧方便觀察諸諦（分二）

酉一、指經說

如是菩薩住此住中，多分希求智殊勝性，於四聖諦由十行相，如實了知一切文詞，如《契經》說，應知其相。

酉二、明略義

謂依曉悟他、依自內智、依俱處所名為此說，依於契經、調伏、本母名由此說，依於現在眾苦自性、依於未來苦因生性、依於因盡彼盡無生性、依於修習彼斷方便性名如此說，當知是名十種行相四聖諦智所有略義。

申三、毀壞諸行悲愍有情

如是於諦善巧菩薩，於一切行以慧正毀，於有情界增悲意樂，於前後

際愚癡有情所有邪行，能正通達。

申四、發願攝受福智資糧

為欲令彼得解脫故，攝受廣大福智資糧心發正願。

申五、念慧行等功德增益

及即於彼意樂引攝正念慧行而為上首，所有眾多殊勝功德皆悉增盛。

申六、無餘作意成熟有情

諸餘作意皆悉遠離，以其種種成熟方便成熟有情。

申七、引發世間工業明處（分二）

酉一、標所為

如《契經》說：所有種種能益有情世俗書論印算計等工業明處，於是一切皆能引發，於諸有情深悲愍故，漸次乃至方便安立妙菩提故。

酉二、明略義

隨順世間言說事故，為欲方便壞貧窮故，為令世間諸界錯亂人非人等所起災患皆息滅故，為施無罪諸戲樂具除彼非法諸戲樂故，諸有希求種種居處資生具者，為少用功皆能施與種種居處資生具故，為欲拔濟諸王賊等逼惱事故，為欲開制是處非處諸加行故，為欲安立吉非吉事令取捨故，為正勸獎於現法中令其展轉不相謀略，及為宣說當來無倒勝生道故，當知是名能益有情工業明處略所說義。

申八、善根清淨（分二）

酉一、總辨善根（分二）

戌一、指同前

其餘一切，如前應知。

戌二、喻差別

此差別者，謂如世間善巧工匠，以所鍊金作莊嚴具，牟袞羅寶瑩飾廁鈿，所有餘金無與等故，不能映奪。如是此中，菩薩善根，一切聲聞及諸獨覺、餘地菩薩不能映奪。

酉二、別喻慧根

又如日月，諸宿光明、一切風輪不能映奪，然其迴轉共彼風同。如是此中，菩薩妙慧，一切聲聞、諸獨覺等不能映奪，然其所作與世共同。

申九、受生

受生多作珊睹史多天王，善化有情令捨一切外道邪法。

申十、威力

所有威力，當知此說千俱胝數。

未二、結略義

當知是名略說菩薩諸諦相應增上慧住，謂十平等清淨意樂成滿得入故，善巧方便觀察諸諦漸增長故，毀壞諸行悲愍有情漸增長故，即為是義長養廣大福智資糧，心發正願勤加行故，念慧行等德增長故，無餘作意以一切種成熟有情勤加行故，引發世間工巧業故，善根清淨故，受生故，威力故。

午二、廣指（分三）

未一、指

若廣宣說，如《十地經》極難勝地。

未二、釋

今此地中顯示菩薩於諸聖諦決定妙智極難可勝，是故此地名極難勝。

未三、配

即由此義，應知此中諸諦相應增上慧住。

辰七、緣起相應增上慧住（分二）

巳一、問

云何菩薩緣起相應增上慧住？

巳二、答（分二）

午一、略說（分二）

未一、別辨相（分十一）

申一、十法平等性成滿得入（分三）

酉一、指經說

謂諸菩薩先於諸諦相應增上慧住，已得十種法平等性，當知文詞如《經》廣說。

酉二、明得入

如是十種法平等性，成上品故，極圓滿故，超過前住得入此住。

酉三、釋略義

謂於一切法，由有勝義自性無相平等性故，言說造作影像無相平等性故，即由此相自然不生平等性故，因亦不生平等性故，自然與因皆不生故，畢竟本寂平等性故，現有體事能取正智，離諸戲論平等性故，遠離一切取捨造作平等性故，即此煩惱眾苦雜染離繫解脫平等性故，分別所執境界自性如幻化等平等性故，無分別智所行自性有無無二平等性故，當知是名此中十種法平等性略分別義。

申二、覺悟緣起生解脫門

如是菩薩住此住中，於諸有情增長悲愍，於大菩提生起猛利欲樂悌求，於諸世間合散生滅，以一切種緣起正觀，觀察了知，依緣起智能

引發空、無相、無願三解脫門。

申三、一邪想皆不現行

由是因緣，所有自、他、作者、受者、有、無等想，皆不復轉。

申四、顧念有情攝受生死

菩薩如是善於勝義顧念有情，如理通達煩惱繫故，緣和合故，有為諸法自性羸劣，離我我所無量過失污染而轉，非離一切煩惱繫縛眾緣和合，是故我今為自防護，應令一切煩惱繫縛眾緣和合皆悉斷壞，為益有情不應永滅一切有為。

申五、無著般若智住現前（分二）

酉一、標名

如是菩薩住此住中，智悲隨逐，名無著智現前、般若波羅蜜多住現前。

酉二、釋相（分三）

戌一、不染世間

由此住故，於一切世間行無染而行。

戌二有猛利忍

又即此住有猛利忍，於第七地有加行行邊際菩薩忍，當知是彼隨順忍攝。

戌三、不住二邊

又此無著智現前、般若波羅蜜多住現前，能引能引菩提眾緣，於諸世間有為諸行住而不住，雖於寂滅見寂靜德而亦不住。

申六、證無量定（分二）

酉一、舉空三摩地

如是菩薩方便般若智所隨逐，能入空三摩地，令十百千上首三摩地門皆現在前。

酉二、例無願無相

如空三摩地，如是無願、無相三摩地，當知亦爾。

申七、證不壞意樂

由此上首三摩地門現在前故，意樂不壞。

申八、魔怨無奪

於一切種諸佛聖教，一切外道及諸魔軍、聖教怨敵不能引奪。

申九、善根清淨（分二）

酉一、總辨善根（分二）

戌一、指同前

餘如前說。

戌二、喻差別

此差別者，謂如世間善巧工匠，以所鍊金作莊嚴具，琉璃寶珠瑩飾廁鈿，一切餘金不能映奪。如是此中，菩薩善根清淨殊勝，如先所說不能映奪。

酉二、別喻慧根

又如月光，於有情身能令悅豫，非四風輪所能斷壞。如是此中，菩薩慧光，一切有情煩惱鬱蒸皆能息滅，一切外道、魔軍、怨敵不能斷壞。

申十、受生

受生多作妙化天王，善化有情令除一切增上慢等。

申十一、威力

所有威力，當知此中，說百千俱胝數。

未二、結略義

當知是名略說菩薩緣起相應增上慧住，謂十法平等性成滿得入故，覺悟緣起生解脫門故，一切邪想不現行故，方便攝受生死故，無著智現前、般若波羅蜜多住現在前故，證得無量三摩地故，證得不壞意樂故，於佛聖教不可引奪故，廣見諸佛善根清淨故，受生故，威力故。

午二、廣指（分三）

未一、指

若廣宣說，如《十地經》現前地說。

未二、釋

由此地中，無著智現前、般若波羅蜜多住現在前故，名現前地。

未三、配

即由此義，當知亦名緣起相應增上慧住。

辰八、有加行有功用無相住（分二）

巳一、問

云何菩薩有加行有功用無相住？

巳二、答（分二）

午一、略說（分二）

未一、別辨相（分十二）

申一、不共勝行成滿得入（分二）

酉一、明得入

謂諸菩薩於前第六緣起相應增上慧住，已得十種妙方便慧所引世間不共一切有情而共一切世間進道勝行，即由如是妙方便慧所引不共進道勝行，成上品故極圓滿故，超過第六住，得入第七住。

酉二、指略義

如是文詞，如《經》廣說，應知其相，謂依能起世間興盛攝受福德，依於有情利益安樂增上意樂，依為菩提福德資糧菩提分法後勝進，依不共聲聞，依不共獨覺，依有情界，依諸法界，依諸世界，依諸如來身語心智，當知是名妙方便慧所引不共進道勝行處所略義。

申二、通達佛境起勤加行

菩薩與彼共相應故，便能通達無量無數如來境界，及為彼起無功用無相無分別無異分別，觀無量佛境界，起無間無缺，精勤修學一切威儀行住作意，一切分位不遠離道。

申三、一剎那圓證覺支（分二）

酉一、標簡

彼於一一心剎那中，十波羅蜜多而為上首，一切菩提分法圓滿殊勝，諸餘下住則不如是。

酉二、辨釋

謂於第一極歡喜住，正以大願為勝所緣；
於第二住，正能除遣毀犯戒垢；
於第三住，正願增長得法光明；
於第四住，正趣入道；
於第五住，正入一切世間事業；
於第六住，正入甚深緣起道理；
今即於此第七住中，具足發起一切佛法，覺支圓滿。

申四、有加行行圓滿所攝

此住菩薩加行行圓滿所攝故，妙智神通行清淨能入第八住故，由是菩薩此住無間能入第八極清淨住。

申五、安立染汙及不染汙（分二）

酉一、望第八住

彼第八住一向清淨，此第七住猶名為雜，與清淨住為前導故，當言此住名不染汙，猶未得故，當言此住墮雜染汙。

酉二、唯約自在

今此住中，一切貪等上首煩惱皆悉除斷，當知此住非有煩惱非離煩惱，一切煩惱不現行故，怖求佛智猶未得故。

申六、淨業工巧皆得圓滿

如是行者，增上意樂已得清淨，無量身語意業隨轉，於諸如來所讚毀業，如前廣說，於第五住所引世間工巧業智轉得圓滿，三千世界共許

為師，唯除安住上住菩薩及諸如來意樂加行無與等者。

申七、得三摩地無量不共（分三）

酉一、辨得相

於一切靜慮等菩提分法皆能現前，由修行相現在前故，非由安住異熟分位，如第八住。

酉二、顯無量

此諸菩薩如是方便，能善思擇諸三摩地，引發菩薩三摩地上首十百千種三摩地門。

酉三、明不共（分二）

戌一、於三摩地

由得如是三摩地故，超過一切聲聞、獨覺三摩地境。

戌二、於諸境界（分二）

亥一、辨所行境

菩薩如是一切煩惱皆悉遠離難可了知，一切分別現行隨逐，身語意業皆悉安住，而不捨離尋求勝進勇猛加行，顧念有情，為大菩提速圓滿故，離一切相，無量身語意業隨轉，妙善修治，無生法忍之所顯發。

亥二、料簡差別

於此住中，由自覺慧境界故，超過一切聲聞、獨覺境界，餘六住中但由佛法增上所緣故，超過一切聲聞、獨覺境界。

申八、剎那能入滅定

又諸菩薩第六住中所入滅定，今此住中念念能入，然此菩薩甚希奇業不可思議，謂常安住實際住中，而於寂滅能不作證。

申九、現行一切不共妙行（分二）

酉一、標彼相

彼由如是妙方便智之所引發增上力故，能行一切有情不共菩薩妙行，雖與世間相似顯現而非彼性，如《經》廣說。

酉二、釋經義

此中總義，謂依福業事，攝受種種親屬徒眾求生差別，發起勝進三解脫住，信解劣乘方便調伏，受用諸欲求欲差別轉，諸外道隨他心轉，隨大眾轉。

申十、善根清淨（分二）

酉一、總辨善根（分二）

戌一、指同前

餘如前說。

戌二、喻差別

此差別者，謂如世間善巧工匠，以所鍊金作莊嚴具，諸末尼寶瑩飾廁鈿，甚為光麗，餘瞻部洲一切金寶不能映奪。如是此中，菩薩善根轉復清淨，一切聲聞、獨覺善根及餘下住菩薩善根不能映奪。

酉二、別喻慧根

又如日光，多分乾竭瞻部洲中所有穢濕，餘一切光不能映奪。如是此中，菩薩慧光，多分乾竭一切有情煩惱諸毒，如前所說，諸聲聞等所有智光不能映奪。

申十一、受生

受生多作他化自在天王，於能授與一切聲聞、獨覺現觀方便善巧。

申十二、威力

所有威力，當知此說俱抵百千數。

未二、結略義

當知是名略說菩薩有加行有功用無相住，謂妙方便慧所引世間進道勝行成滿得入故，通達如來佛境界起無間無缺勤加行故，一一剎那圓證一切菩提分法故，安立染污不染污故，有加行行圓滿攝故，依於意樂清淨業轉一切世間工巧業等皆圓滿故，逮得無量不共一切聲聞、獨覺三摩地故，剎那剎那入滅定故，現行一切有情不共世間行故，善根清淨故，受生故，威力故。

午二、指廣（分三）

未一、指

若廣宣說如《十地經》遠行地說。

未二、釋

此地菩薩有加行行圓滿攝故，名遠行地。

未三、配

即由此義，當知亦名有加行有功用無相住。

辰九、無加行無功用無相住（分二）

巳一、問

云何菩薩無加行無功用無相住？

巳二、答（分二）

午一、略說（分二）

未一、別辨相（分八）

申一、第一義智成滿得入（分三）

酉一、標經說

謂諸菩薩於初無相住中，已得十種入一切法第一義智，如《經》廣說。

酉二、舉略說

謂依三世如其所應本來無生無起無相，依餘因性無成無壞，依第一義畢竟離言諸自性事，言說造作影像自性，由體相故及因性故都無所有，即由如是雜染體性，無流轉性無止息性，依此無智邪執為因，於彼離言諸有體事初中後位一切時分，染平等性，依於真如無倒證入無有分別平等性故能除雜染，是名此中略所說義。

酉三、明得入

如是十種入一切法第一義智，成上品故，極圓滿故，超過第七雜清淨住，得入第八純清淨住。

申二、於無生法得清淨忍（分五）

酉一、標

住此住中，於無生法，證得菩薩第一最勝極清淨忍。

酉二、徵

此復云何？

酉三、釋（分二）

戌一、明方便

謂諸菩薩由四尋思，於一切法正尋思已，若時獲得四如實智，如實了知一切諸法，爾時一切邪分別執皆悉遠離。

戌二、明正觀

觀一切法，於現法中隨順一切雜染無生觀，彼先時一切所有邪分別執因所生法，於當來世一切無餘永不復生。

酉四、指

此四尋思、四如實智，廣說如前「真實義品」。

酉五、結

此如實智，始從勝解行住，乃至有加行有功用無相住，未極清淨，今此住中已極清淨。

申三、除斷災換得甚深住（分三）

酉一、標

是故說言：於無生法證得菩薩第一最勝極清淨忍，是諸菩薩得此忍故得甚深住，先於第一無相住中，四種災患今悉除斷。

酉二、列

一者除斷於無相中有加行有功用事；

二者除斷於上清淨住精勤思慕；

三者除斷於一切種利有情事有大堪能精勤思慕；

四者除斷有微細想現在前行。

酉三、結

是故此住名極清淨。

申四、蒙佛悟導授妙智等

又此菩薩於甚深住極生愛樂，即於如是法門流中，蒙諸如來覺悟勸導，授與無量引發門智神通事業。

申五、悟入分身妙智得自在(分二)

酉一、指經說

如是蒙佛覺悟勸導，引發無量分身妙智，得十自在，如《經》廣說，應知其相。

酉二、辨自在

得自在故隨所欲住，如意能住隨樂安住，靜慮解脫等諸心住，如意能住。若暫思惟一切食等諸資生具悉皆成辦，一切世間工業明處如其所欲悉能現行，普於一切能感生業，及於一切受生處所，皆隨所欲自在往生，隨所愛樂一切神通所作事業皆能起作，一切妙願隨其所欲皆得稱遂，隨於事物發起勝解，如所欲為皆成無異，隨所欲知所知境界皆如實知，普於一切名句文身得隨所欲，於一切法正安立中皆得善巧。

申六、領受所得自在勝利

如是菩薩獲得自在，從是已去所得自在所作勝利，廣說如《經》，應知其相。

申七、善根清淨(分二)

酉一、舉因緣

又能棄捨羸見諸佛，恒常無間不離見佛。

酉二、指經喻

其餘所有善根清淨，金喻、光喻，如《經》應知。

申八、受生威力

此住菩薩受生威力諸殊勝事，皆如《經》說，應知其相。

未二、結略義

當知是名略說菩薩無加行無功用無相住，謂入一切法第一義智成滿得入故，得無生法忍故，除斷一切災患故，逮得菩薩甚深住故，於法門流蒙佛授與無量引發門智神通事業故，悟入無量分身智故，得自在故，領受所得自在勝利故，善根清淨故，受生故，威力故。

午二、廣指(分三)

未一、指

若廣宣說，如《十地經》不動地說。

未二、釋

於此地中，捨先所有有加行有功用道，其心昇上無加行無功用，任運而轉不動勝道，是故此地名不動地。

未三、配

即由此義，當知說名無加行無功用無相住。

辰十、無礙解住（分二）

巳一、問

云何菩薩無礙解住？

巳二、答（分二）

午一、略說（分二）

未一、別辨相（分五）

申一、於殊勝智愛樂隨入

謂諸菩薩於甚深住不生喜足。

復於增上智殊勝性愛樂隨入。

申二、起智加行宣說諸法

是諸菩薩於諸法中起智加行，應為他說一切種法。

申三、如實了知說法所作

普於一切說法所作皆如實知。當知此中，說法所作，謂於一切近稠林行，如此雜染、如此清淨、由此雜染、由此清淨、若所雜染、若所清淨、若非一向、若是一向、若通二種，如是一切皆如實知。

申四、成大法師（分二）

酉一、明領受

如是菩薩於說法中方便善巧，於說所作方便善巧，於一切種成大法師，獲得無量陀羅尼門，於一切種音詞，支具剖析，善巧辯才無盡。

酉二、顯堪能（分三）

戌一、標

成就如是法陀羅尼，領受堪能，菩薩由此勝無礙解引發言詞，能坐如是微妙法座。

戌二、列

若於是中、若於是處，宣說正法盡所有門，若由此故，於諸有情勸導慰喻安處事業，此等堪能皆悉成就。

戌三、指

如是一切，廣說如《經》，應知其相。

申五、善根清淨等

善根清淨受生威力諸殊勝事，亦廣如《經》，應知其相。

未二、結略義

當知是名略說菩薩無礙解住，謂於甚深寂靜解脫不生喜足入勝進故，於諸法中起智加行宣說法故，此所作事如實知故，得不思議大法師故，善根清淨故，受生故，威力故。

午二、廣指（分三）

未一、指

若廣宣說，如《十地經》善慧地說。

未二、釋

由此地中，一切有情利益安樂意樂清淨，逮得菩薩無礙解慧，由此善能宣說正法，是故此地名善慧地。

未三、配

即由此義，當知復名無礙解住。

辰十一、最上成滿菩薩住（分二）

巳一、問

云何菩薩最上成滿菩薩住？

巳二、答（分二）

午一、略說（分二）

未一、釋（分三）

申一、無礙解住成滿得入

謂諸菩薩無礙解住，一切行相遍清淨已，堪為法王受法灌頂。

申二、得三摩地及受灌頂

得離垢等無量無數勝三摩地，作彼所作一切智智，殊勝灌頂後三摩地現在前故，得一切佛相稱妙座身諸眷屬，得大光明往來普照，一切行相一切智智，灌灑其頂，既灌頂已。

申三、得不思議諸殊勝事

普能引導所化有情，於彼解脫方便佛事，得如實智，逮得無量無邊解脫陀羅尼門，大神通力，及此增上大念大智，增上引發訓詞安立，及大神通，增上引發善根清淨，受生威力，諸殊勝事，一切如《經》，應知其相。

未二、結

當知是名略說最上成滿菩薩住。

午二、廣指（分三）

未一、指

若廣宣說，如《十地經》法雲地說。

未二、釋（分二）

申一、顯相（分二）

酉一、喻能領受

是諸菩薩住此地中，諸菩薩道皆得圓滿，菩提資糧極善周備，從諸如來大法雲所，堪能領受其餘一切有情之類難可領受最極廣大微妙法雨。

酉二、喻能化導

又此菩薩自如大雲未現等覺無上菩提，若現等覺無上菩提，能為無量無邊有情，等雨無比微妙法雨，殄息一切煩惱塵埃，能令種種善根稼穡生長成熟。

申二、結名

是故此地名法雲地。

未三、配

即由此義，當知復名最上成滿菩薩住。

子二、總料簡（分六）

丑一、功德

如是所說後住中支分功德，非前前住一切都無，然下品故不墮其數，當知即彼展轉修習成中上品，於餘後地證得成滿，方乃建立。

丑二、劫量（分二）

寅一、總標

又即於此一一住中，經多俱抵百千大劫，或過是數方乃證得及與成滿，然一切住，總經於二無數大劫方得圓證。

寅二、別釋（分二）

卯一、明證得（分三）

辰一、第一劫

謂經第一無數大劫，方乃超過勝解行住，次第證得極歡喜住，此就恆常勇猛精進，非不勇猛勤精進者。

辰二、第二劫

復經第二無數大劫，方乃超過極歡喜住，乃至有加行有功用無相住，次第證得無加行無功用無相住，此即決定以是菩薩得淨意樂，決定勇猛勤精進故。

辰三、第三劫

復經第三無數大劫，方乃超過無加行無功用無相住及無礙解住，證得最上成滿菩薩住。

卯二、辨差別（分二）

辰一、標列

當知此中，略有二種無數大劫：

一者日夜月半月等算數方便，時無量故，亦說名為無數大劫；
二者大劫算數方便，超過一切算數之量，亦說名為無數大劫。

辰二、料簡（分二）

巳一、前說

若就前說無數大劫，要由無量無數大劫，方證無上正等菩提。

巳二、後說（分二）

午一、明不過量

若就後說無數大劫，但經於三無數大劫，便證無上正等菩提，不過此量。

午二、明轉不轉

若正修行最上上品勇猛精進，或有能轉眾多中劫，或有乃至轉多大劫，當知決定無有能轉無數大劫。

丑三、修斷（分二）

寅一、總標

又由如是所說十二諸菩薩住，經三無數大劫時量，能斷一切煩惱障品所有羸重，及斷一切所知障品所有羸重。

寅二、別顯（分二）

卯一、正斷羸重（分二）

辰一、煩惱障品（分二）

巳一、標

於三住中，當知能斷煩惱障品所有羸重。

巳二、釋（分三）

午一、於極歡喜住

謂於極歡喜住中，一切惡趣諸煩惱品所有羸重皆悉永斷，一切上、中諸煩惱品皆不現行。

午二、於無加行無功用無相住

於無加行、無功用無相住中，一切能障一向清淨無生法忍諸煩惱品所有羸重皆悉永斷，一切煩惱皆不現前。

午三、於最上成滿菩薩住

於最上成滿菩薩住中，當知一切煩惱習氣、隨眠障礙皆悉永斷，入如來住。

辰二、所知障品（分三）

巳一、標

當知一切所知障品所有羸重，亦有三種。

巳二、列

一者在皮羸重；
二者在膚羸重；
三者在肉羸重。

巳三、釋

當知此中，在皮羸重，極歡喜住皆悉已斷；在膚羸重，無加行無功用無相住皆悉已斷；在肉羸重，如來住中皆悉已斷，得一切障極清淨智。

卯二、修斷資糧

於三住中，煩惱、所知二障永斷。所餘諸住，如其次第，修斷資糧。

丑四、清淨（分二）

寅一、標

即於如是十三住中，當知略有十一清淨。

寅二、列（分十一）

卯一、種性清淨

謂於第一種性住中，種性清淨。

卯二、信解清淨

於其第二勝解行住，信勝解淨。

卯三、意樂清淨

於其第三極歡喜住，勝意樂淨。

卯四、增上戒清淨

於其第四增上戒住，增上戒淨。

卯五、增上心清淨

於其第五增上心住，增上心淨。

卯六、無倒智清淨

於其第六、第七、第八增上慧住，無顛倒智發起清淨。

卯七、有加行圓滿清淨

於其第九有加行有功用無相住，有加行行圓滿清淨。

卯八、真智神通引發清淨

於其第十無加行無功用無相住，真智神通引發清淨。

卯九、無礙解清淨

於第十一無礙解住，能正為他宣說法義無礙解淨。

卯十、妙智清淨

於第十二最上成滿菩薩住中，入一切種一切所知妙智清淨。

卯十一、究竟清淨

於第十三如來住中，一切煩惱及所知障并諸習氣究竟清淨。

丑五、相攝（分二）

寅一、標指

如前「菩薩功德品」中所說八法能攝大乘，當知在此十三住攝。

寅二、配釋（分五）

卯一、初二住攝

謂於第一、第二住中，於菩薩藏生信、勝解，聽受思惟。

卯二、第三住攝

第三住中，得勝意樂；趣向前行勝修行相。

卯三、次六住攝

於餘一切乃至有加行有功用無相住中，得修廣大。

卯四、次三住攝

於上三種淨行所攝，菩薩住中修果成滿。

卯五、如來住攝

如來住中，當知獲得究竟出離。

丑六、類聲聞住（分二）

寅一、標

當知菩薩十二種住，隨其次第，類聲聞住。

寅二、配（分十）

卯一、初住

如諸聲聞，1 自種性住，當知菩薩初住亦爾。

卯二、第二住

如諸聲聞，2 趣入正性離生加行住，當知菩薩第二住亦爾。

卯三、第三住

如諸聲聞，3 已入正性離生住，當知菩薩第三住亦爾。

卯四、第四住

如諸聲聞，4 已得證淨聖所愛味，為盡上漏增上戒學住，當知菩薩第四住亦爾。

卯五、第五住

如諸聲聞，5 依增上戒學引發增上心學住，當知菩薩第五住亦爾。

卯六、第六七八住

如諸聲聞，6-8 如其所得諸聖諦智增上慧學住，當知菩薩第六、第七、第八住亦爾。

卯七、第九住

如諸聲聞，9 善觀察所知，無相三摩地加行住，當知菩薩第九住亦爾。

卯八、第十住

如諸聲聞，10 成滿無相住，當知菩薩第十住亦爾。

卯九、第十一住

如諸聲聞，11 從此出已，入解脫處住，當知菩薩第十一住亦爾。

卯十、第十二住

如諸聲聞，12 具一切相阿羅漢住，當知菩薩第十二住亦爾。

◎第三持究竟瑜伽處

生品第一

壬五、生品（分五）

癸一、標

諸菩薩生略有五種攝一切生，於一切住一切菩薩受無罪生，利益安樂一切有情。

癸二、徵

何等為五？

癸三、列

一者除災生；
二者隨類生；
三者大勢生；
四者增上生；
五者最後生。

癸四、釋（分五）

子一、除災生（分二）

丑一、徵

云何菩薩除災生？

丑二、釋（分二）

寅一、略說（分二）

卯一、舉事（分六）

辰一、濟饑饉

謂諸菩薩或大願力或自在力，於諸飢饉厄難曠野正現前時，為令眾生少用功力而得存濟，於大魚等種類中生，身形廣大隨所生處，以自身肉普給一切飢餓眾生，皆令飽滿。

辰二、除疾疫

於諸有情眾多疾疫正現前時，以大願力得自在力，持有神驗諸明咒力攝受廣大良藥王身，息除一切有情疾疫。

辰三、息戰爭

於諸有情鄰國戰爭互相逼惱正現前時，以大願力得自在力，作大地主具大勢力，以法正治方便善巧，息除鄰國戰爭逼惱。

辰四、除怨結

於諸有情互相違諍正現前時，以大願力得自在力，發誠信言往返和好

除其怨結。

辰五、息逼惱

於諸眾生遭遇惡王非理縛錄治罰逼迫身心擾亂正現前時，以大願力得自在力，生彼王家作如法王，哀愍眾生息除一切逼惱苦事。

辰六、斷邪惡

若諸有情起諸邪見造諸惡行，隨一天處深生信解，哀愍彼故以大願力得自在力，生彼天處方便斷除邪見惡行。

卯二、結名

是名略說菩薩除災生。

寅二、例廣

若廣宣說，以大願力得自在力哀愍為先，於彼彼處受種種生當知無量。

子二、隨類生（分二）

丑一、徵

云何菩薩隨類生？

丑二、釋（分二）

寅一、略說（分二）

卯一、辨相（分二）

辰一、舉類

謂諸菩薩以大願力得自在力，生於種種傍生趣類天、龍、藥叉、阿素洛等展轉謀害違諍類中，或生邪見婆羅門中，或生樂行惡行類中，或生喜樂邪命類中，或生最極耽著諸欲、信解諸欲有情類中。

辰二、示導

為欲除彼諸過失故，往彼有情同分中生而為上首，為上首已方便化導彼所行惡，菩薩不行彼不行善，菩薩現行為欲令彼現行善故，為說正法，由是菩薩與彼現行不同分故，說正法故，方便善巧除彼有情所有過失。

卯二、結名

是名略說菩薩隨類生。

寅二、例廣

廣說如前，當知無量。

子三、大勢生（分二）

丑一、徵

云何菩薩大勢生？

丑二、釋（分二）

寅一、略說

謂諸菩薩稟性生時，所感壽量、形色、族姓、自在、富等諸異熟果，一切世間最為殊勝，此異熟果所作事業，「自他利品」已廣宣說，是名略說菩薩大勢生。

寅二、例廣

若廣宣說，彼彼類中受大勢生，當知無量。

子四、增上生（分二）

丑一、徵

云何菩薩增上生？

丑二、釋（分二）

寅一、略說（分三）

卯一、標

謂諸菩薩始從第一極歡喜住，乃至第十最上成滿諸菩薩住，如前所說差別受生，今於此中，名增上生。

卯二、釋

謂最初住作轉輪王，王瞻部洲得大自在，乃至第十最上成滿諸菩薩住，作大自在，過色究竟一切生處最為殊勝，唯有已得最上成滿諸菩薩住摩訶薩眾得生其中。

卯三、結

彼諸菩薩即由此業增上所感，是名略說菩薩增上生。

寅二、例廣

若廣宣說，當知無量。

子五、最後生（分二）

丑一、徵

云何菩薩最後生？

丑二、釋（分二）

寅一、略說

謂諸菩薩於此生中，菩提資糧已極圓滿，或生婆羅門大國師家，或生刹帝利大國王家，能現等覺阿耨多羅三藐三菩提，廣作一切佛所作事，是名略說菩薩最後生。

寅二、例廣

若廣宣說，當知無量。

癸五、攝（分二）

子一、標簡

若諸菩薩於去、來、今清淨仁賢妙善生處，曾、當、現生，一切皆此五生所攝，除此無有若過若增，唯除凡地菩薩受生。

子二、徵釋

何以故？此中意取有智菩薩諸所受生為五生故，如是諸生大菩提果之所依止，令諸菩薩疾證無上正等菩提。

攝受品第二

壬六、攝受品（分四）

癸一、標

於一切住菩薩行中，當知菩薩略有六種，於諸有情無倒攝受。

癸二、徵

何等為六？

癸三、列

- 一者頓普攝受；
- 二者增上攝受；
- 三者攝取攝受；
- 四者長時攝受；
- 五者短時攝受；
- 六者最後攝受。

癸四、釋（分二）

子一、明攝受相（分二）

丑一、別顯（分六）

寅一、頓普攝受（分三）

卯一、徵

云何菩薩於諸有情頓普攝受？

卯二、釋

謂諸菩薩初發心時，攝受一切諸有情界皆為眷屬，作是思惟：我當於彼，隨能、隨力，作一切種利益安樂饒益之事，隨所思惟皆如是作。

卯三、結

是名菩薩於諸有情頓普攝受。

寅二、增上攝受（分三）

卯一、徵

云何菩薩於諸有情增上攝受？

卯二、釋（分二）

辰一、總標

謂諸菩薩或為家主攝受父母、妻子、奴婢、僮僕、作使，或為國王攝受一切所統僚庶，菩薩如是發起增上攝受想已，於所攝受，隨攝受儀、隨菩薩儀業用而轉。

辰二、別廣（分二）

巳一、於為家主

若為家主於其父母，種種方便勸修諸善，隨時供養曾無懈廢，善識其恩善知酬報，於父母心善能隨順，於法於義隨自在轉。於其妻子、奴婢等類，隨時恣與如法衣食，於諸事業終不逼切，雖有違犯而能堪忍，彼若疾病正能瞻療，於諸善事勸令修習，隨時賜與殊勝財物，愛語慰喻，不生奴婢作使等想，瞻敬養育，其若自身。

巳二、於為國王

若為國王，不行黜罰，不用刀杖，而能正化，以法以財用作饒益，依本土田而自食用，不以凶力侵掠他境，隨能隨力於諸有情，勸止諸惡教修諸善，視諸眾生如父於子，於他有情尚好等施，況自親屬而不均濟！不行欺誑，所言誠諦，遠離一切殺縛、捶打、治罰、逼迫、斷截等事。

卯三、結

是名菩薩於諸有情增上攝受。

寅三、攝取攝受（分三）

卯一、徵

云何菩薩於諸有情攝取攝受？

卯二、釋（分三）

辰一、略說

謂諸菩薩正御徒眾，當知是名略說菩薩於諸有情攝取攝受。

辰二、廣說（分二）

巳一、攝受因緣（分三）

午一、標

若廣說者，由二因緣正攝徒眾，說名菩薩於諸有情攝取攝受。

午二、徵

何等為二？

午三、列

一者以無染心正攝徒眾；

二者於自義利正教修習，非邪加行而陷逗之。

巳二、應攝受相（分二）

午一、初因緣攝（分二）

未一、無染

又於一切應攝受中，其心平等不墮偏黨，亦不於彼慳吝正法，不作師捲；不於彼所，怖求承事恭敬供養；彼樂善故，自求作者亦不遮止，為欲令其福德資糧得增長故，或遇餘時，亦於彼所承事供養。

未二、正攝

若於其義未解了者開悟令解，已解了者轉令明淨，生起疑惑隨為除斷。若生惡作善為開解，甚深義句以慧通達，於時時間正為開顯，於苦於樂與彼共同，於他所為財利因緣，成就上品經營遽務過於自事，於他毀犯隨時正舉令其覺悟，應時如理訶責擯罰，彼有疹疾或有愁憂終不棄捨，善權方便救療疹疾開解愁憂，於諸下劣形色，憶念精進智等，終不輕陵，於時時間隨入勞倦，如其所宜為說正法，於時時間為令繫念，於所緣境與正教授，堪忍問難，不生憤發。

午二、次因緣攝（分二）

未一、舉自義利

於彼戒行，或等、或增，終無減劣，亦不怖求利養恭敬，具足悲愍無掉無動，戒見、軌則、正命圓滿，舒顏平視，遠離鬻蹙，柔和美語，先言問訊，含笑為先，於諸善品恒常修習，不行放逸離諸懈怠。

未二、正教修習

即以是事，教習徒眾，亦令自行轉更勝進。

辰三、料簡

菩薩不應於一切時攝取徒眾，亦非不攝，亦非變異。

卯三、結

是名菩薩於諸有情攝取攝受。

寅四、長時攝受

云何菩薩於諸有情長時攝受？

謂諸菩薩於住下品成熟有情攝受饒益，當知說名長時攝受，以經久時方堪淨故。

寅五、短時攝受

云何菩薩於諸有情短時攝受？

謂諸菩薩於住中品成熟有情攝受饒益，當知說名短時攝受，非經久時方堪淨故。

寅六、最後攝受

云何菩薩於諸有情最後攝受？

謂諸菩薩於住上品成熟有情攝受饒益，當知說名最後攝受，即於此生堪任淨故。

丑二、總結

是名菩薩於諸有情略有六種無倒攝受，由此攝受，過去、未來、現在菩薩，於諸有情曾正攝受、當正攝受、現正攝受，除此無有若過若增。

子二、辨艱難事（分二）

丑一、別舉其事（分三）

寅一、標

菩薩如是於諸有情六種攝受無倒轉時，當知遭遇略十二種艱難之事，聰叡菩薩於彼十二艱難之事當正覺了。

寅二、徵

何等十二？

寅三、列

- 一者於多安住違犯有情，若罰、若捨，是名菩薩遭艱難事；
- 二者於惡有情為調伏故，方便現行辛楚加行，防自意樂不生煩惱，是名菩薩遭艱難事；
- 三者現可施物極為尠少，現來求者其數彌多，是名菩薩遭艱難事；
- 四者唯有一身，眾多有情種種事業並現在前，同時來請共為助伴，是名菩薩遭艱難事；
- 五者居放逸處、若住世間可愛妙定、若生天上樂世界中，令心調善，是名菩薩遭艱難事；
- 六者常求遍作利有情事，而於此事無力無能，是名菩薩遭艱難事；
- 七者於其愚癡諂詐剛強諸有情所，若為說法、若復棄捨，是名菩薩遭艱難事；
- 八者常於生死見大過失，為度有情而不棄捨，是名菩薩遭艱難事；
- 九者未證清淨增上意樂，多分慮恐失念命終，是名菩薩遭艱難事；
- 十者未證清淨增上意樂，他來求乞第一最勝所可愛物，是名菩薩遭艱難事；
- 十一者種種異見種種勝解諸有情類，若別教誨、若總棄捨，是名菩薩遭艱難事；
- 十二者常行最極不放逸行，而不應斷一切煩惱，是名菩薩遭艱難事。

丑二、聰明善巧

若諸菩薩遭遇如是諸艱難事，或於其中應觀輕重，如其所應而作方便，或於其中應審簡擇補特伽羅，或於其中攀緣，勇猛攝受因轉，若發正願，或於其中制御其心不令流散，或於其中安住其心，猛利思擇不生厭倦而自安忍，或於其中而行放捨，或於其中發勤精進熾然無懈，或於其中善巧方便而正修行，菩薩如是於正對治方便善巧，雖遭一切諸艱難事正現在前，而無怯弱自正能免。

地品第三

瑜伽師地論卷第四十九

壬七、地品（分三）

癸一、總名建立（分四）

子一、標

如前所說十三住中，應知隨彼建立七地：

前之六種，唯菩薩地；第七一種，菩薩、如來雜立為地。

子二、徵

何等為七？

子三、列

一種性地，二勝解行地，三淨勝意樂地，四行正行地，五決定地，六決定行地，七到究竟地。

子四、釋（分三）

丑一、出名雜地

如是七種菩薩地中，最後一種，名為雜地。

丑二、配菩薩地

前種性住，名種性地。

勝解行住，名勝解行地。

極歡喜住，名淨勝意樂地。

增上戒住、增上心住、三種增上慧住、有加行有功用無相住，名行正行地。

無加行無功用無相住，名決定地，此地菩薩墮在第三決定中故。

無礙解住，名決定行地。

最上成滿菩薩住及如來住，名到究竟地。

丑三、指如來地

如來住地，於後「建立佛法品」中，當廣演說。

癸二、隨釋疑難（分二）

子一、問

問：菩薩從勝解行地，隨入淨勝意樂地時，云何超過諸惡趣等？

子二、答（分二）

丑一、辨修習（分三）

寅一、修習哀愍

答：是諸菩薩依止世間清淨靜慮，於勝解行地已善積集菩提資糧，於如前說百一十苦諸有情類，修習哀愍，無餘思惟。

寅二、得悲意樂

由此修習為因緣故，於彼色類諸有情所，得哀愍意樂及悲意樂。

寅三、心發正願

由是因緣為利惡趣諸有情故，誓居惡趣如己舍宅，作是誓言，我若唯住如是處所，能證無上正等菩提，亦能忍受，為除一切有情苦故，一切有情諸惡趣業，以淨意樂，悉願自身代彼領受苦異熟果，為令畢竟一切惡業永不現行一切善業常現行故心發正願。

丑二、明超越（分三）

寅一、斷羸重

彼由修習如是世間清淨靜慮悲願力故，一切惡趣諸煩惱品所有羸重，於自所依皆得除遣。

寅二、獲轉依

由此斷故，菩薩不久獲得轉依，於諸惡趣所有惡業畢竟不作，於諸惡趣決定不往。

寅三、結異名

齊此菩薩，說名超過一切惡趣，亦名超過勝解行地，亦名已入淨勝意樂地。

癸三、願淨治法（分三）

子一、總標

如前「住品」所說信等能淨修治諸住十法，今於此中，當知亦能淨修治地，如是十法所有安立，所治能治略義次第，皆應了知。

子二、別釋（分三）

丑一、安立（分四）

寅一、標

謂彼十種淨修地法，能對治彼所對治法，故得安立。

寅二、徵

何等為十？

寅三、釋（分十）

卯一、信

謂一切種，全未發心，全未受持菩薩學處，是名為信所對治法，對治彼故安立於信。

卯二、悲

於諸有情有損害心，是名為悲所對治法，對治彼故安立於悲。

卯三、慈

於諸有情有瞋恚心，是名為慈所對治法，對治彼故安立於慈。

卯四、捨

於身命財有所顧戀，是名為捨所對治法，對治彼故安立於捨。

卯五、無倦

於諸有情稀求報恩，見彼邪行貪著利養多有所作，是無厭倦所對治法，對治彼故安立無倦。

卯六、善知諸論

無有方便善巧加行，是善知論所對治法，對治彼故立善知論。

卯七、善知世間

性不柔和，不於他心隨順而轉，是名善知一切世間所對治法，對治彼故安立善知一切世間。

卯八、慚愧

於修善法放逸懈怠，是名慚愧所對治法，對治彼故安立慚愧。

卯九、堅力持性

於其長時種種猛利無間無斷生死大苦，深生怯弱，當知是名堅力持性所對治法，對治彼故所以安立堅力持性。

卯十、供養如來

於大師所猶豫疑惑，當知是名供養如來所對治法，對治彼故所以安立供養如來。

寅四、結

如是且說所治能治安立十法。

丑二、略義（分四）

寅一、徵

云何復名如是略義？

寅二、標

謂此十法略顯二義。

寅三、列

一者顯示意樂清淨；

二者顯示加行清淨。

寅四、配

當知前三顯示菩薩意樂清淨，其餘七種顯示菩薩加行清淨。

丑三、次第（分三）

寅一、徵

如是十法次第云何？

寅二、釋

謂諸菩薩於大菩提先深淨信，次於有苦諸有情類發起悲愍，起悲愍時如是誓願，我應拔濟一切有情令其安樂，而起慈心，起慈心已一切能捨於身命財，無所顧戀，無顧戀已即為彼義精勤加行無有厭倦，無厭倦已善知諸論，善知論已如世間轉，即如是知世間已，若自煩惱率爾現行深生慚愧，生慚愧已不隨煩惱自在而行，便能獲得堅力持性，由正獲得堅力持性，於正加行能無退轉，無量善法運運增長，能於如來奉獻上妙正行供養財敬供養，是故最後供養如來。

寅三、結

是名十法次第修證。

子三、總結

當知如是十種善法，於一切地能淨修治。

行品第四

壬八、行品（分二）

癸一、略舉四行（分四）

子一、標

菩薩始從勝解行地，乃至最後到究竟地，於此一切菩薩地中，當知略有四菩薩行。

子二、徵

何等為四？

子三、列

一者波羅蜜多行；
二者菩提分法行；
三者神通行；
四者成熟有情行。

子四、釋（分二）

丑一、別辨四行（分二）

寅一、辨（分四）

卯一、波羅蜜多行（分二）

辰一、標十種

前說六種波羅蜜多，及方便善巧波羅蜜多、願波羅蜜多、力波羅蜜多、智波羅蜜多，如是十種波羅蜜多，總名波羅蜜多行。

辰二、釋後四（分二）

巳一、第一義（分四）

午一、方便善巧

如前所說十二行相方便善巧，當知說名方便善巧波羅蜜多。

午二、願

如前所說五種大願，當知名願波羅蜜多。

午三、力

所有十力加行清淨，當知名力波羅蜜多。

午四、智（分二）

未一、釋自性

於一切法如實安立清淨妙智，當知名智波羅蜜多。

未二、簡差別

今於此中，能取勝義，無分別轉清淨妙慧，當知名慧波羅蜜多。能取世俗有分別轉清淨妙智，當知名智波羅蜜多。如是名為：二種差別。

巳二、第二義（分四）

午一、方便善巧

復有異門，謂無量智，當知說名方便善巧波羅蜜多。

午二、願

怖求後後智殊勝性，當知名願波羅蜜多。

午三、力

一切魔怨不壞道性，當知名力波羅蜜多。

午四、智

如實覺了所知境性，當知名智波羅蜜多。

卯二、菩提分法行

四念住等所有一切三十七種菩提分法、四種尋思、四如實智，皆如前說，總名菩薩菩提分法行。

卯三、神通行

如前所說「威力品」中，菩薩所有六種神通，是名神通行。

卯四、成熟有情行

如前所說二種無量：

一所調伏界無量；

二調伏方便界無量。

及「成熟品」中所說：一切成熟有情。

總名菩薩成熟有情行。

寅二、結

如是四種菩薩妙行，當知普攝一切菩薩所行善行。

丑二、廣明施等十法（分二）

寅一、釋其度名

應知此中，施等十法，經三大劫阿僧企耶，長時修習乃圓證故，自性清淨體殊勝故，過餘一切世間聲聞、獨覺善根，攝受最勝菩提果故，如是十法最極長時乃能圓證，自性最極清淨殊勝，能得最極菩提妙果，是故說名波羅蜜多。

寅二、顯建立義（分二）

卯一、明因緣（分四）

辰一、標

應知如是波羅蜜多，由三因緣次第建立。

辰二、徵

何等為三？

辰三、列

- 一由對治故；
- 二由生起故；
- 三由異熟果故。

辰四、釋（分三）

巳一、由對治（分三）

午一、徵

云何如是波羅蜜多，由對治故次第建立？

午二、釋（分二）

未一、舉前六

謂慳、惡行、於諸有情怨恨逼惱、懈怠、散亂、闇鈍愚癡，如是六法能障菩提，施等六法能為對治，如其所應，建立六種波羅蜜多。

未二、攝所餘

當知所餘波羅蜜多，即此所攝。

午三、結

如是名為：由對治故次第建立。

巳二、由生起（分三）

午一、徵

云何如是波羅蜜多，由生起故次第建立？

午二、釋

謂諸菩薩先於財位無所顧戀，棄家諸欲受淨尸羅，敬重戒故能忍他惱不惱於他，受持淨戒修習忍已，戒淨無動無間無斷，於諸善品勤修加行，如是修習勤精進故離諸放逸，能觸妙善心一境性，心得定故如實了知，觀見一切所知境界。

午三、結

當知是名：由生起故次第建立。

巳三、由異熟果（分三）

午一、徵

云何如是波羅蜜多，由異熟果次第建立？

午二、釋（分二）

未一、外事圓滿

謂諸菩薩於現法中，精勤修學施等善法，由是因緣於當來世，獲得種種外妙珍財無不圓滿，當知是施波羅蜜多因力所作。

未二、內事圓滿（分三）

申一、標

獲得內五自體圓滿，是餘戒等波羅蜜多因力所作。

申二、徵

云何內五自體圓滿？

申三、釋（分五）

酉一、壽等殊勝

謂善趣攝若天若人，於餘有情壽等殊勝，當知是名第一圓滿。

酉二、性能堪忍

若有俱生，於善加行常無厭倦，堪忍他惱，不樂惱他，當知是名第二圓滿。

酉三、性勇相應

若有俱生，普於一切所作事業堅固勇猛，當知是名第三圓滿。

酉四、性薄煩惱

若有俱生，性薄塵穢，於其自心能自在轉，心有堪能，於一切義速證通慧，當知是名第四圓滿。

酉五、性具聰敏

若有俱生，於一切義其慧廣大，聰敏捷利，當知是名第五圓滿。

午三、結

應知是名：由異熟果，如是六種波羅蜜多次第建立。

卯二、唯六數（分二）

辰一、別配三學

由前四種波羅蜜多資糧自性眷屬守護，當知圓滿修諸菩薩增上戒學；由其靜慮波羅蜜多，當知圓滿修諸菩薩增上心學；由其般若波羅蜜多，當知圓滿修諸菩薩增上慧學。

辰二、結無過增

過此三上，更無菩薩學道可得，是故此三普攝一切菩薩學道，由此建立波羅蜜多，唯有六種，除此無有若過若增。

癸二、明四應作（分四）

子一、標

又諸菩薩略有四種所應作事，由是普攝一切所作。

子二、徵

何等為四？

子三、列

一者為證菩提修諸善行；

二者由此為先達真實義；
三者圓證威力；
四者成熟有情。

子四、配

如是四種菩薩所作，當知是先所說四行，如其次第，所為所立，是故過此更不建立有諸餘行。

建立品第五

辛三、後建立攝（分三）

壬一、標

依如來住，及依如來到究竟地，諸佛世尊有百四十不共佛法。

壬二、列

謂諸如來三十二大丈夫相、八十隨好、四一切種清淨、十力、四無所畏、三念住、三不護、大悲、無忘失法、永害習氣及一切種妙智。

壬三、釋（分二）

癸一、別顯（分十）

子一、諸相隨好（分二）

丑一、果攝（分二）

寅一、列相好（分二）

卯一、三十二相（分二）

辰一、徵

云何如來三十二種大丈夫相？

辰二、列

一者具大丈夫足善安住等案地相，是大丈夫大丈夫相；

二者於雙足下現千輻輪，轂輞眾相無不圓滿；

三者具大丈夫纖長指相；

四者足跟趺長；

五者手足細軟；

六者手足網縵；

七者立手摩膝；

八者鑿泥耶踰；

九者身不僂曲；

十者勢峰藏密；

十一者身相圓滿如諾瞿陀；

十二者常光一尋；

十三者身毛上靡；

十四者身諸毛孔一一毛生，如紺青色螺文右旋；

十五者身皮金色；

十六者身皮細滑塵垢不著；

十七者於其身上兩手兩足兩肩及項七處皆滿；

十八者其身上半如師子王；

十九者肩善圓滿；
二十者膊間充實；
二十一者身分洪直；
二十二者具四十齒皆悉齊平；
二十三其齒無隙；
二十四者其齒鮮白；
二十五者頷如師子；
二十六者其舌廣薄，若從口出，普覆面輪及髮邊際；
二十七者於諸味中得最上味；
二十八者得大梵音，言詞哀雅能悅眾意，譬若羯羅頻迦之音，其聲雷震猶如天鼓；
二十九者其目紺青；
三十者睫如牛王；
三十一者其頂上現烏瑟膩沙；
三十二者眉間毫相其色光白螺文右旋，是大丈夫大丈夫相。

卯二、八十隨好（分三）

辰一、徵

云何如來八十隨好？

辰二、列（分二）

巳一、於下身分六十隨好

謂兩手足具二十指及以節爪，並皆殊妙，是即名為二十隨好。兩手兩足表裏八處，手四足四並皆殊妙，是即名為八種隨好。兩踝膝股六處殊妙，是即名為六種隨好。兩臂肘腕六處殊妙，是即名為六種隨好。腰縫殊妙各一隨好。兩核殊妙為二隨好。陰藏殊妙為一隨好。兩臀殊妙為二隨好。臙臙臍三並皆殊妙各一隨好。兩脅腋乳並皆殊妙為六隨好。腹胸項脊各一隨好。如是所說，除頸已上，於下身分六十隨好。

巳二、從頸已上二十隨好

上下齒鬣並皆殊妙為二隨好。[齒*(虎-儿+丘)]齧殊妙為一隨好。兩脣眷屬並皆殊妙為二隨好。頤善圓滿為一隨好。兩頰圓滿善安其所為二隨好。兩目眷屬並皆殊妙為二隨好。兩眉殊妙為二隨好。其鼻二孔並皆殊妙為二隨好。其額殊妙為一隨好。角鬣兩耳並皆殊妙為四隨好。頭髮殊妙為一隨好。如是所說，從頸已上二十隨好。

辰三、結

前有六十，後有二十，總合說為八十隨好。

寅二、簡差別（分二）

卯一、辨已得等（分四）

辰一、初獲異熟

如是諸相及諸隨好，若諸菩薩始入淨勝意樂地時，已得異熟。

辰二、殊勝清淨

從此已上，諸相隨好，展轉獲得殊勝清淨。

辰三、一切圓滿

當知乃至坐菩提座，方乃證得其餘所有四一切種妙清淨等不共佛法，善淨圓滿。

辰四、下劣成就

若下劣者，先菩薩時亦已成就。

卯二、辨其資糧（分二）

辰一、無差別

始從清淨勝意樂地，一切所有菩提資糧無有差別，能感一切相及隨好。

辰二、有差別（分二）

巳一、標

又此一切菩提資糧，略有二種，謂去菩提若遠、若近。

巳二、釋（分二）

午一、遠

此中遠者，謂未獲得諸相隨好異熟果時。

午二、近

所言近者，謂初獲得諸相隨好異熟果時，或從此上展轉獲得殊勝清淨。

丑二、因攝（分三）

寅一、出由業因（分二）

卯一、廣相似業（分三）

辰一、標

又薄伽梵由所化力，為眾宣說造種種業，感得如是相隨好果。

辰二、徵

何以故？

辰三、釋（分三）

巳一、總說因緣

所化有情於其種種惡業現行深生喜樂，如是種種現行惡業是所對治。感相隨好種種善業是能對治。彼聞如是種種殊勝大果勝利，便於如是大果勝利深生愛樂，由是因緣，當離諸惡，當修諸善，是故為說。

巳二、別廣諸相（分二）

午一、指

廣如諸相素咀纜說。

午二、列（分二十七）

未一、足下善安住相

謂諸菩薩於戒禁、忍及惠捨中，善安住故，感得足下善安住相。

未二、足下千輻輪相

於其父母種種供養，於諸有情諸苦惱事種種救護，由往來等動轉業故，感得足下千輻輪相。

未三、纖長指相

於他有情遠離損害及不與取，於諸尊長先語省問，恭敬禮拜，合掌起迎修和敬業，於他有情，深心所喜所愛財位不令乏短，及能摧伏自憍慢故，感大丈夫纖長指相。

未四、足跟趺長

即上所說感三相業，總能感得足跟趺長，是前三相所依止故。

未五、手足網縵

由四攝事，攝諸尊長，是故感得手足網縵。

未六、手足細蠕

奉施尊長，塗身按摩，沐浴衣服，是故感得手足細軟。

未七、立手摩膝

修諸善法不生喜足，令諸善法展轉增長，是故感得立手摩膝。

未八、鑿泥耶揣

自於正法，如實攝受令得究竟，廣為他說，及正為他善作給使，是故感得鑿泥耶[跳-兆+專]。

未九、不僂曲

於其正法，漸次等顯，續索轉故，於身語意種種惡業皆能止息，於疾病者卑屈瞻侍，給施良藥，病力羸頓能正策舉，飲食知量，於諸欲中曾不低下，是故感得身不僂曲。

未十、勢峰藏密

於被他擯無依有情，以法以正，慈悲攝受，修習慚愧，施他衣服，是故感得勢峰藏密。

未十一、身相圓滿如諾瞿陀

於身語意能自防禁，於自攝受及諸飲食皆善知量，施病醫藥於不平等事業攝受，及不平等所受用中皆不隨轉，於界互違能令隨順，是故感

得身相圓滿，如諾瞿陀。

未十二、身毛上分

由業感得立手摩膝，即能感得身毛上分。

未十三、毛甘青色螺文右旋

自善觀察親近明智，能思微義，尊所居處能淨修治敷舉沐浴，唯一住故，依一支故，入微義故，草葉等穢能蠲除故。

又能除去客塵垢故，感身毛孔一一毛生，如紺青色，螺文右旋。

未十四、身皮金色常光一尋

能施悅意發喜飲食、騎乘、衣服、莊嚴具等資身什物，離諸忿恚，是故感得身皮金色，常光一尋。

未十五、身皮細滑塵垢不著

由此業感身諸毛孔一一毛生，當知即此復能感得身皮細滑，塵垢不著。

未十六、於其身上七處皆滿

以其廣多上妙清淨肴饌飲食，惠施大眾皆令充足，由此感得於其身上七處皆滿。

未十七、其身上半如師子王

於諸有情隨所生起，如法所作，能為上首而作助伴，離於我慢，無諸獷悞，能為有情遮止無利，安立有利，由此感得其身上半，如師子王，於一切事稟性勇決，如師子故。

未十八、肩善圓滿勃肩充實

即由此業，當知復感肩善圓滿，膊間充實。

未十九、身分洪直

由此業感纖長指相；復即感得身分洪直。

未二十、具四十齒齊平無隙

遠離一切破壞親友離間語言，若諸有情已乖離者能令和合，由此感得具四十齒皆悉齊平，其齒無隙。

未二十一、其齒鮮白

修欲界慈，思惟法義，由此感得其齒鮮白。

未二十二、領如師子

若諸有情有所悕冀，隨其所樂，正捨珍財，由此感得領如師子。

未二十三、於諸味中得最上味

視諸有情猶如己子，愛念救護，淨信哀愍，給施醫藥，澄淨無穢，由此感得於諸味中得最上味，施法味故，嘗法味故，能淨修治變壞味故。

未二十四、頂現鳴瑟膩沙舌覆面輪

於離殺等五種學處，能自受護，亦勸他受，修悲心故，於大法受能正行故，由此感得其頂上現烏瑟膩沙，其舌廣薄普覆面輪。

未二十五、音若頻伽聲天鼓

常修諦語、愛語、時語及以法語，由是因緣，得大梵音，言詞哀雅，能悅眾意，譬若羯羅頻迦之音，其聲雷震，猶如天鼓。

未二十六、其目紺青睫如牛王

普於世間恒常修習慈心悲哀如父如母，由此感得其目紺青，睫如牛王。

未二十七、毫相光白螺文右旋

於有德者如實讚歎稱揚其美，由此感得眉間毫相，其色光白，螺文右旋。

巳三、結由淨戒（分二）

午一、總感一切

如是一切三十二種大丈夫相無有差別，當知皆用淨戒為因而能感得，何以故？若諸菩薩毀犯淨戒，尚不能得下賤人身，何況能感大丈夫相。

午二、說攝頂相

當知此中，其頂上現烏瑟膩沙，及以如來無見頂相，合立一種大丈夫相，離此更無別可得故，如是且說能感相似三十二相種種業因，廣建立已。

卯二、略說善修（分二）

辰一、別辨相（分三）

巳一、標

復次，略說在家出家二分菩薩所有四種善修事業，當知能感一切相好。

巳二、釋（分四）

午一、決定修作

謂於此中，決定修作，能感足下善安住相。

午二、委悉修作

委悉修作，能感足下千輻輪相，立手摩膝，手足網縵，身皮細滑，於其身上七處皆滿，肩善圓滿膊間充實，身分洪直，其舌廣薄。

午三、恒常修作

恒常修作，感纖長指，足跟趺長，身不僂曲，其身圓滿如諾瞿陀，其齒無隙。

午四、無罪修作（分二）

未一、標

無罪修作，能感餘相。

未二、釋（分八）

申一、於諸有情無損加行

當知此中，於諸有情無損加行，由此能感手足細軟，身皮細滑。

申二、於善加行次第應時

於諸善中，次第加行，應時加行，由此感得豎泥耶[跳-兆+專]。

申三、歡喜淨心現行諸善

深生歡喜，極光淨心，現行諸善，由此感得常光一尋，身皮金色，其齒鮮白，眉間白毫。

申四、無依修善覆藏己德

不依稱譽，聲頌修善，覆藏己德，由此能感勢峰藏密。

申五、所修善根迴向菩提

所修善根，迴向菩提，由此感得身毛上靡，具四十齒皆悉齊平，於諸味中得最上味，其頂上現烏瑟膩沙。

申六、修善無厭無劣加行

修善無厭，無劣加行，由此感得其身上分如師子王，頷如師子。

申七、利諸有情平等瞻視

於諸有情以利益心平等瞻視，得齒齊平，目紺青色，睫如牛王。

申八、於下劣善不生喜足

於下劣善不生喜足，起勝加行，由此因緣得大梵音，言詞哀雅，能悅眾意，譬若羯羅頻迦之音，其聲雷震，猶如天鼓。

巳三、結

如是四種善修事業，能得菩薩三十二種大丈夫相殊勝清淨。

辰二、總建立（分三）

巳一、依地辨（分五）

午一、種性地

當知如是三十二種大丈夫相、八十隨好，菩薩若在種性地中，唯有種子依身而住。

午二、勝解行地

菩薩若在勝解行地，始能修彼能得方便。

午三、如來地

菩薩若在清淨增上意樂地中，乃名為得。

午四、諸餘上地

菩薩若在諸餘上地，如是相好轉勝清淨。

午五、如來地

若在如來到究竟地，當知相好善淨無上。

巳二、明廢立

如是諸相，是有色故，劣中勝品，諸有情類易了知故，雖有一切不共佛法皆得名為大丈夫相，唯立此為大丈夫相。

巳三、釋得名

又即如是三十二種大丈夫相，由所依性能任持故，由極殊妙令端嚴故，說名隨好。

寅二、料簡福聚（分二）

卯一、略舉能感（分六）

辰一、一毛孔處

又於此中，以要言之，一切有情福聚量等，爾所福聚能感如來一毛孔處。

辰二、一種隨好

乃至一切所有毛孔隨入福聚，爾所福聚能感如來一種隨好。

辰三、一丈夫相

乃至一切所有隨好隨入福聚增至百倍，爾所福聚能感如來相中一相。

辰四、眉間白毫

乃至一切所有諸相隨入福聚，除白毫相烏瑟膩沙，增至千倍，爾所福聚能感如來眉間白毫。

辰五、無見頂相

乃至白毫隨入福聚，增至百千倍，爾所福聚能感如來其頂上現烏瑟膩沙無見頂相。

辰六、大法螺相

乃至白毫隨入福聚，增至俱胝百千倍數，爾所福聚能感如來諸相隨好所不攝餘大法螺相，由此法螺隨如來欲發大音聲，普能遍告無邊無際諸世界中所化有情。

卯二、總顯圓滿

如是無量福德資糧修證圓滿，能感如來不可思議無上無等遍一切種最極圓滿所攝自體。

寅三、釋名無量（分三）

卯一、標

又此能感諸相隨好無量善業，當知略由三因緣故，說名無量。

卯二、釋（分三）

辰一、時無量

謂經於三無數大劫，無間修習乃圓證，故名時無量。

辰二、意樂無量

於諸有情，無量利益安樂意樂增上緣力所集成故，名為妙善意樂無量。

辰三、品無量

無量善業差別品類所集成故，名品無量。

卯三、結

故言無量福德資糧，修習圓證，能起如來諸相隨好。

子二、四一切種清淨（分三）

丑一、徵

云何如來四一切種清淨？

丑二、列

一者一切種所依清淨；

二者一切種所緣清淨；

三者一切種心清淨；

四者一切種智清淨。

丑三、釋（分四）

寅一、所依清淨

云何一切種所依清淨？

謂一切煩惱品羸重并諸習氣，於自所依無餘永滅。

又於自體如自所欲，取住捨中自在而轉，是名一切種所依清淨。

寅二、所緣清淨

云何一切種所緣清淨？

謂於種種若化若變若所顯現一切所緣，皆自在轉，是名一切種所緣清淨。

寅三、心清淨

云何一切種心清淨？

謂如前說一切心羸重永滅離故。

又於心中一切種善根皆積集故，是名一切種心清淨。

寅四、智清淨

云何一切種智清淨？

謂如前說一切無明品羸重永滅離故。

又遍一切所知境中，智無障礙，智自在轉，是名一切種智清淨。

子三、十力（分四）

丑一、徵

云何如來十力？

丑二、列

一者處非處智力；
二者自業智力；
三者靜慮解脫等持等至智力；
四者根勝劣智力；
五者種種勝解智力；
六者種種界智力；
七者遍趣行智力；
八者宿住隨念智力；
九者死生智力；
十者漏盡智力。

丑三、指

如是十種如來智力，當知廣如《十力經》說。

丑四、釋（分二）

寅一、別顯（分二）

卯一、釋名如來

當知此中，諸有所言、所說、所宣，一切如實，皆無虛妄，故名如來。

卯二、釋其十力（分十）

辰一、處非處智力（分二）

巳一、別釋名（分二）

午一、辨處非處（分二）

未一、處

淨不淨果，非不平等，如實轉因，是名為處，亦名建立，亦名為依，亦名為起。

未二、非處

淨不淨果，不平等因，與上相違，是名非處。

午二、明智力性（分二）

未一、智（分四）

申一、標如實

遠離一切增上慢智，說名如實。

申二、釋離慢

若一切智、若無滯智、若清淨智，當知說名遠離一切增上慢智。

申三、指諸句

如是一切智等諸句，當知如前最極無上「菩提品」說。

申四、釋次第

數之次第最居其首，故名第一。

未二、力

以無上故，與一切種饒益一切有情功能具相應故，畢竟勝伏一切魔怨大威力故，說名為力。

巳二、總顯義（分二）

午一、釋眾德（分五）

未一、名大涅槃

攝受如實圓證因故，如其所欲皆能現行自在轉，故說名成就最上涅槃，以無上故說名為大。

未二、名仙尊位

八支聖道所證得故，遠離一切災患畏故，名仙尊位。

未三、名自知

能自了知自所證故，說名自知。

未四、名轉梵輪

既自證已，由哀愍心廣為有情等開示，故名轉梵輪，何以故？謂諸如來有是增語，說名為梵，名為寂靜，亦名清涼，最初能轉，從此已後，餘復為餘，如是展轉梵所推運，周旋一切有情眾中，故名梵輪。

未五、名師子吼

自顯墮在最上施設無上大師圓滿攝故，能說彼道對治一切餘邪道故，於道怨敵異論現前無怯弱故，為欲勝伏一切他論，宣揚廣大無上論故，名大眾中正師子吼。

午二、名略攝（分二）

未一、第一義

以要言之，當知此中，顯發、辯了、施設、開示自利行滿，利他行滿，自利利他圓滿不共。

未二、第二義

復有異門：此中略義，謂所應得得勝方便，此勝方便一切眾會隨所樂欲，或天或人一切皆從我所，獲得此勝方便，如病除愈，當知此顯自知已得大安隱處。如彼疾病除愈方便，當知此顯轉於梵輪，如遮一切邪醫，自稱顯已，決定能愈眾疾，當知此顯於大眾中正師子吼。

辰二、自業智力（分二）

巳一、別辨業（分七）

午一、時分攝

若有諸業已作已增已減，名為過去。

若有諸業非是已作已增已減，亦非正作而是當作，名為未來。

若有諸業非是已作已增已減而是正作正造正為，名為現在。

午二、品類攝

如是諸業，品類差別復有三種，所謂身業、語業、意業。

午三、分位加行攝（分二）

未一、分位

法受分別，復有四種，如前廣說，謂有法受得現世樂，後苦異熟，乃至廣說。

未二、加行

又此諸業現法當來有益無益加行差別，如應當知。

午四、方所攝

若所造業依此方所，是名為處。

午五、依處攝

若所造業以有情數、非有情數為所依事，是名為事。

午六、因緣攝

若所造業以不善根或以善根為因緣起，是名為因。

午七、過患功德攝

若所造業，感愛非愛過失功德相應諸果，是名異熟。

巳二、結略義

如是略說一切時分，一切品類，一切分位加行差別，一切方所，一切依處，一切因緣，一切過患，及與功德，於此一切種類差別，皆如實知，是名如來自業智力，除此無有若過若增。

辰三、靜慮解脫等持至智力（分二）

巳一、說靜慮等（分二）

午一、別釋種類（分二）

未一、靜慮解脫

有四靜慮有八解脫，即由如是靜慮、解脫，心有堪能，心得自在，隨所樂事皆能成辦。

未二、等持等至（分三）

申一、標名

若隨彼彼色類差別三摩地相而入定時，當知說名等持、等至。

申二、引教

如說世尊隨此色類三摩地相而入定時，如其定心大光普照一切梵世妙音說法，但聞其聲都無所見，乃至廣說。

申三、結義

如是如來隨欲顯示彼彼事義，或共世間不共世間，隨此色類三摩地相而入定時，速疾能辦。

午二、顯無過增

當知此中，即由靜慮解脫勢力，心得自在，心自在故依止於心，隨所樂事一切成辦，齊此名為修靜慮者一切所作，除此無有若過若增。如來於此靜慮所作一切種類，皆如實知，是故唯說靜慮解脫等持等至。

巳二、說得彼智（分二）

午一、別辨相（分三）

未一、於未得得（分二）

申一、舉雜染

又若略說此靜慮等有二雜染：

一者為得所未得中障礙雜染，謂無方便善巧加行，及以諸蓋隨一現行；二者已得所應得中自地雜染，謂煩惱纏及以隨眠。

申二、例清淨

如是清淨復有四種，與上相違應知其相。

未二、於彼假名

又即如是諸靜慮等種種引發假立名字，隨其色類如應安立，是名建立。

未三、於彼增進邊際

又即如是諸靜慮等具證得已，後更勝進修習圓滿，得隨所欲，得無艱難，得無梗澀，是名清淨。

午二、結略義

如來於此如其未得，如其已得，於所得中若劣、若勝，若彼假名、若彼所有增進邊際，如是一切皆如實知，故說如來普於一切靜慮解脫等持等至，得無上智。

辰四、根勝劣智力

如所成熟修證圓滿，信等五根，成軟中上，當知是名諸根勝劣。

辰五、種種勝解智力

若從他信以為其先，或觀諸法以為其先，成軟中上愛樂印解，當知是名種種勝解。

辰六、種種界智力

若廣建立種種種性，或諸聲聞所有種性，或諸獨覺所有種性，或諸如

來所有種性，或有種種不定種性，或貪等行差別道理，乃至有情八千行，當知此中，名種種界。

辰七、遍趣行智力（分二）

巳一、釋名（分三）

午一、第一義

若即如是諸趣入門隨順正行，如貪行者修不淨觀，如「聲聞地」已廣宣說，當知此等名遍趣行。

午二、第二義

復有異門，謂趣一切五趣之行，當知此等名遍趣行。

午三、第三義

復有異門，謂依種種黨類差別，更互相違各各異見，異欲諍論互相違背，諸外道類即諸沙門或婆羅門所有諸行，或餘一切品類差別，此世、他世無罪趣行，當知此等名遍趣行。

巳二、指說

如《迦羅摩經》等廣說。

辰八、宿住隨念智力（分二）

巳一、標

若於種種有情眾中，謂於東方南西北方，種種名字假設安立品類差別，隨先過去所有自體，八言說句差別類中，隨念六種略所行行，有無量種宿住隨念。

巳二、釋（分二）

午一、別辨相（分三）

未一、言說行相（分二）

申一、八言說句（分二）

酉一、徵

何等名為八言說句？

酉二、列

謂如是名、如是生類、如是種性、如是飲食、如是領受苦樂差別、如是長壽、如是久住、如是所有壽量邊際。

申二、六種略行（分二）

酉一、徵

何等名為隨言說句，六種略行？

酉二、列

一者呼召假名；

二者刹帝利等色類差別；
三者父母差別；
四者飲食方軌；
五者興盛衰損；
六者壽量差別。

未二、差別標說（分六）

申一、呼召假名

由諸世間依憑如是八言說句、六種略行，於自於他，起言、起說，此是我名，此是彼名。

申二、色類差別

我是刹帝利，彼是刹帝利，我是婆羅門、吠舍、戍達羅，彼是婆羅門、吠舍、戍達羅。

申三、父母差別

此是我母，此是彼母。如說其母，父亦如是。

申四、飲食方軌

我食如是色類飲食，所謂酪、漿、羹、飯、糜等，彼食如是色類飲食，乃至廣說。

申五、與盛衰損

我有如是色類興衰差別而轉，彼有如是色類興衰差別而轉。

申六、壽量差別

我住如是色類年齒，所謂或少或中或老，彼住如是色類年齒，乃至廣說。

未三、隨念邊際

唯有爾所隨先過去所有自體，八言說句差別類中六種略行，過此無有餘言說句及以略行，是故唯於如是品類，發起隨念，更無有增。

午二、結略義

即於此中，若言說行所有行相、若言說句所有標說，及即於此隨起憶念，是故說言：并相并說，皆能隨念。

辰九、死生智力（分二）

巳一、出能見（分三）

午一、名天眼

此中靜慮，說名天住。眼依彼故，是彼果故，彼攝受故，名為天眼。

午二、名極淨

是極圓滿，是善清淨靜慮果故，名極清淨。

午三、名超人（分二）

未一、於修得

於其中所有名字皆不相似，是故說言超過於人。

未二、於生得

欲界天中，亦有生得，名相似轉清淨天眼，人中亦無。

巳二、名所見（分二）

午一、於死生時

諸有情類，臨欲終沒，名為死時。住在中有，名為生時。

午二、於中有相（分三）

未一、惡色好色別

趣黑闇者，由二種相，起如是類意生中有，如黑齋光及陰闇夜故，名惡色。趣明白者，由二種相，起如是類意生中有，如晴明夜及婆羅[病-丙+尼]斯，極鮮白衣，故名好色。

未二、下劣勝妙別

諸惡色者，說名為劣。諸好色者，說名為妙。

未三、惡趣善趣別（分二）

申一、總標能住

諸下劣者，名往惡趣。諸勝妙者，名往善趣。

申二、別釋其相（分二）

酉一、惡趣攝（分二）

戌一、辨種種（分二）

亥一、若由此生（分二）

天一、明作業（分二）

地一、由壞戒

所有壞戒及彼等起，說名成就諸身語意三種惡行。

地二、由壞見（分二）

玄一、標二種

有二邪見，謂壞見者，所成邪見，誹謗一切；及住彼意異品類者，所成邪見，誹謗賢聖。如是皆名謗賢聖者。

玄二、顯等起

由邪見故，計著邪因及以邪果，由此為緣造作邪業，造邪業故所有法受或現受樂，於當來世受苦異熟，或現受苦，於當來世受苦異熟，是故復說：起諸邪見業法受因。

天二、結因緣

彼雖成就其餘所有種種善法，而但由此往於惡趣，是故說言由此因緣。

亥二、若得生已（分二）

天一、明得生緣（分二）

地一、名身壞

名色二種更互乖離，故名身壞。

地二、名極死

一切死中，如是死者，最極下劣故，名極死。

天二、名受諸苦（分三）

地一、標體性

為欲開示那落迦想，是故說言：墮險惡趣。

為欲開示自性體事，是故復須說那落迦。

地二、釋名字

由非法行、不平等行往趣於彼，故名為險。於此趣中觸諸苦觸，長時種種猛利無間受諸苦惱，平等出現，故名惡趣。

墮下分故，大深坑故，難救拔故，甚可悲故，極下賤故，以大綺言常悲怨故，說名為墮。

地三、名說意

由能發起上品厭離，是故唯說：墮那落迦。

戌二、結略義

當知此中，若由此生、若得生已，受諸苦惱；若受苦已，復起所餘自業所作種種眾苦，如是一切，由此諸想之所顯示。

酉二、善趣攝（分二）

戌一、例相違

與上相違，隨其所應一切白品，皆當了知。

戌二、辨差別

此差別者，善行為先所有諸趣，名為善趣。受極樂故，名樂世界。

辰十、漏盡智力（分三）

巳一、出所能治

一切諸漏所有隨眠無餘永斷，逮得能治勝無漏心、勝無漏慧，是其最勝增上心攝、增上慧攝，由漏盡故，說名無漏心、慧解脫。

巳二、明自內證

即此心、慧二種解脫，於最後有，說名內證，第六神通由依見道及依修道內所證故。

巳三、正能覺他（分二）

午一、釋

既自證已，如實了知，隨其所欲能為他說，是故說言：「於現法中自證通慧，具足開覺，我生盡等」諸句差別。

午二、指

廣說如後《攝異門分》，應知其相。

瑜伽師地論卷第五十

寅二、總辨（分二）

卯一、標列（分二）

辰一、喞陀南

如是別釋佛十力已，今當總辨，喞陀南曰：

自性與分別，不共亦平等，作業及次第，差別最為後。

辰二、長行

如是所說如來十力，所有自性應當了知，所有分別應當了知，所有不共應當了知，所有平等應當了知，所有作業應當了知，所有次第應當了知，所有差別應當了知，由是七相，應知如來十力略義。

卯二、隨釋（分七）

辰一、自性（分三）

巳一、徵

云何如來十力自性？

巳二、釋（分二）

午一、標體性

謂總五根，為其自性。由慧勝故，且說十力，慧為自性。

午二、出最勝（分二）

未一、舉初

所以但言：處非處智力，不言信力、不言餘力。

未二、例餘

如處非處智力，如是餘力當知亦爾。

巳三、結

是名如來十力自性。

辰二、分別（分四）

巳一、徵起

云何如來十力分別？

巳二、略標

謂若略說由三分別，當知無量。

巳三、別釋（分三）

午一、由時分

一者由時分分別，謂於墮在過去未來及現在世一切所知，隨悟入故。

午二、由品類

二者由品類分別，謂於一一諸有為事自相共相一切行相，隨悟入故。

午三、由相續

三者由相續分別，謂於十方一切有情界各各差別一切相續一切事義，隨悟入故。

巳四、總結

即由如是三種分別，如來十力，當知無量，是名如來十力分別。

辰三、不共

云何如來十力不共？

謂唯如來有此十力，不共一切聲聞、獨覺，是名如來十力不共。

辰四、平等（分三）

巳一、徵

云何如來十力平等？

巳二、釋（分二）

午一、成就無別

謂此十力一切如來悉皆平等具足成就，故說平等無有差別。

午二、安住有別

若就如來多所安住，是則如來如是十力展轉差別，謂餘如來多住餘力，其餘如來復住餘力。

巳三、結

是名如來十力平等。

辰五、作業（分三）

巳一、徵

云何如來十力作業？

巳二、釋（分十）

午一、處非處智力

謂如來所有處非處智力，於諸因中如實知因，於諸果中如實知果，及能降伏無因、惡因種種諍論，一切沙門、婆羅門等。

午二、自業智力

如來所有自業智力，於自所作受用果業，如實了知，及能降伏施福移轉種種諍論，一切沙門、婆羅門等。

午三、靜慮解脫等持等至智力

如來所有靜慮解脫等持等至智力，能現三種神變，無倒教授所化有情，及能降伏安住種種相違異品怨害諍論，一切沙門婆羅門等。

午四、根勝劣智力

如來所有根勝劣智力，於諸有情軟中上根部分差別，如實了知，及能於彼，如應如宜為說正法。

午五、種種勝解智力

如來所有種種勝解智力，於諸有情軟中上品淨與不淨勝解差別，如實了知，其淨勝解令漸增長，不淨勝解令漸捨離。

午六、種種界智力（分二）

未一、略標所應

如來所有種種界智力，於諸有情劣中妙界部分差別，如實了知，於諸有情能如其根、如其意樂、如其隨眠，依於彼彼趣入門中，無倒教授，如應安立。

未二、別廣教授（分二）

申一、為諸聲聞

此中，如來為諸聲聞，依於彼彼趣入門中，與正教授，如「聲聞地」，盡一切種，無間宣說，顯發辯了，施設開示。

申二、為諸菩薩（分二）

酉一、徵

云何如來教授一切始業初業等持資糧攝受安住欲住其心諸菩薩眾，令心得住？

酉二、釋（分二）

戌一、施設教授（分三）

亥一、略標

謂諸如來為無諂曲恭敬愛重等持資糧始業初業諸菩薩眾，最初施設無倒教授。

亥二、正告（分五）

天一、當正思惟（分二）

地一、於己名（分三）

玄一、標思惟

如是告言：善男子來！汝當安處遠離臥具，獨一無二，於內寂靜如理思惟，汝之父母所為立名，或汝親教軌範師等所為立名。

玄二、釋行相

如是思惟，我今為有離六處法自性真實，或內或外或兩中間，於此有中，如是名想施設假立言說轉耶？

玄三、出了知

汝既如是正思惟已，當於此法都無所得，唯當如是如實了知：但於客法，有客想轉。

地二、於眼等（分二）

玄一、舉眼（分三）

黃一、標應思惟

汝善男子！若於爾時，於自己名，唯有客想，已生已得。

復應在內如理思惟：於汝眼中所有制立眼名、眼想，眼假施設。

黃二、釋（分二）

字一標唯名義

如是思惟：我此眼中唯二可得，謂此制立眼名、眼想，眼假施設，及此唯事，於中假立名想施設，除此無有若過若增。

字二釋無自性

宙一標俱非

於此眼中，所有制立眼名、眼想，眼假施設，且非是眼，此唯有事，於中假立眼名想等，當知自性，亦非是眼。

宙二釋所以

洪一離名無覺

何以故？非於此中，遠離所立眼名、眼想，眼假施設，少有眼覺而能轉故。

洪二覺必待名

若有此事，體是真實稱名所說，不應於中更待眼名，方有如是眼覺而轉，唯應自性不由聽聞，不由分別，彼所立名，但於此事有眼覺轉，然無如是不待名言覺轉可得，是故此中，唯於客法，而有其客，眼名、眼想，眼假施設。

黃三、出正了知

汝既如是於其內眼如理思惟，復於眼想，唯有客想當生當得。

玄二、例餘

如於其眼，如是於耳、鼻、舌、身等，廣說乃至見聞覺知，已得已求，若已作意隨尋隨伺，以要言之，普於一切諸法想中，唯有客想當生當得。

天二、當正攝受

如是汝於自己身中所有假想，能盡除遣，勤加行道當正攝受，廣說乃至一切法中所有假想，能盡除遣，勤加行道當正攝受。

天四、當正安住（分二）

地一、獲勝等持

汝由如是一切所知，善觀察覺，普於一切諸法想中起唯客想，於一切法所有一切戲論之想，數數除遣，以無分別無相之心，唯取義轉，於此事中多修習住，汝若如是，當依如來妙智清淨等持種性，獲得無倒心一境性。

地二、修正作意

如是汝等，若於不淨作意思惟，於此作意勿當捨離，若於慈愍、若於緣性緣起、若於界差別、若於阿那波那念、若於初靜慮，廣說乃至若於非想非非想處無量菩薩靜慮神通等持等至，作意思惟，於此作意勿當捨離。

天五、當得出離

汝若如是修此菩薩無倒作意，漸次乃至當得無上正等菩提究竟出離。

亥三、總結

當知是名一切菩薩遍趣正行。

戌二、遍作義利（分二）

亥一、明共諸佛

過去如來亦為始業諸菩薩眾，已正施設如是教授。

未來如來亦為始業諸菩薩眾，當正施設如是教授。

現在如來亦為始業諸菩薩眾，現正施設如是教授。

亥二、兼利餘乘

諸聲聞等於此作意勤修習時，亦能速疾得勝通慧。若能於此無倒作意如實通達，便能獲得諸法現觀。

午七、遍趣行智力

如來所有遍趣行智力，於一切苦能出離行、不出離行，如實了知，及令捨離不出離行，能正授與能出離行。

午八、宿住隨念智力

如來所有宿住隨念智力，於其前際本事、本生數數念已，為令所化諸有情類心生厭離、心生淨信，正為宣說，及能降伏執著常論一切沙門、婆羅門等。

午九、死生智力

如來所有死生智力，於諸弟子過往遷謝當所受生，能正記[卅/別]，及

能降伏執著斷論一切沙門、婆羅門等。

午十、漏盡智力

如來所有漏盡智力，於自解脫無惑無疑，及能降伏於阿羅漢起增上慢一切沙門、婆羅門等。

巳三、結

是名如來十力作業。

辰六、次第（分三）

巳一、徵

云何如來十力次第？

巳二、釋（分二）

午一、總標

謂諸如來於其無上正等菩提初證得時，即便頓得一切十力，頓證得已，後時次第方現在前。

午二、別顯（分三）

未一、第一門（分二）

申一、辨（分四）

酉一、處非處智力

謂諸如來初成佛時，先起處非處智力：觀察諸法，建立一切無倒因果。

酉二、自業智力

既觀察已，次起自業智力：若有希求即於欲界同分界中可愛殊勝異熟果者，方便為說令其遠離諸不善業，令其現行所有善業。

酉三、靜慮解脫等持等至智力

次起靜慮解脫等持等至智力：若諸有情希求世間離欲法者，與其教授令彼趣向世間離欲，令彼獲得如實之道。

酉四、所餘七力（分二）

戌一、標

次起所餘如來七力：若諸有情希求出世離欲法者，如應為說趣出世間離欲之道。

戌二、釋（分六）

亥一、根勝劣智力

謂於此中，先起根勝劣智力，如實觀察希求出世離欲者根。

亥二、種種勝解智力

次起種種勝解智力：如實觀察彼根為先所有意樂。

亥三、種種界智力

次起種種界智力：如實觀察意樂為先所有隨眠。

亥四、遍趣行智力

如是了知彼根意樂及隨眠已，次起遍趣行智力：如其所應，令於所緣趣入門中而得趣入。

亥五、宿住隨念及死生智力

次起宿住隨念智力及死生智力：彼由如應所緣趣入門加行，攝住心已淨修行已，為說中道，令其遠離薩迦耶見以為根本常斷邊執。

亥六、漏盡智力

為令永斷一切煩惱，從此後起漏盡智力：若有如是正修方便奢摩他力之所任持，雖未永斷一切煩惱，而由獲得不現行故起不作，作增上慢者，令其捨離此增上慢。

申二、結

是名十力一門次第。

未二、第二門(分三)

申一、標

復有異門十力次第。

申二、釋(分二)

酉一、辨初四(分四)

戌一、處非處智力

謂諸如來於其無上正等菩提初證得時，最初發起處非處智力，令現在前，普於一切緣生法中，觀察最勝妙法住智。

戌二、自業智力

即依如是妙法住智，次起自業智力，觀在家分，由彼彼業種種差別，依在家分，曾、當、現時，修證差別。

戌三、靜慮解脫等持等至智力

亥一、觀出離道

如是觀察在家分已，次起靜慮解脫等持等至智力，觀出家分，謂於如是出家分中，為有能說出苦離苦正道者耶？為無有耶？

亥二、觀照世間

如是觀已，正知都無，觀諸世間無有救護、無所歸依，由大悲故，以其佛眼如實觀照一切世間。

戌四、根勝劣智力

既觀照已，次起根勝劣智力，現前了知住在世間種種有情，生在世間、長在世間，或有鈍根或有中根或有利根，現前知已便於說法其心趣入。

酉二、例餘六力

次後如前一切所餘種種勝解智力等事次第應知。

申三、結

是第二門十力次第。

未三、第三門（分二）

申一、標

復有異門十力次第。

申二、釋（分二）

酉一、辨初三力（分三）

戌一、處非處智力

謂諸如來於其無上正等菩提，初證得時，最初發起處非處智力，令現在前，觀察一切緣生法界。

戌二、自業智力

次起自業智力，即於如是緣生法中，觀察假立有情名想諸有情界，如有情自造如是色類諸業，還受如是色類諸果。

戌三、靜慮解脫等持等至智力

如實觀察如是法界有情界已，次起靜慮解脫等持等至智力，即為如是諸有情類解脫苦故，示現三種無倒神變而教授之。

酉二、例餘七力

既教授已次起餘力，如前次第知根等已，於其正道令趣入已，然後方便令彼有情解脫眾苦。

申三、結

是第三門十力次第。

辰七、差別（分四）

巳一、徵

云何如來十力差別？

巳二、標

謂此十力展轉相望，亦有差別，亦無差別。

巳三、釋（分二）

午一、總徵差別

處非處智力等與自業智力等，有何差別？

午二、展轉別辨（分九）

未一、第一智力與第二智力（分二）

申一、處非處智力

若正了知善不善業能感所有愛非愛果，當知此由處非處智力故。

申二、自業智力

若正了知諸有能造善不善業，即彼能受愛非愛果而非所餘，當知此由自業智力故。

未二、第二智力與第三智力（分二）

申一、自業智力

若正了知諸有能修靜慮解脫等持等至，即彼能入靜慮等定而非所餘，當知此由自業智力故。

申二、靜慮解脫等持等至智力

若正了知即依如是靜慮等定，現三神變無倒教授所化有情，當知此由靜慮解脫等持等至智力故。

未三、第三智力與第四智力（分二）

申一、靜慮解脫等持等至智力

若正照取信等俱生相應之心，當知此由靜慮解脫等持等至智力故。

申二、根勝劣智力

若正分別即彼諸根軟中上品種種差別，當知此由根勝劣智力故。

未四、第四智力與第五智力（分二）

申一、根勝劣智力

若正照取諸根為先彼彼法中種種意樂，當知此由根勝劣智力故。

申二、種種勝解智力（分二）

酉一、標彼相

若正分別即彼意樂種種差別，當知此由種種勝解智力故。

酉二、釋差別（分二）

戌一、舉六意樂

即彼意樂，當知分別略有六種。

戌二、列釋一一（分六）

亥一、不出離意樂

一者不出離意樂，謂於各別大自在天、那羅延天、梵世間等，起信解者所有意樂。

亥二、出離意樂

二者出離意樂，謂於三乘起信解者所有意樂。

亥三、遠清淨意樂

三者遠清淨意樂，謂安住下品、中品成熟者所有意樂。

亥四、近清淨意樂

四者近清淨意樂，謂安住上品成熟者所有意樂。

亥五、現得涅槃意樂

五者即於現法得涅槃意樂，謂由聲聞乘所得涅槃起信解者所有意樂。

亥六、當得涅槃意樂

六者於當來世得涅槃意樂，謂由大乘所得涅槃起信解者所有意樂。

未五、第五智力與第六智力（分二）

申一、種種勝解智力

若正照取勝解所起相似種子，當知此由種種勝解智力故。

申二、種種界智力（分二）

酉一、標彼相

若正照取即彼種子差別，分別無量品類，當知此由種種界智力故。

酉二、釋差別（分二）

戌一、舉類

又即彼界當知分別略有四種。

戌二、列釋

一者本性住種子；

二者先習起種子；

三者可修治種子，謂有般涅槃法者所有種子；

四者不可修治種子，謂無般涅槃法者所有種子。

未六、第六智力與第七智力（分二）

申一、種種界智力

若正了知如界種類行跡趣入，當知此由種種界智力故。

申二、遍趣行智力

若正分別即彼行跡一切品類，如是行跡能令離染，如是行跡能令畢竟清淨，如是行跡能令不畢竟清淨，當知此由遍趣行智力故。

未七、第七智力與第八智力（分二）

申一、遍趣行智力

若如實知前際隨念一切趣因前際俱行，當知此由遍趣行智力故。

申二、宿住隨念智力

若正了知如前分別種種隨順八言說句六種略行，當知此由宿住隨念智力故。

未八、第八智力與第九智力（分二）

申一、宿住隨念智力

若正了知依於前際有情死生，當知此由宿住隨念智力故。

申二、死生智力

若正觀見後際種種有情死生，當知此由死生智力故。

未九、第九智力與第十智力（分二）

申一、死生智力

若正了知於自事義未得究竟，有情後際受生相續，當知此由死生智力故。

申二、漏盡智力

若正了知於自事義已得究竟心善解脫於現法中證得涅槃。

巳四、結

當知此由漏盡智力故，當知是名如來十力展轉相望，亦有差別，亦無差別。

子四、四無所畏（分三）

丑一、指經說

如來所有四無畏文，如《契經》說應知其相。

丑二、略釋義（分三）

寅一、標列四處（分二）

卯一、標

謂諸如來於其四處，在大眾中而自稱歎。

卯二、列（分四）

辰一、現正等覺

謂所知障永解脫故，於一切種一切法中，現等正覺不共聲聞，是第一處。

辰二、證得漏盡

諸煩惱障永解脫故，證得漏盡共諸聲聞，是第二處。

辰三、說出離道

為求解脫諸有情類超過眾苦，說出離道，是第三處。

辰四、說諸障法

即於能出道得為礙，說諸障法應當遠離，是第四處。

寅二、釋名無畏

如來既於如是四處，如其實義自稱歎已，次後他於自所稱歎前之二處所有相違身語意業而興謗難。

復於後二自稱歎處所有相違前後乖反墮非理相而興謗難，謂於世間有眼見者無眼見者，有他心智者無他心智者，如來於此自稱歎處能為對治諸謗難中，都不見有如實因相，由是因緣於此四處能自了知，坦然

無畏心無怯劣，無所疑慮都無驚懼。

寅三、顯唯四種

又佛大師唯有爾所正應稱歎，謂自利行及利他行俱善圓滿，當知此中，前二稱歎自利行滿，後二稱歎利他行滿。

丑三、名所為（分三）

寅一、為大乘

此中，如來若自稱歎，於一切法現等覺故成正等覺，當知正為等趣大乘諸菩薩故。

寅二、為餘乘

若自稱歎一切漏盡，當知正為等趣聲聞及獨覺乘諸有情故。

寅三、為諸乘（分三）

卯一、標無別

若復稱歎能出離道及諸障法，當知俱為等趣諸乘諸有情故。

卯二、指經說

如是如來所說經句，謂我為諸菩薩聲聞說出離道，乃至廣說。

卯三、顯結果

諸結集者，於所結集聲聞藏中，除菩薩言，於所結集菩薩藏中，但唯誦此菩薩之言。

子五、三念住（分三）

丑一、指經說

如來所有三念住文，如《契經》說應知其相。

丑二、略顯義

謂諸如來於其長夜有如是欲，如何當令諸有情類於我善說法毘奈耶無倒行中，如實隨住，如是長夜欲樂法主化御眾時，若所希欲或遂不遂不生雜染，由三念住略所顯故。

丑三、明建立（分三）

寅一、標

此三念住復由三眾差別建立。

寅二、徵

云何三眾？

寅三、列

若彼一切一向正行，是第一眾。

若彼一切一向邪行，是第二眾。

若彼眾中一分正行一分邪行，是第三眾。

子六、三不護（分三）

丑一、指經說

如來所有三不護文，如《契經》說，應知其相。

丑二、顯要義

謂諸如來以要言之，於一切種鄙惡所作覆藏永斷，由三不護之所顯示。

丑三、簡不共（分二）

寅一、簡有鄙惡

諸阿羅漢由忘念故，於時時間片有無記鄙惡所作，如來於此一切，一切皆無所有。

寅二、釋無覆藏

是故如來於諸弟子如所立要即如自性，切切誠勗顯顯呵擯，時復現行率爾敦逼，於諸弟子無所防慮，所謂勿彼共住多時，知我所行三業不淨，因於前事意懷不悅，由斯不順乃事乖違，或面譏我或向他說。

子七、大悲（分二）

丑一、指前說

當知如來所有大悲一切種相，皆悉如前「供養親近無量品」說。

丑二、顯無上

當知如是如來大悲無量無上。

子八、無忘失法（分二）

丑一、徵

云何如來無忘失法？

丑二、釋（分二）

寅一、標略義

謂諸如來常隨記念，若事、若處、若如、若時有所為作，如來即於此事、此處、此如、此時，皆正隨念，是名如來無忘失法。

寅二、釋差別

所謂如來普於一切所作事業，普於一切方處差別，普於一切所作方便，普於一切時分差別，念無忘失，常住正念，當知是名無忘失法。

子九、永害習氣（分二）

丑一、徵

云何如來永害習氣？

丑二、釋（分二）

寅一、標略義

謂諸如來或於動轉或於瞻視，或於言論或於安住，似有煩惱所起作業

多不現行，是名如來永害習氣。

寅二、簡無學

諸阿羅漢雖斷煩惱，而於動轉瞻視言論及安住中，而有種種似有煩惱所起作業。

子十、一切種妙智（分二）

丑一、徵

云何如來一切種妙智？

丑二、釋（分二）

寅一、舉要義（分三）

卯一、標

謂諸如來以要言之，於三聚法現等正覺。

卯二、徵

何等為三？

卯三、列

一者能引有義聚法；

二者能引無義聚法；

三者非能引有義聚法非能引無義聚法。

寅二、釋得名（分三）

卯一、如來一切種智

當知此中，若諸如來或於能引無義聚法，或於非能引有義聚法非能引無義聚法，總於如是一切法中，無顛倒智，是名如來一切種智。

卯二、如來妙智

若諸如來於其能引有義聚法一切法中，無顛倒智，當知是名如來妙智。

卯三、一切種妙智

即於此中，若一切種智若妙智，總合為一，名一切種妙智。

癸二、總辨（分二）

子一、結前一切

如是一切，總名如來百四十種不共佛法。

子二、更廣分別（分四）

丑一、證得（分三）

寅一、得不共法（分二）

卯一、先得相好

即於此中，諸相、隨好，在菩薩位最後有中，皆已證得極善清淨。

卯二、頓得餘法

若時菩薩坐菩提座住最後有，於菩薩道菩提資糧極善圓滿，爾時無師修三十七菩提分法，得一剎那名無障礙智三摩地，是其菩薩學道所攝金剛喻定。從此無間第二剎那，頓得其餘不共佛法，謂如來十力為初，一切種妙智為後，皆極清淨，悉為無上。

寅二、入如來地

由得此故，普於一切所知境界，無滯無障，最極清淨無垢智轉，依暫發悟，思惟圓滿，意轉圓滿，超過一切菩薩行菩薩地，證入一切如來行如來地。

寅三、得勝轉依（分二）

卯一、顯自

一切在〔內〕所知障品所有羸重無餘斷故，得勝轉依，如是轉依最為無上。

卯二、簡餘

其餘一切，乃至最上成滿住中菩薩轉依，當知有上。

丑二、差別（分三）

寅一、問

問：一切安住到究竟地菩薩智等、如來智等，云何應知此二差別？

寅二、答（分三）

卯一、妙智別（分五）

辰一、微隔無隔喻（分二）

巳一、菩薩

答：如明眼人，隔於輕縠，睹眾色像，一切安住到究竟地菩薩妙智，於一切境當知亦爾。

巳二、如來

如明眼人，無所障隔，睹眾色像，如來妙智於一切境當知亦爾。

辰二、未淨已淨喻（分二）

巳一、菩薩

如畫事業圓布眾彩，唯後妙色未淨修治，到究竟地菩薩妙智，當知亦爾。

巳二、如來

如畫事業圓布眾彩，最後妙色已淨修治，如來妙智當知亦爾。

辰三、微闇離闇喻（分二）

巳一、菩薩

如明眼人，於微闇中，睹見眾色，到究竟地菩薩妙智當知亦爾。

巳二、如來

如明眼人，離一切闇，睹見眾色，如來妙智當知亦爾。

辰四、遠睹近睹喻（分二）

巳一、菩薩

如明眼人，遠睹眾色，到究竟地菩薩妙智當知亦爾。

巳二、如來

如明眼人，近睹眾色，如來妙智當知亦爾。

辰五、輕翳極淨喻（分二）

巳一、菩薩

如輕翳眼，觀視眾色，到究竟地菩薩妙智當知亦爾。

巳二、如來

如極淨眼，觀視眾色，如來妙智當知亦爾。

卯二、身別（分二）

辰一、菩薩

如處胎身，到究竟地諸菩薩身當知亦爾。

辰二、如來

如出胎身，諸如來身當知亦爾。

卯三、心別（分二）

巳一、菩薩

如阿羅漢，夢中心行，到究竟地菩薩心行當知亦爾。

巳二、如來

如阿羅漢，覺時心行，如來心行當知亦爾。

卯四、智體（分二）

巳一、菩薩

如昧燈體，到究竟地菩薩智體當知亦爾。

巳二、如來

如明燈體，如來智體當知亦爾。

寅三、結

是故當知一切安住到究竟地諸菩薩眾，與諸如來妙智，身心有大差別。

丑三、作事（分三）

寅一、標

如是如來證菩提已，遍於十方一切佛土，普能施作一切佛事。

寅二、徵

云何名為一切佛事？

寅三、釋（分二）

卯一、略十種（分三）

辰一、標

謂諸如來如來事業如來所作，略有十種，如是一一如來事業如來所作，能成無量利有情事，此外無有若過若增。

辰二、徵

何等為十？

辰三、釋（分十）

巳一、第一作事

謂諸如來最初自現大丈夫身，欲令有情心發淨信。大丈夫身於生淨信為最勝故，是名如來第一作事。如是作事，諸相隨好所能成辦。

巳二、第二作事

又諸如來普為一切有情之類，起一切種教授加行，是名如來第二作事。如是作事，四一切種清淨所能成辦。

巳三、第三作事（分二）

午一、標

又諸如來能作一切利有情事，能斷一切所生疑惑，是名如來第三作事，如是作事，如來十力所能成辦。

午二、釋（分二）

未一、能辨義利

由前所說如來十力，於能成辦一切有情一切義利，有堪能故。

未二、能釋問難

又於如來所證十力所興問難，唯有如來能知、能見、能解、能了，唯有如來於彼問難能正答故。

巳四、第四作事

又諸如來普能降伏一切他論，普能成立一切自論，是名如來第四作事。如是作事，四無所畏所能成辦。

巳五、第五作事

又諸如來所化有情，於佛教敕若正安住、不正安住，如來於彼心無雜染，是名如來第五作事。如是作事，三種念住所能成辦。

巳六、第六作事

又諸如來如自所言，即如是作，是名如來第六作事。如是作事，三種不護所能成辦。

巳七、第七作事

又諸如來常以佛眼於晝夜分遍觀世間，是名如來第七作事。如是作事，如來大悲所能成辦。

巳八、第八作事

又諸如來頓於一切，一切作事皆無退捨，是名如來第八作事。如是作事無忘失法所能成辦。

巳九、第九作事

又諸如來所行儀軌，如實隨轉，無越作用，是名如來第九作事。如是作事，永害習氣所能成辦。

巳十、第十作事

又諸如來於其能引無義聚法，於不能引有義聚法亦不能引無義聚法，簡擇捨離，於其能引有義聚法，為眾宣說、開示、顯發，是名如來第十作事。如是作事，一切種妙智所能成辦。

卯二、廣無盡

如是如來由前所說百四十種不共佛法，能作如來一切所作一切佛事，如是佛事若廣分別不易可數，乃至俱胝那庾多百千大劫說不能盡。

丑四、名字（分二）

寅一、建立（分三）

卯一、標

如是所說，諸如來住諸如來地，名為建立。

卯二、徵

何以故？

卯三、釋

依此住此希求品類，諸菩薩眾於菩薩學能正修學，亦依住此而有所證，即依住此普能成辦一切有情一切義利，是故說此名為建立。

寅二、不共（分二）

卯一、唯簡二乘

又此一切所說佛法，於利他事最為隨順，一切如來是利他事之所顯現，聲聞、獨覺則不如是，是故說名不共佛法。

卯二、簡餘一切（分二）

辰一、釋名（分二）

巳一、簡（分二）

午一、簡二乘

又於如是諸佛法中自有佛法，聲聞、獨覺一切一切皆所不得，所謂大悲、無忘失法、永害習氣、一切種妙智。

午二、簡菩薩

自有佛法，雖分似得而一切種皆不圓滿，如來於彼一切，一切悉皆證得，於一切種無不圓滿，最極超過，最極殊妙。

巳二、結

是故皆說名為不共。

辰二、顯義

當知此中，獨一有義，是不共義。

己二、名菩薩地（分二）

庚一、標總義

如是圓滿顯示一切菩薩學道及學道果，名菩薩地，具說一切菩薩學道及學道果，一切種教實依處故。

庚二、出異名

又此菩薩地，亦名菩薩藏摩怛理迦，亦名攝大乘，亦名開示壞不壞路，亦名無障智淨根本。

己三、廣讚福聚（分三）

庚一、總標義

若諸所有天人世間，或天或人、若諸沙門、婆羅門等，於此所說「菩薩地」中，起堅信解，樂聞受持，精勤修學，廣為他說，下至書持供養恭敬，深心愛重，所得福聚，以要言之，如薄伽梵於菩薩藏所攝一切微妙經典，樂聞等業，宣說顯了，分別、施設、開示、稱讚，所獲福聚，等無有異。

庚二、釋所以（分二）

辛一、明藏攝

何以故？此「菩薩地」顯示一切菩薩藏中，略標廣釋，諸門攝故。

辛二明法住

於此地中，能廣開示法毘奈耶，乃至眾多所化有情，於此正法受持讀誦，法隨法行，安住增長廣大勝進，於爾所時，像似正法不得興盛，正法不滅。若於爾時，像似正法當得興盛，即於爾時，能引實義所有正法當速滅沒。

庚三、結無量

是故於此「菩薩地」中，起堅信解，樂聞受持乃至廣說，所得福聚無量無邊。

◎第四持次第瑜伽處

發正等菩提心品

戊二、地義次第（分二）

己一、結前生後

如是已說菩薩地義。

云何應知此中次第？

己二、廣辨一一（分二）

庚一、辨（分三）

辛一、〔持瑜伽處〕（分三）

壬一、〔種性持〕

謂諸菩薩要先安住菩薩種性。

壬二、〔發心持〕

乃能正發阿耨多羅三藐三菩提心。

壬三、〔覺分持：行菩薩行〕（分三）

癸一、所學處：〔自他利品至菩提品〕

既發心已，方正修行自他利行，於自他利正修行時，得無雜染方便，無雜染故得無厭倦方便，無厭倦故得諸善根增長方便，於諸善根得增長已，能證無上正等菩提。

癸二、如是學（分二）

子一、〔力種性品〕

又於如是自他利加行無雜染方便，無厭倦方便，善根增長方便，得大菩提中，將修行時，先於甚深廣大正法安立信解，立信解已訪求正法，求正法已，廣為他說，亦於正行自能成辦，於成辦時，若由此、於此、為此應行，即由此、於此、為此而行。

子二、〔六度四攝供三寶等品〕

由此、於此、為此行時，如令福德智慧增長，所應行者即如是行，福德智慧既增長已，於不捨離生死方便，能正修行。

癸三、能修學（分二）

子一、〔菩提分品〕（分十四）

丑一、慚愧

即於此中，正修行時，能行生死無雜染行。

丑二、堅力持性

即於此中，正修行時，能於自樂行無著行。

丑三、心無厭倦

即於此中，正修行時，能於無量生死大苦，能正修行無厭倦行。

丑四、善知諸論

由於生死無厭倦故，能正訪求種種異論，於一切論得無所畏。

丑五、善知世間

善知論已，復能了知：所應為說，所可宣說，應如是說，由此智故善知世間。

丑六、修正四依

如是菩薩善知諸論及世間已，復能如理訪求正法。

丑七、修無礙解

既訪求已，堪能善斷一切有情一切疑惑。

丑八、菩提資糧

如是堪能斷他疑惑，令自福德展轉增長，福德資糧漸得圓滿，令自智慧亦轉增長，智慧資糧漸得圓滿。

丑九、修菩提分

二種資糧既圓滿已，於諦行相、菩提分法無倒修中，能勤修行。

丑十、修習止觀

於修方便，能正了知。

丑十一、方便善巧

即持如是正勤所修，迴向大乘般涅槃果，不求聲聞及獨覺乘般涅槃果。

丑十二、妙陀羅尼

既得如是方便善巧，能於一切菩薩語言聽聞受持，依修力故，於昔未聞所有諸法一切種相皆能辨了，於陀羅尼無礙辯才皆得圓滿。

丑十三、三三摩地

為欲永斷一切障故，精勤修習三解脫門。

丑十四、法唄陀南

即於此中，正修行時，為斷自他一切顛倒增上慢故，勤修正行，如是能於一切種相，正行圓滿。

子二、〔菩薩功德品〕(分二)

丑一、標

如是正行得圓滿已，於一切有情及聲聞、獨覺皆為殊勝，所謂正行功德殊勝，及可稱讚功德殊勝。

丑二、釋(分二)

寅一、正行功德殊勝(分二)

卯一、辨（分三）

辰一、希奇不希奇

當知此中，正行功德殊勝菩薩，為利自他勤修正行，用利他事以為自事，聲聞、獨覺則不如是。

辰二、平等心饒益

由諸菩薩用利他事為自事故，於一切有情起如自己平等之心，由起如是平等心故，於諸有情常施恩惠，不望其報。

辰三、不虛方便行

菩薩如是勤修行時，常於有情發起希望，欲令彼得利益安樂，由是利益安樂意樂，常能起作，不虛加行。

卯二、結

當知是名展轉引發正行功德殊勝。

寅二、稱讚功德殊勝（分二）

卯一、辨（分三）

辰一、受記等（分四）

巳一、蒙佛授記

當知此中，稱讚功德殊勝菩薩，於諸佛所獲得授記，非諸聲聞，亦非獨覺。

巳二、墮決定中

得授記已，便能安住不退轉地。

巳三、所作定常

安住此中，能於一切決定所作，恒常所作，獲得堅固無忘失法。

巳四、施設最勝

如是堅固無忘失法，諸佛菩薩施設，在於一切有情最上施設。

辰二、無顛倒等（分四）

巳一、加行無退

普於一切所應作事，能無退失，於未得退亦無退失。

巳二、勝進增長

無退失時，恒常無間，一切善法運運增長，如明分月。

巳三、名真非似

由諸善法轉增長故，菩薩爾時，得名真實，不名相似。

巳四、善知調伏

由得真實菩薩名故，於一切種一切有情調伏方便，如實了知。

辰三、諸施設等（分五）

巳一、施設建立（分二）

午一、一切善巧

如實知故，一切安立皆得善巧。

午二、由尋思等

從此尋求、於此尋求、由此尋求，既尋求已，由此究竟皆正安立，如是名為：一切安立皆得善巧。

巳二、五種無量（分二）

午一、教授善巧

於諸安立得善巧故，復於教授能得善巧。

午二、獲彼等持

於其教授得善巧故，復能獲得無量所緣三摩地王。

巳三、說法果利

獲得如是三摩地已，能不唐捐，宣說正法種種行相，說正法時皆有勝果。

巳四、大乘性攝

能於大乘，究竟出離，以依大性而出離故，能攝大乘。

巳五、菩薩名號

由此復於彼彼大乘出離位中，得彼彼名，一切菩薩同共此名，一切世間諸佛菩薩皆共安立，皆共稱歎。

卯二、結

當知是名：所可稱讚功德殊勝。

辛二、〔持隨法瑜伽處〕（分四）

壬一、相

由得如是殊勝名故，當知獲得諸菩薩相，諸相所相，成就其相。

壬二、分

如是正行一切種相，在家、出家二分菩薩所能成辦。

壬三、增上意樂

於二分中能成辦已，正行堅固，於諸善品，獲得一向增上意樂。如是意樂，或在家品所應攝受，或出家品所應攝受。

壬四、住

或於善品能正安立，乃至安住。

辛三、〔持究竟瑜伽處〕（分五）

壬一、生

從此已上，故作意思，受諸有生，於彼生處，常得值遇諸佛菩薩。

壬二、攝受

及能起作一切有情諸饒益事。

壬三、地

恒常無間，蒙佛菩薩無倒教授，任持善品，領受殊勝證得分位，由領受故，於可稱讚，攝受殊勝，證得分位，能正安處，如已舍宅。

壬四、行

住此位已，能於後後殊勝分位一切種相，覺慧昇進，漸次乃至到於究竟，於其中間不生喜足。

壬五、後建立攝

如是昇進，證得究竟，從此不求其餘上地，已到究竟，極邊際故，名得無上。

庚二、結

是名菩薩地義次第。

※※※※※※※※※※※※※※※※※※

從〈菩薩地〉來看菩薩道

林崇安（2004）

提要

《瑜伽師地論》中第 35-50 卷的〈菩薩地〉是印度本土有關菩薩道的集大成的要典，其內容談空不多，注重實踐細節則多！本文指出，想走菩薩道就要先具有菩薩的種性，培養廣大的心胸，眼光放遠而實踐則要拉回當下。菩薩道的前階段可以說是為了培養慈悲心（菩薩菩提，悲所建立），整個力氣皆以前五度為主，此所以〈菩薩地〉只略提般若也。

一、前言

二、〈菩薩地〉的架構以及各品的要義

- （一）持瑜伽處（共 18 品）
- （二）持隨法瑜伽處（共 4 品）
- （三）持究竟瑜伽處（共 5 品）
- （四）持次第瑜伽處（1 品）

三、菩薩道中的重要階段

- （一）十三住
- （二）十一清淨
- （三）十地、七種地
- （四）不同階段的菩薩
- （五）不同階段的斷障

四、菩薩道的廣大因果

- （一）成熟善因
- （二）感果

五、菩薩道的修行要點和特色

- （一）菩薩種性與真實菩薩
- （二）懺悔與消災
- （三）慈悲和智慧力的提昇
- （四）菩薩道的超越處

六、結語

一、前言

菩薩道是修行者從二障的束縛中解脫出來，達到悲智圓滿的整個過程。任何一位走在這條道上的修行者，當然要認清這條道路的特色，要知道如何走這條道路，並要熟稔自己處在何處，《瑜伽師地論》中第 35-50 卷的〈菩薩地〉便是依此需求而出現的一本修行指導要典。本文即引據此〈菩薩地〉前後各品的觀點，來探討菩薩行者所要行走的菩薩道。以下依次分析〈菩薩地〉的架構和要義、菩薩道的重要階段以及廣大的因果，最後探討菩薩道的修行要點和特色。

二、〈菩薩地〉的架構以及各品的要義

〈菩薩地〉的架構是以**四瑜伽處**和十法含攝整個菩薩道的道和果。十法是（1）持，（2）相，（3）分，（4）增上意樂，（5）住，（6）生，（7）攝受，（8）地，（9）行，（10）建立。

第一法的「持」即是「**初持瑜伽處**」，內含十八品：1 種性品、2 發心品、3 自他利品、4 真實義品、5 威力品、6 成熟品、7 菩提品、8 力種性品、9 施品、10 戒品、11 忍品、12 精進品、13 靜慮品、14 慧品、15 攝事品、16 供養親近無量品、17 菩提分品、18 菩薩功德品。

第二法至第五法，即是「**第二持隨法瑜伽處**」，內含四品：1 菩薩相品、2 分品、3 增上意樂品、4 住品。

第六法至第十法，即是「**第三持究竟瑜伽處**」，內含五品：1 生品、2 攝受品、3 地品、4 行品、5 建立品。

最後是總結菩薩道和果的次第，此即「**第四持次第瑜伽處**」，含發正等菩提心一品。

以上〈菩薩地〉共有 28 品。各品的要義，可依「第四持次第瑜伽處」所述的「菩薩地義次第」，來掌握菩薩道的整個內容，今將此瑜伽處的論文內容配上品別，分段列出如下：

（一）、持瑜伽處（共 18 品）

甲、種性持

『1 種性品』：謂諸菩薩要先安住「菩薩種性」。

乙、發心持

『2 發心品』：乃能正發阿耨多羅三藐三菩提心。

丙、覺分持

- 『3-7 自他利品至菩提品』(所學處): 既發心已, 方正修行自他利行, 於自他利正修行時, 得無雜染方便, 無雜染故得無厭倦方便, 無厭倦故得諸善根增長方便, 於諸善根得增長已, 能證無上正等菩提。
- 『8 力種性品』(如是學之一): 又於如是自他利加行無雜染方便, 無厭倦方便, 善根增長方便, 得大菩提中, 將修行時, 先於甚深廣大正法安立信解, 立信解已訪求正法, 求正法已, 廣為他說, 亦於正行自能成辦, 於成辦時, 若由此、於此、為此應行, 即由此、於此、為此而行。
- 『9-16 六度、攝事、供養親近無量品』(如是學之二): 由此、於此、為此行時, 如今福德智慧增長, 所應行者即如是行, 福德智慧既增長已, 於不捨離生死方便, 能正修行。
- 『17 菩提分品』(能修學之一) — (1) 慚愧: 即於此中, 正修行時, 能行生死無雜染行。(2) 堅力持性: 即於此中, 正修行時, 能於自樂行無著行。(3) 心無厭倦: 即於此中, 正修行時, 能於無量生死大苦, 能正修行無厭倦行。(4) 善知諸論: 由於生死無厭倦故, 能正訪求種種異論, 於一切論得無所畏。(5) 善知世間: 善知論已, 復能了知: 所應為說, 所可宣說, 應如是說, 由此智故善知世間。(6) 修正四依: 如是菩薩善知諸論及世間已, 復能如理訪求正法。(7) 修無礙解: 既訪求已, 堪能善斷一切有情一切疑惑。(8) 菩提資糧: 如是堪能斷他疑惑, 令自福德展轉增長, 福德資糧漸得圓滿, 令自智慧亦轉增長, 智慧資糧漸得圓滿。(9) 修菩提分: 二種資糧既圓滿已, 於諦行相、菩提分法無倒修中, 能勤修行。(10) 修習止觀: 於修方便能正了知。(11) 方便善巧: 即持如是正勤所修, 迴向大乘般涅槃果, 不求聲聞及獨覺乘般涅槃果。(12) 妙陀羅尼: 既得如是方便善巧, 能於一切菩薩語言聽聞受持, 依修力故, 於昔未聞所有諸法一切種相皆能辨了, 於陀羅尼無礙辯才皆得圓滿。(13) 三三摩地: 為欲永斷一切障故, 精勤修習三解脫門。(14) 法嚙陀南: 即於此中, 正修行時, 為斷自他一切顛倒增上慢故, 勤修正行, 如是能於一切種相, 正行圓滿。
- 『18 菩薩功德品』(能修學之二):

A 正行功德殊勝—(1) 希奇不希奇：當知此中，正行功德殊勝菩薩，為利自他勤修正行，用利他事以為自事，聲聞、獨覺則不如是。(2) 平等心饒益：由諸菩薩用利他事為自事故，於一切有情起如自己平等之心，由起如是平等心故，於諸有情常施恩惠，不望其報。(3) 不虛方便行：菩薩如是勤修行時，常於有情發起希望，欲令彼得利益安樂，由是利益安樂意樂，常能起作，不虛加行。

B 稱讚功德殊勝—(1) 蒙佛授記：當知此中，稱讚功德殊勝菩薩，於諸佛所獲得授記，非諸聲聞，亦非獨覺。(2) 墮決定中：得授記已，便能安住不退轉地。(3) 所作定常：安住此中，能於一切決定所作，恒常所作，獲得堅固無忘失法。

(4) 施設最勝：如是堅固無忘失法，諸佛菩薩施設，在於一切有情最上施設。(5) 加行無退：普於一切所應作事，能無退失，於未得退亦無退失。(6) 勝進增長：無退失時，恒常無間，一切善法運運增長，如明分月。(7) 名真非似：由諸善法轉增長故，菩薩爾時，得名真實，不名相似。(8) 善知調伏：由得真實菩薩名故，於一切種一切有情調伏方便，如實了知。(9) 施設建立：如實知故，一切安立皆得善巧。從此尋求、於此尋求、由此尋求，既尋求已，由此究竟皆正安立，如是名為：一切安立皆得善巧。(10) 五種無量：於諸安立得善巧故，復於教授能得善巧。於其教授得善巧故，復能獲得無量所緣三摩地王。(11) 說法果利：獲得如是三摩地已，能不唐捐，宣說正法種種行相，說正法時皆有勝果。

(12) 大乘性攝：能於大乘，究竟出離，以依大性而出離故，能攝大乘。(13) 菩薩名號：由此復於彼彼大乘出離位中，得彼彼名，一切菩薩同共此名，一切世間諸佛菩薩皆共安立，皆共稱歎。

(二)、持隨法瑜伽處 (共 4 品)

『1 菩薩相品』：由得如是殊勝名故，當知獲得諸菩薩相，諸相所相，成就其相。

『2 分品』：如是正行一切種相，在家、出家二分菩薩所能成辦。

『3 增上意樂品』：於二分中能成辦已，正行堅固，於諸善品，獲得一向增上意樂。如是意樂，或在家品所應攝受，或出家品所應攝受。

『4 住品』：或於善品能正安立，乃至安住。

(三)、持究竟瑜伽處（共 5 品）

『1 生品』：從此已上，故作意思，受諸有生，於彼生處，常得值遇諸佛菩薩。

『2 攝受品』：及能起作一切有情諸饒益事。

『3 地品』：恒常無間，蒙佛菩薩無倒教授，任持善品，領受殊勝證得分位，由領受故，於可稱讚，攝受殊勝，證得分位，能正安處，如己舍宅。

『4 行品』：住此位已，能於後後殊勝分位一切種相，覺慧昇進，漸次乃至到於究竟，於其中間不生喜足。

『5 建立品』：如是昇進，證得究竟，從此不求其餘上地，已到究竟，極邊際故，名得無上。

(四)、持次第瑜伽處（1 品）

『發正等菩提心品』：菩薩地義次第。

此中，「持瑜伽處」以種性品開始，強調菩薩要先有「菩薩種性」，而後於第 9-15 品，廣述布施、淨戒、安忍、精進、靜慮、般若等六波羅蜜多（六度）以及布施、愛語、利行、同事等四攝事，共有十項的實踐，每一項又細分出九相：一自性、二一切、三難行、四一切門、五善士、六一切種、七遂求、八此世他世樂、九清淨，其份量佔整個〈菩薩地〉的四分之一以上，此中又以布施波羅蜜多和淨戒波羅蜜多的份量最多，而「布施攝事」則歸入「施波羅蜜多」，並未別出。所以〈菩薩地〉把菩薩的重點擺在培養福德資糧和慈悲心，而不是高談空性。就整個菩薩道而言，菩薩在無量的善業修行中，不外是以廣大的胸襟來圓滿自事、他事，〈菩薩地〉說：

如是已說多種施、戒，廣說乃至最後同事，其中所有波羅蜜多，能自成熟一切佛法；所有攝事，能成熟他一切有情，當知略說菩薩一切善法作業。

所以，菩薩行者不外是以廣行「六波羅蜜多」來成熟自己，以廣行「四攝事」來成熟其他一切有情，心胸廣大而行事細膩是其特性。

三、菩薩道中的重要階段

走在菩薩道上的修行者，要先知道途中有那些要站，無著菩薩於〈菩薩地〉中，編集不同的資料，以不同的名相、不同的角度來解說這些要站，以下即依〈菩薩地〉中所編集的十三住、十一清淨、十地、七種地、進階的菩薩、所斷的障等，來掌握菩薩道中重要的階段。

(一) 十三住

〈菩薩地〉住品指出，一切菩薩的菩薩住、菩薩行，共有十二種住，加上如來的無上住，合計十三住。這十三住是：

謂(1)菩薩種性住，(2)勝解行住，(3)極歡喜住，(4)增上戒住，(5)增上心住。(6-8)增上慧住，復有三種：一、覺分相應增上慧住；二、諸諦相應增上慧住，三、緣起流轉止息相應增上慧住，謂諸菩薩如實了知能觀真實、所觀真實及於真實諸有情類，由無智故眾苦流轉，由有智故眾苦止息。如是菩薩由於三門以慧觀察故，有三種增上慧住。及(9)有加行、有功用無間缺道運轉無相住，(10)無加行、無功用無間缺道運轉無相住，(11)無礙解住，(12)最上成滿菩薩住，是名菩薩十二種住。(13)如來住者，謂過一切諸菩薩住，現前等覺大菩提住。

此中的(1)菩薩種性住，強調菩薩行者必須先具有菩薩種性。(2)勝解行住，是從初發心算起，一直到未得清淨意樂之間，所有一切菩薩行。(3)極歡喜住，是菩薩淨勝意樂住。(4)增上戒住，是以淨勝意樂為緣，所得性戒相應住。(5)增上心住，是以增上戒住清淨為緣，所得世間靜慮、等持、等至住。(6)覺分相應增上慧住，是以世間淨智所依等持為所依止，為覺諸諦於正念住等三十七菩提分法，妙簡擇住。(7)諸諦相應增上慧住，是以覺分簡擇為所依止，於諸諦中如實覺住。(8)緣起流轉止息相應增上慧住，是以菩薩於諦能覺增上力，簡擇顯示由無智故苦及因起，簡擇顯示由有智故苦及因滅住。(9)有加行、有功用，無間缺道運轉無相住，是以上述三種增上慧住增上力，有加行、有功用，無缺無間，於一切法真如無分別慧修俱行住。(10)無加行、無功用，無間缺道運轉無相住，是多修習上述有加行、有功

用無相住後，任運自然，無缺無間運轉道隨行住。(11) 無礙解住，是以善清淨無動慧等持，為所依止，得廣大慧為他說法，無上為依，能於諸法異門義趣，釋詞差別，妙簡擇住。(12) 最上成滿菩薩住，是於菩薩道已到究竟，於阿耨多羅三藐三菩提已得大法灌頂，或一生所繫，或居最後有。從此住無間，即於爾時，證覺無上正等菩提，能作一切佛所作事。

以上共有十二種菩薩住，對應出十二種菩薩，第十三種則是無上住的如來。在十三住中，值得特別重視的是(1) 菩薩種性住，因為「菩薩種性」是菩薩的種子，是成佛的基礎；和(2) 勝解行住，因為「勝解行」是菩薩由凡入聖的階段，是慈悲和智慧增上戒、增上心、增上慧的孕育時期。以(1)的基礎和(2)的孕育，才有後續增上戒、增上心、增上慧的增上圓滿。

(二) 十一清淨

上述分別處於十三住的菩薩和如來，有不同層次的清淨，〈菩薩地〉說：

即於如是十三住中，當知略有十一清淨。謂於第一種性住中，種性清淨。於其第二勝解行住，信勝解淨。於其第三極歡喜住，勝意樂淨。於其第四增上戒住，增上戒淨。於其第五增上心住，增上心淨。於其第六、第七、第八增上慧住，無顛倒智發起清淨。於其第九有加行、有功用無相住，有加行行圓滿清淨。於其第十無加行、無功用無相住，真智神通引發清淨。於第十一無礙解住，能正為他宣說法義，無礙解淨。於第十二最上成滿菩薩住中，入一切種一切所知妙智清淨。於第十三如來住中，一切煩惱及所知障并諸習氣究竟清淨。

十二種菩薩和如來中，第六、第七、第八等三種「增上慧住」的菩薩，同屬於「無顛倒智發起清淨」，所以合計有十一種清淨。第十三住的如來，已將二障（煩惱障及所知障）并諸習氣都完全斷除，所以是究竟清淨。

(三) 十地、七種地

〈菩薩地〉說：

彼《十地經》廣所宣說菩薩十地，即是此中，菩薩藏攝摩怛理迦，略所宣說菩薩十住，如其次第，從極歡喜住乃至最上成滿菩薩住。

又說有七種地：

如前所說十三住中，應知隨彼建立七地：前之六種，唯菩薩地；第七一種，菩薩、如來雜立為地。何等為七？一種性地，二勝解行地，三淨勝意樂地，四行正行地，五決定地，六決定行地，七到究竟地。如是七種菩薩地中，最後一種，名為雜地。

前種性住，名種性地。勝解行住，名勝解行地。極歡喜住，名淨勝意樂地。增上戒住、增上心住、三種增上慧住、有加行有功用無相住，名行正行地。無加行無功用無相住，名決定地，此地菩薩墮在第三決定中故。無礙解住，名決定行地。最上成滿菩薩住及如來住，名到究竟地。

由此可知，菩薩十地與菩薩十二住中的十住相當；十三住也可歸屬七種地，列出如下：

- 1 菩薩種性住—屬一種性地
- 2 勝解行住—屬二勝解行地
- 3 極歡喜住：(1) 歡喜地—屬三淨勝意樂地
- 4 增上戒住：(2) 離垢地—屬四行正行地
- 5 增上心住：(3) 發光地—屬四行正行地
- 6 覺分相應增上慧住：(4) 燄慧地—屬四行正行地
- 7 諸諦相應增上慧住：(5) 極難勝地—屬四行正行地
- 8 緣起流轉止息相應增上慧住：(6) 現前地—屬四行正行地
- 9 有加行、有功用無相住：(7) 遠行地—屬四行正行地
- 10 無加行、無功用無相住：(8) 不動地—屬五決定地
- 11 無礙解住：(9) 善慧地—屬六決定行地
- 12 最上成滿菩薩住：(10) 法雲地—屬七到究竟地
- 13 如來住—屬七到究竟地

以上增上戒住、增上心住、增上慧住的說法，不同於一般以十波羅蜜來配菩薩十地。上述『住』與『地』有何不同？〈菩薩地〉說：

應知此中，由能攝持菩薩義故，說名為『地』。能為受用居處義故，說名為『住』。

所以，『地』指能攝持菩薩義，『住』指能為受用居處義，是從不同的角度來看菩薩所行之道。

（四）不同階段的菩薩

前述有十二種菩薩住，對應出十二種菩薩，第十三種則是無上住的如來。此十二住的菩薩又可以分為數種菩薩，〈菩薩地〉說：

云何能成熟補特伽羅？謂略有六種菩薩，住菩薩六地能成熟有情：一切勝解行菩薩住勝解行地；二者淨勝意樂菩薩住淨勝意樂地；三者行正行菩薩住行正行地；四者墮決定菩薩住墮決定地；五者決定行正行菩薩住決定行正行地；六者到究竟菩薩住到究竟地。

又說：

當知菩薩略有十種：一住種性；二已趣入；三未淨意樂；四已淨意樂；五未成熟；六已成熟；七未墮決定；八已墮決定；九一生所繫；十住最後有。此中，即住種性菩薩，發心修學，名已趣入。即已趣入，乃至未入淨意樂地，名未淨意樂。若已得入，名已淨意樂。即淨意樂，乃至未入到究竟地，名未成熟。若已得入，名已成熟。未成熟中，乃至未得入決定地、決定行地，名未決定。若已得入，名已決定。已成熟中，復有二種：一者、一生所繫，謂此生無間，當證無上正等菩提。二、住最後有，謂即住此生，能證無上正等菩提。

此處指出，「住種性菩薩」發心修學而成「已趣入菩薩」，而後由「未淨意樂菩薩」成為「已淨意樂菩薩」，再經由「未墮決定菩薩」成為「已墮決定菩薩」；最後成為「一生所繫」和「住最後有」的「已成

熟菩薩」。相對之下，「未墮決定菩薩」和「已墮決定菩薩」被稱為「未成熟菩薩」。任何一位走在菩薩道上的修行者，當然要知道自己是處在何種階段，今將不同層次的菩薩，比對列出如下：

- 1 菩薩種性住菩薩：住種性菩薩（住種性地）
- 2 勝解行住菩薩：勝解行菩薩（住勝解行地）
- 3 極歡喜住菩薩：淨勝意樂菩薩（住淨勝意樂地—歡喜地）
- 4 增上戒住菩薩：行正行菩薩（住行正行地—離垢地）
- 5 增上心住菩薩：行正行菩薩（住行正行地—發光地）
- 6 覺分相應增上慧住菩薩：行正行菩薩（住行正行地—發慧地）
- 7 諸諦相應增上慧住菩薩：行正行菩薩（住行正行地—極難勝地）
- 8 緣起流轉止息相應增上慧住菩薩：行正行菩薩（住行正行地—現前地）
- 9 有加行、有功用無相住菩薩：行正行菩薩（住行正行地—遠行地）
- 10 無加行、無功用無相住菩薩：墮決定菩薩（住墮決定地—不動地）
- 11 無礙解住菩薩：決定行正行菩薩（住決定行正行地—善慧地）
- 12 最上成滿菩薩住菩薩：到究竟菩薩（住到究竟地—法雲地）。

（五）不同階段的斷障

從斷障的角度來看，菩薩道不外是要斷除煩惱、所知二障，〈菩薩地〉說：

又由如是所說十二諸菩薩住，經三無數大劫時量，能斷一切煩惱障品所有麤重，及斷一切所知障品所有麤重。

1 於三住中，當知能斷煩惱障品所有麤重。謂（a）於極歡喜住中，一切惡趣諸煩惱品所有麤重皆悉永斷，一切上、中諸煩惱品皆不現行。（b）於無加行、無功用無相住中，一切能障一向清淨無生法忍諸煩惱品所有麤重皆悉永斷，一切煩惱皆不現前。（c）於最上成滿菩薩住中，當知一切煩惱習氣、隨眠障礙皆悉永斷，入如來住。

2 當知一切所知障品所有麤重，亦有三種：一者在皮麤重；二者在膚麤重；三者在肉麤重。當知此中，在皮麤重，極歡喜住皆悉已斷；在膚麤重，無加行無功用無相住皆悉已斷；在肉麤重，如

來住中皆悉已斷，得一切障極清淨智。於三住中，煩惱、所知二障永斷。所餘諸住，如其次第，修斷資糧。

四、菩薩道的廣大因果

以上只標示菩薩道的一些重要階段及其名相，重要的是，如何走上這條道路？這就需要順著因果來實踐。菩薩道是以無量清淨的善法為因，積極實踐六度和四攝，最後才證得殊勝的佛果。

（一）實踐六度和四攝

整個菩薩道就是透過六度、四攝，積極地提昇自己慈悲和智慧的能力。慈悲和智慧力的提昇，或福德資糧和智慧資糧的培養，才是菩薩道的重點，〈菩薩地〉說：

謂諸菩薩，或在家分、或出家分差別轉時，略有四法，當知令此在家、出家二分菩薩，正勤修學，速證無上正等菩提。何等為四？一者善修事業；二者方便善巧；三者饒益於他；四者無倒迴向。云何菩薩善修事業？謂諸菩薩於六波羅蜜多，決定修作、委悉修作、恒常修作、無罪修作。…云何菩薩方便善巧？當知如是方便善巧略有十種。…云何菩薩饒益於他？謂諸菩薩依四攝事，即布施、愛語、利行、同事，能與一分有情利益，能與一分有情安樂，能與一分所化有情利益、安樂，是名略說菩薩所有饒益於他。…云何菩薩無倒迴向？謂諸菩薩三門積集所有善根，即善修事業、方便善巧、饒益於他，去來今世一切攝取，以淳一味妙淨信心，迴求無上正等菩提，終不用此所集善根希求世間餘果異熟，唯除無上正等菩提。

由此可知，在家或出家行者所要走的菩薩道是相同的，都是鎖定「無上正等菩提」為標的，去廣修六波羅蜜多的事業，依四攝事來利益有情，並以十種方便善巧來處理不同的對象（1 憎背聖教有情，除其恚惱方便善巧；2 處中有情，令其趣入方便善巧；3 已趣入者，令其成熟方便善巧；4 已成熟者，令得解脫方便善巧；5 於諸世間一切異論方便善巧；6 於諸菩薩淨戒律儀受持、毀犯，能正觀察方便善巧；7

於諸正願方便善巧；8 於聲聞乘方便善巧；9 於獨覺乘方便善巧；10 於其大乘方便善巧)，由於對世間一切異論、聲聞乘、獨覺乘和大乘都要方便善巧，所以在家或出家的菩薩行者都要廣學五明，將身語意所積集的一切善根，以淳一的清淨信心，迴求無上正等菩提。

（二）行十種波羅蜜多

菩薩道的內容也可歸入十種波羅蜜多，菩薩之超過一切世間聲聞、獨覺，便是由於長時修習十種波羅蜜多，〈菩薩地〉行品說：

菩薩始從勝解行地，乃至最後到究竟地，於此一切菩薩地中，當知略有四菩薩行。何等為四？一者波羅蜜多行；二者菩提分法行；三者神通行；四者成熟有情行。前說六種波羅蜜多，及方便善巧波羅蜜多、願波羅蜜多、力波羅蜜多、智波羅蜜多，如是十種波羅蜜多，總名波羅蜜多行。…

應知此中，施等十法，經三大劫阿僧企耶，長時修習乃圓證故，自性清淨體殊勝故，過餘一切世間聲聞、獨覺善根，攝受最勝菩提果故，如是十法最極長時乃能圓證，自性最極清淨殊勝，能得最極菩提妙果，是故說名波羅蜜多。

此處明確指出，十種波羅蜜多是菩薩道的波羅蜜多行，要經長時期的耕耘才能成熟，這是順著因果而來，並不是可以隨便縮短的。

（三）播下十力的種子

菩薩的「如是應學」，廣說是六度四攝，略說則是七事，〈菩薩地〉說：

若諸菩薩，欲於菩薩所應學處精勤修學，最初定應（1）具多勝解、（2）應求正法、（3）應說正法、（4）應正修行法隨法行、（5）應正教授、（6）應正教誡、（7）應住無倒教授教誡方便所攝身、語、意業。

此處菩薩的七事修學中，菩薩除了親近善士、聽聞正法、如理作意、

法隨法行之外，還要對他人說正法、教授、教誡等等。此中，菩薩求正法時，要廣學五明，〈菩薩地〉說：

如是一切明處所攝有五明處：一內明處，二因明處，三聲明處，四醫方明處，五工業明處，菩薩於此五種明處若正勤求，則名勤求一切明處。…菩薩於是內明所顯正因果相，如實知己，精勤修習，令（1）處非處智力種性，漸得清淨，漸得增長。云何內明論顯示已作不失、未作不得相？謂諸有情自所作業，雖復作已，經多百劫，與果功能終無失壞。亦無不作，或復異作，而有異熟或異果熟。菩薩於是內明所顯已作不失未作不得相，如實知己，精勤修習，令其（2）自業智力種性，漸得清淨，漸得增長。

此處指出，菩薩勤求五種明處，因而播下（1）處非處智力和（2）自業智力等二力的種子。菩薩要勤修教授，教授的八種內容，依〈菩薩地〉是：

當知教授略有八種：（1）謂諸菩薩或三摩地為依止故，或於長時共彼住故，於彼慈悲欲為教授。（2）或由其餘諸菩薩眾，或由如來為作教授。（3）於教授時，先當審諦尋思其心，如實了知。（4）尋思如實了知心已，尋思其根，如實了知。（5）尋思如實了知根已，尋思意樂，如實了知。（6）尋思如實知意樂已，尋思隨眠，如實了知。（7）尋思如實知隨眠已，如其所應隨其所宜，示現種種所趣入門令其趣入，謂或修不淨、或復修慈、或修種種緣性緣起、或修界差別、或修阿那波那念。（8）如其所應，隨其所宜，示現種種所趣入門令趣入已，為說能治常邊邪執處中之行、為說能治斷邊邪執處中之行，令其除捨未作謂作、未得謂得、未觸謂觸、未證謂證諸增上慢。

菩薩勤修教授，因而播下靜慮、解脫、等持、等至智力等其他八力的種子，〈菩薩地〉說：

如是菩薩，或由從他得正教授，或由施他無倒教授，能令所餘八力種性漸得清淨，漸得增長：謂（1）靜慮、解脫、等持、

等至智力種性；(2) 諸根勝劣智力種性；(3) 種種勝解智力種性；(4) 種種界智力種性；(5) 遍趣行智力種性；(6) 宿住隨念智力種性；(7) 死生智力種性；(8) 漏盡智力種性。…略說菩薩五種教誡，所謂遮止、開許、諫誨、呵擯、慶慰。云何菩薩方便所攝身、語、意業？當知略說菩薩所有四種攝事，是名方便。如世尊言：菩薩成就四種攝事所攝方便，方名菩薩。

此處指出，菩薩從他得正教授，或由施他無倒教，因而播下八力的種子；並指出，菩薩勤修教誡，以遮止、開許、諫誨、呵擯、慶慰的方式，使所度者戒律清淨。而菩薩方便所攝的身、語、意業，就是實踐四攝。以上所說十力的性質為何？〈菩薩地〉說：

云何如來十力自性？謂總五根，為其自性。由慧勝故，且說十力，慧為自性。所以但言：處非處智力，不言信力、不言餘力。如處非處智力，如是餘力當知亦爾。是名如來十力自性。

整體而言，十力的性質，就是信、精進、念、定、慧等五根，此中又以慧為勝，所以稱之為十種智力。

(二) 感果

由上述無量最勝、清淨的善法為因，經過三大劫阿僧企耶的長時修習，自然會得到殊勝的佛果，〈菩薩地〉說：p224

- (1) 此中，所有一切施、一切戒，廣說乃至一切同事，若多修習、若善清淨、若具圓滿，能感無上正等菩提金剛堅固身正法久住果。
- (2) 此中，所有難行施、難行戒，廣說乃至難行同事，若多修習、若善清淨、若具圓滿，能感如來成就無等希奇法果。
- (3) 此中，所有一切門施、一切門戒，廣說乃至一切門同事，若多修習、若善清淨、若具圓滿，能感如來一切最勝有情天人所供養果。
- (4) 此中，所有善士施、善士戒，廣說乃至善士同事，若多修習、若善清淨、若具圓滿，能感如來於諸有情無足、二足、四

足、多足、有色、無色、有想、無想及以非想非非想處，於此一切有情類中最尊勝果。

- (5) 此中，所有一切種施、一切種戒，廣說乃至一切種同事，若多修習、若善清淨、若具圓滿，能感如來無量殊勝福德所攝三十有六大丈夫相、八十隨好莊嚴身果。
- (6) 此中，所有遂求施、遂求戒，廣說乃至遂求同事，若多修習、若善清淨、若具圓滿，能感如來坐菩提座一切魔怨不能惱觸不傾動果。
- (7) 此中，所有此世他世樂施、此世他世樂戒，廣說乃至此世他世樂同事，若多修習、若善清淨、若具圓滿，能感如來最勝靜慮、解脫、等持、等至樂果。
- (8) 此中，所有清淨施、清淨戒，廣說乃至清淨同事，若多修習、若善清淨、若具圓滿，能感如來四一切種清淨果，謂所依淨、所緣淨、心淨、智淨，亦感如來三不護、十力、四無所畏、三念住一切不共佛法極清淨果。

此處扼要指出菩薩行者依布施、淨戒、安忍、精進、靜慮、般若等六波羅蜜多以及布施、愛語、利行、同事等四攝事，分別配合九相（自性、一切、難行、一切門、善士、一切種、遂求、此世他世樂、清淨）來實踐菩薩道，最後終於到達「如來住」和「如來到究竟地」，菩薩道的最終修行結果，總結於〈菩薩地〉的「建立品」中，其內容就是佛世尊的一百四十項不共佛法：

依如來住，及依如來到究竟地，諸佛世尊有百四十不共佛法，謂諸如來三十二大丈夫相、八十隨好、四一切種清淨、十力、四無所畏、三念住、三不護、大悲、無忘失法、永害習氣及一切種妙智。

成佛後，便以如來十力來作利益眾生的事業，如何作呢？〈菩薩地〉說：

- (1) 謂如來所有處非處智力，於諸因中如實知因，於諸果中如實知果，及能降伏無因、惡因種種諍論一切沙門、婆羅門等。
- (2) 如來所有自業智力，於自所作受用果業，如實了知，及能降伏施福移轉種種諍論，一切沙門、婆羅門等。

- (3) 如來所有靜慮、解脫、等持、等至智力，能現三種神變，無倒教授所化有情，及能降伏安住種種相違異品怨害諍論，一切沙門婆羅門等。
- (4) 如來所有根勝劣智力，於諸有情軟、中、上根部分差別，如實了知，及能於彼，如應如宜為說正法。
- (5) 如來所有種種勝解智力，於諸有情軟、中、上品淨與不淨勝解差別，如實了知，其淨勝解，令漸增長，不淨勝解令漸捨離。
- (6) 如來所有種種界智力，於諸有情劣、中、妙界部分差別，如實了知，於諸有情能如其根、如其意樂、如其隨眠，依於彼彼趣入門中，無倒教授，如應安立。…
- (7) 如來所有遍趣行智力，於一切苦能出離行、不出離行，如實了知，及令捨離不出離行，能正授與能出離行。
- (8) 如來所有宿住隨念智力，於其前際本事、本生，數數念已，為令所化諸有情類心生厭離、心生淨信，正為宣說，及能降伏執著常論一切沙門、婆羅門等。
- (9) 如來所有死生智力，於諸弟子過往遷謝當所受生，能正記別，及能降伏執著斷論一切沙門、婆羅門等。
- (10) 如來所有漏盡智力，於自解脫無惑無疑，及能降伏於阿羅漢起增上慢一切沙門、婆羅門等。

整個菩薩道的內容，可以說是為了培養如來的這十種智力。

五、菩薩道的修行條件和特色

以上總述菩薩道的道果，今探討菩薩道的修行條件以及相關的修行特點。

(一) 菩薩種性與真實菩薩

依據〈菩薩地〉的看法，走在菩薩道上的修行者，必須先擁有菩薩種性，這表示要有「菩薩的種子」才能灌溉出「真實的菩薩」，最後成長為「佛陀」。如果未具菩薩種性，那麼連最基本的條件都沒有，根本沒有資格談及無上正等菩提，所以〈菩薩地〉說：

住無種性補特伽羅，無種性故，雖有發心及行加行為所依止，定不堪任圓滿無上正等菩提。

依據〈聲聞地〉的看法，走在聲聞道上的行者，必須先擁有聲聞種性，才有資格談及證得聲聞阿羅漢的果位；走在獨覺道上的行者，同理也必須先擁有獨覺種性，才有資格證得獨覺阿羅漢的果位。這種先有因才能得果的觀點，是一種務實的看法。什麼樣的行者，才算擁有菩薩種性呢？〈菩薩地〉說：

云何菩薩種性住？云何菩薩住種性住？謂諸菩薩住種性住，性自仁賢，性自成就菩薩功德，菩薩所應眾多善法，於彼現行，亦有顯現，由性仁賢逼遣方便，令於善轉，非由思擇，有所制約，有所防護。若諸菩薩住種性住，任持一切佛法種子，於自體中、於所依中，已具足有一切佛法一切種子。又諸菩薩住種性住，性離麤垢，不能現起上煩惱纏。

由此可知，住於菩薩種性的行者，稟性仁賢，自動自發地去行善（由性仁賢逼遣方便，令於善轉），心無麤垢，不會現起上品的煩惱，這是菩薩行者所需擁有的最基本條件。所以，菩薩行者首先要擁有寬大的心胸，能自動樂於行善，以此菩薩種性為基點，而後耐心地耕耘，不斷提昇慈悲和智慧的能力，最後終必圓證無上正等菩提。具有菩薩種性的行者，發菩提心後，怎樣才算是真實的菩薩呢？〈菩薩地〉說：

若諸菩薩現前自稱：『我是菩薩』，於菩薩學不正修行，當知是名相似菩薩，非真菩薩。若諸菩薩現前自稱：『我是菩薩』，於菩薩學能正修行，當知是名真實菩薩。P296

「謂諸菩薩有五真實菩薩之相，若成就者，墮菩薩數。何等為五？一者哀愍；二者愛語；三者勇猛；四者舒手惠施；五者能解甚深義理密意。

此處指出，真實的菩薩是勤於修菩薩行，以哀愍、愛語、勇猛、惠施展現出慈悲心，以能解甚深義理密意展現出智慧，這樣才是名副其實的真實菩薩。至於處於聖位的菩薩，有何徵兆可以鑑別出來呢？以初

地菩薩（極歡喜住菩薩）為例，可以得到何種的受生與威力呢？〈菩薩地〉說：

又住於此，在在生處多作輪王，王瞻部洲得大自在，遠離一切所有慳垢，威被有情，調伏慳吝。諸四攝事所作業中，一切不離佛法僧寶，證一切種菩提作意，恒發願言：『我當一切有情中尊，作諸有情一切義利所依止處！』若樂發起如是精進，棄捨一切家屬財位，歸佛聖教，淨信出家，一剎那頃，瞬息須臾能證菩薩百三摩地，以淨天眼能於種種諸佛國土見百如來。又即於彼變化住持，菩薩住持，皆能解了，以神通力動百世界，身亦能往放大光明，周匝遍照，普令他見，化為百類，成熟百種所化有情。若欲留命，能住百劫，於前後際各百劫事，智見能入蘊界處等諸法門中，於百法門能正思擇，化作百身，身身皆能現百菩薩，眷屬圍繞。

此處指出，初地菩薩依其精進力與正願力的修行成果，若處在家則常作輪王，得大自在，以四攝事調伏有情；若出家則一剎那頃能夠證得菩薩百三摩地，以清淨天眼能於諸佛國土見百如來，又能以神通力振動百世界，若欲留命，能住百劫等等威力。這些威力雖不可思議，但由因果來看，一位菩薩從發菩提心起，不斷提昇慈悲和智慧的能力，培養了第一無數劫後，依靠如此長期所種下的福慧資糧，成為初地菩薩，因而擁有這些威力。如果沒有長期種下福慧資糧，就想一下子擁有這些威力，是不合因果的。任何一位菩薩若未擁有這些威力，不外表示自己還是處在第一無數劫內的凡夫，離成佛還很遙遠。

（二）懺悔與消災

〈菩薩地〉中，屬於消極的「懺悔」內容，只佔很少的份量，歸入「戒波羅蜜」的一部分，〈菩薩地〉說：

謂若略說具四功德，當知是名菩薩自性戒。何等為四？一從他正受，二善淨意樂，三犯已還淨，四深敬專念無有違犯。由諸菩薩從他正受故，於所學戒若有違犯，即外觀他深生愧恥；由諸菩薩善淨意樂故，於所學戒若有違犯，即內自顧深起慚羞；由諸菩薩

於諸學處犯已還淨、深敬專念『無有違犯』二因緣故，離諸惡作。

此處指出，菩薩對所受的淨戒深敬專念，能善防護，無有違犯。若違犯了所受的淨戒，便生起慚愧之心，使已還淨，這是消極的針對已犯的過錯懺悔。

至於「消災」，則以積極消除眾生之災難為修行的內容，是屬於有智(聖者)菩薩之所行，這是針對正要發生的具體不幸事件去消災，而不是消除抽象的「過去業障」，〈菩薩地〉說：

云何菩薩除災生？謂諸菩薩，或大願力或自在力，於諸飢饉厄難曠野正現前時，為令眾生少用功力而得存濟，於大魚等種類中生，身形廣大，隨所生處，以自身肉普給一切飢餓眾生，皆令飽滿。於諸有情眾多疾疫正現前時，以大願力得自在力，持有神驗諸明咒力攝受廣大良藥王身，息除一切有情疾疫。於諸有情鄰國戰爭互相逼惱正現前時，以大願力得自在力，作大地主具大勢力，以法正治方便善巧，息除鄰國戰爭逼惱。於諸有情互相違諍正現前時，以大願力得自在力，發誠信言，往返和好，除其怨結。於諸眾生遭遇惡王非理縛錄治罰逼迫身心擾亂正現前時，以大願力得自在力，生彼王家，作如法王，哀愍眾生，息除一切逼惱苦事。若諸有情起諸邪見，造諸惡行，隨一天處深生信解，哀愍彼故，以大願力得自在力，生彼天處，方便斷除邪見惡行。是名略說菩薩除災生。」

此處指出，聖者菩薩面對「正現前」的飢饉、眾多疾疫、鄰國戰爭、互相違諍、遭遇惡王非理逼迫、起邪見造惡行等天災人禍，以大願力、自在力，生在該危難之地，化解眾生之苦，但是凡夫菩薩就無此大願力和自在力，這是由於慈悲和智慧的能力有所不足之故。

(三) 菩薩道的超越處

菩薩道之所以超越聲聞道和獨覺道是由於菩薩行者所培養的無量善法是最勝而無上的，〈菩薩地〉說：

彼諸善法，由廣大故，無雜染故，應知最勝，亦名無上，亦名不

共。當知此中，由有情無別故，事無別故，時無別故，名為廣大：
(1) 有情無別者，謂諸菩薩普於一切有情處所，普為一切法界有情，修行如是施等善根，非專為己。(2) 事無別者，謂諸菩薩普於一切及一切種施等善根，精勤受學。(3) 時無別者，謂諸菩薩恒常無間不離加行，不捨善軌，若晝若夜，現法後法，即由此因施等善根，常行無替。當知此中，由四種相，成無雜染：(1) 謂諸菩薩懷歡喜心修諸善法，由是因緣無苦、無憂、無諸變悔。(2) 又諸菩薩不損惱他，不著見趣，不雜惡行，修行施等無量善根。(3) 又諸菩薩殷重遍體，於其施等無量善法，唯見功德，唯見真實，唯見寂靜，極善決定，不從他緣，非餘引奪而正受學。(4) 又諸菩薩不因所修施等善法，怖異熟果，或轉輪王、或天帝釋、或魔、或梵，亦不於他怖求返報，無所依止，不依一切利養恭敬世俗名譽，乃至不依養活身命。

此處明確指出，菩薩廣修施等無量善根，是「普為一切有情」而精勤受學，恒常無間修習，並懷歡喜心，不損惱他人，不執著邪見，不參雜惡行，以殷重之心來修行，修時不怖求作轉輪王、或天帝釋、或魔、或梵，不也怖求利養恭敬、世俗名譽、養活身命等事。由於是「普為一切法界有情」修行施等善根，超越了聲聞道、獨覺道，所以大悲心的培養成為菩薩道的一大特色，〈菩薩地〉說：

又諸菩薩由前所說百一十苦，於諸有情修悲心時，則為修習一切菩薩所有悲心，復能速證悲意樂淨，證入菩薩淨意樂地，於諸有情，獲得菩薩極親厚心，極愛念心，欲作恩心，無厭倦心，代受苦心，調柔自在有堪能心。諸聖聲聞已得證入苦諦現觀，已到究竟，於苦深遠厭俱行心，相續而轉，不如菩薩於諸有情悲前行心，正觀墮在百一十種極大苦蘊。菩薩如是以所修悲熏修心故，於內外事無有少分而不能捨；無戒律儀而不能學；無他怨害而不能忍；無有精進而不能起；無有靜慮而不能證；無有妙慧而不能入。是故如來若有請問：「菩薩菩提誰所建立？」皆正答言：「菩薩菩提，悲所建立。」

如前所說：一一無量皆有無量，菩薩如意圓德隨轉，皆能攝受無量愛果，皆無量種，一向妙善，無罪隨轉。當知菩薩精勤修習如是無量，能得四種功德勝利：謂由修習此無量故，先得最勝現法

樂住；攝受增長無量最勝福德資糧；能於無上正等菩提意樂堅固；為欲饒益諸有情故，於生死中堪能忍受一切大苦。

由於菩薩道是「普為一切法界有情」，所以菩薩的有些作為的標準會和聲聞行者有所不同，例如戒律方面，〈菩薩地〉說：

A 若諸菩薩安住菩薩淨戒律儀，如薄伽梵於別解脫毘奈耶中，將護他故，建立遮罪，制諸聲聞令不造作，諸有情類未淨信者令生淨信，已淨信者令倍增長，於中菩薩與諸聲聞，應等修學，無有差別。

B 若諸菩薩安住菩薩淨戒律儀，如薄伽梵於別解脫毘奈耶中，為令聲聞少事、少業、少悵望住，建立遮罪，制諸聲聞令不造作，於中菩薩與諸聲聞，不應等學。…如是菩薩為利他故，從非親里長者、居士、婆羅門等及恣施家，應求百千種種衣服，觀彼有情有力無力，隨其所施，如應而受。如說求衣，求鉢亦爾。如求衣、鉢，如是自求種種絲縷，令非親里為織作衣，為利他故，應畜種種憍世耶衣、諸坐臥具，事各至百，生色、可染，百千俱胝，復過是數，亦應取積。

C 若諸菩薩安住菩薩淨戒律儀，善權方便為利他故，於諸性罪，少分現行，由是因緣，於菩薩戒無所違犯，生多功德。

由此可知，菩薩道與聲聞道對戒的取捨標準，有同也有異：A 對「護他」的遮罪（如不飲酒），為令眾生未信者信，信者增長，這些遮罪，菩薩同樣遵守。B 但為利益大眾，對遮罪中消極的「少事、少業、少悵望住」，則轉為必須積極求取眾多的衣、鉢、絲縷、憍世耶衣、諸坐臥具、金銀（生色、可染）等物，以利眾生。C 性罪方面，菩薩同樣遵守聲聞的性罪，但為利益大眾，有些特殊情況可以開許性罪（少分現行）：（1）於殺生：盜賊欲殺多人，或復欲害大德、聲聞、獨覺、菩薩，或復欲造多種無間業時，菩薩可以以憐愍心而斷彼命。（2）於不與取：可以奪回盜賊、園主所盜之僧伽物、罕堵波物。（3）於欲邪行：在家菩薩見有母邑現無繫屬、習婬欲法，求非梵行，為了勿令其心恚多生非福，令種善根、令捨不善業，可以以慈愍心行非梵行。出家菩薩則不開許。（4）於虛妄語：為了解脫眾多有情的命難，可以說妄語。（5）於離間語：以離間語，令離惡友。（6）於麤惡語：以麤惡

語，使非法的有情出不善處。(7) 於綺語：以諸綺語，使樂於綺語者出不善處。(8) 廢黜上品暴惡的國王、宰官。這些行為，不但於菩薩戒無所違犯，而且生多功德。菩薩道超越了聲聞道和獨覺道，是由於播種六項廣大的因和獲得一項廣大的果，而被稱為「大乘」，〈菩薩地〉說：

諸菩薩乘與七大性共相應故，說名大乘。何等為七？一者法大性，謂十二分教中菩薩藏攝方廣之教。二者發心大性，謂有一類於其無上正等菩提發正願心。三者勝解大性，謂有一類於法大性生勝信解。四者增上意樂大性，謂有一類已過勝解行地，證入淨勝意樂地。五者資糧大性，謂福德資糧、智慧資糧，修習圓滿能證無上正等菩提。六者時大性，謂經於三無數大劫，方證無上正等菩提。七者圓證大性，謂即所證無上菩提，由此圓證菩提自體，比餘圓證功德自體，尚無與等，何況得有若過若增！當知此中，若法大性、若發心大性、若勝解大性、若增上意樂大性、若資糧大性、若時大性，如是六種，皆是圓證大性之因。圓證大性，是前六種大性之果。有八種法能具足攝一切大乘：一者菩薩藏教；二者即於如是菩薩藏中，顯示諸法真實義教；三者即於如是菩薩藏中，顯示一切諸佛菩薩不可思議最勝廣大威力之教；四者於上所說，如理聽聞；五者如理思為先，趣勝意樂；六者趣勝意樂為先，入修行相；七者入修行相為先，修果成滿；八者即由如是修果成滿，究竟出離。

此處指出，菩薩道的行者先聽聞菩薩藏的「方廣」，而後如理作意，生起殊勝的信解和意樂，於無上正等菩提發正願心，入修行相，經歷勝解行地，證入淨勝意樂地，修習圓滿福德資糧、智慧資糧，經於三無數大劫，最後證得無上正等菩提。由於菩薩行者是鎖定「無上正等菩提」為修行的目標，所以必須以「三無數大劫」的長時間來圓滿福德資糧、智慧資糧。菩薩道超越了聲聞道和獨覺道便是由於：法大、發心大、勝解大、增上意樂大、資糧大、時大和圓證大，依此廣大的心胸來修行，才配稱作大乘菩薩行者。此中的「時大」，是指整個菩薩道要經歷下品成熟、中品成熟和上品成熟的三個長階段，才能成佛，〈菩薩地〉說：

若諸菩薩住勝解行地，名下品成熟；住淨勝意樂地，名中品成熟；住墮決定到究竟地，名上品成熟。若時菩薩住下品成熟，爾時便有下列欲樂下品加行，猶往惡趣，此盡第一無數劫邊際，熾然、無動、極善清淨覺品善法，當知一切皆未相應。若時菩薩住中品成熟，爾時便有中品欲樂中品加行，不往惡趣，此盡第二無數劫邊際，熾然、無動覺品善法，已得相應，極善清淨覺品善法，未得相應。若時菩薩住上品成熟，爾時便有上品欲樂上品加行，不往惡趣，此盡第三無數劫邊際，熾然、無動、極善清淨覺品善法，當知一切皆悉成就。

由此可知，菩薩住勝解行地（第二住），為下品成熟時期，與覺品善法尚未相應，此共經歷第一無數劫。菩薩住淨勝意樂地開始（第三至第九住），為中品成熟時期，與熾然、無動之覺品善法，已得相應，此共經歷第二無數劫。菩薩住墮決定地到究竟地（第十至第十二住），為上品成熟時期，成就熾然、無動、極善清淨之覺品善法，此共經歷第三無數劫。

六、結語

《瑜伽師地論》是印度佛教中期和後期（約西元 300 年至 1100 年）最重要的佛學論典，其中的〈菩薩地〉更是大乘行者實踐六度四攝的指導依據，本文一方面示出菩薩道的難能可貴，一方面強調有意踏上菩薩道的行者，要先放大心胸，放寬視野，以擁有「菩薩種性」作為起點，而後耐心地耕耘，經歷三無數大劫的灌溉，不斷累積福德資糧和智慧資糧，不斷培養十力，最後終必圓證無上正等菩提。總而言之，由於任重而道遠，菩薩道的行者，要認清自己的目標，要知道自己處在菩薩道的何處，要時時激勵自己不到佛位終不歇息。

國家圖書館出版品預行編目資料

瑜伽師地論・本地分《菩薩地並科判》
/玄奘法師譯；韓清淨科判；林崇安編輯
--[桃園縣]中壢市：內觀教育基金會，民 92
面：29x21 公分--（佛法教學系列：C6）

ISBN：957-28672-2-9（平裝）

1. 論藏

222.1

92006040

瑜伽師地論・本地分《菩薩地並科判》

編輯：林崇安教授

出版：[桃園縣]中壢市內觀教育基金會

助印郵撥：19155446 財團法人內觀教育基金會

通訊：320 中壢郵政 9-110 信箱。或：

桃園縣大溪鎮頭寮福安里十鄰 12 之 3（大溪內觀教育禪林）

電話和手機：(03)485-2962；0937-126-660

傳真：(03)425-8073

網址：<http://www.insights.org.tw>

初版：【內觀教育版】2003

再版日期：2008 年 3 月